



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES



3 3433 08231298 8

RDP

Sele

Thomas Windsor



THOMAS WINDSOR

S E L E C T A

John
M. T. CICERONE, M. VELLEIO
TIT. LIVIO, PATERCULO,
CORN. TACITO, C. PLINIO.


IN USUM
REGIÆ SCHOLÆ ETONENSIS.
EDITIO ALTERA, RECOGNITA.



E T O N Æ:

Ex Officina et Cura JOS. POTE, Bibliopole et Typo-
graphi. MDCCCLXVI.

M. S. T.



NEW YORK
CLUB
LIBRARY

CICERO de Proœmiis suis, in Epist.
ad ATTICUM. Lib. XVI. 6.

DE Gloriâ librum ad te misi, et in eo proœ-
mium id est, quod in Academico tertio. Id
evenit ob eam rem, quòd habeo volumen proœmio-
rum : ex eo eligere soleo, cùm aliquod σύγγραμμα
institui. Itaque jam in Tusculano, qui non memi-
nisssem me abusum isto proœmio, conjeci id in eum
librum quem tibi misi. Cùm autem in navi lege-
rem Academicos, agnovi erratum meum. Itaque
statim novum proœmium exaravi, et tibi misi.



PROOEM. Lib. I. De INVENTIONE.

De Origine, Ufu, et Abusu Eloquentiæ.

SÆPÊ et multùm hoc mecum cogitavi, bonine, an mali plus attulerit hominibus, et civitatibus copia dicendi, ac summum eloquentiæ studium. Nam cùm et nostræ reipublicæ detrimenta confidero, et maximarum civitatum veteres animo calamitates colligo, non minimam video per disertissimos homines invec̃tam esse partem incommodorum. Cùm autem res ab nostra memoria, propter vestutatem, remotas ex literarum monumentis repetere instituo : multas urbes constitutas, plurima bella restincta, firmissimas societates, sanctissimas amicitias intelligo tum animi ratione, tum faciliùs eloquentiâ comparatas. Ac me quidem diu cogitantem, ratio ipsa in hanc potissimùm sententiam ducit, ut existimem, sapientiam sine eloquentia parum prodesse civitatibus, eloquentiam verò sine sapientia nimium obesse plerumque, prodesse nunquam. Quare si quis, omissis rectissimis atque honestissimis studiis rationis et officii, consumit omnem operam in exercitatione dicendi, is inutilis sibi, perniciosus patriæ civis alitur : qui verò ita sese armat eloquentiâ, ut non oppugnare commoda patriæ, sed pro his pugnare possit, is mihi vir et suis, et publicis rationibus utilissimus, atque amicissimus civis fore videtur.

Ac si volumus hujus rei, quæ vocatur eloquentia, five artis, five studii, five exercitationis cujusdam, five facultatis à natura profectæ considerare principium; reperiemus id ex honestissimis causis natum, atque ab optimis rationibus profectum. Nam fuit quoddam tempus cum in agris homines passim bestiarum more vagabantur, et sibi victu ferino vitam propagabant; nec ratione animi quidquam, sed pleraque viribus corporis administrabant. Nondum diviniæ religionis, non humani officii ratio colebatur: nemo legitimas viderat nuptias: non certos quisquam inspexerat liberos: non jus æquabile quid utilitatis haberet, acceperat. Ita propter errorem, atque incitiam, cæca ac temeraria dominatrix animi cupiditas, ad se explendam viribus corporis abutebatur, perniciosissimis satellitibus. Quo tempore quidam, magnus videlicet vir et sapiens, cognovit, quæ materia esset; et quanta ad maximas res opportunitas animis inesset hominum, si quis eam posset elicere, & præcipiendo meliorem reddere: qui dispersos homines in agris, et in tectis sylvestribus abditos, ratione quadam compulit in unum locum, et congregavit, et eos in unamquamque rem inducens utilem atque honestam, primò propter insolentiam reclamantes, deinde propter rationem, atque orationem studiosius audientes, ex feris et immanibus, mites reddidit, et mansuetos. Ac mihi quidem videtur hoc nec tacita, nec inops dicendi sapientia perficere potuisse, ut homines à consuetudine subito converteret, et ad diversas vitæ rationes traderet. Age verò, urbibus constitutis, ut fidem colere, et justitiam retinere discerent, et aliis parère sua voluntate consuecissent, ac non modò labores excipiendos, communis commodi causâ, sed etiam vitam amittendam existimarent: qui

qui tandem fieri potuit, nisi homines ea, quæ ratione invenissent, eloquentiâ persuadere potuissent? Profectò nemo, nisi gravi, ac suavi commotus oratione, cum viribus plurimum posset, ad jus voluisset finè vi descendere: ut, inter quos posset excellere, cum iis se pateretur æquari, et sua voluntate à jucundissima consuetudine recederet, quæ præsertim jam naturæ vim obtineret propter vetustatem. Ac primò quidem sic et nata, et progressa longiùs eloquentia videtur: et item postea maximis in rebus pacis, et belli cum summis hominum utilitatibus esse versata.

Postquàm verò commoditas quædam, prava virtutis imitatrix, sine ratione officii, dicendi copiam consecuta est; tum ingenio freta malitia, pervertere urbes, et vitas hominum labefactare affuevit. Atque hujus quoque exordium mali, quoniam principium boni diximus, explicemus. Verissimum mihi videtur, quodam tempore neque in publicis rebus infantes et insipientes homines solitos esse versari, nec verò ad privatas causas magnos ac disertos homines accedere: sed cum à summis viris maximæ res administrarentur, arbitror alios fuisse non incallidos homines, qui ad parvas controversias privatorum accederent. Quibus in controversiis cum sæpe à mendacio contra verum homines stare consuescerent, dicendi assiduitas aluit audaciam, ut necessario superiores illi propter injurias civium resistere audacibus, et opitulari suis quisque necessariis cogerentur. Itaque cum in dicendo sæpe par, nonnunquam etiam superior visus esset is, qui omisso studio sapientiæ, nihil sibi præter eloquentiam comparasset, fiebat, ut et multitudinis, et suo judicio dignus,

dignus, qui rempublicam gereret, videretur. Hinc nimirum non injuria, cum ad gubernacula reipublicæ temerarii, atque audaces homines accesserant, maxima ac miserrima naufragia fiebant. Quibus rebus tantum odii, atque invidiæ suscepit eloquentia, ut homines ingeniosissimi, quasi ex aliqua turbida tempestate in portum, sic ex seditiosa, et tumultuosa vita se in studium aliquod traderent quietum. Quare mihi videntur postea cætera studia recta, atque honesta, per otium concelebata ab optimis, enituisse : hoc verò à plerisque eorum desertum obsolevisse eo tempore, quo multò vehementius erat retinendum, et studiosius adaugendum.

Nam quò indignius rem honestissimam, et rectissimam violabat stultorum et improborum temeritas, et audacia, summo cum reipublicæ detrimento : quò studiosius, et illis resistendum fuit, et reipublicæ consulendum. Quod nostrum illum non fugit Catonem, neque Lælium, neque horum (ut verè dicam) discipulum Africanum, neque Gracchos Africani nepotes : quibus in hominibus erat summa virtus, et summâ virtute amplificata auctoritas, et, quæ his rebus ornamento, et reipublicæ presidio esset, eloquentia. Quare, meo quidem animo, nihilo minus eloquentiæ studendum est, etsi eâ quidam et privatim, et publicè perversè abutuntur : sed eò quidem vehementius ; ne mali magno cum detrimento bonorum, et communi omnium perniciæ plurimum possint : cum præsertim hoc unum sit, quod ad omnes res et privatas, et publicas maximè pertineat : hoc tuta, hoc honesta, hoc illustris, hoc eodem vita jucunda fiat. Nam hinc ad rempublicam plurima commoda veniunt, si moderatrix omnium rerum præstò est sapientia. Hinc ad ipsos, qui eam adepti sunt, laus, honor, dignitas consistit :

hinc

hinc amicis quoque eorum certissimum, ac tutissimum præsidium comparatur. Ac mihi quidem videntur homines, cum multis rebus humiliores et infirmiores sint, hac re maxime bestiis præstare, quòd loqui possunt. Quare præclarum mihi quiddam videtur adeptus is, qui, qua re homines bestiis præsent, ea in re hominibus ipsis antecellat.



Procem. Lib. II. De I N V E N T I O N E .

C I C E R O *de Scriptis suis Rhetoricis*

CR O T O N I A T Æ quondam, cum florent omnibus copiis, et in Italia cum in primis beati numerarentur, templum Junonis, quod religiosissime colebant, egregiis picturis locupletare voluerunt. Itaque Heracleotem Zeuxim, qui tum longè cæteris excellere pictoribus existimabatur, magno pretio conductum adhibuerunt. Is et cæteras tabulas complures pinxit, quarum nonnulla pars usque ad nostram memoriam, propter fani religionem, remansit; et, ut excellentem muliebris formæ pulchritudinem mutata in sese imago contineret, Helenæ se pingere simulacrum velle dixit. Quod Crotoniatæ, qui eum muliebri in corpore pingendo plurimum aliis præstare sæpe acceperant, libenter audierunt. Putaverunt enim eum, si, quo in genere plurimum posset, in eo magnoperè elaborasset, egregium sibi opus illo in fano relicturum. Neque tum eos illa opinio fefellit. Nam Zeuxis illicò quæsit ab eis, quasnam virgines formosas haberent. Illi autem statim hominem duxerunt

erunt in palæstram, atque ei pueros ostenderunt multos, magna præditos dignitate. (Etenim quodam tempore Crotoniatæ multum omnibus corporum viribus et dignitatibus antefecerunt, atque honestissimas ex gymnico certamine victorias domum cum maxima laude retulerunt.) Cum puerorum igitur formas, et corpora magno hic opere miraretur : Horum, inquit illi, sorores sunt apud nos virgines. Quare, qua sint illæ dignitate, potes ex his suspicari. Præbete igitur mihi quæso, inquit, ex istis virginibus formosissimas, dum pingo id, quod pollicitus sum vobis, ut mutum in simulacrum ex animali exemplo veritas transferatur. Tunc Crotoniatæ publico de consilio virgines unum in locum conduxerunt, et pictori, quas vellet, eligendi potestatem dederunt. Ille autem quinque deiecit, quarum nomina multi poëtæ memoriæ tradiderunt, quod ejus essent judicio probatæ, qui verissimum pulchritudinis habere judicium debuisset. Neque enim putavit, omnia, quæ quæreretur ad venustatem, uno in corpore se reperire posse ; ideo quod nihil simplici in genere omnibus ex partibus perfectum natura expolivit. Itaque, tanquam cæteris non sit habitura, quod largiatur, si uni cuncta concefferit, aliud alii commodi aliquo adjuncto incommodo muneratur.

Quod quoniam nobis quoque voluntatis accidit, ut artem dicendi perscriberemus, non unum aliquod proposuimus exemplum, cujus omnes partes, quocunque essent in genere, exprimendæ nobis necessariò viderentur : sed, omnibus unum in locum coactis scriptoribus, quod quisque commodissimè præcipere videbatur, excerpimus, et ex variis

vis ingeniis excellentissima quæque libavimus. Ex iis enim, qui nomine et memoriâ digni sunt, nec nihil optimè, nec omnia præclarissimè quisquam dicere nobis videbatur. Quapropter stultitia nobis visa est, aut à bene inventis alicujus recedere, si quo in vitio ejus offenderemur; aut ad vitia quoque ejus accedere, cujus aliquo bene præcepto duceremur. Quòd si in cæteris à multis eligere homines commodissimum quodque, quàm sese uni alicui certo vellent addicere, minus in arrogantia offenderent; non tantopere in vitiis perseverarent; aliquando ex inscientiâ levius laborarent. Ac si par in nobis hujus artis, atque in illo picturæ, scientia fuisset, fortasse magis hoc suo in genere opus nostrum, quàm illius pictura nobilis eniteret. Ex majore enim copia nobis, quàm illi, fuit exemplorum eligendi potestas. Ille una ex urbe, et ex eo numero virginum, quæ tum erant, eligere potuit: nobis omnium, quicunque fuerunt, ab ultimo principio hujus præceptionis, usque ad hoc tempus, expositis copiis, quodcunque placeret, eligendi potestas fuit. Ac veteres quidem scriptores artis usque à principe illo atque inventore Tisia repetitos, unum in locum conduxit Aristoteles, et nominatim cujusque præcepta magnâ conquistata curâ perspicuè scripsit, atque enodata diligenter exposuit: ac tantum inventoribus ipsis suavitate, et brevitate dicendi præstitit, ut nemo illorum præcepta ex ipsorum libris cognoscat, sed omnes, qui, quod illi præcipiant, velint intelligere, ad hunc, quasi ad quendam multò commodiorem explicatorem, revertantur. Atque hic quidem ipse, et sese ipsum nobis, et eos, qui ante se fuerant, in medio posuit, ut cæteros, et seipsum per se cognosceremus. Ab hoc autem qui profecti sunt,

C

quan-

quanquam in maximis philosophiæ partibus operæ plurimum consumpserunt, sicut et ipse, cujus instituta sequebantur, fecerat; tamen permulta nobis præcepta dicendi reliquerunt. Atque alii quoque alio ex fonte præceptores dicendi emanaverunt, qui item permultum ad dicendum, si quid ars proficit, opitulati sunt. Nam fuit tempore eodem, quo Aristoteles, magnus et nobilis rhetor Isocrates: cujus ipsius quam constet esse artem, non invenimus. Nos nobis omnes, quoad facultas tulit, proposuimus, et ex nostro quoque nonnihil in commune contulimus. Quod si ea, quæ in his libris exponuntur, tantoperè eligenda fuerunt, quanto studio electa sunt, profectò neque nos, neque alioa industriæ nostræ pœnitebit. Sin autem temerè aliquid alicujus præteriisse, aut non satis eleganter secuti videbimur; docti ab aliquo, faciliè et libenter sententiam commutabimus. Non enim parum cognosse, sed in parum cognito stultè, et diu perseverasse, turpe est: propterea quòd alterum communi hominum infirmitati, alterum singulari uniuscujusque vitio est attributum.



Proœm. Lib. I. De ORATORE.

De Studio Eloquentiæ.

COGITANTI mihi sæpe numerò, et memoriâ vetera repetenti, perbeati fuisse, Quinte frater, illi vidgri solent, qui in optima republica, cum et honoribus,

et

et rerum gloria florerent, eum vitæ cursum tenere potuerunt, ut vel in negotio sine periculo, vel in otio cum dignitate esse possent. Ac fuit tempus illud, cum mihi quoque initium requiescendi, atque animum ad utriusque nostrum præclara studia referendi fore, justum, et propè ab omnibus concessum esse arbitrarer, si infinitus forensium rerum labor, et ambitionis occupatio, decursa honorum, etiam ætatis flexu constitisset. Quam spem cogitationum, et consiliorum meorum, cum graves communium temporum, tum varii nostri casus sefellerunt. Nam qui locus quietis, et tranquillitatis plenissimus fore videbatur, in eo maximæ molestiarum et turbulentissimæ tempestates exstiterunt. Neque verò nobis cupientibus, atque exoptantibus fructus otii datus est ad eas artes, quibus à pueris dediti fuimus, celebrandas, interque nos recolendas. Nam primâ ætate incidimus in ipsam perturbationem disciplinæ veteris: et consulatu devenimus in medium rerum omnium certamen, atque discrimen: et hoc tempus omne post consulatum objecimus his fluctibus, qui per nos à communi peste depulsi, in nosmetipsos redundarunt. Sed tamen in his vel asperitatibus rerum, vel angustiis temporis, obsequar studiis nostris: et, quantum mihi vel fraus inimicorum, vel causæ amicorum, vel res publica tribuet otii, ad scribendum potissimum conferam: Tibi verò, frater, neque hortanti deero, neque roganti. Nam neque auctoritate quisquam apud me plus valere te potest, neque voluntate.

Ac mihi quidem innumerò in summos homines, ac summis ingeniis præditos intuenti, quærendum esse visum est, quid esset, cur plures in omnibus artibus, quàm in di-

cendo admirabiles existissent. Nam, quocumque te animo, et cogitatione converteris, permultos excellentes in quoque genere videbis, non mediocrium artium, sed propè maximarum. Quis enim est, qui, si clarorum hominum scientiam, rerum gestarum vel utilitate, vel magnitudine metiri velit, non anteponat oratori imperatorem? Quis autem dubitet, quin belli duces ex hac una civitate vel præstantissimos penè innumerabiles, in dicendo autem excellentes vix paucos proferre possimus? Jam verò, consilio, ac sapientiâ qui regere ac gubernare rempublicam possent, multi nostrâ, plures patrum memoriâ, atque etiam majorum exstiterunt; cum boni per diu nulli, vix autem singulis ætatibus singuli tolerabiles oratores invenirentur. Ac, nequis fortè cum aliis studiis, quæ reconditis in artibus, atque in quadam varietate literarum versentur, magis hanc dicendi rationem, quàm cum imperatoris laude, aut cum boni senatoris prudentia comparandam putet: convertat animum, et ipsa artium genera circumspiciat, quique in iis floruerint, quàmque multi: sic facillimè, quanta oratorum sit, semperque fuerit paucitas, judicabit.

Neque enim te fugit, laudatarum artium omnium procreatricem quandam, et quasi parentem eam, quam φιλοσοφίαν Græci vocant, ab hominibus doctissimis judicari; in qua difficile est enumerare, quot viri, quantâ scientiâ, quantâque in suis studiis varietate, et copiâ, fuerint: qui non una aliqua in re separatim elaborarint, sed omnia, quæcumque essent, vel scientiæ per investigationem, vel differendi ratione comprehenderint. Quis ignorat, ii, qui mathematici vocantur, quanta in obscuritate rerum, et quàm recondita

condita in arte et multiplici, subtilique versentur? quo tamen in genere ita multi perfecti homines exstiterunt, ut nemo ferè studuisse ei scientiæ vehementius videatur, quin, quod voluerit, consecutus sit. Quis musicis, quis huic studio literarum, quod profitentur ii, qui grammatici vocantur, penitus se dedit, quin omnem illarum artium pænè infinitam vim, et materiam, scientiâ, et cogitatione comprehenderit? Verè mihi hoc videor esse dicturus, ex omnibus iis, qui in harum artium studiis liberalissimis sint, doctrinisque versati, minimam copiam poëtarum egregiorum exstisse: atque in hoc ipso numero, in quo perrarò exoritur aliquis excellens, si diligenter et ex nostrorum, et Græcorum copia comparare voles, multò tamen pauciores oratores, quàm poëtæ boni reperientur. Quod hoc etiam mirabilis debet videri, quia cæterarum artium studia ferè reconditis, atque abditis, è fontibus hauriuntur: dicendi autem omnis ratio in medio posita, communi quodam in usu, atque in hominum more et sermone versatur: ut in cæteris id maximè excellat, quod longissimè sit ab imperitorum intelligentia, sensûque disjunctum: in dicendo autem vitium vel maximum sit à vulgari genere orationis, atque à consuetudine communis sensûs abhorre.

Ac ne illud quidem verè dici potest, aut plures cæteris artibus inservire, aut majore delectatione, aut spe uberiore, aut præmiis ad perdiscendum amplioribus commoveri. Atque, ut omittam Græciam, quæ semper eloquentiæ princeps esse voluit, atque illas omnium doctrinarum inventrices Athenas, in quibus summa dicendi vis et inventa est, et perfecta; in hac ipsa civitate profectò nulla unquam vehementius,

mentius, quàm eloquentiæ studia viguerunt. Nam postea-
quàm, imperio omnium gentium constituto, diuturnitas
pacis otium confirmavit, nemo ferè laudis cupidus adolescens
non sibi ad dæcendum studio omni enitendum putavit.
Ac primò quidem totius rationis ignari, qui neque exerci-
tationis ullam viam, neque aliquod præceptum artis esse ar-
bitrarentur, tantùm, quantùm ingenio et cogitatione pote-
rant, consequebantur. Post autem auditis oratoribus Græcis,
cognitisque eorum litteris, adhibitisque doctoribus, incre-
dibili quodam nostri homines dicendi studio flagraverunt.
Excitabat eos magnitudo et varietas, multitudóque in omni
genere causarum, ut ad eam doctrinam, quam suo quisque
studio affectus esset, adjungeretur usus frequens, qui om-
nium magistrorum præcepta superaret. Erant autem huic
studio maxima, quæ nunc quoque sunt, proposita præmia,
vel ad gratiam, vel ad opes, vel ad dignitatem. Ingenia
verò, (ut multis rebus possumus judicare) nostrorum homi-
num multùm cæteris hominibus omnium gentium præsti-
terunt.

Quibus de causis, quis non jure miretur, ex omni me-
moria ætatum, temporum, civitatum, tam exiguum orato-
rum numerum inveniri? Sed nimirum majus est hoc
quiddam, quàm homines opinantur, et pluribus ex artibus,
studiisque collectum. Quis enim aliud in maxima discen-
tium multitudine, summà magistrorum copiâ, præstantissimis
hominum ingeniis, infinita causarum varietate, amplissimis
eloquentiæ propositis præmiis, esse causæ putet, nisi rei
quandam incredibilem magnitudinem, ac difficultatem?
Est enim et scientia comprehendenda rerum plurimarum,
fine

fine qua verborum volubilitas inanis, atque irridenda est :
 et ipsa oratio conformanda non solum electione, sed etiam
 constructione verborum : et omnes animorum motus, quos
 hominum generi rerum natura tribuit, penitus pernoscendi,
 quod omnis vis, ratioque dicendi, in eorum, qui audiunt,
 mentibus, aut sedandis, aut excitandis expromenda est.
 Accedat eodem oportet lepos quidam, facetiæque et eruditio
 libero digna, celeritasque, et brevitās et respondendi, et
 læcessendi, subtili venustate, atque urbanitate conjuncta.
 Tenenda præterea est omnis antiquitas, exemplorumque
 vis : neque legum, aut juris civilis scientia negligenda est.
 Nam quid ego de actione ipsa plura dicam ? quæ motu cor-
 poris, quæ gestu, quæ vultu, quæ vocis conformatione, ac
 varietate moderanda est : quæ sola per se ipsa quanta sit,
 histrionum levis ars, et scena declarat : in qua cum omnes
 in oris, et vocis, et motus moderatione elaborant, quis ig-
 norat, quàm pauci sint, fuerintque, quos animo æquo spec-
 tare possimus ? Quid dicam de thesauro rerum omnium
 memoriâ, quæ nisi custos inventis, cogitatisque rebus, et
 verbis adhibeatur, intelligimus, omnia, etiam si præclaris-
 sima fuerint, in oratore peritura. Quamobrem mirari desi-
 namus, quæ causa sit eloquentium paucitatis, cum ex iis
 rebus universis eloquentia constet, quibus in singulis elabo-
 rare permagnum est ; hortemurque potius liberos nostros,
 ceterosque, quorum gloria nobis, et dignitas cara est, ut
 animo rei magnitudinem complectantur, neque iis aut præ-
 ceptis, aut magistris, aut exercitationibus, quibus utuntur
 omnes, sed aliis quibusdam se id, quod expetunt, conse-
 qui posse confidant. Ac meâ quidem sententiâ nemo po-
 terit

terit esse omni laude cumulatus orator, nisi erit omnium rerum magnarum, atque artium scientiam consecutus. Etenim ex rerum cognitione efflorescat, et redundet oportet oratio : quæ, nisi subest res ab oratore percepta, et cognita, inanem quandam habet elocutionem. et pænè puerilem. X

Nunc repetam ea, quæ quondam accepi in nostrorum hominum eloquentissimorum, et omni dignitate principum disputatione esse versata. Cùm vehementiùs inveheretur in causam principum consul Philippus, Drusique tribunatus, pro senatûs auctoritate susceptus, infringi jam, debilitarique videretur; dici memini, ludorum Romanorum diebus L. Crassum, quasi colligendi sui causâ, se in Tusculanum contulisse. Venisse eodem, focer ejus qui fuerat, Quintus Mucius dicebatur, et M. Antonius, homo et consiliorum in republica socius, et summa cum Crasso familiaritate conjunctus. Exierant autem cum ipso Crasso adolescentes duo et Drusi maximè familiares, et in quibus magnam tum spem majores natu dignitatis suæ collocarant, C. Cotta, qui tum tribunatum plebis petebat, et P. Sulpicius, qui deinceps eum magistratum petiturus putabatur. Hi primo die de temporibus illis, deque universa republica, quam ob causam venerant, multùm inter se usque ad extremum tempus diei collocuti sunt. Quo quidem in sermone multa divinitus à tribus illis consularibus Cotta deplorata, et commemorata narrabat, ut nihil incidisset postea civitati mali, quod non impendere illi tantò antè vidissent. Eo autem omni sermone confecto, tantam in Crasso humanitatem fuisse, ut, cùm lauti accubuissent, tolleretur omnis illa superioris tristitia sermonis; eaque esset in homine jucunditas, et tantus in jocando lepos, ut dies inter eos curiæ fuisse videretur.

dēretur, convivium Tusculani. Postero autem die, cū illi majores natu satis quiescent, in ambulationem ventum esse dicebat; tum Scævola duobus spatiis, tribusve factis, dixisse, Cur non imitamur, Crasse, Socratem illum, qui est in Phædro Platonis? Nam me hæc tua platanus admonuit; quæ non minus ad opacandum hunc locum patulis est diffusa ramis, quàm illa, cujus umbram secutus est Socrates; quæ mihi videtur non tam ipsâ aquulâ, quæ describitur, quàm Platonis oratione crevisse: sed, quod ille durissimis pedibus fecit, ut se abjiceret in herbam, atque ita illa, quæ philosophi divinitus ferunt esse dicta, loqueretur, id meis pedibus certè concedi est æquius. Tum Crassum, Immo verò commodius etiam; pluviosque poposcisse, et omnes in iis sedibus, quæ erant sub platano, consedissee dicebat.

Ibi, ut ex pristino sermone relaxarentur animi omnium, sequebat Cotta narrare, Crassum sermonem quendam de studio dicendi intulisse. Qui cū ita esset exorsus; non sibi cohortandum Sulpicium et Cottam, sed magis utrumque colaudandum videri, quod tantam jam essent facultatem adepti, ut non æqualibus suis solum anteponerentur, sed cum majoribus natu compararentur. Neque verò mihi quidquam, inquit, præstabilius videtur, quàm posse dicendo tenere hominum cœtus, mentes allicere, voluntates impellere quod velis: unde autem velis, deducere. Hæc una res in omni libero populo, maximèque in pacatis tranquillisque civitatibus, præcipue semper floruit, semperque dominata est. Quid enim est aut tam admirabile, quàm ex infinita multitudine hominum existere unum, qui id, quod omnibus naturâ sit datum, vel solus, vel cum

D

paucis

paucis facere possit ? aut tam jucundum cognitu, atque auditu, quàm sapientibus sententiis gravibusque verbis ornata oratio, et perpolita ? aut tam potens, tamque magnificum, quàm populi motus, judicum religiones, senatus gravitatem, unius oratione converti ? Quid porro tam regium, tam liberale afflicto, dare salutem, liberare periculis, retinere homines in civitate ? Quid autem tam necessarium, quàm tenere semper arma, quibus vel tectus ipse esse possis, vel provocare improbos, vel te ulcisci laceffitus ? Age verò, ne semper forum, subsellii, rostra, curiamque meditèris, quid esse potest in otio aut jucundius, aut magis proprium humanitatis, quàm sermo facetus, ac nulla iu re rudis ? Hoc enim uno præstamus vel maximè feris, quòd colloquimur inter nos, et quòd exprimere dicendo sensa possumus. Quamobrem quis hoc non jure miretur, summèque in eo elaborandum esse arbitretur, ut, quo uno homines maximè bestiis præsent, in hoc hominibus ipsis antecellat ? Ut verò jam ad illa summa veniamus, quæ vis alia potuit aut dispersos homines unum in locum congregare, aut à fera agrestique vita ad hunc humanum cultum, civilèque deducere, aut jam constitutis civitatibus, leges, judicia, jura describere ? Ac, ne plura, quæ sunt penè innumerabilia confecer, comprehendam brevi ; Sic enim statuo, perfecti oratoris moderatione, et sapientiâ non solùm ipsius dignitatem, sed et privatorum plurimorum, et universæ reipublicæ salutem maximè contineri. Quamobrem pergite, ut facitis, adolescentes : atque in id studium, in quo estis, incumbite, ut et vobis honori, et amicis utilitati, et reipublicæ emolumento esse possitis.

Procem.

Procem. Lib. III. De ORATORE.

In L. CRASSI Mortem.

INSTITUENTI mihi, Quincte frater, cum sermonem referre, et mandare huic tertio libro, quem post Antonii disputationem Crassus habuisset, acerba sanè recordatio veterem animi curam, molestiamque renovavit. Nam illud immortalitate dignum ingenium, illa humanitas, illa virtus L. Crassi, morte extincta subitâ est, vix diebus decem post eum diem, qui hoc, et superiore libro continetur. Ut enim Romam rediit extremo scenicorum ludorum die, vehementer commotus ea oratione, quæ ferebatur habita esse in concione à Philippo, quem dixisse constabat, *videndum sibi aliud esse consilium; illo senatu se rempublicam gerere non posse*: manè idibus Septembris et ille, et senatus frequens vocatu Drusi in curiam venit. Ibi cum Drusus multa de Philippo questus esset, retulit ad senatum de illo ipso, quòd consul in eum ordinem tam graviter in concione esset inuestus. Hic, ut sæpe inter homines sapientissimos constare vidi, quanquam hoc Crasso, cum aliquid accuratius dixisset, semper ferè contigisset, ut nunquam dixisse melius putaretur, tamen omnium consensu sic esse tum iudicatum, cæteros à Crasso semper omnes, illo autem die etiam ipsum à sese superatum. Deploravit enim casum, atque orbitatem senatûs: cujus ordinis à consule, qui quasi

deridit

D 2

neque

neque verò esse mirandum, si cùm suis consiliis rempublicam profigasset, consilium sepatùs à republicà repudiaret. Hic cùm homini et vehementi, et disertò, et in primis forti ad resistendum, Philippo, quasi quasdam verborum faces admovisset, non tulit ille, et graviter exarsit, pignoribusque ablatis Crassum instituit coërcere. Quo quidem ipso in loco multa à Crasso divinitùs dicta efferebantur, cùm sibi illum consulem esse negaret, cui senator ipse non esset. *An tu, quum omnem auctoritatem universi ordinis pro pignore putaris, eamque in conspectu populi Romani concideris, me his pignoribus existimas posse terreri? non tibi illa sunt cædenda, si Crassum vis coërcere. Hæc tibi est excidenda lingua: qua vel evulsa, spiritu ipso libidinem tuam libertas mea refutabit.*

Permulta tum vehementissima contentione animi, ingenii, virium ab eo dicta esse constabat: sententiámque eam, quam senatus frequens secutus est, ornatissimis et gravissimis verbis, “ Ut populo Romano satisfaceret, numquam senatus neque consilium reipublicæ, neque fidem defuisse,” ab eo dictam: et eundem (id quod in auctoritatibus præscriptis exstat) scribendo adfuisse. Illa tanquam cycnea fuit divini hominis vox, et oratio, quam quasi exspectantes, post ejus interitum veniebamur in curiam, ut vestigium illud ipsum, in quo ille postremum institisset, contueremur. Namque tum latus ei dicenti condoluisset, sudorémque multum confectum esse audiebamur: ex quo cùm cohorruiisset, cùm febris domum rediit, diéque septimo est lateris dolore consumtus.

O fal-

O fallacem hominum spem, fragilémque fortunam, et inanes nostras contentiones : quæ in medio spatio sæpe franguntur, et corruunt, et antè in ipso cursu obruuntur, quàm portum conspicerere potuerunt ! Nam, quamdiu Crassi fuit, ambitionis labore, vita districta, tamdiu privatis magis officiis, et ingenii laude floruit, quàm fructu amplitudinis, aut reipublicæ dignitate. Qui autem ei annus primus ab honorum perfunctione aditum, omnium concessu ad summam auctoritatem dabat, is ejus omnem spem, atque omnia vitæ consilia morte pervertit. Fuit hoc luctuosum suis, acerbum patriæ, grave bonis omnibus : sed ii tamen rempublicam casus secuti sunt, ut mihi non erepta L. Crasso à diis immortalibus vita, sed donata mors esse videatur. Non vidit flagrantem bello Italiam, non ardentem invidiâ senatum, non sceleris nefarii principes civitatis reos, non luctum filiarum, non exilium generi, non acerbissimam C. Marii fugam, non illam post reditum ejus cædem omnium crudelissimam, non denique in omni genere deformatam eam civitatem, in quâ ipse florentissimâ multum omnibus gloriâ præstisset.

Sed quoniam attigi cogitatione vim, varietatémque fortunæ, non vagabitur oratio mea longius, atque eis ipsis definiatur viris, qui hoc sermone, quem referre cœpimus, continentur. Quis enim non jure beatam L. Crassi mortem illam, quæ est à multis sæpe defleta, dixerit, cùm horum ipsorum sit, qui tum cum illo postremum ferè collocuti sunt, eventum recordatus ? Tenemus enim memoriâ, Q. Catulum, virum omni laude præstantem, cùm sibi non incolumem fortunam, sed exilium et fugam deprecaretur, esse

esse coactum, ut vitâ seipſe privaret. Jam Marci Antonii in his ipsis rostris, in quibus ille rempublicam constantissimè consul defenderat, quæque censor imperatoris manibus ornat, positum caput illud fuit, à quo erant multorum civium capita servata. Neque verò longè ab eo C. Julii caput, hospitis Etrusci scelere proditum, cum L. Julii fratris capite jacuit: ut ille, qui hæc non vidit, et vixisse cum republica pariter, et cum illa simul extinctus esse videatur. Neque enim propinquum suum, maximi animi virum, Publium Crassum, suaptè interfectum manu, neque collegæ sui, pontificis maximi, sanguine simulacrum Vestæ respersum esse vidit: cui mœrori (qua mente ille in patriam fuit) etiam C. Carbonis, inimicissimi hominis, eodem illo die mors nefaria fuisset. Non vidit eorum ipsorum, qui tum adolescentes Crasso se dicarant, horribiles, miserósque casus. Ex quibus C. Cotta, quem ille florentem reliquerat, paucis diebus post mortem Crassi depulsus per invidiam tribunatu, non multis ab eo tempore mensibus ejectus est è civitate. Sulpicius autem, qui in eadem invidiæ flamma fuisset, quibuscum privatus conjunctissimè vixerat, hos in tribunatu spoliare instituit omni dignitate: cui quidem ad summam gloriam eloquentiæ florenti ferro erepta vita est, et pœna temeritatis non sine magno reipublicæ malo constituta.

Ego verò te, Crasse, cum vitæ flore, tum mortis opportunitate, divino consilio et ortum, et extinctum esse arbitror. Nam tibi aut pro virtute animi, constantiæque tuæ civilis ferri fubeunda fuit crudelitas, aut siqua te fortuna ab atrocitate mortis vindicasset, eadem esse te funerum patriæ spectat.

ſpectatorem coëgiſſet : neque ſolùm tibi improborum dominatus, ſed etiam propter admittam civium cædem, bonorum victoria mœrori fuiſſet.

Mihi quidem, Quincte frater, et eorum caſus, de quibus antè dixi, et ea, quæ noſmetipſi ob amorem in rempublicam incredibilem, et ſingularem pertulimus, ac ſenſimus, cogitanti, ſententia ſæpe tua, vera, ac ſapiens videri ſolet, qui propter tot, tantos, tàmque præcipites caſus clariffimorum hominum, atque optimorum virorum, me ſemper ab omni contentione, ac dimicatione revocaſti. Sed quoniam hæc jam neque in integro nobis eſſe poſſunt, et ſummi labores noſtri, magnâ compenſati gloriâ, mitigantur, pergamus ad ea ſolatia, quæ non modo ſedatis moleſtiis jucunda, ſed etiam hærentibus, ſalutaria nobis eſſe poſſunt ; ſermonemque L. Craſſi reliquum, ac panè poſtremum memoriæ prodamus : atque ei, etſi nequaquam parem illius ingenio, at pro noſtro tamen ſtudio meritam gratiam, debi- tàmque referamus.



Procem. Lib. De CLARIS ORATORIBUS.

In HORTENSII Mortem.

CUM è Ciliciâ decedens, Rhodum veniſſem, & eò mihi de Q. Hortenſi morte eſſet allatum, opinione omnium majorem animo cepi dolorem. Nam et amico amiſſo, cùm conſuetudine jucunda, tum multorum officiorum conjunctione me privatum videbam, et interitu talis
auguris

auguris, dignitatem nostri collegii diminutam dolebant; qua in cogitatione, et cooptatum me ab eo in collegium recordabar, in quo juratus iudicium dignitatis meae fecerat, et inauguratum ab eodem; ex quo, augurum institutis, in parentis eum loco colere debebam. Augebat etiam molestem, quod magnâ sapientium civium, bonorumque penuriâ, vir egregius conjunctissimusque mecum consiliorum omnium societate, alienissimo reipublicae tempore extinctus, et auctoritatis, et prudentiae suae triste nobis desiderium reliquerat: dolebamque, quod non, ut plerique putabant, adversarium, aut obrectatorem laudum mearum, sed socium potius, et consortem gloriosi laboris amiseram. Et enim, si in leviorum artium studio memoriae proditum est, poetas nobiles poetarum aequalium morte doluisse: quo tandem animo ejus interitum ferre debui, cum quo certare erat gloriosius, quam omnino adversarium non habere? cum praesertim non modo nunquam sit aut illius à me cursus impeditus, aut ab illo meus, sed contra semper alter ab altero adjutus et communicando, et monendo, et favendo.

Sed, quoniam perpetuâ quadam felicitate usus ille, cessit è vita, suo magis, quam suorum civium tempore, & tum occidit, cum lugere facilius rempublicam posset, si viveret, quam juvare; vixitque tamdiu, quam licuit in civitate bene, beatèque vivere: nostro incommodo, detrimentoque, si est ita necesse, doleamus: illius verò mortis opportunitatem benevolentiae potius, quam misericordiae prosequamur, ut, quotiescunque de clarissimo et beatissimo viro cogitemus, illum potius, quam nosmetipsos, diligere videamur. Nam,

si

si id dolemus, quòd eo jam frui nobis non licet; nostrum est id malum: quod modicè feramus, ne id non ad amicitiam, sed ad domesticam utilitatem referre videamur. Sin, tanquam illi ipsi acerbitatis aliquid acciderit, angimur; summam ejus felicitatem non satis grato animo interpretamur. Etenim si viveret Q. Hortensius, cætera fortassè desideraret unà ceteris reliquis bonis, et fortibus civibus: hunc autem et præter cæteros, aut cum paucis sustineret dolorem, cum forum populi Romani, quod fuisset quasi theatrum illius ingenii, voce eruditâ, et Romanis Græcisque auribus dignâ, spoliatum, atque orbatum videret.

Equidem angor animo, non consilii, non ingenii, non auctoritatis armis agere rempublicam, quæ didiceram tractare, quibûsque me affuëfeceram, quæque erant propria cum præstantis in republica viri, tum bene moratæ, et bene constitutæ civitatis. Quòd si fuit in republica tempus ullum, cum extorquere arma posset è manibus iratorum civium, boni civis auctoritas et oratio; tum profectò fuit, cum patrociniûm pacis exclusum est aut errore hominum aut timore. Ita nobismetipsis accidit, ut, quanquam essent multò magis alia lugenda, tamen hoc doleremus, quòd, quo tempore ætas nostra, perfuncta rebus amplissimis, tanquam in portum confugare deberet, non inertiae, neque desidia, sed etiam moderati, atque honesti; cumque ipsa oratio jam nostra canesceret, haberetque suam quandam maturitatem, et quasi senectutem; tum arma sunt ea sumpta, quibus illi ipsi, qui didicerant eis uti gloriosè, quemadmodum salutariter uterentur, non reperiebant. Itaque ii mihi videntur fortunatè, beatèque vixisse, cum in cæteris civitatibus, tum maximè in nostrâ, quibus cum auctoritate, rerumque gestarum gloria,

riâ, tum etiam sapientiæ laude perfrui licuit. Quorum memoria, et recordatio in maximis nostris gravissimisque curis jucunda sanè fuit, cum in eam nuper ex sermone quodam incidissemus.

Nam cum inambularem in xysto, et essem otiosus domi, M. ad me Brutus, ut consueverat, cum T. Pomponio venerat, homines cum inter se conjuncti, tum mihi ita cari, itaque jucundi, ut eorum adspectu omnis, quæ me angebat de republica, cura confederit. Quos postquam salutavi, Quid vos, inquam, Brute, et Attice, nunc ; quid tandem novi ? Nihil sanè, inquit Brutus, quod quidem aut tu audire velis, aut ego pro certo dicere audeam. Tum Atticus, Eo, inquit, ad te animo venimus ; ut de republica esset silentium, et aliquid audiremus potius ex te, quam te afficeremus ullâ molestiâ. Vos verò, inquam, Attice, et præsentem me curâ levatis, et absenti magna solatia dedistis : nam vestris primum literis recreatus, me ad pristina studia revocavi.



EX LIB. DE CLARIS ORATORIBUS.

CALLIDIUS.

SED de M. Callidio dicamus aliquid, qui non fuit orator unus è multis ; potius inter multos propè singularis fuit : ita reconditas exquisitasque sententias mollis, et pellucens vestiebat oratio. Nihil tam tenerum, quam illius com-

comprehensio verborum : nihil tam flexibile : nihil, quod magis ipsius arbitrio fingeretur, ut nullius oratoris æquè in potestate fuerit : quæ primùm ita pura erat, ut nihil liquidius : ita liberè fluebat, ut nusquam adheresceret : nullum, nisi loco positum, et tanquam *in vermiculato emblemate*, ut ait Lucilius, structum verbum videres, nec verò ullum aut durum, aut insolens, aut humile, aut longius ductum : ac non propria verba rerum, sed pleræque tralata : sic tamen, ut ea non irruisse in alienum locum, sed immigrasse in suum diceres. Nec verò hæc soluta, nec diffluentia, sed adstricta numeris, non apertè, nec eodem modo semper, sed variè dissimulantèrque conclusis. Erant autem et verborum, et sententiarum illa lumina, quæ vocant Græci σχήματα, quibus tanquam insignibus in ornatu distinguebatur omnis oratio. Quia de re agitur autem illud, quod multis locis in jurisconsultorum includitur formulis, et ubi esset, videbat. Accedebat ordo rerum plenus artis, actio liberalis, totùmque dicendi placidum, et sanum genus.

Quod si est optimum suaviter dicere ; nihil est, quod melius hoc quærendum putes. Sed cùm à nobis antè dictum sit, tria videri esse, quæ orator efficere deberet, ut doceret, ut delectaret, ut moveret : duo summè tenuit, ut et rem illustraret differendo, et animos eorum, qui audirent, devinciret voluptate. Aberat tertia illa laus, qua permoveret, atque incitaret animos, quam plurimùm pollere diximus. Nec erat ulla vis, atque contentio : sive consilio, quod eos, quorum altior oratio, actioque esset ardentior, furere, et bacchari arbitraretur : sive quod naturâ non esset ita factus ; sive quod non consueffet ; sive quod non posset.

Hoc unum illi, si nihil utilitatis habebat, abfuit: si opus erat, defuit.

Quinetiam memini, cum in accusatione sua Q. Gallio crimini dedisset, sibi eum venenum paravisse, idque a se esse deprehensum, seseque chirographa, testificationa, indicia, quaestiones manifestam rem deferre diceret, deque eo crimine accuratè et exquisitè disputavisset: me in respondendo, cum essem argumentatus, quantum res ferebat, hoc ipsum etiam posuisse pro argumento, quod ille, cum pestem capitis sui, cum indicia mortis se comperisse manifestò, et manu tenere diceret, tam solutè egisset, tam leniter, tam oscitanter. *Tu istuc, M. Callidi, nisi fingeres, sic ageres? praesertim cum istà eloquentià, alienorum hominum pericula defendere acerrimè soleas; tuum negligeres? ubi dolor? ubi ardor animi, qui etiam ex infantium ingeniis alicere voces et querelas solat? nulla perturbatio animi, nulla corporis, frons non percussa, non femur: pedis (quod minimum est) nulla supplexis. Itaque tantum abfuit ut inflammares nostros animos; somnum isto loco vix tenebamus.* Sic nos summi oratoris vel fanitate, vel vitio pro argumento ad diluendum crimen usus sumus.

CICERO

CICERO de HORTENSIO, ac Scipio.

HORTENSIUS, cùm admodum adolescens orsus esset in foro dicere, celeriter ad majores causas adhiberi coëptus est. Primùm memoria tanta, quantam in nullo cognovisse me arbitror, ut, quæ secum commentatus esset, ea sine scripto verbis eisdem redderet, quibus cogitavisset. Hoc adjumento ille tanto sic utebatur, ut et sua commentata, et scripta, et, nullo referente, omnia adversariorum dicta meminisset. Ardebat autem cupiditate sic, ut in pullo unquam flagrantius studium viderim. Nullum enim patiebatur esse diem, quin aut in foro diceret, aut medita- retur extra forum; sæpissime autem eodem die utrumque faciebat. Attuleratque minimè vulgare genus dicendi: duas quidem res, quæ nemo alius: partitiones, quibus de rebus dicturus esset, et collectiones, memor et quæ essent dicta contrà, quæque ipse dixisset. Erat in verborum splendore elegans, compositione aptus, facultate copiosus: eaque erat cum summo ingenio, tum exercitationibus maximis consecutus. Rem complectebatur memoriter, dividebat acutè; nec prætermittebat ferè quidquam, quod esset in causa, aut ad confirmandum, aut ad refellendum: vox canora, et suavis. Motus et gestus etiam plus artis habebat, quàm erat oratori satis. Hoc igitur florescente, Crassus est mortuus, Cotta pulsus, judicia intermissa bello, nos in forum venimus.

Sed me cupidissimum audiendi primus dolor percussit, Cotta cùm est expulsus. Reliquos frequenter audiens acerrimo

rimo studio tenebar. Quotidièque et scribens, et legens et commentans, oratoriis tantum exercitationibus contentus non eram. Ego autem, juris civilis studio, multum operæ dabam. Qu. Scævola, P. F. qui quantum nemini se ad docendum dabat, tamen, consulentibus respondendo, studiosos audiendi docebat. Atque huic anno proximo cum princeps Academiæ Philo cum Atheniensium optimatibus Mithridatico bello domo profugisset, Romamque venisset, totum ei me tradidi, admirabili quodam ad philosophiam studio concitatus: in quo etiam commorabar attentius, quod, etsi rerum ipsarum varietas, et magnitudo summam me delectatione retinebat, tamen sublata jam esse in perpetuum ratio judiciorum videbatur. Occiderat Sulpicius illo anno, tresque proximo trium ætatum oratores erant crudelissime interfecti, Qu. Catulus, M. Antonius, C. Julius. Eodem anno etiam Moloni Rhodio Romæ dedimus operam, et actori summo causarum, et magistro. Hæc idcirco à me proferuntur, ut nostrum cursum perspicere, quoniam voluisti, Brute, possis, et videre quemadmodum sumus in spatio Qu. Hortensium ipsius vestigiis persecuti.

Triennium ferè fuit urbs sine armis; et ego hoc tempore omni noctes, et dies in omnium doctrinarum meditatione versabar. Eram cum Stoico Diodoto: qui cum habitavisset apud me mecumque vixisset, nuper est domi mortuus. A quo cum in aliis rebus, tum studiosissime in dialectica exercebar: quæ quasi contracta, et adstricta eloquentia putanda est: sine qua etiam tu, Brute, judicavisti, te illam justam eloquentiam, quam dialecticam dilatatam esse putant, consequi non posse. Huic ego doctori, et ejus artibus variis

riis atque multis, ita eram tamen deditus, ut ab exercitationibus oratorijis nullus dies vacuus esset. Commentabar declamitans, (sic enim nunc loquuntur) sæpe cum M. Pisone et cum Qu. Pompeio, aut cum aliquo quotidie : idque faciebam multum etiam Latinè, sed Græcè sæpius : vel quòd Græca oratio plura ornamenta suppeditans, consuetudinem similiter Latinè dicendi afferebat : vel quòd à Græcis summis doctoribus, nisi Græcè dicerem, neque corrigi possem, neque doceri.

Tumultus interim pro recuperandâ republicâ, et crudelis interitus oratorum trium, Scævolæ, Carbonis, Antistii : reditus Cottæ, Curionis, Crassi, Lentulorum, Pompeii : leges et judicia constituta, recuperata respublica : Tum primum nos ad causas et privatas, et publicas adire cœpimus, non ut in foro disceremus, quod plerique fecerunt, sed ut quantum nos efficere potuissemus, docti in forum veniremus. Eodem tempore Moloni dedimus operam. Dictatore enim Syllâ legatus ad senatum de Rhodiorum præmiis venerat. Itaque prima causa publica, pro Sex. Roscio dicta, tantum commendationis habuit, ut non ulla esset, quæ non nostro digna patrocinio videretur. Deinceps inde multæ, quas non minus diligenter elaboratas, et tanquam elucubratas afferebamus.

Nunc, quoniam totum me non nævo aliquo, aut crepundiis, sed corpore omni vidêris velle cognoscere, complectar nonnulla etiam, quæ fortasse videantur minus necessaria. Erat eo tempore in nobis summa gracilitas, et infirmitas corporis, procerum et tenue collum : qui habitus, et quæ figura non procul abesse putatur à vitæ periculo, si accedit labor,

labor, et laterum magna contentio. Eoque magis hoc eorū, quibus eram carus, commovebat, quod omnia sine remissione, sine varietate, vi summa vocis, et totius corporis contentione dicebam. Itaque cum me et amici, et medici hortarentur, ut causas agere desisterem; quodvis potius periculum mihi adeundum, quam à sperata dicendi gloria discedendum putavi. Sed, cum censerem, remissione, et moderatione vocis, et commutato genere dicendi, me et periculum vitare posse, et temperatius dicere: ut consuetudinem dicendi mutarem, ea causa mihi in Asiam proficiscendi fuit. Itaque cum essem biennium versatus in causis, et jam in foro celebratum meum nomen esset, Romā sum profectus.

Cum venissem Athenas, sex menses cum Antiocho, veteris Academiae nobilissimo, et prudentissimo philosopho, fui, studiumque philosophiae nunquam intermissum, à primaque adolescentia cultum, et semper auctum; hoc rursus summo auctore, et doctore renovavi. Eodem tamen tempore Athenis apud Demetrium Syrum, veterem, et non ignobilem dicendi magistrum, studiosè exerceri solebam. Post à me Asia toto peragrata est, cum summis quidem oratoribus, quibuscum exercebar ipsis lubentibus: quorum erat princeps Menippus Stratonicensis, meo iudicio, totā Asiā, illis temporibus, disertissimus: et, si nihil habere molestiarum, nec ineptiarum, Atticorum est, hic orator in illis numerari rectè potest. Assiduissimè autem mecum fuit Dionysius Magnes. Erat etiam Aeschylus Cnidius, Adramytenus Xenocles. Hi tum in Asia rhetorum principes numerabantur. Quibus non contentus, Rhodum veni, meque ad eundem

eundem, quem Romæ audiveram, Molonem applicavi, cum actorem in veris causis, scriptorémque præstantem, tum in notandis animadvertendisque vitiis, et instituendo docendoque prudentissimum. Is dedit operam (si modò id consequi potuit) ut nimis redundantes nos, et superfluentes juvenili quadam dicendi impunitate et licentiâ, reprimeret, et quasi extra ripas diffuentes coecerneret.

Ita recepi me biennio post, non modò exercitior, sed propè mutatus. Nam et contentio nimia vocis reciderat, et quasi refoverat oratio, lateribusque vires, et corporis mediocris habitus accefferat. Duo tum excelebant oratores, qui me imitandi cupiditate incitarent, Cotta, et Hortensius: quorum alter remissus, et lenis, et propriis verbis comprehendens solutè et facilè sententiam: alter ornatus, acer, et non talis, qualem tu eum, Brute, jam deflorescentem cognovisti, sed verborum et actionis genere commotior. Itaque cum Hortensio mihi magis arbitrabar rem esse, quòd et dicendi ardore eram propior, et ætate conjunctior. Etenim videram in iisdem causis, ut pro M. Canuleio, pro Cn. Dolabella consulari, cum Cotta princeps adhibitus esset, priores tamen agere partes Hortensium. Acrem enim oratorem, incensum, et agentem, et canorum, concursus hominum, forisque strepitus desiderat. Unum igitur annum, cum rediissemus ex Asia, causas nobiles egimus. Interim me quaestorem Siciliensis excepit annus. Cum autem anno post è Sicilia me recepissem, jam videbatur illud in me, quidquid esset, esse perfectum, et habere maturitatem quandam suam. Nimis multa videor de me, ipse præsertim: sed omni huic sermoni propositum est, non ut ingenium,

ingenium, et eloquentiam meam perspicias, undè longè absum, sed ut laborem, et industriam. Cùm igitur essem in plurimis causis, et in principibus patronis quinquennium ferè versatus, tum in patrocinio Siciliensi maximè in certamen veni, designatus ædilis cum designato consule Hortensio.

Sed quoniam omnis hic sermo noster non solum enumerationem oratorum, verùm etiam præcepta quædam desiderat; quid tanquam notandum, et animadvertendum sit in Hortensio, breviter licet dicere. Nam is post consulatum (credo quòd videret, ex consularibus neminem esse secum comparandum, negligeret autem eos, qui consules non fuissent) summum illud suum studium remisit, quò à puero fuerat incensus, atque in omnium rerum abundantia voluit beatiùs, ut ipse putabat, remissiùs certè vivere. Primus, et secundus annus, et tertius tantùm quasi de picturæ veteris colore detraxerat, quantum non quivis unus ex populo, sed existimator doctus et intelligens posset cognoscere. Longiùs autem procedens, et in cæteris eloquentiæ partibus, tum maximè in celeritate et continuatione verborum adhærescens, sui dissimilior videbatur fieri quotidie. Nos autem non desistebamus, cum omni genere exercitationis, tum maximè stilo, nostrum illud quod erat, augere, quantumcunque erat. Atque (ut multa omittam) in hoc spatio, et in iis post ædilitatem annis, et prætor primus, et incredibili populari voluntate sum factus. Nam cùm propter assiduitatem in causis, et industriam, tum propter exquisitiùs, et minimè vulgare orationis genus, animos hominum ad me dicendi novitate converteram.

Itaque

Itaque cum jam pæne evanuisset Hortensius, et ego anno meo, sexto autem post illum consulem, consul factus essem, revocare se ad industriam coepit : ne, cum pares honore essemus, aliqua re superiores videremur. Sic duodecim post meum consulatum annos in maximis causis, cum ego mihi illum, sibi me ille anteferet, conjunctissimè versati sumus : consulatusque meus, qui illum primò leviter perstrinxerat, idem nos rerum mearum gestarum, quas ille admirabatur, laude conjunxerat. Maximè verò perspecta est utriusque nostrum exercitatio, paulò antè quàm perterritum armis hoc studium, Brute, nostrum conticuit subitò, et obmutuit : cum lege Pompeia ternis horis ad dicendum datis, ad causas simillimas inter se, vel potius easdem, novì veniebamur quotidie.

Sed, si quærimus, cur adolescens magis floruerit dicendo, quàm senior Hortensius ; causas reperiemus verissimas duas : Primum, quòd genus erat orationis Asiaticum, adolescentiæ magis concessum, quàm senectuti. Genera autem Asiaticæ dictionis, duo sunt : unum sententiosum, et argutum, sententiis non tam gravibus, et severis, quàm concinnis et venustis. Aliud autem genus est non tam sententiis frequentatum, quàm verbis volucre, atque incitatum ; qualis est nunc Asia tota, nec flumine solùm orationis, sed etiam exornato, et faceto genere verborum. Hæc autem (ut dixi) genera dicendi, aptiora sunt adolescentibus : in senibus gravitatem non habent. Itaque Hortensius utroque genere florens, clamores faciebat adolescens. Habebat enim illud studium crebrarum venustarumque sententiarum, in quibus erant quædam magis venustæ, dulcissimæ. *Al.*

Et erat oratio cùm incitata, et vibrans, tum etiam accurata, et polita. Non probantur hæc senibus, (sæpe videbam cùm iridentem, tum etiam irascentem, et stomachantem Philippum,) sed mirabantur adolescentes, multitudo movebatur. Erat excellens iudicio vulgi, et faciliè primas tenebat adolescens. Et si enim genus illud dicendi auctoritatis habebat parum, tamen aptum esse ætati videbatur. Sed, cùm jam honores, et illa senior auctoritas gravius quiddam requireret, remanebat idem, nec decebat idem : quòdque exercitationem, studiùmque dimiserat, quod in eo fuerat acerrimum, concinnitas illa, crebritàsque sententiarum pristina manebat, sed ea vestitu illo orationis, quo consueverat, ornata non erat. Hoc tibi ille, Brute, minus fortasse placuit, quàm placuisset, si illum flagrantem studio, et florentem facultate audire potuisses.


Ille à Crasso consule, et Scævola usque ad Paullum, et Marcellum consules floruit : nos in eodem cursu fuimus à Sulla dictatore, ad eosdem ferè consules. Sic Q. Hortensii vox extincta fato suo est : nostra, publico. Melius quæso, ominare, inquit Brutus. Sit sanè ut vis, inquam : et id non tam meâ causâ, quàm tuâ : sed fortunatus illius exitus, qui ea non vidit, cùm fierent, quæ providit, futura. Sæpe enim inter nos impendentes casus deflevimus, cùm belli civilis causas in privatorum cupiditatibus inclusas, pacis spem à publico consilio esse exclusam videremus. Sed illum videtur felicitas ipsius, qua semper est usus, ab eis miseriis, quæ consecutæ sunt, morte vindicasse.

Nos autem, Brute, quoniam post Hortensii, clarissimi oratoris, mortem orbe eloquentiæ quasi tutores relictis sumus,

sumus, domi teneamus eam septam liberali custodiâ : et hos ignotos atque impudentes procos repudiemus ; tueamurque, ut adultam virginem, castè, et ab armatorum impetu, quantum possumus, prohibeamus. Equidem, etsi doleo me in vitam paulò seriùs, tanquam in viam, ingressum, priùsquàm confectum iter sit, in hanc reipublicæ noctem incidisse ; tamen ea consolatione sustentor, quam tu mihi, Brute, adhibuisti tuis suavissimis literis : quibus me forti animo esse oportere censebas, quòd ea gessissem, quæ de me etiam me tacente, ipsa loquerentur, mortuòque viverent. Quæ, si rectè esset, salute reipublicæ ; sin secus, interitu ipso, testimonium meorum de republicâ consiliorum darent.

Sed in te intuens, Brute, doleo, cujus in adolescentiam, per medias laudes quasi quadrigis vehentem, transversa incurrit misera fortuna reipublicæ. Hic me dolor tangit, hæc me cura sollicitat, et Atticum hunc mecum, socium ejusdem et amoris, et judicii. Tibi favemus, te tua frui virtute cupimus : tibi optamus eam rempublicam, in qua duorum generum amplissimorum renovare memoriam, atque augere possis. Tuum enim forum, tuum erat illud curriculum ; tu illuc veneras unus, qui non linguam modò acuis- ses exercitatione dicendi, sed et ipsam eloquentiam locuple- tavisses graviorum artium instrumento, et iisdem artibus decus omne virtutis cum summa eloquentiæ laude junxisses. Ex te duplex nos afficit sollicitudo, quòd et ipse republica careas, et illa te. Tu tamen (etsi cursum ingenii tui, Brute, premit hæc importuna clades civitatis) contine te in tuis perennibus studiis, et effice id, quod jam propemodum,
vel

vel planè potiùs effecerat, ut te eripias ex eâ, quàm ego congeffi in hunc sermonem, turbâ patronorum. Nec enim decet te ornatum uberrimis artibus, quas cùm domo haurire non posses, accessivisti ex urbe ea, quæ domus est semper habita doctrinæ, numerari in vulgo patronorum.



Proœm. Lib. de PERFECTO ORATORE.

De summæ absolutæque Perfectionis Formâ et Specie ; quam etsi nullo Sensu percipimus, Cogitatione tamen complecti possumus.

UTRUM difficilius, aut majus esset negare tibi sapius idem roganti, an efficere id, quod rogares, diu multùmque, Brute, dubitavi. Nam et negare ei, quem unicè diligerem, cuique me charissimum esse sentirem, præfertim et iusta petenti, et præclara cupienti, durum admodum mihi videbatur : et suscipere tantam rem, quantam non modò facultate consequi difficile esset, sed etiam cogitatione complecti, vix arbitrabar esse ejus, qui vereretur reprehensionem doctorum, atque prudentium. Quid enim est majus, quàm cùm tanta sit inter oratores bonos dissimilitudo, judicare, quæ sit optima species, et quasi figura dicendi ? Quod quoniam me sapius rogas, aggrediar, non tam perficiendi spe, quàm experiendi voluntate. Malo enim, cùm studio tuo sim obsecutus, desiderari à te prudentiam meam, quàm, si id non fecerim, benevolentiam.

Quæris

Quæris igitur, idque jam sæpius, quod eloquentiæ genus probem maximè, et quale mihi videatur illud, cui nihil addi possit, quod ego summum, et perfectissimum iudicem. In quo vereor, ne, si id, quod vis, effecero, eumque oratorem, quem quæris, expressero; tandem studia multorum, qui desperatione debilitati, experiri id nolent, quod se assequi posse diffident. Sed par est omnes omnia experiri, qui res magnas, et magno opere expetendas concupiverunt. Quod si quem aut natura sua, aut illa præstantis ingenii vis fortè deficiet, aut minus instructus erit magnarum artium disciplinis; teneat tamen eum cursum quem poterit. Prima enim sequentem, honestum est in secundis, tertisque consistere.

Nam in poëtis, non Homëro soli locus est (ut de Græcis loquar) aut Archilocho, aut Sophocli, aut Pindaro: sed horum vel secundis, vel etiam infra secundos. Nec verò Aristotelem in philosophia deterruit à scribendo amplitudo Platonis: nec ipse Aristoteles admirabili quidam scientiâ et copiâ, cæterorum studia restinxit. Nec solum ab optimis studiis excellentes viri deterriti non sunt, sed ne opifices quidem se artibus suis removerunt, qui aut Ialysi, quem Rhodi vidimus, non potuerunt, aut Coæ Veneris pulchritudinem imitari. Nec simulachro Jovis Olympii, aut Doryphori statua deterriti, reliqui minus experti sunt, quid efficere, aut quò progredi possent: quorum tanta multitudo fuit, tanta in suo cuiusque genere laus, ut, cum summa miraremur, inferiora tamen probaremus. In oratoribus verò, Græcis quidem, admirabile est quantum inter omnes unus excellat. Attamen, cum esset Demosthenes, multi oratores magni, et clari fuerunt, et antea fuerant, nec postea

postea defecerunt. Quare non est cur eorum, qui se studio eloquentiæ dediderunt, spes infringatur, aut languescat industria. Nam neque illud ipsum, quod est optimum, desperandum est : et in præstantibus rebus, magna sunt ea, quæ sunt optimis proxima.

Atque ego in summo oratore fingendo talem informabo, qualis fortasse nemo fuit. Non enim quæro quis fuerit, sed quid sit illud, quo nihil possit esse præstantius : quod in perpetuitate dicendi, non sæpe, atque haud scio an unquam, in aliqua autem parte eluceat aliquando, idem apud alios densius, apud alios fortasse rarius. Sed ego sic statuo, nihil esse in ullo genere tam pulchrum, quo non pulchrius id sit, unde illud, ut ex ore aliquo quasi imago, exprimatur, quod neque oculis, neque auribus, neque ullo sensu percipi potest ; cogitatione tantum, et mente complectimur. Itaque et Phidiæ simulacris, quibus nihil in illo genere perfectius videmus, et his picturis, quæ nominavi, cogitare tamen possumus pulchriora. Nec verò ille artifex, cum faceret Jovis formam, aut Minervæ, contemplabatur aliquem, è quo similitudinem duceret ; sed ipsius in mente insidebat species pulchritudinis eximia quædam, quam intuens, in eaque defixus, ad illius similitudinem artem et manum dirigebat. Ut igitur in formis, et figuris est aliquid perfectum, et excellens, cujus ad excogitatam speciem imitando referuntur ea, quæ sub oculos ipsa cadunt ; sic perfectæ eloquentiæ speciem animo videmus, effigiem auribus quaerimus.

M. Antonius, cui vel primas eloquentiæ patrum nostrorum tribuebat ætas, vir naturâ pecacutus, et prudens, in

eo libro, quem unum reliquit, desertos ait se vidisse multos, eloquentem omnino neminem. Insidebat videlicet in ejus mente species eloquentiæ, quam cernebat animo, re ipsâ non videbat. Vir autem acerrimo ingenio (sic enim fuit) multa et in se, et in aliis desiderans, neminem planè, qui rectè appellari eloquens posset, videbat. Quo in genere, ipsi quôque usque eo difficiles ac morosi sumus, ut nobis non satisfaciat ipse Demosthenes. Qui, quanquam unus eminet inter omnes in omni genere dicendi, tamen non semper inplet aures meas: ita sunt avidæ, et capaces, et semper aliquid immensum infinitumque desiderant.

Tenemus autem, Brute, quem quærimus; sed animo: nam manu si prehendiissem, ne ipse quidem suâ tantâ eloquentiâ mihi persuasisset, ut se dimitterem. Sed inventus profectò est ille eloquens, quem nunquam vidit Antonius. Quis est igitur is? Complectar brevi, differam pluribus: *Is est enim eloquens, qui et humilia subtiliter, et magna graviter, et mediocria temperatè potest dicere.*

Procem. Lib. I. ACADEM. QUÆST.

VARRONI *Philosophiam commendat* CICERO.

IN Cumano nuper cùm mecum Atticus noster esset, nuntiatum est nobis à M. Varrone, venisse eum Româ pridie vesperi, et nisi de via fessus esset, continuò ad nos venturum fuisse. Quod cùm audivissemus, nullam moram

G

inter-

interponendam putavimus, quin videremus hominem, nobiscum et studiis iisdem, et vetustate amicitiae conjunctum. Itaque confestim ad eum ire perreximus : paullumque cum ejus villa abeffemus, ipsum ad nos venientem vidimus : atque illum complexi, (ut mos amicorum est,) satis eum longo intervallo ad suam villam reduximus.

Hic pauca primò, atque ea percunctantibus nobis, ecquid fortè Roma novi : Atticus, omitte ista, quæ nec percunctari, nec audire sine molestia possumus, quæso, inquit : et quære potius, ecquid ipse novi. Silent enim diutius Musæ Varronis, quàm solebant : nec tamen istum cessare, sed celare, quæ scribat, existimo. Minimè verò, inquit ille : intemperantis enim esse arbitror, scribere quòd occultari velit. Sed habeo opus magnum in manibus, quod jampridem ad hunc eum ipsum (me autem dicebat) quædam insitui, quæ et sunt magna sanè, et limantur à me politius. Et ego, ista quidem, inquam, Varro, jam diu expectans, non audeo tamen flagitare. Audi vi enim è Libone nostro, cujus nosti studium (nihil enim ejusmodi celare possumus) non ea te intermittere, sed accuratius tractare, nec de manibus unquam deponere. Illud autem mihi ante hoc tempus nunquam in mentem venit à te requirere : sed nunc, posteaquam sum ingressus res eas, quas tecum simul didici, mandare monumentis, philosophiamque veterem illam, à Socrate ortam, Latinis litteris illustrare ; quæro, quid sit, cur, cum multa foribus, genus hoc prætermittas ; præsertim cum et ipse in eo excellas, et id studium, totaque ea res longè cæteris et studiis, et artibus antecedit.

Tum

Tum ille, Rem à me sæpe deliberatam, et multum agitatam requiris. Itaque non multum hæsitans, respondebo : sed ea dicam, quæ mihi sunt in promptu, quod ista ipsa de re multum, ut dixi, et diu cogitavi. Nam cum philosophiam viderem diligentissime literis Græcis explicatam, existimavi, si qui de nostris ejus studio tenerentur, si essent Græcis doctrinis eruditi, Græca potius, quam nostra lectiones : si à Græcorum artibus, et disciplinis abhorrent, ne hæc quidem curaturos, quæ sine eruditione Græca intelligi non possunt. Itaque ea nolui scribere, quæ nec indocti intelligere possent, nec docti legere curarent. Sed meos amicos, in quibus est studium, in Græciam mitto (id est ad Græcos ire jubeo) ut ea à fontibus potius hauriant, quam rivulos consecretentur. Quæ autem nemo adhuc docuerat, nec erat unde studiosi scire possent, ea, quantum potui, (nihil enim magnopere meorum miror) feci, ut essent nota nostris. à Græcis enim peti non poterant.

Tum ego; Sunt, inquam, ista, Varro. Nam nos in nostra urbe peregrinantes errantesque, tanquam hospites, tui libri quasi domum deduxerunt, ut possemus aliquando, qui, et ubi essemus, agnoscere. Tu ætatem patriæ, tu descriptiones temporum, tu sacrorum jura, tu sacerdotum, tu domesticam, tu bellicam disciplinam, tu sedem regionum et locorum, tu omnium divinarum, humanarumque rerum nomina, genera, officia, causas aperuisti : plurimumque poetis nostris, omninoque Latinis et literis luminis attulisti, et verbis : atque ipse varium, et elegans omni ferè numero poema fecisti : philosophiamque, multis locis inchoasti, ad impellendum satis, ad docendum parum.

Ego autem (dicam enim, ut res est) dum me ambitio, dum honores, dum causæ, dum reipublicæ non solum cura, sed quædam etiam procuratio multis officiis implicatum, et constrictum tenebat, hæc inclusa habebam, et ne obsolescerent, renovabam, cum licebat, legendo. Nunc verò et fortunæ gravissimo percussus vulnere, et administratione reipublicæ liberatus, doloris medicinam à philosophia peto, et otii oblectationem hanc honestissimam judico. Aut enim huic ætati hoc maximè aptum est: aut iis rebus, si quas dignas laude gessimus, hoc in primis consentaneum: aut, etiam ad nostros cives erudiendos nihil utilius: aut, si hæc ita non sunt, nihil aliud video, quod agere possimus.



Procem. Lib. IV. ACAD. QUÆST.

Laudes LUCULLI.

MAGNUM ingenium L. Luculli, magnūque optimarum artium studium, tum omnis liberalis et digna homine nobili ab eo percepta doctrina, quibus temporibus florere in foro maximè potuit, caruit omnino rebus urbanis. Ut enim admodum adolescens cum fratre, pari pietate et industriâ prædito, paternas inimicitias magna cum gloria est persecutus, in Asiam quæstor profectus, ibi per multos annos admirabili quadam laude provinciæ præfuit: deinde absens factus ædilis, continuo prætor: (licebat enim

nim celerius legis præmio) pòst in Africam : inde ad consulatum, quem ita gessit, ut diligentiam admirarentur omnes, ingenium cognoscerent. Pòst ad Mithridaticum bellum missus à senatu, non modò opinionem vicit omnium, quæ de virtute ejus erat, sed etiam gloriam superiorum. /

Idque eo fuit mirabilius, quòd ab eo laus imperatoria non admodum expectabatur, qui adolescentiam in forensi opera, quæsturæ diuturnum tempus, Muranà bellum in Ponto gerente, in Asiæ pace consumpserat. Sed incredibilis quædam ingenii magnitudo non desideravit indocilem usûs disciplinam. Itaque cùm totum iter et navigationem consumpsisset, partim in percontando à peritis, partim rebus gestis legendis, in Asiam factus imperator venit, cùm esset Româ profectus rei militaris rudis. Habuit enim divinam quandam memoriam rerum; verborum majorem Hortensius. Sed, quò plus in negotiis gerendis res, quàm verba profunt, hoc erat memoria illa præstantior: quam fuisse in Themistocle, quem facilè Græciæ principem ponimus, singularem ferunt. Qui quidem etiam pollicenti cuidam se artem ei memoriæ, quæ tum primùm proferebatur, traditurum, respondisse dicitur, *oblivisci se malle discere*: credo, quòd hærebant in memoria quæcunque audierat, aut viderat. Tali ingenio præditus Lucullus adjunxerat etiam illam, quam Themistocles spreverat, disciplinam. Itaque, ut literis consignamus, quæ monumentis mandare volumus; sic ille in animo res insculptas habebat.

Tantus ergo imperator in omni genere belli fuit, præliis, oppugnationibus, navalibus pugnis, totiùsque belli instrumentis et apparatu, ut ille rex post Alexandrum maximus
hunc

hunc à se majorem ducem cognitum, quàm quenquam eorum, quos legisset, fateretur. In eodem tanta prudentia fuit in constituendis, temperandisque civitatibus, tanta æquitas, ut hodie stet Asia Luculli institutis servandis, et quasi vestigiis persequendis.

Sed, etsi magna cum utilitate reipublicæ, tamen diutiùs, quàm vellem, tanta vis virtutis atque ingenii, peregrinata abfuit ab oculis et fori, et curiæ. Quin etiam, cùm victor à Mithridatico bello revertisset, inimicorum calumnià triennio tardiùs, quàm debuerat, triumphavit. Nos enim consules introduximus pænè in urbem currum clarissimi viri : Cujus mihi consilium, et auctoritas quid tum in maximis rebus profuisset, dicerem, nisi de me ipso dicendum esset ; quod hoc tempore non est necesse. Itaque privabo illum potiùs debito testimonio, quàm id cum mea laude communicem.

Sed, quæ populari gloriâ decorari in Lucullo debuerunt, ea ferè sunt et Græcis literis, et Latinis celebrata. Nos autem illa exteriora, cum multis ; hæc interiora cum paucis ex ipso sæpe cognovimus. Majore enim studio Lucullus cùm omni literarum generi, tum philosophiæ deditus fuit, quàm, qui illum ignorabant, arbitrabantur. Nec verò ineunte ætate solùm, sed et quæstor aliquot annos, et in ipso bello : in quo ita magna rei militaris esse occupatio solet, ut non multùm imperatori sub ipsis pellibus otii relinquatur. Cùm autem è philosophis, ingenio scientiæque putaretur Antiochus, Philonis auditor, excellere, eum secum et quæstor habuit, et post aliquot annos, imperator : Cùmque esset eà memoriâ, quam antè dixi, ea sæpe audiendo
facile

facile cognovit, quæ vel semel audita meminisse potuisset. Delectabatur autem mirifice lectione librorum, de quibus audiebat.

Ac vereor interdum, ne talium personarum, cum amplificare velim, minuam etiam gloriam. Sunt enim multi, qui omnino Græcas non arment literas : plures, qui philosophiam : reliqui, qui, etiam si hæc non improbent, tamen earum rerum disputationem principibus civitatis non ita decoram putent. Ego autem, cum Græcas literas M. Catonem in senectute didicisse acceperim ; P. autem Africani, historiæ loquantur, in legatione illa nobili, quam ante censoriam obit, Panætium unum omnino comitem fuisse ; nec literarum Græcarum, nec philosophiæ jam ullum auctorem requiro.

Restat, ut iis respondeam, qui sermonibus huiusmodi nolint personas tam graves illigari. Quasi verò clarorum virorum aut tacitos congressus esse oporteat, aut ludicros sermones, aut rerum colloquia leviorum. Etenim, si quodam in libro verè est à nobis philosophia laudata, profectò ejus tractatio optimo atque amplissimo quoque dignissima est : nec quidquam aliud videndum est nobis, quos populus Romanus hoc in gradu collocavit, nisi ne quid privatis studiis de opera publica detrahamus. Quòd si, cum fungi munere debeamus, non modò operam nostram nunquam à populari cœtu removemus, sed ne literam quidem ullam facimus, nisi forenses ; quis reprehendet nostrum otium ? qui in eo non modò nosmetipsos habescere, et languere nolumus, sed etiam, ut plurimis prosimus, enitimur ? Gloriam
verò

verò non modò non minui, sed etiam augeri arbitramur eorum, quorum ad populares illustrésque laudes, has etiam minùs notas, minùsque pervulgatas adjungimus.



Procem. Lib. I. De FINIBUS.

Cur ipse Philosophiam Latinis literis illustret.

NON eram nescius, Brute, cùm, quæ summis ingeniis, exquisitâque doctrinâ philosophi Græco sermone tractavissent, ea Latinis literis mandarem, fore, ut hic noster labor in varias reprehensiones incurreret. Nam quibusdam, et iis quidem non admodum indoctis, totum hoc displicet, philosophari. Quidam autem id non totum reprehenderunt, si remissiùs agatur; sed tantum studium, tàmque multam operam ponendam in eo non arbitrantur. Erunt etiam, et hi quidem eruditi Græcis literis, contemnentes Latinas, qui se dicant in Græcis legendis operam malle consumere. Postremò aliquos futuros suspicor, qui me ad alias literas vocent: genus hoc scribendi, etsi sit elegans, personæ tamen et dignitatis esse negent.

Contra quos omnes dicendum breviter existimo. Quam philosophiæ quidem vituperatoribus satis responsum est eo libro, quo à nobis philosophia defensa et collaudata est, cùm esset accusata et vituperata ab Hortensio. Qui liber cùm et tibi probatus videretur, et iis, quos ego posse judicare

judicare arbitrarer, plura suscepi, veritus ne movere hominum studia viderer, retinere non posse.

Qui autem, si hoc maxime placeat, moderatius tamen id volunt fieri, difficilem quandam temperantiam postulant in eo, quod semel admissum coerceri, reprimi que non potest : ut propemodum justioribus utamur illis qui omnino avocent à philosophia, quam iis, qui rebus infinitis modum constituent ; in reque eo meliore, quò major sit, mediocritatem desiderant. Sive enim ad sapientiam perveniri potest ; non paranda solum nobis ea, sed fruenda etiam sapientia est : sive hoc difficile est ; tamen nec modus est ullus investigandi veri, nisi inveneris : et querendi defatigatio turpis est, cum id, quod queritur, sit pulcherrimum. Etenim si delectamur, cum scribimus ; quis est tam invidus, qui ab eo nos abducatur ? si laboramus ; quis est, qui alienæ modum statuatur industriæ ?

His igitur est difficilius satisfacere, qui se Latina scripta dicunt contemnere. In quibus hoc primum est, in quo admirer ; cur in gravissimis rebus non delectet eos patrius sermo, cum iidem fabellas Latinas, ad verbum de Græcis expressas, non inviti legant. Quis enim tam inimicus prænè nomini Romano est, qui Ennii Medeam, aut Antiopam Pacuvii spernat, aut rejiciat ? qui se iisdem Euripidis fabulis delectari dicat, Latinas literas oderit ? Synephebos ego, inquit, potius Cæcilii, aut Andriam Terentii, quam utramque Menandri legam ? A quibus tantum dissentio, ut, cum Sophocles vel optime scripserit Electram, tamen malè conversam Attilii mihi legendam putem : rudem enim esse omnino in nostris poetis, aut inertissimæ segnitiae est, aut fasti-

dii delicatissimi. *Mihi quidem nulli satis eruditi videntur, quibus nostra ignota sunt. An,*

“ Utinam ne in memore,—

nihil minus legimus, quàm hoc idem Græcum; quæ autem de bene beatèque vivendo à Platone disputata sunt, hæc explicari non placebit Latine?

Quod si nos non interpretum fungimur munere, sed tuemur ea, quæ dicta sunt ab iis, quos probamus, eisque nostrum iudicium, et nostrum scribendi ordinem adjungimus: quid habent, cur Græca anteponant his, quæ et splendide dicta sint, neque sint conversa de Græcis? Quanquam si planè sic verterem Platonem aut Aristotelem, ut verterant nostri poëtæ fabulas; male, credo, mererer de meis civibus, si ad eorum cognitionem divina illa ingenia transferrem. Sed id neque feci adhuc, nec mihi tamen, ne faciam, interdictum puto. Locos quidem quosdam, si videbitur, transferam, et maxime ab iis, quos modò nominavi, cum inciderit, ut id aptè fieri possit: ut ab Homero Ennius, Afranius à Menandro solet.

Nec verò, ut noster Lucilius, recusabo, quò minus omnes mea legant. Ego quem timeam lectorem, cum ad te, ne Græcis quidem cedentem in philosophia, audeam scribere? Quanquam à te ipso id quidem facio provocatus gratissimo mihi libro, quem ad me de virtute misisti. Sed ex eo credo quibusdam usu venire, ut abhorreant à Latinis, quòd inciderint in inculta quædam et horrida, de malis Græcis Latine scripta deterius. Res verò bonas, verbis electis graviter ornatèque dictatas, quis non legat? nisi qui se planè Græcum dici velit.

Ego

Ego autem satis mirari non-queo, unde hoc fit tam infolens domesticarum rerum fastidium. Non est omnino hic dicendi locus: sed ita sentio, et sæpe differui; Latinam linguam non modò non inopem, ut vulgò putarent, sed locupletiores etiam esse quàm Græcam. Quando enim vel nobis dicam, aut oratoribus bonis, aut poëtis, postea quidem quàm fuit quem imitarentur, ullus orationis vel copiosæ vel elegantis ornatus defuit?

Ego verò, cùm forensibus operis, laboribus, periculis, non deseruisse mihi videor præsidium, in quo à populo Romano locatus sum; debeo profectò, quantumcùmque possim, in eo quoque laborare, ut sint operâ, studio, labore meo doctiores cives mei; nec cum istis tantopere pugnare, qui Græca legere malint (modò legant illa ipsa, nec simulent); et iis servire, qui vel utrîsq; literis uti velint, vel, si suas habent, illas non magnopere desiderant.

Qui autem alia malunt scribi à nobis, æqui esse debent, quòd et scripta multa sunt, sic ut plura nemini è nostris; et scribentur fortasse plura, si vita suppetet: et tamen qui diligenter hæc, quæ de philosophia literis mandamus, legere assueverit, iudicabit nulla ad legendum his esse potiora.

Ex Lib. H. de FINIBUS.

L. THORIUS BALBUS, Epicureus, cum REGULA
comparatur.

L Thorius Balbus fuit, Lanuvinus; quem meminisse tu non potes. Is ita vivebat, ut nulla tam exquisita posset inveniri voluptas, qua non abundaret. Erat et cupidus voluptatum, et cujusvis generis ejus intelligens et copiosus: ita non superstitiosus, ut illa plurima in sua patria sacrificia, et fana contemneret: ita non timidus ad mortem, ut in acie sit ob rempublicam interfectus. Cupiditates non Epicuri divisione finiebat, sed sua satietate. Habebat tamen rationem valetudinis: utebatur iis exercitationibus, ut ad canam et esuriens, et sitiens veniret; eo cibo, qui et suavissimus esset, idem facilissimus ad concoquendum; vino, et ad voluptatem, et ne noceret. Cætera illa adhibebat, quibus dentis negat se Epicurus intelligere, quid sit bonum. Aberat omnis dolor: qui si adesset, nec molliter ferret, et tamen medicis plus, quam philosophis uteretur. Color egregius, integra valetudo, summa gratia, vita denique conferta voluptatum omnium varietate.

Hunc verò beatum oratio quidem vestra sic cogitat. Ego, huic quem anteponam, non audeo dicere: dicet pro me ipsa virtus: nec dubitabit isti vestro beato M. Regulum anteponere. Quem quidem, cum sua voluntate, nulla vi coactus, præter fidem, quam dederat hosti, ex patria Carthaginem revertisset, tum ipsum, cum vigiliis et fame cruciaretur,

ciaretur, clamat virtus beatiorē fuisse, quā potantem in rosa Thorium. Bella magna gesserat is: bis consul fuerat: triumpharat: nec tamen sua illa superiora, tam magna, nec tam praeclara ducebat, quā illum ultimum casum, quem propter fidem constantiāque susceperat: qui nobis miserabilis videtur audientibus, illi perpetenti erat voluptarius. Non enim hilaritate, nec lasciviā, nec risu, aut joco, comite levitatis; sed saepe etiam tristes, firmitate et constantiā sunt beati,



Ex Lib. II. de F I N I B U S.

Voluptatem non habendam esse summum bonum.

QUID tanto opus est instrumento in optimis artibus comparandis, quid tanto concursu honestissimorum studiorum, tanto virtutum comitatu, si ea nullam ad aliam rem, nisi ad voluptatem conquiruntur? Ut, si Xerxes, cum tantis classibus, tantisque equestribus et pedestribus copiis, Hellesponto juncto, Athone perfollo, maria ambulavisset, terrāque navigasset, si, cum tanto impetu in Græciam venisset, causam ejus quis ex eo quæreret tantarum copiarum tantique belli, mel se afferre ex Hymetto voluisse diceret, certè sine causa videretur tanta conatus: sic nos sapientem, plurimis et gravissimis artibus atque virtutibus instructum et ornatum, non, ut illum, maria pedibus peragrantem, classibus montes, sed omne coelum totāque

totamque cum universo mari terram mente complexum, voluptatem petere si dicemus, mellis causa dicemus tanta molitum.

Ad altiora quædam et magnificentiora, mihi crede, Torquate, nati sumus : nec id ex animi solum partibus, in quibus ipse memoria rerum innumerabilium, et ea quidem infinita ; ipse conjectura consequentium, non multum à divinatione differens ; ipse moderator cupiditatis pudor ; ipse ad humanam societatem justitiæ fida custodia ; ipse in perpetiendis laboribus, adeundisque periculis firma et stabilis doloris, mortisque contentio. Ergo hæc in animis. tu autem etiam membra ipsa, sensusque considera : qui tibi, tu reliquæ corporis partes, non comites solum virtutum, sed ministri etiam videbuntur. Quid, si in ipso corpore multa voluptati præponenda sunt, ut vires, valetudo, velocitas, pulchritudo ? quid tandem in animis contes ? in quibus doctissimi illi veteres inesse quiddam cœleste et divinum putaverunt.

Quod si esset in voluptate summum bonum (ut dicitis) optabile esset in voluptate maxima, nullo intervallo interjecto, dies noctesque versari, cum omnes sensus dulcedine omni quasi perfusi moverentur. Quis est autem dignus nomine hominis, qui unum diem totum velit esse in isto genere voluptatis ?

Procer.

Proem. Lib. III. de F I N I B U S.

DE hisce rebus sapenutierò, Brute, vereor, ne reprehendar, cum hæc ad te scribam, qui tum in philosophia, tum in optimo genere philosophiæ tantum processeris. Quod si facerem, quasi te erudiens, jure reprehenderer: sed ab eo plurimum absum; neque, ut ea cognoscas, quæ tibi notissima sunt, ad te mitto, sed quia facillime in nomine tuo acquiesco, et quia te habeo æquissimum eorum studiorum, quæ mihi communia tecum sunt, aestimatorem, et judicem. Attendes igitur, ut soles, diligenter, eamque controversiam dijudicabis, quæ mihi fuit cum avunculo tuo divino, ac singulari viro.

Nam, in Tusculano cum essem, vellensque è bibliotheca patris Luculli quibusdam libris uti, veni in ejus villam, ut eos ipse (ut solebam) inde promerem. Quò cum venissem, M. Catonem, quem ibi esse nescieram, vidi in bibliotheca sedentem, multis circumfusa Stoicorum libris. Erat enim, ut scis, in eo inexhausta aviditas legendi, nec satiari poterat: quippe qui, ne reprehensionem quidem vulgi inanem reformidans, in ipsa curia soleret legere sæpe, dum senatus cogeretur, nihil operæ reipublicæ detrahens; quo magis tum in summo otio, maximæque copiâ quasi heluo librorum (si hoc verbo in tam clara re utendum est) videbatur.

Quod cum accidisset, ut alter alterum nec opinatò videremus, surrexit statim. Deinde prima illa, quæ in congressu solemus: Quid tu, inquit, huc? à villa enim, credo:
et,

et, si ibi te esse scissem, ad te ipse venissem. Heri, inquam, ludis commissis, ex urbe profectus veni ad vesperum. Causa enim fuit huc veniendi, ut quosdam hinc libros promerem : et quidem, Cato, totam hanc copiam jam Lucullo nostro notam esse oportebit. Nam his libris eum malo, quàm reliquo ornatu villæ delectari. Est enim mihi magnæ curæ : quanquam hoc quidem proprium tuum munus est, ut ita erudiatur, ut et patri, et Cæpioni nostro, et tibi tam propinquo respondeat. Laboro autem non sine causa ; nam et avi ejus memoriâ moveor (nec enim ignoras, quanti fecerim Cæpionem : qui, ut opinio mea fert, in principibus jam esset, si viveret) et Lucullus mihi versatur ante oculos, vir tum omnibus excellens, tum metum et amicitîâ, et omni voluntate sententiâque conjunctus.

Præclare, inquit, facis, cùm et eorum memoriam tenes, quorum uterque tibi testamento liberos suos commendavit, et puerum diligis. Quòd autem meum munus dicis, non equidem recuso : sed te adjungo socium. Addo etiam illud, multa jam mihi dare signa puerum et pudoris, et ingenii : sed ætatem vides. Video equidem, inquam : sed infici tamen jam debet iis artibus, quas si, dum est tener, combiberit, ad majora veniet paratior.

Prooem. Lib. V. De F I N I B U S.

*Moneatur nescio quo pacto locis ipsis, in quibus eorum, quos
admiramur, adsunt Vestigia.*

CU M audivissem Antiochum, Brute, ut solebat, cum M. Pifone in eo gymnasio, quod Ptolemæium vocatur, unâque nobiscum Q. frater, et T. Pomponius, et L. Cicero, frater noster cognatione patruelis, amore germanus; constituimus inter nos, ut ambulationem postmeridianam conficeremus in Academia, maximè quòd is locus ob omni turba id temporis vacuus esset. Itaque ad tempus ad Pisonem omnes. Inde vario sermone sex illa à Dipylo stadia confecimus. Cùm autem venissemus in Academiam, non sine causa nobilitata spatia, solitudo erat ea, quam volueramus.

Tum Pifo, Naturâne nobis hoc, inquit, datum dicam, an errore quodam; ut cùm ea loca videamus in quibus memoria dignos viros acceperimus multum esse versatos, magis moveamur, quàm si quando eorum ipsorum aut facta audiamus, aut scriptum aliquid legamus? velut ego nunc moveor. Venit enim mihi Platonis in mentem: quem accepimus primum hîc disputare solitum: cujus etiam illi hortuli propinqui non memoriam solùm mihi afferunt, sed ipsum videntur in conspectu meo hîc ponere. Hîc Speusippus, hîc Xenocrates, hîc ejus auditor Polemo; cujus ipsa illa sessio fuit, quam videmus. Equidem etiam

I

curiam

curiam nostram (Hostiliam dico, non hanc novam, quæ mihi minor esse videtur, posteaquàm est major) solebam intuens, Scipionem, Catonem, Lælium, nostrum verò in primis avum cogitare. Tanta vis admonitionis ineest in locis; ut non sine causa ex his memoriæ ducta sit disciplina.

Tum Quintus, est planè Piso, ut dicis, inquit. Nam me ipsum huc modò venientem convertibat ad sese Colonus ille locus; cujus incola Sophocles ob oculos versabatur. Quem scis quàm admirer, quàmque eo delecter. Me quidem ad altiorem memoriæ Oedipodis huc venientis, et illo mollissimo * carmine, quænam essent ipsa hæc loca, requirentis species quædam commovit, inanis scilicet, sed commovit tamen.

Tum Pomponius, At ego, quem vos, ut deditum Epicuro, insectari soletis, sum multùm equidem cum Phædro, quem unicè diligo, ut scitis, in Epicuri hortis, quos modò præteribamus: sed veteris proverbii admonitu, *vivorum memini*: nec tamen Epicuri licet oblivisci, si cupiam: cujus imaginem non modò in tabulis nostri familiares, sed etiam in poculis, et in annulis habent.

Hic ego, pomponius quidem, inquam, noster joculari videtur, et fortasse suo jure. Ita enim Athenis se collocavit, ut sit pænè unus ex Atticis, ut id etiam cognoscere videatur habiturus. Ego autem tibi, Piso, assentior, usu hoc evenire, ut acriùs aliquantò et attentius de claris viris, locorum admonitu, cogitemus. Scis enim me quodam tempore Metapontum venisse tecum, nec ad hospitem antè divertisse, quam Pythagoræ ipsum illum locum, ubi

* *Soph. Oedip. Col. in init.*

vitam ediderat, sedemque viderim. Hoc autem tempore et si multa in omni parte Athenarum sunt in ipsis locis indicia summorum viro- rum ; tamen ego illà moveor exedrà. Modo enim fuit Carneades : quem videre videor. Est enim nota imago : à sedèque ipsa, tantà ingenii magnitudine or- bata, desiderari illam vocem puto.

Tum Piso, Quoniam igitur aliquid omnes, quid Lucius noster, inquit ? an eum locum libenter invisit, ubi De- mosthenes, et Æschines inter se decertare soliti sunt ? quo enim quisque studio maxime ducitur. Et ille, cum eru- buisset, Noli, inquit, ex me querere, qui in Phalericum etiam descenderim : quo in loco ad fluctum aiunt declamare solitum Demosthenem, ut fremitum assuesceret voce vin- cere. Modò etiam paullulum ad dextram de via declinavi, ut ad Periclis sepulchrum accederem. Quanquam id quidem infinitum est in hac urbe : quacunque enim ingredimur, in aliquam historiam vestigiis ponimus.

Tum Piso, Atqui Cicero, inquit, ista studia, si ad imi- tandos summos viros spectant, ingeniosorum sunt : sin tan- tummodò ad indicia veteris memoriæ cognoscenda, curio- rum. Te autem hortamur omnes, currentem quidem, ut spero, ut eos, quos novisse vis, etiam imitari velis. Hic ego, Et si facit hic quidem, inquam, Piso (ut vides) ea quæ præcipis ; tamen mihi grata est hortatio tua. Tum ille amiceffimè, ut solebat, Nos verò, inquit, omnes omnia ad hujus adolescentiam conferamus, in primisque ut aliquid suorum studiorum philosophiæ quòque imper- tiat, vel ut te imitetur, quem amat ; vel ut illud ipsum, quod studet, facere possit ornatius. Sed utrùm hortandus

es nobis, Luci, inquit, an etiam tua sponte propensus es; mihi quidem Antiochum, quem audis, satis bellè videris attendere. Tum ille timide, vel potius verecundè, Facio, inquit, equidem: sed audist'ne modò de Carneade? rapior illic. Revocat autem Antiochus: nec est præterea, quem audiam.

Tum Piso, Eris' hoc, inquit, fortasse dòn poteris sic abire, cùm hic adsit (me autem dicebat) tamen audebo te ab hac Academia nova ad veteram illam vocare: in qua, ut dicere Antiochum audiebas, non s' soli numerantur, qui Academici vocantur, Speusippus, Xenocrates, Polemo, Crantor, cæterique; sed etiam Peripatetici veteres, quorum princeps Aristoteles, quem, excepto Platone, haud scio an rectè dixerim principem philosophòrum. Ad eos igitur converte te, quoniam ex eorum enian scriptis et institutis cùm omnis doctrina liberalis, omnis historia, omnis sermo elegans sumi potest, tum varietas est tanta artium, ut nemo sine eo instrumento ad ullam rem illùstriorem satis ornatus possit accedere. Ab his oratores, ab his imperatores, ac rerum publicarum principes exstiterunt. Ut ad minora veniam, mathematici, poëtæ, musici, medici denique ex hac, tanquam ex omnium artium officinà, profecti sunt.

Proem.

Procem. Lib. I. TUSCUL. QUEST.

CUM defensionum laboribus, senatoriisque muneribus aut omnino, aut magna ex parte effem aliquando liberatus, retuli me, Brute, te hortante maximè, ad ea studia, quæ retenta animo, remissa temporibus, longo intervallo intermissa revocavi. Et cum omnium artium, quæ ad rectam vivendi viam pertinerent, ratio et disciplina studio sapientiæ, quæ philosophia dicitur, contineretur; hoc mihi Latinis literis illustrandum putavi. Non quia philosophia Græcis et literis, et doctoribus percipi non posset; sed meum iudicium semper fuit, omnia nostros aut invenisse per se sapientiùs, quàm Græcos; aut accepta ab illis fecisse meliora, quæ quidem digna statuissent, in quibus elaborarent:

Nam mores, et instituta vitæ, resque domesticas ac familiares nos perfectò et meliùs tuemur et lautiùs. Rem verò publicam nostri majores certè melioribus temperaverunt et institutis, et legibus. Quid loquar de re militari? in qua cum virtute nostri multum valuerunt, tum plus etiam disciplinâ. Jam illa, quæ naturâ, non literis affecti sunt, neque cum Græcis, neque ulla cum gente sunt conferenda. Quæ enim tanta gravitas, quæ tanta constantia, magnitudo animi, probitas, fides, quæ tam excellens in omni genere virtus in ullis fuit, ut sit cum majoribus nostris comparanda?

Doctrina

Doctrina Græcia nos, et omni literarum genere superabat : in quo erat facile vincere non repugnantes. Nam cum apud Græcos antiquissimum ē doctis sit genus poëtarum (si quidem Homerus fuit, et Hesiodus ante Romam conditam, Archilochus regnante Romulo) seriùs poëticam nos accepimus. Annis enim ferè DX. post Romam conditam, Lilius fabulam dedit, C. Claudio, Cæci filio, M. Tuditano, consulibus, anno ante natum Ennium : qui fuit major natu quàm Plautus, et Nævius. Serò igitur à nostris poëta vel cogniti, vel recepti. Quanquam est in * Originibus solitos esse in epulis canere convivas ad tibicinem clarorum hominum virtutibus. Honorem tamen huic generi non fuisse, declarat oratio Catonis, in qua objecit, ut probrum, Marco Nobiliori, quòd is in provinciam poëtas duxisset. Duxerat autem consul ille in Ætoliā, ut scimus, Ennium. Quò minus ergo honoris erat poëtis, eò minora studia fuerunt. Nec tamen, siqui magnis ingeniis in eo genere existerunt, non satis Græcorum gloriæ responderunt.

An censemus, si Fabio, nobilissimo homini, laudi datum esset, quòd pingeret, non multos etiam apud nos futuros Polycletos et Parrhasios fuisse? Honos alit artes, omnesque incenduntur ad studia gloriā; jacētque ea semper, quæ apud quòsque improbantur. Summam eruditionem Græci sitam censebant in nervorum, vocūque cantibus. Igitur et Epaminondas, princeps, meo iudicio, Græciæ, Edi-

* M. Porcii Catonis, de quibus Cic. in Bruto : " Jam verò Origines
" Catonis quem florem, aut quod lumen eloquentiæ non habent?"

bus præclare cecinisse dicitur: Themistoclesque aliquot annis, cum in epulis recusasset lyram, habitus est indoctor. Ergo in Græcia musici floruerunt, discébantque et omnes: nec, qui nesciebat, satis excultus doctrinâ putabatur. In summo apud illos honore geometria fuit: itaque nihil mathematicis illustrius. At nos, metiendi ratiocinandi que utilitate, hujus artis terminavimus modum.

At contra oratorem celeriter complexi sumus: nec cum primò eruditum, aptum tamen ad dicendum: post autem eruditum. Nam Galbam, Africanum, Lælium, doctos fuisse, memorie traditum est: studiosum autem eum, qui hos ætate anteibat Catonem: post verò Lepidum, Carbonem, Gracchos: deinde ita magnos nostram ad ætatem, ut non multum, aut nihil omnino Græcis cederetur.

Philosophia jacuit usque ad hanc ætatem, nec ullum habuit lumen literarum Latinarum: quæ illustranda, et excitanda nobis est; ut, si occupati profuimus aliquid civibus nostris, profimus etiam, si possumus otiosi. In quo eo magis nobis est elaborandum, quòd multi jam esse Latini libri dicuntur scripti inconsideratè ab optimis illis quidem viris, sed non satis eruditis. Fieri autem potest, ut rectè quis sentiat, et id quod sentit, politè eloqui non possit. Sed mandare quenquam literis cogitationes suas, qui eas nec disponere, nec illustrare possit, nec delectatione aliqua allicere lectorem, hominis est intemperanter abutentis et otio, et literis. Itaque suos libros ipsi legunt cum suis, nec quisquam attingit, præter eos, qui eandem licentiam scribendi sibi permitti volunt. Quare si aliquid oratorie laudi nostrà attulimus industrià, multò studiosius philo-

philosophiæ fontes aperiemus, è quibus etiam illa manabant.

Sed, ut Aristoteles, vir summo ingenio, scientiæ copiâ, cum motus esset Isocratis rhetoris gloriâ, dicere etiam coepit adolescentes docere, et prudentiam cum eloquentia jungere : sic nobis placet nec pristinum dicendi studium deponere, et in hac majore et uberiore arte versari. Hanc enim perfectam philosophiam semper judicavi quæ de maximis quæstionibus copiosè posset, ornatèque dicere. In quam exercitationem ita nos studiosè operam dedimus, ut jam etiam scholas Græcorum more habere auderemus : ut nuper, tuum post discessum, in Tusculano, cum essent complures mecum familiares, tentavi, quid in eo genere possem. Ut enim antea declamitabam causas, quod nemo me diutius fecit ; sic hæc mihi nunc senilis est declamatio. Ponere jubebam de quo quis audire vellet : et id aut sedens, aut ambulans disputabam. Itaque dierum quinque scholas, ut Græci appellant, in totidem libros contuli. Fiebat autem ita, ut, cum is, qui audire vellet, dixisset, quid sibi videretur, tum ego contra dicerem. Hæc est enim, ut scis, vetus, et Socratica ratio contra alterius opinionem differendi. Nam ita facillimè, quod verissimum esset, inveniri posse Socrates arbitrabatur. ✕

EX LIB. I. TUSCUL. DISPUTAT.

De Morte contemnenda.

PELLANTUR istæ ineptiæ pænè aniles, ante tempus mori, miserum esse. Quod tandem tempus? naturæ? At ea quidem dedit usum vitæ, tanquam pecuniæ, nulla præstituta die. Quid est igitur, quod querare, si repetit cum vult? ea enim conditione acceperas. Idem, si puer parvus occidit, æquo animo ferendum putant: si verò in cunis, ne querendum quidem. Atqui ab hoc acerbius exegit natura, quod dederat. Nondum gustaverat, inquit, vitæ suavitatem: hic autem jam sperabat magna, quibus frui coeperat. Ad id quidem ipsum in cæteris rebus melius putatur, aliquam partem, quàm nullam, attingere. Cur in vita secus? Quanquam non malè ait Callimachus, *multò sæpius lacrymasse Priamum, quàm Troilum.*

Contemnamus igitur omnes ineptias: (quod enim levius huic levitati nomen imponam?) totamque vim bene vivendi in animi robore, ac magnitudine, et in omnium rerum humanarum contemtionè ac despicientia, et in omni virtute ponamus. Nam nunc quidem cogitationibus mollissimis effœminamur; ut, si antè mors adventet, quàm Chædæorum promissa consecuti sumus, spoliati magnis quibusdā bonis, illusi, desitutique videamur.

Quòd si expectando, et desiderando pendemus animis, cruciamur, angimur; proh, dii immortales quàm optabiliter iter illud ineundum est, quo confecto, nulla reliqua

K

cura,

cura, nulla sollicitudo futura sit ! quàm me delectat Theramenes, quàmque elato animo est ! et si enim flemus, cùm legimus, tamen non miserabiliter vir clarus emoritur. Qui cùm coniectus in carcerem triginta iussu tyrannorum, venenum ut sitiens obbibisset, reliquum sic è poculo ejecit, ut id resonaret, quo sonitu reddito, ridens, *Propino*, inquit, *hoc pulchro Critice*, qui in eum fuerat teterrimus. Græci enim in conviviis solent nominare, cui poculum tradituri sint. Lufit vir egregius extremo spiritu, cùm jam præcordiis conceptam mortem contineret : verèque ei, qui venenum præbuerat, mortem est eam auguratus, quæ brevi consecuta est.

Vadit in eundem carcerem, atque in eundem paucis pòss annis scyphum Socrates, eodem scelere judicum, quo tyrannorum Theramenes. Ille nec patronum quæsivit ad iudicium capitis, nec iudicibus supplex fuit ; adhibuitque liberam contumaciam, à magnitudine animi ductam, non à superbiâ ; et, cùm facile posset educi è custodiâ, noluit ; et, cum pænè in manu jam mortiferum illud teneret poculum, locutus ita est, ut non ad mortem trudi, verùm in cœlum, videretur ascendere. Ita enim censebat, itaque differuit : “ Duas esse vias, duplicèsque cursus animorum è
 “ corpore excedentium : nam qui se humanis vitiis conta-
 “ minassent, et se totos libidinibus dedidissent, quibus ca-
 “ cati vel in domesticis vitiis atque flagitiis se inquinassent,
 “ vel in republicâ violandâ fraudes inexpiabiles concepif-
 “ sent ; iis devium quoddam iter esse, seclusum à con-
 “ filio Deorum. Qui autem se integros castòsque servavif-
 “ sent, quibùsque fuisset minima cum corporibus contagio,
 “ seseque

“ seseque ab his semper sevocassent, essentque, in corporibus
 “ humanis vitam imitati Deorum; his ad illos, à quibus
 “ essent profecti, reditum facilem patere.”

Quæ est autem ejus oratio, qua facit eum Plato usum apud
 judices, jam morte multatum? *Magna me, inquit, spes tenet,*
judices, bene mihi evenire, quòd mittar ad mortem. Neesse est
enim, sit alterum de duobus, ut aut sensus omnino mors omnes au-
ferat, aut in alium quendam locum ex his locis morte migretur.
Quamobrem, siue sensus exstinguitur, morsque ei somno similis
est, qui nonnunquam, etiam sine visis somniorum, placatissimam
quietam offert: Dii boni! quid lucri est emori? aut quàm
multi dies reperiri possunt, qui tali nocti anteponantur; cui simi-
lis futura est perpetuitas omnis consequentis temporis? quis me
beatior?

Sin vera sunt, quæ dicuntur, migrationem esse mortem in eas
oras, quas, qui è vita exceßerunt, incolunt; id multo jam beatius
est, te, cum ab iis, qui se judicum numero haberi volunt, eva-
seris, ad eos venire, qui verè judices appellantur, Minoem, Rha-
damantum, Æacum, Triptoleum; convenirèque eos, qui justè,
et cum fide vixerint. Hæc peregrinatio mediocris vobis videri
potest? ut verò colloqui cum Orpheo, Musæo, Homero, Hesiodo
liceat, quanti tandem aestimatis? equidem sæpe mori, si fieri posset,
vellem, ut ea, quæ dico, mihi liceret invenire. Quanta delecta-
tione autem afficerer, cum Palamedem, cum Ajacem, cum alios
judicio iniquorum circumventos convenirem: tentarem etiam summi
regis, qui maximas copias duxit ad Trojam, et Ulyssis, Sisyphique
prudentiam: nec ob eam rem, cum hæc exquirerem, sicut hîc fa-
ciebam, capite damnarer.

*Ne vos quidem, iudices ii, qui me absolvistis, mortem time-
ritis. Nec enim cuiquam bono mali quidquam evenire potest, nec
vivo nec mortuo : nec unquam ejus res à diis immortalibus negli-
gentur. Nec mihi ipsi hoc accidit fortuito. Nec verò ego iis, à
quibus accusatus sum, aut à quibus condemnatus, habeo quod suc-
censeam, nisi quòd mihi nocere se crediderunt. Et hoc quidem
hoc modo. nihil autem melius æstimo. Sed tempus est, in-
quit, jam hinc abire me, ut moriar, vos, ut vitam agatis.
Utrum autem sit melius, dii immortales sciunt : hominem quidem
scire arbitror, neminem. Ne ego haud paulò hunc animum
malim, quàm eorum omnium fortuna, qui de hoc judi-
caverunt. Et si, quod præter deos negat scire quenkum, id
scit ipse, utrum melius sit : nam dixit antè. Sed suum
illud, nihil ut affirmet, tenet ad extremum. Nos autem
teneamus, ut nihil censeamus esse malum, quòd sit à natura
datum omnibus.*



Proem. Lib. II. T U S C U L. Q U Æ S T.

NEOPTOLEMUS quidem apud Ennium philoso-
phari sibi ait necesse esse, sed paucis : nam omnino
haud placere. Ego autem, Brute, necesse quidem mihi
esse arbitror philosophari : nam quid possum, præsertim
nihil agens, agere melius ? sed non paucis, ut ille. *Diffi-*
cile est enim in philosophia pauca esse ei nota, qui non sint
aut pleræque, aut omnia. Nam nec pauca, nisi è multis,
eligi

signi possunt ; nec, qui pauca percepit, non idem reliqua eodem studio persequetur.

Sed in vita tamen occupata, atque, ut Neoptolemi tum erat, militari, pauca ipsa multum sæpe profunt, et ferunt fructus, si non tantos, quanti ex universa philosophia percipi possunt ; tamen eos, quibus aliqua ex parte interdum aut cupiditate, aut ægritudine, aut metu liberemur : velut ex ea disputatione, quæ mihi nuper habita est in Tusculano, magna videbatur mortis effecta contemtio, quæ non minimum valet ad animum metu liberandum.

Quamquam non sumus ignari, multos studiosè contrà esse dicturos ; quod vitare nullo modo potuimus ; nisi nihil omnino scriberemus. Sed tamen tantum abest, ut scribi contra nos nolimus, ut id etiam maximè optemus : in ipsa enim Græcia philosophia tanto in honore nunquam fuisset, nisi doctissimorum contentionibus dissensionibusque viguisset.

Quamobrem hortor omnes, qui facere id possunt, ut hujus quoque generis laudem jam languenti Græciæ eripiant, et perferant in hanc urbem, sicut reliquas omnes, quæ quidem erant expetendæ, studio atque industriâ suâ majores nostri transfulerunt. Atque oratorum quidem laus ita ducta ab humili venit ad summum, ut jam, quod natura fert in omnibus ferè rebus, senescat, brevique tempore ad nihilum ventura videatur. Philosophia nascatur Latinis quidem literis ex his temporibus ; eamque nos adjuvemus : nosque ipsos rectâ gui, refellique patiamur. Quod ii ferunt animo iniquo, qui certis quibusdam, destinatisque sententiis quasi addicti et consecrati sunt, eaque necessitate constricti, ut

ut etiam quæ non probare soleant, ea cogantur constantiæ causâ defendere. Nos, qui sequimur probabilia, nec ultra id, quàm quod verisimile occurrerit, progredi possumus, et refellere sine pertinacia, et refelli sine iracundia parati sumus.



Proœm. Lib. III. TUSCUL. QUEST.

QUIDNAM esse, Brute, causæ putem, cur, cùm constemus ex animo et corpore, corporis curandi tuendique causâ quæsitâ sit ars, atque ejus utilitas deorum immortalium inventioni consecrata : animi autem medicina nec tam desiderata sit, antequàm inventa, nec tam culta, posteaquàm cognita est, nec tam multis grata et probata, pluribus etiam suspecta et invisa ? an quòd corporis gravitatem et dolorem animo judicamus, animi morbum corpore non sentimus ? ita fit, ut animus de se ipse tum judicet, cùm id ipsum, quod judicat, ægrotet.

Quòd si tales nos natura genuisset, ut eam ipsam intueri et perspicere, eademque optima duce cursum vitæ conficere possemus ; haud erat sanè, quòd quisquam rationem ac doctrinam requireret. Nunc parvulos nobis dedit igniculos, quos celeriter malis moribus, opinionibusque depravatis sic restringimus, ut nusquam naturæ lumen appareat. Sunt enim ingenijs nostris semina innata virtutum : quæ si adolescere liceret, ipsa nos ad beatam vitam natura perduceret.

Nunc

Nunc autem simul atque editi in lucem, et suscepti sumus, in omni continuo pravitate, et in summa opinionum perversitate versamur: ut pænè cum lacte nutricis errorem suxisse videamur. Cum verò parentibus redditi, demum magistris traditi sumus, tum ita variis imbuimur erroribus, ut vanitati veritas, et opinioni confirmatæ natura ipsa cedat. Accedunt etiam poëtæ: qui cum magnam speciem doctrinæ sapientiæque præ se tulerunt, audiuntur, leguntur, ediscuntur, et inhærescunt penitus in mentibus.

Cum verò accedit eodem, quasi maximus quidam magister, populus, atque omnis undique ad vitia consentiens multitudo, tum planè inficimur opinionum pravitate, à naturæque ipsa desciscimus: ut nobis optimam naturam invidisse videantur, qui nihil melius homini, nihil magis expetendum, nihil præstantius honoribus, imperiis, populari gloriâ judicaverunt; ad quam fertur optimus quisque, veramque illam honestatem expetens, quam unam naturæ maximè inquit, in summa inanitate versatur; consecraturque nullam eminentem effigiem virtutis, sed adumbratam imaginem gloriæ. Est enim gloria solida quædam res, et expressa, non adumbrata. Ea est consentiens laus bonorum, incorrupta vox bene judicantium de eccellente virtute: ea virtuti resonat, tanquam imago gloriæ. Quæ quia rectè factorum plerumque comes est, non est à bonis viris repudianda.

Illæ autem, quæ se ejus imitatricem esse vult, temeraria, atque inconsiderata, et plerumque peccatorum vitiorumque laudatrix, fama popularis, simulatione honestatis formam ejus pulchritudinemque corrumpit. Quæ cæcitate,
homines,

homines, cum quædam præclara etiam cuperent, eaque nescirent nec ubi, nec qualia essent, funditus alii everterunt suas civitates, alii ipsi occiderunt. Atque hi quidem optima petentes, non tam voluntate, quam cursûs errore falluntur.

Quid, qui pecuniæ cupiditate, qui voluptatum libidine feruntur; quorûmque ita perturbantur animi, ut non multum absint ab insania, quod insipientibus contingit omnibus, his nullane est adhibenda curatio? utrûm, quod minus noceant animi ægrotationes, quam corporis? An, quod corpora curari possint, animorum nulla medicina sit? At et morbi perniciosiores, plurisque sunt animi, quam corporis. Hi enim ipsi odiosi sunt, quod ad animum pertinent, eumque sollicitant; animusque æger, ut ait Ennius, "semper errat, neque pati, neque perpeti potest: cupere nunquam desinit." Quibus duobus morbis (ut omittam alios) ægritudine et cupiditate, qui tandem possunt in corpore esse graviores? qui verò probari potest, ut sibi mederi animus non possit? Est profectò animi medicina, philosophia: cujus auxilium non, ut in corporis morbis, petendum est foris; omnibusque opibus viribusque, ut nosmetipsi nobis mederi possimus, elaborandum est.

Proœm.

Procem. Lib. V. TUSCUL. DISPUTAT.

QUINTUS hic dies, Brute, finem faciet Tusculanarum disputationum : quo die est à nobis ea de re, quam tu ex omnibus maximè probas, disputatum. Placere enim tibi admodum sensi ex eo libro, quem ad me accuratissimè scripsisti, et ex multis sermonibus tuis, virtutem ad beatè vivendum se ipsa esse contentam. Quod etsi difficile est probatu, propter tam varia, et tam multa tormenta fortunæ ; tale tamen est, ut elaborandum sit, quò faciliùs probetur. Nihil est enim omnium, quæ in philosophia tractantur, quod graviùs, magnificentiusque dicatur.

Nam cùm ea causa impulerit eos, qui primi se ad philosophiæ studium contulerunt, ut omnibus rebus posthabitis, totos se in optimo vitæ statu exquirendo collocarent ; profectò, spe beatè vivendi, tantam in eo studio curam operamque posuerunt. Quòd si ab iis inventa et perfecta virtus est, et si præsidii ad beatè vivendum in virtute satis est ; quis est, qui non præclare et ab illis positam, et à nobis susceptam operam philosophandi arbitretur ? sin autem virtus subiecta sub varios incertòsque casus, famula fortunæ est, nec tantarum virium est, ut se ipsa tueatur ; vereor, ne non tam virtutis fiducia nitendum nobis ad spem beatè vivendi, quàm vota facienda videantur.

Equidem eos casus, in quibus me fortuna vehementer exercuit, mecum ipse considerans, huic incipio sententiæ diffidere : interdum etiam humani generis imbecillitatem

L

fragi-

fragilitatémque extimescere. Vereor enim, ne natura, cùm corpora nobis infirma dedisset, iisque et morbos insanabiles, et dolores intolerabiles adjunxisset, animos quóque dederit et corporum doloribus congruentes, et separatim suis angoribus et molestiis implicatos.

Sed in hoc me ipse castigo, quòd ex aliorum, et ex nostra fortassè mollitiè, non ex ipsa virtute, de virtutis robore existimo. Illa enim, si modò est ulla virtus (quam dubitationem avunculus tuus, Brute, sustulit) omnia, quæ cadere in hominem possunt, subter se habet; eaque despiciebat, casus contemnit humanos: culpæque omni carens, præter se ipsam nihil censet ad se pertinere. Nos autem omnia adversa tum venientia metu augentes, tum incerto præsentia, rerum naturam, quàm errorem nostrum, damnare malumus.

Sed et hujus culpæ, et cæterorum vitiorum peccatorumque nostrorum omnis à philosophia petenda correctio est. Cujus in sinum cùm à primis temporibus ætatis nostra voluntas studiùmque nos contulisset; his gravissimis casibus in eundem portum, ex quo eramus egressi, magna jac-tati tempestate confugimus. O vitæ philosophia dux! o virtutum indagatrix, expultrixque vitiorum! quid non modò nos, sed omnino vita hominum sine te esse potuisset? tu urbes peperisti: tu dissipatos homines in societatem vitæ convocaisti: tu eos inter se primò domiciliis, deinde conjugis; tum literarum et veterum communione junxisti: tu inventrix legum, tu magistra morum, et disciplinæ fuisti. Ad te confugimus: à te opem petimus: tibi nos, ut antea magna ex parte, sic nunc penitus, totòsque tradimus. Est
autem

autem unus dies bene et ex præceptis tuis actus peccanti immortalitati anteponendus. Cujus igitur potius opibus utamur quàm tuis? quæ et vitæ tranquillitatem largita nobis es, et terrorem mortis sustulisti.

At philosophia quidem tantum abest, ut perinde, ac de hominum est vita merita, laudetur, ut à multis etiam vituperetur. Vituperare quisquam vitæ parentem, et hoc patricidio se inquinare audet? et tam impiè ingratus esse, ut eam accuset, quam vereri deberet, etiam si minùs percipere potuisset? Sed, ut opinor, hic error, et hæc indoctorum animis offusa caligo est, quòd tam longè retrò respicere non possunt: nec eos, à quibus vita hominum instructa primo sit, fuisse philosophos arbitrantur. Quam rem antiquissimam cum videamus, nomen tamen esse confitemur recens.

Nam Sapiéntiam quidem ipsam quis negare potest non modò re esse antiquam, verùm etiam nomine? quæ divinarum, humanarumque rerum, tum initiorum, causarumque, tum cujusque rei cognitione hoc pulcherrimum nomen apud antiquos assequebatur. Itaque et illos septem, qui à Græcis Σοφοί, Sapientes à nostris, et habebantur et nominabantur, et multis antè sæculis Lycurgum (cujus temporibus Homerus etiam fuisse, ante hanc urbem conditam, traditur) etiam heroicis ætatibus Ulysses et Nestorem accepimus et fuisse et habitos esse Sapientes.

Nec verò Atlas sustinere coelum, nec Prometheus affixus Caucaso, nec stellatus Cepheus cum uxore, genero, filiâ traderetur, nisi cœlestium divina cognitio nomen eorum ad errorem fabulæ traduxisset. A quibus ducti deinceps

L 2

omnes,

omnes, qui in rerum contemplatione studia ponebant, Sapientes et habebantur, et nominabantur.

Idque eorum nomen usque ad Pythagoræ manavit ætatem : quem (ut scribit auditor Platonis Ponticus Heraclides, vir doctus in primis) Phliuntem ferunt venisse, eumque cum Leonte, principe Phliasiorum, doctè et copiosè disseruisse quædam. Cujus ingenium et eloquentiam cum admiratus esset Leon, quæsisviffe ex eo, qua maximè arte consideret. At illum, artem quidem se scire nullam, sed esse Philosophum. Admiratum Leontem novitatem nominis, quæsisviffe, quinam essent Philosophi, et quid inter eos, et reliquos interesset. Pythagoram autem respondisse, similem sibi videri vitam hominum, et mercatum eum, qui haberetur maximo ludorum apparatu totius Græciæ celebritate. Nam ut illic alii corporibus exercitatis gloriam, et nobilitatem coronæ peterent ; alii emendi aut vendendi quæstu, et lucro ducerentur ; esset autem quoddam genus eorum, idque vel maximè ingenuum, qui nec plausum, nec luctum quærerent, sed visendi causâ venirent, studiosèque perspicerent quid ageretur, et quò modo : item nos, quasi in mercatûs quadam celebritate ex urbe aliqua, sic in hanc vitam ex alia vita et natura profectos ; alios gloriæ servire, alios pecuniæ : raros esse quosdam, qui, cæteris omnibus, pro nihilo habitis, rerum naturam studiosè intuerentur : hos se appellare sapientiæ studiosos, id est enim Philosophos : et ut illic liberalissimum esset, spectare, nihil sibi acquirentem ; sic in vita longè omnibus studiis contemplationem rerum, cognitionémque præstare.

Nce

Nec verò Pythagoras nominis solum inventor, sed rerum etiam ipsarum amplificator fuit. Qui cum post hunc Philasium sermonem in Italiam venisset, exornavit eam Græciam, quæ Magna dicta est, et privatim et publicè, præstantissimis et institutis, et artibus. Cujus de disciplina aliud tempus fuerit fortasse dicendi. Sed ab antiqua philosophia usque ad Socratem (qui Archelaum, Anaxagoræ discipulum, audierat) numeri, motusque tractabantur, & unde omnia orirentur, quove recederent : studiosèque ab his fidèrum magnitudines, intervalla, cursus inquirebantur, et cuncta coelestia. Socrates autem primus philosophiam devocavit è cœlo, et in urbibus collocavit, et in domos etiam introduxit, et coëgit de vita et moribus, rebusque bonis et malis querere.

Cujus multiplex ratio disputandi, rerumque varietas, et ingenii magnitudo, Platonis memoriâ et literis consecrata, plura genera effecit dissentientium philosophorum. E quibus nos id potissimum consecrati sumus, quo Socratem usum arbitramur, ut nostram ipsi sententiam tegeremus, errore alios levaremus, et in omni disputatione, quid esset similem verj, quereremus.

Ex

EX LIB. V. TUSCUL. QUEST.

De Dionysio Syracusano.

DUodequadraginta annos tyrānus Syracusanorum fuit Dionysius, cū v. et xx. natus annos dominatum occupasset. Qua pulchritudine urbem, quibus autem opibus præditam, servitute oppressam tenuit civitatem? Atqui de hoc hominē à bonis auctoribus sic scriptum accepimus; summam fuisse ejus in victu temperantiam, in rebusque gerendis vtrum acrem, et industrium. Ex quo omnibus, bene veritatem intuentibus, videri necesse est miserrimum. ea enim ipsa, quæ concupierat, ne tum quidem, cū omnia se posse censebat, consequabatur.

Qui cū esset bonis parentibus, atque honesto loco natus (etsi id quidem aliis alio modo tradit) abundaretque et æqualium familiaritatibus, et consuetudine propinquorum; credebat eorum nemini: sed iis, quos ex familiis locupletum servos delegerat, quibus nomen servitutis ipse detraxerat, et quibusdam convenis, et feris barbaris corporis custodiam committebat. Ita propter injustam dominatū cupiditatem in carcerem quodammodo ipse se incluserat. Quinetiam, ne tonsori collum committeret, tondere filias suas docuit. Ita sordido ancillarique artificio regię virgines, ut tonstriculæ, tondebant barbam, et capillum patris. Et tamen ab iis ipsis, cū jam essent adultæ, ferum removit, instituitque ut candentibus juglandium putaminibus barbam sibi, et capillum adurerent.

Cūque

Cùmque duas uxores haberet, sic noctu ad eas venitabat, ut omnia specularetur, et perscrutaretur antè. Et, cùm fossam latam cubiculari lecto circumdedisset, ejusque fossæ transitum ponticulo ligneo conjunxisset; eum ipsum, cùm fores cubuli clauserat, detorquebat. Idemque cùm in communibus suggestis consistere non auderet, concionari ex turri alta solebat. Atque is cùm pila ludere vellet (studiosè enim id faciebat) tunicamque poneret, adolescentulo, quem amabat, tradidisse gladium dicitur. Hic cùm quidam familiaris jocans dixisset: *Huic quidem certe vitam tuam committis*; arrisissetque adolescens; utrumque jussit interfici: alterum quia viam demonstravisset interimendi sui: alterum, quia id dictum risu approbavisset. Atque eo facto sic doluit, ut nihil gravius tulerit in vita. Quem enim vehementer amaret, occiderat. Sic distrahuntur in contrarias partes impotentium cupiditates. Cùm huic obsecutus sis, illi est repugnandum.

Quanquam hic quidem tyrannus ipse indicavit, quàm esset beatus. Nam cùm quidam ex ejus assentatoribus, Damocles, commemoraret in sermone copias ejus, opes, majestatem dominatus, rerum abundantiam, magnificentiam ædium regiarum; negaretque unquam beatiorum quenkum fuisse: Visne igitur, inquit, Damocle, quoniam hæc te vita delectat, ipse eandem degustare, et fortunam experiri meam? Cùm se ille cupere dixisset, collocari jussit hominem in aureo lecto, strato pulcherrimo, textili stragulo, magnificis operibus picto; abacòsque complures ornavit argento auròque cœlato. Tum ad mensam eximiâ formâ pueros delectos jussit consistere, eosque ad nutum illius intuentes diligenter ministrare. Aderant unguenta, coronæ; incendebantur odo-

res;

res; mensæ conquisitissimis epulis exstruebantur. Fortunatus sibi Damocles videbatur. ✕

In hoc medio apparatu fulgentem gladium è lacunari, setâ equinâ appensum, demitti iussit, ut impendêret illius beati cervicibus. Itaque nec pulchros illos administratores adspiciebat, nec plenum artis argentum, nec manum porrigebat in mensam: jam ipsæ defluebant coronæ: denique exoravit tyrannum, ut abire liceret, quòd jam beatus nollet esse.

Satisne videtur declarasse Dionysius, nihil esse ei beatum, cui semper aliquis terror impendat? Atque ei ne integrum quidem erat, ut ad justitiam remigraret, civibûsque libertatem et jura redderet: iis enim se adolescens improvida ætate irretierat erratis, eaque commiserat, ut salvus esse non posset, si sanus esse cœpisset.

Quantopere verò amicitias desideraret, quarum infidelitatem extimescebat, declaravit in Pythagoreis duobus illis: quorum cum alterum vadem mortis accepisset, alter, ut vadem suum liberaret, præstò fuisset ad horam mortis destinatam; utinam ego, inquit, tertius vobis amicus adscriberer. Quàm huic erat miserum carere consuetudine amicorum, societate victûs, sermone omni familiari? homini præsertim docto à puero, et artibus ingenuis erudito. Musicorum verò perstudiosum accepimus, poëtam etiam tragicum: quàm bonum, nihil ad rem: in hoc enim genere nescio quo pacto magis quam in aliis, suum culque pulchrum est. Adhuc neminem, cognovi poëtam (et mihi fuit cum Aquino amicitia) qui sibi non optimus videretur. Sic se res habet: te tua, me delectant mea. Sed ut ad Dionysium redeamus. Omni cultu,

tu, et victu humano carebat: vivebat cum fugitiis, cum facinorosis, cum barbaris: neminem, qui aut libertate dignus esset, aut vellet omnino liber esse, sibi amicum arbitrabatur.

Non ergo jam cum hujus vita, quâ tetrius, miserius, detestabilius excogitare nihil possum, Platonis, aut Archytæ vitam comparabo, doctorum hominum, et planè sapientium. Ex eadem urbe humilem homunculum à pulvere et radio excitabo, qui multis annis post fuit, Archimedes. Cujus ego quæstor ignoratum ab Syracusanis, cum esse omninò negarent, septum undique et vestitum vepribus et dumetis indagavi sepulcrum. tenebam enim quosdam senariolos, quos in ejus monumento esse inscriptos acceperam; qui declarabant, in summo sepulcro sphæram esse positam cum cylindro. Ego autem, cum omnia collustrarem oculis (est enim ad portas Agragianas magna frequentia sepulcrorum) animadverti columellam non multum è dumis eminentem; in qua inerat sphæræ figura, et cylindri. Atque ego statim Syracusanis (erant autem principes mecum) dixi, me illud ipsum arbitrari esse, quod quærerem. Immissi cum falcibus multi purgarunt et aperuerunt locum. Quò cum patefactus esset aditus, ad adversam basim accessimus. Apparebat epigramma ex eis posterioribus partibus versiculorum, dimidiatis ferè. Ita nobilissima Græciæ civitas, quondam verò etiam doctissima, sui civis, unius acutissimi, monumentum ignorasset, nisi ab homine Archimede didicisset.

Sed redeat ur̃. aberravit oratio. Quis est enim omnium, qui modò cum musis, id est, cum humanitate et cum doctrina habeat aliquod commercium, qui se non hunc

M

mathe-

mathematicum malit, quàm illum tyrannum? Si vitæ modum actionémque quærimus; alterius mens rationibus agtandis, exquirendisque alebatur, cum oblectatione solertix; qui est unus suavissimus pactus animorum: alterius cade, et injuriis, cum et diurno et nocturno metu.



Ex Lib. V. TUSCUL. QUÆST.

De Doloꝛe tolerando.

DOLOR esse videtur acerrimus virtuti adversarius. ardentes faces intentat: is fortitudinem, magnitudinem animi, patientiam se debilitaturum minatur. Huic igitur succumbet virtus? huic beata sapientis et constantis viri vita cedit? quàm turpe, ô dii boni! Pueri Spartiæ non ingemiscunt verberum dolore laniati. Adolescentium greges Lacedæmone vidimus ipsi incredibili contentione certantes pugnis, calcibus, unguibus, morfu denique, ut examinarentur, prius, quam se victos faterentur. Quæ barbaria Indiâ vastior, aut agrestior? in ea tamen gente primùm iri, qui sapientes habentur, nudi ætatem agunt, et Caucaſi nives, hiemalémque vim perferunt sine dolore: cùmque ad flammam se applicuerint, sine gemitu aduruntur. Mulieres verò in India, cùm est cujusvis earum vir mortuus, in certamen judiciumque veniunt, quam plurimùm ille dilexerit. plures enim singulis solent esse nuptæ. Quæ est victrix;

ca

ea lata, prosequentibus suis, unà cum viro in rogam imponitur: illa victa, mæsta discedit. Nunquam naturam mos vinceret: est enim ea semper invicta. Sed nos umbris, deliciis, otio, languore, desidiâ animum infecimus: opinionibus, maloque more delinitum mollivimus. Egyptiorum morem quis ignorat? quorum imbutæ mentes pravitatis erroribus, quamvis carnificinam prius subierint, quam ibim, aut aspidem, aut selem, aut canem, aut crocodilum violent: quorum etiam si imprudentes quippiam fecerint, pœnam nullam recusent.

De hominibus loquor. Quid bestiar? nonne frigus, non famem, non montivagos atque silvestres cursus, lustrationesque patiuntur? nonne pro suo partu ita propugnant, ut vulnera excipiant? nullos impetus, nullos ictus reformident? omitto, quæ perferant quæque patiantur ambitiosi, honoris causâ: laudis studiosi, gloriæ causâ: amoris incensi, cupiditatis: plena vita exemplorum est.

Dabit, dabit, inquam, se in tormenta vita beata: nec justitiam, temperantiam, in primisque fortitudinem, magnitudinem animi, patientiam profecuta, cum tortoris os viderit, consistet; virtutibusque omnibus sine ullo animi terrore ad cruciatum projectis resistet extra fores, (ut antè dixi) limenque carceris. Quid enim eâ foedius, quid deformius solâ relictâ, comitatu pulcherrimo segregatâ? quod tamen fieri nullo pacto potest. Nec enim virtutes sine beata vita coherere possunt, nec illa sine virtutibus. Itaque eam tergiversari non sinent, secumque rapient ad quemcumque ipsæ dolorem, cruciatumque ducentur.

Ex Lib. V. TUSCUL. DISPUTAT.

QUIS non paupertatem extimefcit? neque tamen quifquam philofophorum. Hi verò ipfi quàm parvo funt contenti? Etenim quæ res pecuniæ cupiditatem afferunt, ut amor, ut ambitioni, ut quotidianis fumptibus copie fuppetant; cùm procul ab iis omnibus rebus abfint, cur pecuniam magnopere defiderent, vel curent omnino?

An Scythes Anacharfis potuit pro nihilo pecuniam ducere: noſtrates philoſophi non poterunt? Illius epiftola fertur his verbis: “Anacharfis Hannoni ſalutem.” “Mihi amiſtus eſt, “Scythicum tegmen: calciamentum, ſolorum callum: cubile, terra: pulpamentum, fames: lacte, caſeo, carne veſcor. Quare ut ad quietum me licet venias. Munera autem iſta, quibus es delectatus, vel civibus tuis, vel “Diis immortalibus dona.” Omnes ferè philoſophi omnium diſciplinarum, niſi quos à recta ratione natura vitioſa detorſiſſet, hoc eodem animo eſſe potuerunt.

Socrates, in pompa cùm magna vis auri argentique ferretur, Quàm multa non defidero, inquit. Xenocrates, cùm legati ab Alexandro quinquaginta ei talenta attuliſſent (quæ erat pecunia temporibus illis, Athenis præſertim, maxima) adduxit legatos ad cœnam in Academiam: iis appoſuit tantum, quod ſatis eſſet, nullo apparatu. Cùm poſtridie rogarent eum, cui numerari juberet. Quid? vos heſternâ, inquit, cœnulâ non intellexiſtis, me pecuniâ non egere? quos cùm triſtiores vidifſet, triginta minas accepit, ne aſpernari regis liberalitatem videretur.

At

At verò Diogenes liberiùs, ut Cynicus, Alexandro roganti, ut diceret, si quid sibi opus esset, Nunc quidem paullulùm, inquit, à sole abfis. Offecerat videlicet apri-canti. Et hic quidem disputare solebat, quanto regem Per-farum vita fortunâque superaret. Sibi nihil deesse: illi nihil satis unquam fore. Se ejus voluptates non desiderare, quibus nunquam satiari ille posset: suas eum consequi nullo modo posse.



Procem. Lib. I. de Naturâ DEORUM.

CUM multæ res in philosophia nequaquam satis adhuc explicatæ sunt, tum perdifficilis, Brute, (quod tu minimè ignoras) et perobscura quæstio est de natura deorum: quæ et ad agnitionem animi pulcherrima est, et ad moderandam religionem necessaria. De qua tam variæ sunt doctissimorum hominum, tamque discrepantes sententiæ, ut magno argumento esse debeat, causam, id est, principium philosophiæ esse inscientiam; prudenterque Academicos à rebus incertis assensionem cohibuisse. Quid est enim temeritate fortius? aut quid tam temerarium, tamque indignum sapientis gravitate atque constantia, quàm aut falsum sentire, aut, quod non satis exploratè perceptum sit et cognitum, sine ulla dubitatione defendere? *†*

Velut

Velut in hac questione, plerique, quod maximè verisimile est, et quò omnes duce naturâ vehimur, deos esse dixerunt: (dubitare se Protagoras: nullos esse omnino Diagoras Melius, et Theodorus Cyrenaicus putaverunt.) Qui verò deos esse dixerunt, tanta sunt in varietate ac dissensione constituti, ut eorum molestum sit annumerare sententias, Nam et de figuris deorum, et de locis atque sedibus, et actione vitæ multa dicuntur: deque his summa philosophorum dissensione certatur. Quod verò maximè rem causamque continet, est, utrùm nihil agant, nihil moliantur, an ab omni curatione et administratione rerum vacent; an contra ab his et à principio omnia facta et constituta sint, et ad infinitum tempus regantur, atque moveantur: in primisque magna dissensio est: easque nisi dijudicatur, in summo errore necesse est homines, atque in maximarum rerum ignorance versari.

Sunt enim philosophi et fuerunt, qui omnino nullam habere censerent humanarum rerum procuracionem deos. Quorum si vera sententia est, quæ potest esse pietas? quæ sanctitas? quæ religio? hæc enim omnia purè ac castè tribuenda deorum numini ita sunt, si animadvertuntur ab his, et si est aliquid à diis immortalibus hominum generi tributum. Sin autem dii neque possunt nos juvare, nec volunt, nec curant omnino, nec, quid agamus, animadvertunt, nec est quod ab his ad hominum vitam permanare possit; quid est, quòd ullos diis immortalibus cultus, honores, preces adhibeamus? In specie autem fictæ simulationis, sicut reliquæ virtutes, ita pietas inesse non potest; cum qua simul et sanctitatem, et religionem tolli necesse est: quibus
sublatis

sublatis perturbatio vitæ sequitur, et magna confusio. Atque haud scio, an, pietate adversus deos sublata, fides etiam, et societas humani generis, et una excellentissima virtus, justitia, tollatur.

Sunt autem alii philosophi, et hi quidem magni atque nobiles, qui deorum mente atque ratione omnem mundum administrari et regi censeant. Neque verò id solum, sed etiam ab iisdem vitæ hominum consuli et provideri. Nam et fruges, et reliqua, quæ terra pariat, et tempestates, ac temporum varietates, coelique mutationes, quibus omnia, quæ terra gignat, maturata pubescant, à diis immortalibus tribui generi humano putant : multaque colligunt, quæ talia sunt, ut * ea ipsa dii immortales ad usum hominum fabricati parè videantur.

Res autem nulla est, de qua tantopere non solum indocti, sed etiam docti dissentiant. Quorum opiniones cum tam variz sint, tamque inter se dissidentes ; alterum fieri profectò potest, ut earum nulla ; alterum certè non potest, ut plus unà vera sit. Qua quidem in causa et benevolos objurgatores placare, et invidos vituperatores confutare possumus, ut alteros reprehendisse pœniteat, alteri se didicisse gaudeant. Nam qui admonent amicè, docendi sunt : qui inimicè insectantur, repellendi.

Multum autem fluxisse video de libris nostris, quos complures brevi tempore edidimus, variùmque sermonem, partim admirantium, unde hoc philosophandi nobis subitò studium exstitisset ; partim, quid quaque de re certi habe-

* Legunt " et ipsi dii " Boherius et Davinius : cui lectioni favent etiam Tillotson et Jortin.

remus,

remus, scire cupientium. Multa etiam sensi mirabile videri * eam nobis potissimum probatam esse philosophiam, quæ lucem eriperet, et quasi noctem quandam rebus offunderet, desertaque disciplinæ et jampridem relictae patrocini-
nium nec opinatum à nobis esse susceptum.

Nos autem nec subito cœpimus philosophari : nec medio-
crem à primo tempore ætatis in eo studio operam curamque consumimus ; et, cum minimè videbamus ; tum maximè philosophabamur. Quòd et orationes declarant refertæ philosophorum sententiis, et doctissimorum hominum familiaritates, quibus semper domus nostra floruit ; et principes illi, Diodotus, Philo, Antiochus, Posidonius, à quibus instituti sumus. Et, si omnia philosophiæ præcepta referuntur ad vitam, arbitramur nos et publicis et privatis in rebus ea præstitisse, quæ ratio et doctrina præscripserit.

Sin autem quis requirit, quæ causa nos impulerit, ut hæc tam ferò literis mandaremus, nihil est, quod expedire tam faciliè possimus. Nam cum otio langueremus, et is esset reipublicæ status, ut eam unius consilio atque cura gubernari necesse esset ; primum ipsius reipublicæ causâ philosophiam nostris hominibus explicandam putavi, magni existimans interesse ad decus et laudem civitatis, res tam graves, tamque præclaras Latinis etiam literis contineri. Eoque me minus instituti mei poenitet, quòd faciliè sentio, quàm multorum non modò discendi, sed etiam scribendi studia commoverim. Complures enim Græcis institutionibus eruditi ea, quæ didicerant, cum civibus suis communicare non poterant ; quòd illa, quæ à Græcis acceperant,

* *Academicam.*

Latine

Latine dici posse diffident. Quo in genere tantum profecisse videmur, ut à Græcis ne verborum quidem copiâ vinceremur.

Hortata est etiam, ut me ad hæc conferrem, animi ægritudo, fortunæ magnâ et gravi commota injuriâ. Cujus si majorem aliquam levationem reperire potuissem, non ad hanc potissimum confugissem. Eâ verò ipsâ nulla ratione melius frui potui, quàm si me non modò ad legendos libros, sed etiam ad totam philosophiam pertractandam dedissem. Omnes autem ejus partes, atque omnia membra tum facillimè noscuntur, cum totæ quæstiones scribendo explicantur. Est enim admirabilis quædam continuatio, seriésque rerum, ut alia ex alia nexa, et omnes inter se aptæ colligataeque videantur.

Qui autem requirunt, quid quaque de re ipsi sentiamus, curiosius id faciunt, quàm necesse est. Non enim tam auctores in disputando, quàm rationis momenta quærenda sunt. Quinetiam obest plerumque iis, qui discere volunt, auctoritas eorum, qui se docere profitentur. Desinunt enim suum judicium adhibere : id habent ratum, quod ab eo, quem probant, judicatum vident. Nec verò probare soleo id quod de Pythagoricis accepimus : quos ferunt, si quid affirmarent in disputando, cum ex iis quæreretur, quare ita esset, respondere solitos, *Ipse dixit*. Ipse autem erat Pythagoras. Tantum opinio præjudicata poterat, ut etiam sine ratione valeret auctoritas.

● Qui autem mirantur, nos hanc potissimum disciplinam secutos, his quatuor Academicis libris satis responsum videtur. Nec verò desertarum relictarumque rerum patro-

N

cinium

cinium suscepimus. Non enim hominum interitu sententiae quoque occidunt; sed lucem auctoris fortasse desiderant: ut haec in philosophia ratio contra omnia differendi, nullamque rem aperte judicandi, profecta à Socrate, repetita ab Arcefila, confirmata à Carneade, usque ad nostram viguit aetatem: quam nunc propemodum orbam esse in ipsa Graecia intelligo. Quod non Academiae vitio, sed tarditate hominum arbitror contigisse. Nam si singulas disciplinas percipere magnum est, quanto majus omnes? quod facere iis necesse est, quibus propositum est, viri reperiendi causa, et contra omnes philosophos, et pro omnibus dicere. Cujus rei tantae, tamque difficilis facultatem consecutum esse me non profiteor: secutum esse praeme fero.

Nec tamen fieri potest, ut, qui hac ratione philosophentur, ii nihil habeant, quod sequantur. Non enim sumus ii, quibus nihil verum esse videatur; sed ii, qui omnibus veris falsa quaedam adjuncta esse dicamus. Neque nostrae disputationes quidquam aliud agunt, nisi ut, in utramque partem differendo, eliciant et expriment aliquid, quod aut verum sit, aut ad id quam proximè accedat.

Ex Lib. II, de Naturâ DEORUM.

*Esse præstantem aliquam, divinâque naturam, pulchritudo mundi,
ordôque rerum omnium cogit confiteri.*

HIC ego non mirer esse quenquam, qui sibi persua-
deat, corpora quædam solida atque invidua vi et
gravitate ferri, mundûmque effici ornatissimum et pulcher-
rimum ex eorum corporum concursione fortuitâ? Hoc qui
existimat fieri potuisse, non intelligo, cur non idem putet,
si innumerabiles unius et viginti formæ literarum aliquod con-
jiciantur, posse ex his in terram excussis annales Ennii, ut
deinceps legi possint, effici: quod nescio an ne in uno
quidem versu possit tantum valere fortuna. Quodd si mun-
dum efficere potest concursus atomorum, cur porticum,
cur templum, cur domum, cur urbem non potest? quæ
sunt minùs operosa, et multò quidem faciliora. Certè ita
temerè de mundo effutiunt, ut mihi quidem nunquam hunc
admirabilem cœli ornatum, qui locus est proximus, suspexisse
videantur.

Præclare Aristoteles, *Si essent, inquit, qui sub terra
semper habitavissent, bonis et illustribus domiciliis, quæ essent
ornata signis atque picturis, instructaque rebus iis omnibus, quibus
abundant ii, qui beati putantur, nec tamen exissent unquam supra
terram; acceperint autem famâ et auditione, esse quoddam
numen, et vim deorum: deinde aliquo tempore, patefactis terræ
faucibus, ex illis abditis sedibus evadere in hæc loca, quæ nos in-
colimus, atque exire potuissent: cùm repente terram, et maria,*
N 2 cœlûmque

cælumque vidiſſent ; nubium magnitudinem, ventorúmque vim cognoviſſent ; adſpexiſſentque ſolem, ejúſque tum magnitudinem pulchritudinémque, tum etiam efficientiam cognoviſſent, quòd is diens efficeret, toto cælo luce diſfuſa ; cùm autem terras nox opacaſſet, tum cælum totum cernerent aſtris diſtinctum et ornatum, lunæque luminum varietatem tum creſcentis, tum ſenſeſcentis ; eorúmque omnium ortus et occaſus, atque in omni æternitate ratos immutabiſque curſus : hæc cùm viderent, proſectò eſſe deos, et hæc tanta opera deorum eſſe arbitrarentur. Atque hæc ille quidem.

Nos autem tenebras congitemus tantas, quantæ quondam eruptione Ætnæorum ignium finitimas regiones obſcuraviſſe dicuntur (ut per biduum nemo hominem homo agnoſceret : cùm autem tertio die ſol illuxiſſet, tum ut revixiſſe ſibi viderentur.) Quòd ſi hoc idem ex æternis tenebris contingeret, ut ſubitò lucem adſpiceremus ; quænam ſpecies cœli videretur ? Sed aſſiduitate quotidiana, et conſuetudine oculorum, affueſcunt animi ; neque admirantur, neque requirunt, rationes earum rerum, quas ſemper vident : perinde, quaſi novitas nos magis, quàm magnitudo rerum, debeat ad exquirendas cauſas excitare.

Quis enim hunc hominem dixerit, qui, cùm tam certos cœli motus, tam ratos aſtrorum ordines, tamque omnia inter ſe connexa et apta viderit, neget in his ullam ineſſe rationem, eaque caſu fieri dicat, quæ quanto conſilio gerantur, nullo conſilio aſſequi poſſumus ? an cùm machinatione quadam moveri aliquid videmus ut ſphæram, ut horas, ut alia permulta ; non dubitamus, quin illa opera ſint rationis : cùm autem impetum cœli admirabili cum celeritate

celeritate moveri vertique videamus, constantissimè confidentem vicissitudines anniverfarias, cum summa salute et conservazione rerum omnium; dubitamus, quin ea non solum ratione fiant, sed etiam excellenti quadam, divinæque ratione?

Licet enim jam, remota subtilitate disputandi, oculis quodammodo contemplari pulchritudinem rerum earum, quas divinâ providentiâ dicimus constitutas. Ac principio terra universa cernatur, locata in media mundi sede, solida, et globosa, et undique ipsa in sese nutibus suis conglobata, vestita floribus, herbis, arboribus, frugibus. Quorum omnium incredibilis multitudo insatiabili varietate distinguitur. Adde huc fontium gelidas perennitates, liquores perlucidos amnium, riparum vestitus viridissimos, speluncarum concavas altitudines, immensitatésque camporum: adde etiam reconditas auri argentique venas, infinitamque vim marmoris. Quæ verò, et quàm varia genera bestiarum, vel cicurum, vel ferarum? qui volucrum lapsus, atque cantus? qui pecudum pastus? quæ vita silvestrium? Quid jam de hominum genere dicam? qui quasi cultores terræ constituti, non patiuntur eam nec immanitate belluarum efferari, nec stirpium asperitate vastari: quorumque operibus agri, insulæ litoraque collucent, distincta tectis et urbibus. Quæ si, ut animis, sic oculis videre possemus, nemo cunctam intuens terram, de divina ratione dubitaret.

Roges me, quid aut quale sit Deus? Auctore utar Simo-
nide: de quo cum quævisset hoc idem tyrannus Hiero,
deliberandi causâ sibi unum diem postulavit. Cum idem ex
eo postridie quæreret, biduum petivit. Cum sæpius dupli-
caret

caret numerum dierum, admiransque Hiero requireret cur ita faceret: *Quòd quanto, inquit, diutius considero, tanto mihi res videtur obscurior.* Sed Simonidem arbitror (non enim poëta solum suavis, verum etiam cæteroqui doctus, sapiensque traditur) quia multa venirent in mentem acuta atque subtilia, dubitantem, quid eorum esset verissimum, desperasse omnem veritatem.

Nec vero Deus ipse, qui intelligitur à nobis, alio modo intelligi potest, nisi mens soluta quædam ac libera, segregata ab omni concretionem mortali, omnia sentiens et movens, ipsaque prædita motu sempiterno.



Ex Lib. II. de Naturâ DEORUM.

FACILIUS intelligetur, à diis immortalibus hominibus esse provisum, si erit tota HOMINIS fabricatio perspecta, omnisque humanæ naturæ figura, atque perfectio. Sensus interpretes ac nuntii rerum, in capite, tanquam in arce, mirificè ad usus necessarios et facti et collocati sunt. Nam oculi, tanquam speculatores, altissimum locum obtinent: ex quo plurima conspicientes, fungantur suo munere. Et aures cum sonum recipere debeant, qui naturâ in sublime fertur, rectè in altis corporum partibus collocatæ sunt. Itémque nares, eo quòd omnis odor ad superiora fertur, rectè sursum sunt: et quòd cibi et potionis iudicium magnum earum est, non sine causa vicinitatem oris secutæ sunt. Jam gustatus, qui sentire eorum quibus vescimur, genera

genera debet, habitat in ea parte oris, quâ esculentis et poculentis iter natura patefecit. Tactus autem toto corpore æquabiliter fusus est, ut omnes ictus, omnésque nimios et frigoris et caloris appulsus sentire possimus. Atque, ut in ædificiis architecti avertunt ab oculis et naribus dominorum ea, quæ profluentia necessariò tetri essent aliquid habitura; sic natura res similes procul amandavit à sensibus.

Quis verò opifex, præter naturam, quâ nihil potest esse callidius, tantam sollertiam persequi potuisset in sensibus? quæ primùm oculos membranis tenuissimis vestivit et sepfit: quas primùm perlucidas fecit, ut per eas cerni posset: firmas autem, ut continerent. Sed lubricos oculos fecit, et mobiles, ut et declinarent, siquid noceret; et adspèctum, quò vellent, faciliè converterent. Aciesque ipsa, quâ cernimus, quæ pupilla vocatur, ita parva est, ut ea, quæ nocere possint, faciliè vitet. Palpebraeque, quæ sunt tegumenta oculorum, molissimæ tactu, ne læderent aciem, aptissimè factæ et ad claudendas pupillas, nequid incideret, et ad aperiendas: idque providit, ut identidem fieri posset cum maxima celeritate. Munitæque sunt palpebræ tanquam vallo pilorum: quibus, et apertis oculis, si quid incideret, repelleretur, et somno conniventibus; cùm oculis ad cernendum non egeremus, ut qui tanquam involuti quiescerent. Latent præterea utiliter, et excelsis undique partibus sepiuntur. Primùm enim superiora superciliis obducta, sudorem à capite et fronte defluentem repellunt. Genæ deinde ab inferiore parte tutantur subjectæ, leviterque eminentes. Nasus ita locatus est, ut quasi murus oculis interjectus esse videatur. ✠

Auditus

Auditus autem semper patet : ejus enim sensu etiam dormientes egemus : à quo cùm sonus est acceptus, etiam è somno excitamur. Flexuosum iter habet, ne quid intrare possit. Provisum etiam, ut, si qua minima bestiola conaretur irrumperere, in sordibus aurium, tanquam in visco, inhæresceret. Extrà autem eminent, quæ appellantur aures, et tegendi causâ factæ tutandique sensus ; et ne adjectæ voces laberentur, atque errarent, priusquam sensus ab his pulsus esset. Sed duros, et quasi corneolos habent introitus, multisque cum flexibus, quòd his naturis relatus amplificatur sonus. Quocirca et in fidibus testudine retonatur, aut cornu : et ex tortuosis locis et inclusis referuntur ampliores. Similiter nares, quæ semper propter necessarias utilitates patent, contractiores habent introitus, ne quid in eas, quod noceat, possit pervadere : humorémque semper habent ad pulverem, multaque alia repellenda, non inutilem. Gustatus præclare septus est : ore enim continetur, at ad usum aptè, et ad incolumitatis custodiam.

Jam verò animum ipsum, mentémque hominis, rationem, consilium, prudentiam, qui non divinâ curâ perfecta esse perspicit, is his ipsis rebus mihi videtur carere. Jam verò domina rerum eloquendi vis, quàm est præclara, quàmque divina ! quæ primùm efficit, ut ea, quæ ignoramus, discere, et ea, quæ scimus, alios docere possimus. Deinde hac cohortamur, hac persuademus, hac consolamur afflictos, hac deducimus perterritos à timore, hac gestientes comprimimus, hac cupiditates, iracundiâsque restringuimus. Hæc nos juris, legum, urbium societate devinxit : hæc à vita
immani,

immani, et fera segregavit. Ad usum autem orationis, incredibile est, nisi diligenter attenderis, quanta opera machinata natura sit. primum enim à pulmonibus vox, principium à mente ducens, percipitur, et funditur. Deinde in ore sita lingua est, finita dentibus. Ea vocem immoderate profusam fingit, et terminat. Quæ sonos vocis distinctos, et pressos efficit, cum et ad dentes, et ad alias partes pellit oris.

Quàm verò aptas, quàmque multarum artium ministras manus natura homini dedit! digitorum enim contractio facilis, facilisque porrectio, propter molles commissuras et artus nullo in motu laborat. Itaque ad pingendum, ad fingendum, ad sculpendum, ad nervorum eliciendos sonos ac tibiarum, apta manus est, admotione digitorum. Atque hæc oblectationis: illa necessitatis; cultus dico agrorum, exstructionesque tectorum, tegumenta corporum vel texta, vel suta, omnemque fabricam æris, et ferri: ex quo intelligitur, ad inventa animo, percepta sensibus, adhibitis opificum manibus omnia nos consecutos, ut tecti, ut vestiti, ut salvi esse possemus; urbes, muros, domicilia, delubra haberemus.

Jam verò operibus hominum, id est, manibus, cibi etiam varietas invenitur, et copia. Nam et agri multa ferunt manu quæsitæ, quæ vel statim consumantur, vel mandentur condita vetustati. Et præterea vescimur bestiis et terrenis, et aquatilibus et volatilibus, partim capiendo, partim alendo. Efficimus etiam domitu nostro quadrupedum vectiões: quorum celeritas atque vis nobis ipsis affert vim, et celeritatem. Nos onera quibusdam bestiis, nos juga imponimus:

O

nos

nos elephantorum acutissimis sensibus ; nos sagacitate canum ad utilitatem nostram abutimur : nos è terræ cavernis ferrum elicimus, rem ad colendos agros necessariam : nos æris, argenti, auri venas, penitus abditas, invenimus et ad usum aptas, et ad ornatum decoras : arborum autem confectione, omnique materiâ, et cultâ et silvestri, partim ad calefaciendum corpus igni adhibito, et ad mitigandum cibum utimur ; partim ad ædificandum, ut tectis septi, frigora calorésque pellamus. Magnos verò usus affert ad navigia facienda. Quorum cursibus suppeditantur omnes undique ad vitam copix : quâsque res violentissimas natura genuit, earum moderationem nos soli habemus, maris, atque ventorum, propter nauticarum rerum scientiam : plurimisque maritimis rebus fruimur, atque utimur. Terrenorum item commodorum omnis est in homine dominatus. Nos campis, nos montibus fruimur : nostri sunt amnes, nostri lacus : nos fruges serimus, nos arbores : nos aquarum inductionibus terris fecunditatem damus : nos flumina arcemus, dirigimus, avertimus : nostris denique manibus in rerum natura quasi alteram naturam efficere conamur.



Ex Lib. I. de DIVINATIONE.

De Somniis.

VIDE, quid Socrates in Platonis Politia loquatur. Dicit enim, *Cùm dormientibus ea pars animi, quæ mentis et rationis particeps sit, sopita langueat ; illa autem, in qua*
seritas

feritas quædam fit atque agrestis immanitas, cum sit immoderate obstupescita potu atque pastu, exsultare eam in somno, immoderateque jactari. Itaque huic omnia visa obijciuntur, à mente ac ratione vacua: ut cum trucidare aliquem, et impiè cruentari, multaque facere videamur cum temeritate atque imprudentia.

At qui salubri et moderato cultu atque victu quieti se traderit, eâ parte animi, quæ mentis et consilii est, agitata et erectâ, saturatâque bonarum cogitationum epulis; eâque parte animi, quæ voluptate alitur, nec inopiâ eneclâ, nec satietate affluenti, (quorum utrumque præstringere aciem mentis solet, sive deest naturæ quippiam, sive abundat atque affluit) illâ etiam tertâ parte animi, in quâ irarum existit ordo, sedatâ atque resinctâ; tum eveniet, duabus animi temerariis partibus compressis, ut illa tertia pars rationis et mentis eluceat, et se vegetam ad somniaudum, acremque præbeat: tum ei visa quietis occurrent tranquilla atque veracia. Hæc verba ipsa Platonis expressi.

Quid singulari vir ingenio Aristoteles, et pænè divino? ipsene errat? an alios vult errare, cum scribit, Eudemum Cyprium familiarem suum, iter in Macedoniam facientem Pheras venisse; quæ erat urbs in Theffalia tum admodum nobilis, ab Alexandro autem tyranno crudeli dominatu premebatur: in eo igitur oppido ita graviter ægrum Eudemum fuisse, ut omnes medici diffiderent: Ei visum esse in quiete egregia facie juvenem dicere, fore ut brevi convalesceret, paucisque diebus interituum Alexandrum tyrannum, ipsum autem Eudemum quinquennio post domum esse rediturum. Atque ita quidem prima statim scribit Aristoteles consecuta, et convalescere Eudemum, et ab uxoris

O 2

fratribus

fratribus interfectum tyrannum : quinto autem anno ex-
eunte, cum esset spes ex illo somnio in Cyprium illum ex
Sicilia esse rediturum, præliantem eum ad Syracusas occi-
disse : ex quo ita illud somnium esse interpretatum, ut, cum
animus Eudemi ex corpore excefferit, tum domum rever-
tisse videatur.

Quid ? illa duo somnia, quæ creberrimè commemorantur
à Stoicis, quis tandem potest contemnere ? unum de Simo-
nide : qui cum ignotum quendam projectum mortuum
vidisset, eumque humavisset, haberetque in animo navem
conscendere, moneri visus est, ne id faceret ab eo quem se-
pulturâ affecerat : si navigasset, eum naufragio esse peri-
tuum : itaque Simonidem rediisse : perisse ceteros, qui
tum navigassent.

Alterum ita traditum, clarum admodum somnium. Cum
duo quidam Arcades familiares iter unâ facerent, et Me-
garam venissent, alterum ad cauponem divertisse ; ad hos-
pitem, alterum. Qui ut cænati quiescerent, concubia nocte
visum esse in somniis ei, qui erat in hospitio, illum alterum
orare, ut subveniret, quòd sibi è caupone interitus pararetur : eum primo perterritum somnio surrexisse : deinde cum
se collegisset, idque visum pro nihilo habendum esse dux-
isset, recubuisse : tum ei dormienti eundem illum visum esse
rogare, ut, quoniam sibi vivo non subvenisset, mortem
suam ne inultam esse pateretur : se interfectum in plaustrum
à caupone esse coniectum, et suprâ stercus injectum : petere,
ut manè ad portam adesset, priusquam plaustrum ex oppido
exiret. Hoc verò somnio eum commotum, manè bubulco
præstò ad portam fuisse : quæsisse ex eo, quid esset in plau-
stro :

stro : illum perterritum fugisse ; mortuum erutum esse : cauponem, re patefacta, poenas dedisse.

Venio nunc ad * tuum. Audivi equidem ex te ipso ; sed mihi sæpius Sallustius noster narravit : cum in illa fuga, nobis gloriosa, patriæ calamitosa, in villa quadam campi Atinatis maneres, magnamque partem noctis vigilasses, ad lucem denique arctè et graviter dormire coepisses. Itaque, quanquam iter instaret, te tamen silentium fieri iussisse, neque esse passum te excitari : cum autem expectatus esses horâ secundâ ferè, te sibi somnium narravisse. Visum tibi esse, cum in locis solis mœstus errares, C. Marium cum fascibus laureatis quærere ex te, quid tristis esses : cumque tu te tuâ patriâ vi pulsum esse dixisses,prehendisse eum dextram tuam, et bono animo te iussisse esse, lictorisque proximo tradidisse, ut te monumentum suum deduceret ; et dixisse, in eo tibi salutem fore. Tum et se exclamasse, Sallustius narrat, reditum tibi cellerem et gloriosum paratum, et te ipsum visum somnio delectari. Nam illud mihi ipsi celeriter nuntiatum est ; ut audivisses, in monumento Marii de tuo reditu magnificentissimum illud S. C. esse factum, referente optimo et clarissimo viro consule, idque frequentissimo theatro, incredibili clamore et plausu comprobatum ; dixisse te, nihil illo Atinati somnio fieri posse divinius.

* *Quintus Cicero M. Tullium fratrem hic alloquitur;*

Procem.

Proœm. Lib. II. de DIVINATIONE.

Studiorum suorum rationem exponit C I C E R O.

QUÆRENTI mihi, multùmque et diù cogitanti, quàmnam re possem prodesse quàm plurimis, ne quando intermitterem consulere reipublicæ, nulla major occurrebat, quàm si optimarum artium vias traderem meis civibus : quod compluribus jam libris me arbitror consecutum. Nam et corhortati sumus, ut maximè potuimus, ad philosophiæ studium eo libro, qui est inscriptus *Hortensius* ; et, quod genus philosophandi minimè arrogans, maximèque et constans et elegans arbitraremur, *quatuor Academicis* libris ostendimus.

Cùmque fundamentum esset philosophiæ positum in *Finibus bonorum et malorum*, perpurgatus est is locus à nobis quinque libris, ut, quid à quoque, et quid contra quemque philosophum diceretur, intelligi posset. Totidem subsequuti libri *Tusculanarum* disputationum res ad beatè vivendum maximè necessarias aperuerunt : primus enim est de contemnenda morte ; secundus de tolerando dolore ; de ægritudine lenienda tertius ; quartus de reliquis animi perturbationibus ; quintus eum locum complexus est, qui totam philosophiam maximè illustrat ; docet enim ad beatè vivendum virtutem se ipsa est contentam.

Quibus rebus editis, tres libri perfecti sunt *de Natura Deorum* : in quibus omnis ejus loci quæstio continetur. Quæ ut plenè esset cumulatèque perfecta, *de Divinatione* ingressi sumus

fumus his libris scribere. Quibus (ut est in animo) *de Fato* si adjunxerimus, erit abundè satisfactum toti huic quæstioni. Atque his libris annumerandi sunt sex *de Republica*, quos tunc scripsimus cum gubernacula reipublicæ tenebamus : magnus locus, philosophiæque proprius, à Platone, Aristotele, Theophrasto, totaque Peripateticorum familia tractatus uberrimè. Nam quid ego de *Consolatione* dicam? quæ mihi quidem ipsi sanè aliquantùm medetur, cæteris item multùm profuturam puto. Interjectus etiam est nuper is, quem ad nostrum Atticum *de Senectute* misimus. In primisque quoniam philosophiâ vir bonus efficitur et fortis, *Cato* noster in horum librorum numero ponendus est.

Cùmque Aristoteles, itémque Theophrastus, excellentes viri cum subtilitate, tum copiâ, cum philosophia dicendi etiam præcepta conjunxerint; nostri quoque *Oratorii libri* in eundem numerum referendi videntur. Ita tres erunt *de Oratore*: quartus, *Brutus*: quintus, *Orator*. Adhuc hæc erant. Ad reliqua acri tendebamus animo, sic parati, ut, nisi quæ causa gravior obstitisset, nullum philosophiæ locum esse pateremur, qui non Latinis literis illustratus pateret. Quod enim munus reipublicæ affere majus meliùsve possumus, quàm si docemus, atque erudimus juventutem? his præsertim moribus, atque temporibus; quibus ita prolapsa est, ut omnium opibus refrænanda atque coërcenda sit.

Nec verò id effici posse confido (quod ne postulandum quidem est) ut omnes adolescentes se ad hæc studia convertant. Pauci utinam: quorum tamen in republicâ latè patere poterit industria. Equidem etiam ex iis fructum capio laboris mei, qui jam ætate provecti in nostris libris acqui-

acquiescunt : quorum studio legendi meum scribendi studium vehementius in dies incitatur : quos quidem plures, quàm rebar, esse cognovi. Magnificum illud etiam, Romanisque hominibus gloriosum, ut Græcis de philosophia literis non egeant. Quod assequar profectò, si instituta perfecero.

Ac mihi quidem explicandæ philosophiæ causam attulit gravis casus civitatis ; cum in armis civilibus nec tueri meo more rempublicam, nec nihil agere poteram : nec, quod potius, quod quidem me dignum esset, agerem, reperiebam. Dabunt igitur mihi veniam mei cives, vel gratiam potius habebunt, quòd, cum esset in unius potestate respublica, néque ego me abdidi, néque deserui, néque affixi, néque ita gessi, quasi hominibus aut temporibus iratus ; néque ita portò aut adulatus aut admiratus fortunam sum alterius, ut me meæ poeniteret. Id enim ipsum à Platone, philosophiæque didiceram, Naturales esse conversiones quasdam rerum publicarum, ut eæ tum à principibus tenerentur, tum à populis, aliquando à singulis.

Quod cum accidisset nostræ reipublicæ, tum pristinis orbi muneribus hæc studia renovare cœpimus, ut et animus molestiis hac potissimum relevaretur, et prodessemus civibus nostris, quâ re cùmque possemus. In libris enim sententiam dicebamus, concionabamur, philosophiam nobis pro reipublicæ procuratione substitutam putabamus. Nunc, quoniam de republicâ consuli cœpti sumus, tribuenda est opera reipublicæ, vel omnis potius in ea cogitatio et cura ponenda : tantum huic studio relinquendum, quantum vacabit à publico officio et munere.

Procem.

Proem. Lib. I. de LEGIBUS.

MARCUS T. CICERO. QUINTUS, M. *frater*. ATTICUS.*Atticus.*

LUCUS quidem ille, et hæc Arpinatium quercus agnoscitur, sæpe à me lectus in * Mario. Si manet illa quercus, hæc est profectò. Etenim est sanè vetus. *Qu.* Manet verò, Attice noster, et semper manebit. Sata est enim ingenio. Nullius autem agricolæ cultu stirps tam diuturna, quàm poëtæ versu seminari potest. *Att.* Quo tandem modo, Quinte? aut quale est istud, quod poëtæ ferunt? mihi enim videris, fratrem laudando, suffragari tibi. *Qu.* Sit ita sanè: verum tamen, dum Latinæ loquentur literæ, quercus huic loco non deerit, quæ Mariana dicatur: eaque, ut ait Scævola de fratris mei Mario, *Canescet sæclis innumerabilibus*. Nisi fortè Athenæ tuæ sempiternam in arce oleam tenere potuerunt, aut, quòd Homericus Ulysses Deli se proceram et teneram palmam vidisse dixit, hodie monstrant eandem. Multaque alia multis locis diutius commemoratione manent, quàm naturâ stare potuerunt. Quare glandifera illa quercus, ex qua olim evolavit

Nuntia fulva Jovis mirandâ visa figurâ,

nunc sit hæc: sed cùm eam tempestas, vetustasve consumserit, tamen erit his in locis, quam Marianam quercum vocent. *Att.* Non dubito id quidem: sed hoc jam non ex

* *Ciceronis Poëmate,*

P

te,

te, Quinte, quero, verum ex ipso poëta, tuine versus hanc quercum severint, an, ita factum de Mario, ut scribis, acceperis!

Mar. Respondebo tibi equidem, sed non ante quam tu ipse mihi responderis, Attice: certene non longè à tuis ædibus inambulans post excessum suum Romulus Proculus Julio dixerit, se deum esse, et Quirinum vocari, templumque sibi dedicari in eo loco jussit? et verumne sit, Athenis, non longè item à tua illa antiqua domo, Orithyiam Aquilo sustulerit? sic enim est traditum. *Att.* Quorsum tandem, aut cur ista quæris? *Mar.* Nihil sanè, nisi ne nimis diligenter inquiras in ea, quæ isto modo memoriæ sint prodita. *Att.* Atqui multa quærantur in Mario, siquæne, an veræ sint; et à nonnullis, quod et in recenti memoriâ, et in Arpinati homine: sed veritas à te postulatur. *Mar.* Et mehercule, ego me cupio non mendacem putari: sed tamen nonnulli isti, Tite, faciunt imperitè, qui in isto opusculo, non ut à poëta, sed ut à teste, veritatem exigant. Nec dubito, quin iidem, et cum Ægeria collocutum Numam, et ab aquila Tarquinio apicem impositum putent. *Qu.* Intellico, te, frater, alias in historia leges observandas putare, alias in poëmate. *Mar.* Quippe cum in illa ad veritatem, Quinte, referantur, in hac ad delectationem pleræque. Quanquam et apud Herodotum, patrem historiæ, et apud Theopompum sunt innumerabiles fabulæ.

Att. Teneo quam optabam occasionem, neque omittam. *Mar.* Quam tandem, Tite? *Att.* Postulatur à te jamdiu, vel flagitatur potius historia. Sic enim putant, te illam tractante effici posse, ut in hoc etiam genere Græciæ nihil cedamus.

cedamus. Atque, ut audias, quid ego ipse sentiam, non solum mihi vidēis eorum studiis, qui literis delectantur, sed etiam patriæ debere hoc munus; ut ea, quæ salva per te est, per te eundem sit ornata. Abest enim historia literis nostris, ut et ipse intelligo, et ex te persepe audio. Potes autem tu profectò satisfacere in ea, quippe cum sit opus, ut tibi quidem videri solet, unum hoc oratorium maxime. Quamobrem aggredere, quæsumus, et sume ad hanc rem tempus, quæ est à nostris hominibus aut adhuc ignorata, aut relicta. Tuum est munus: hoc à te expectatur: nisi quid Quinto videtur secus.

Qu. Mihi verò nihil: et sæpe de isto collocuti sumus. Sed est quedam inter nos parva dissensio. *Att.* Quæ tandem? *Qu.* A quibus temporibus scribendi capiatur exordium. Ego enim ab ultimis censeo, quoniam illa sic scripta sunt, ut ne legantur quidem: ipse autem æqualem ætatis suæ memoriā deposcit, ut ea complectatur, quibus ipse interfuit. *Att.* Ego verò huic potius assentior. Sunt enim maximæ res in hac memoria, atque ætate nostra: tum autem hominis amicissimi, Cn. Pompeii, laudes illustrabit; incurreret etiam in illum memorabilem annum suum; quem ab isto malo prædicari, quàm, ut aiunt, de Remo et Romulo. *Mar.* Intelligo equidem à me istum laborem jamdiu postulari, Attice: quem non recusarem, si mihi ullum tribueretur vacuum tempus, et liberum. Neque enim occupatâ operâ, neque impedito animo, res tanta suscipi potest. Utrûmque opus est, et curâ vacare, et negotio. *Att.* Quid? ad cætera, quæ scripsisti plura, quàm quisquam è nostris, quod tibi tandem tempus vacuum fuit concessum?

Mar. Subciviva quædam tempora incurrunt : quæ ego perire non patior : ut siqui dies ad rusticandum dati sint, ad eorum numerum accommodentur, quæ scribimus. Historia verò nec institui potest, nisi præparato otio ; nec exiguo tempore absolvi. Et ego animi pendere soleo, cùm semel quid orsus, traducor aliò ; neque tam faciliè interrupta contexto, quàm absolvo instituta.



Procem. Lib. II. de LEGIBUS.

Atticus.

SED vísne, quoniam et fatis jam deambulatum est, et tibi aliud dicendi initium sumendum est, locum mutemus, et in insula, quæ est in Fibreno (nam id opinor illi alteri flumini nomen esse) sermoni reliquo demus operam sedentes ? *Mar.* Sanè quidem. Nam illo loco libentissimè soleo uti, five quid mecum ipse cogito, five aliquid scribo, aut lego.

Att. Equidem, qui nunc primùm huc venerim, fatiari non queo : magnificasque villas, et pavimenta marmorea, et laqueata tecta contemno. Ductus verò aquarum, quos isti Nilos et Euripos vocant, quis non, cùm hæc videat, irriterit ? Itaque, ut tu paulò antè de lege et jure differens, ad naturam referebas omnia ; sic in his ipsis rebus, quæ ad quietem animi, delectationemque quæruntur, natura dominatur. Quare antea mirabar (nihil enim his in locis nisi
fata

saxa et montes cogitabam : idque ut facerem, et orationibus inducebar tuis, et versibus) sed mirabar, ut dixi, te tam valde hoc loco delectari. Nunc contrà miror, te, cùm Româ abûs, usquam potiùs esse.

Mar. Ego verò, cùm licet plures dies abesse, præsertim hoc tempore anni, et amœnitatem et salubritatem hanc sequor; rarò autem licet. Sed nimirum me alia quoque causâ delectat, quæ te non attingit ita: *Att.* Quæ tandem ista. causa est? *Mar.* Quia, si verum dicimus, hæc est mea, et hujus fratris mei germana patria: hinc enim orti stirpe antiquissima sumus: hinc sacra, hinc genus, hinc majorum multa vestigia. Quid plura? hanc vides villam, ut nunc quidem est, lautius ædificatam patris nostri studio; qui, cùm esset infirma valetudine, hinc ferè ætatem egit in literis. Sed hoc ipso in loco cùm avus viveret, et antiquo more parva esset villa, ut illa Curiana in Sabinis, me scito esse natum. Quare inest nescio quid, et latet in animo ac sensu meo, quo me plus hic locus fortasse delectet: si quidem etiam ille sapientissimus vir, Ithacam ut videret, immortalitatem scribitur repudiasse. ✕

Att. Ego verò tibi istam justam causam puto, cur huc libentiùs venias, atque hunc locum diligas. Quin ipse, verè dicam, sum ipsi villæ amicior factus, atque huic omni solo, in quo tu ortus et procreatus es. Movemur enim nescio quò pacto locis ipsis, in quibus eorum, quos diligimus, aut admiramur, adsunt vestigia. Me quidem ipsæ illæ nostræ Athenæ non tam operibus magnificis, exquisitisque antiquorum artibus delectant, quàm recordatione summorum virorum, ubi, quisque habitare, ubi sedere, ubi disputare
sic

fit solitus: studioſeque eorum etiam ſepulcra contempſor. Quare iſtum, ubi tu es natus, plus amabo poſſitac locum.

Mar. Gaudeo igitur, me incunabula patris meae tibi offendiſſe. *Att.* Et quidem me cognoſſe admodum. gaudeo. Sed illud tamen quale eſt, quod paulò ante dixiſti: hunc locum (idem ego te accipio dicere Arpinum) germanam patriam eſſe veſtram? numquid vos duas habetis patrias? an eſt illa una patria communis? niſi ſortè ſapienti illi Catoni fuit patria non Roma, ſed Tuſculum. *Mar.* Ego me hercule et illi, et omnibus municipibus duas eſſe cenſeo patrias: unam naturæ, alteram civitatis: ut ille Cato, cum eſſet Tuſculi natus, in populi Romani civitatem ſuſceptus eſt: itaque, cum ortu Tuſculanus eſſet, civitate Romanus, habuit alteram loci patriam, alteram juris: ut veſtri Attici, priuſquàm Theſeus eoſdem migrare ex agris, et in aſtu, quod appellatur, omnes ſe conferre juſſit, et Suii erant ſidem et Attici: ſic nos et eam patriam dicimus, ubi nati; et illam, qua excepti ſumus. Sed necesse eſt, caritate eam præſtare, in qua rei publicæ nomen et univerſæ civitatis eſt: pro qua mori, et cui nos totos dedere, et in qua noſtra omnia ponere, et quaſi conſecrare debemus. Dulcis autem non multò ſecus eſt ea, quæ genuit, quàm illa quæ exceptit: itaque ego eſſe hanc meam patriam proſus nunquam negabo, dum illa ſit maior, et hæc in ea contineatur.

Att. Rectè igitur Magnus ille noſter, me audiente, poſuit in iudicio, cum pro Balbo tecum ſimul diceret, rem publicam noſtram juſtiſſimas huic municipio gratias agere poſſe, quòd ex eo duo ſui conſervatores exiſtiſſent: ut jam videat adduci, hanc quoque quæ te procreavit, eſſe patriam tuam.

Sed

Sed ventum in insulam est. Hac verò nihil est amoenius. Etenim hoc quasi rostro finditur Fibrenus, et divisus æqualiter in duas partes latera hæc aluit, rapidèque dilapsus citò in unum confluit, et tantum complectitur, quod satis sit modicæ palæstræ loci. Quo effecto, tanquam id habuerit operis ac muneris, ut hanc nobis efficeret sedem ad disputandum, statim præcipitat in Lirem, et, quasi in familiam patritiam venerit, amittit nomen obscurius, Lirémque multò gelidiorem facit. Nec enim ullum hoc frigidius flumen attigi, cum ad multa accesserim, ut vix pede tentare id possim; quod in Phædro Platonis facit Socrates. *Mar.* Est verò ita: sed tamen huic amoenitati, quemadmodum ex Quinto sæpe audio, Thyamis Epirotes tuus ille nihil, opinor, concesserit. *Qu.* Est ita, ut dicis: cave enim putes Attici nostri Amaktheo, platanisque illis quidquam esse præclarius. Sed, si videtur, confidamus hîc in umbra. Atque ad eam partem sermonis, ex qua egressi sumus, revertamur.



Procem. Lib. I. de OFFICIIS.

QUANQUAM te, Marce fili, annum jam audientem Cratippum, idque Athenis, abundare oportet præceptis institutisque philosophiæ, propter summam et doctoris auctoritatem, et urbis (quorum alter te scientiâ augere potest, altera exemplis) tamen, ut ipse ad meam utilitatem semper cum Græcis Latina conjunxi, neque id in philosophia solum, sed etiam in dicendi exercitatione feci;
idem

idem tibi censeo faciendum ; ut par sis in utriusque orationis facultate. Quam quidem ad rem, nos (ut videmur) magnum attulimus adjumentum hominibus nostris ; ut non modò Græcarum literarum rudes, sed etiam docti aliquantum se arbitrentur adeptos, et ad dicendum, et ad judicandum.

Quamobrem discēs tu quidem à principe hujus ætatis philosophorum, et discēs, quamdiu voles : tamdiu autem velle debebis, quoad te, quantum proficias, non poenitebit. Sed tamen nostra legens, non multum à Peripateticis dissidentia, (quoniam utrique et Socratici, et Platonici esse volumus) de rebus ipsis utere tuo judicio. Nihil enim impedio : Orationem autem Latinam profectò legendis nostris efficies pleniorē. Nec verò arroganter hoc dictum existimare velim. Nam philosophandi scientiam concedens multis ; quod est oratoris proprium, aptè, distinctè, ornatèque dicere, quoniam in eo studio ætatem consumsi, si id mihi assumo, videor id meo jure quodam modo vindicare.

Quamobrem magnopere te hortor, mi Cicero, ut non solum orationes meas, sed hos etiam de philosophia libros, qui jam se illis ferè æquarunt, studiosè legas. Vis enim dicendi major est in illis : sed hoc quoque colendum est æquabile, et temperatum orationis genus. Et id quidem nemini video Græcorum adhuc contigisse, ut idem utroque in genere laboraret, sequereturque et illud forense dicendi, et hoc quietum disputandi genus. Nos autem quantum in utroque profecerimus aliorum sit judicium ; utrumque certè secuti sumus.

Sed

Sed cū statuissem aliquid hoc tempore ad te scribere, et multa posthac, ab eo exordiri volui maximè, quod et ætati tuæ esset aptissimum, et auctoritati meæ. Nam cū multa sint in philosophia et gravia et utilia, accuratè copiosèque à philosophis disputata, latissimè patere videntur ea, quæ de officiis tradita ab illis et præcepta sunt. Nulla enim vitæ pars neque publicis, neque privatis, neque forensibus, neque domesticis in rebus, neque si tecum agas quid, neque si cū altero contrahas, vacare officio potest: in eoque colendo sita vitæ est honestas omnis, et in negligendo turpitudine.



Ex Proœm. Lib. II. de OFFICIIS.

QUANQUAM libri nostri complures non modò ad legendi, sed etiam ad scribendi studium excitaverunt; tamen interdum vereor, ne quibusdam bonis viris philosophiæ nomen sit invisum; mirenturque in ea tantum me operæ, et temporis ponere. Ego autem quamdiu respublica per eos gerebatur, quibus se ipsa commiserat, omnes meas curas cogitationesque in eam conferebam: cū autem dominatu unis omnia tenerentur, neque esset usquam consilio, aut auctoritati locus; socios denique tuendæ reipublicæ, summos viros, amissem: nec me angoribus dedidi, quibus essem confectus, nisi iis restitissem; nec rursus indignis homine docto voluptatibus.

Q

Atque

Atque utinam respublica stetit, quo caperat, statu, nec in homines non tam commutandarum rerum, quam evertendarum cupidos incidisset. Primum enim, ut stante republica facere solebamus, in agendo plus, quam in scribendo, operæ poneremus: deindi ipsis scriptis non ea, quæ nunc, sed actiones nostras mandarem, ut sæpe fecimus. Cum autem respublica, in qua omnis mea cura, cogitatio, opera poni solebat, nulla esset omnino, illæ scilicet literæ conticuerunt forenses, et senatoriæ. Nihil autem agere cum animus non posset; in his studiis ab initio versatus ætatis, existimavi honestissimè molestias deponi posse, si me ad philosophiam retulissem. Cui cum multum adolescens, discendi causâ, temporis tribuissem; postea quàm honoribus inservire cœpi, meque totum reipublicæ tradidi, tantum erat philosophiæ loci, quantum superfuerat amicorum et reipublicæ temporibus. Id autem omne consumebatur in legendo: scribendi otium non erat.

Maximis igitur in malis hoc tantum boni affecti videmur, ut ea literis mandarem, quæ nec satis erant nota nostris, et erant cognitione dignissima. Quid est enim, per deos, optabilius sapientiâ? quid præstantius? quid homini melius? quid homine dignius? Hanc igitur, qui expetunt, philosophi nominantur: nec quidquam aliud est philosophia si interpretari velis, quàm studium sapientiæ. Sapientiâ autem est (ut à veteribus philosophis definitum est) *Rerum divinarum et humanarum, causarumque, quibus hæ res continentur, scientia*: cujus studium qui vituperat, haud sanè intelligo, quidnam sit, quod laudandum putet. ✠

Nam

Nam siue oblectatio queritur animi, requiesque curarum ; quæ conferri cum eorum studiis potest, qui semper aliquid acquirunt, quod spectet et valeat ad bene beatæque vivendum ? siue ratio constantis virtutisque queritur ; aut hæc ars est, aut nulla omnino, per quam eas assequamur. Nullam verò dicere maximarum rerum artem esse, cum minimarum sine arte nulla sit, hominum est parum consideratè loquentium, atque in maximis rebus errantium. Si autem est aliqua disciplina virtutis, ubi ea quæretur, cum ab hoc discendi genere discesseris ? Sed hæc, cum ad philosophiam cohortamur, accuratius solent disputari : quod alio quodam libro fecimus. Hoc autem tempore tantum nobis declarandum fuit, cur orbatî reipublicæ muneribus, ad hoc nos studium potissimum contulissimus.



Ex Lib. III. de OFFICIIS.

PUBLIUM Scipionem, Marce fili, eum, qui primus Africanus appellatus est, dicere solitum scripsit Cato (qui fuit ferè ejus æqualis) *Nunquam se minùs otiosum esse, quàm cum otiosus : nec minùs solum, quàm cum solus esset.* Magnifica verò vox, et magno viro ac sapiente digna : quæ declarat, illum et in otio de negotiis cogitare, et in solitudine secum loqui solitum : ut neque cessaret unquam, et interdum colloquio alterius non egeret. Itaque duæ res, quæ languorem afferunt cæteris, illum acuebant, otium et solitudo.

Vellem et nobis hoc idem verè dicere liceret : sed si minùs imitatione tantam ingenii præstantiam consequi possumus, voluntate certè proximè accedimus : nam et à rebus, forensibusque negotiis, armis impiis, vique prohibiti, otium persequimur : et ob eam causam, urbe relicta, rura peragrantes, sæpe soli sumus. Sed nec otium hoc cum Africani otio, nec hæc solitudo cum illà comparanda est. Ille enim requiescens à reipublicæ pulcherrimis muneribus otium sibi fumebat aliquando, et à coetu hominum frequentiaque interdum, tanquam in portum, se in solitudinem recipiebat. Nostrium autem otium negotii inopià, non requiescendi studio, constitutum est. Exstincto enim senatu, deletisque judiciis, quid est, quod dignum nobis aut in curia, aut in foro agere possimus ?

Itaque in maxima celebritate, atque in oculis civium quondam viximus : nunc fugientes conspectum sceleratorum, quibus omnia redundant, abdimus nos, quantum licet, et sæpe soli sumus. Sed quia sic ab hominibus doctis accepimus, *non solum ex malis eligere minima oportere ; sed etiam excerpere ex his ipsis, siquid inesset boni* ; propterea et otio fruor non illo quidem, quo debeat is, qui quondam peperisset otium civitati : nec eam solitudinem languere patior, quam mihi adfert necessitas, non voluntas.

Quanquam Africanus majorem laudem vel meo judicio assequeretur ; nulla tamen ejus ingenii monumenta mandata literis, nullum opus otii, nullum solitudinis munus exstat ; ex quo intelligi debet, illum mentis agitatione, investigationeque earum rerum, quas cogitando consequeretur, nec otiosum, nec solum unquam fuisse. Nos autem, qui non
tantum

tantum roboris habemus, ut cogitatione tacita à solitudine abstrahamur, ad hanc scribendi operam omne studium curamque convertimus. Itaque plura brevi tempore, eversâ, quàm multis annis, stante republicâ, scripsimus.

Sed cùm tota philosophia, mi Cicero, frugifera et fructuosa, nec ulla pars ejus inculta ac deserta sit; tamen nullus feracior in ea locus est, nec uberior, quàm de officiis; à quibus constanter honesteque vivendi præcepta ducuntur. Quare, quanquam à Cratippo nostro, principe hujus memorie philosophorum, hæc te assidue audire atque accipere confido; tamen conducere arbitror, talibus aures tuas vocibus undique circumsonare, nec eas, si fieri possit, quidquam aliud audire.

Quod cùm omnibus est faciendum, qui vitam honestam ingredi cogitant, tum haud scio, an nemini potius, quàm tibi. Sustines enim non parvam expectationem imitandæ industriæ nostræ, magnam honorem, nonnullam fortasse nominis. Suscepisti onus præterea grave et Athenarum, et Cratippi: ad quos cùm tanquam ad mercaturam bonarum, artium sis profectus, inanem redire turpissimum est, dedecorantem et urbis auctoritatem, et magistri. Quare quantum cõnniti animo potes, quantum labore contendere (si discendi labor est potius, quàm voluptas) tantum fac ut efficias, nève committas, ut, cùm omnia suppeditata sint à nobis, tute tibi defuisse videare.

Ex

EX LIB. III. DE OFFICIIS.

CAIUS Canius, eques Romanus, homo nec infacetus, et satis literatus, cum se Syracusas otia vendendi causâ, non negotiandi, ut ipse dicere solebat, contulisset; distabat, se hortulos aliquos velle emere, quod invitare amicos, et ubi se oblectare sine interpellatoribus posset. Quod cum percrebuisse, Pythius ei quidam, qui argentariam faceret Syracusis, dixit venales quidem se hortos non habere; sed licere uti Canio, si vellet, ut suis; et simul ad cenam hominem in hortos invitavit in posterum diem. Cum ille promississet, tum Pythius, qui esset, ut argentarius, apud omnes ordines gratus, piscatores ad se vocavit; et ab his petivit, ut ante suos hortulos postera die piscarentur: dixitque, quid eos facere vellet. Ad cenam tempore venit Canius: opipare paratum erat convivium: cymbarum ante oculos multitudo: pro se quisque quod ceperat, afferebat: ante pedes Pythii pisces abiciebantur.

Tum Canius, Quæso, inquit, quid est hoc, Pythi? tantumne piscium? tantumne cymbarum? Et ille, Quid mirum? inquit: hoc loco est, Syracusis quidquid est piscium: hic aquatio: hac villa isti carere non possunt. Inensus Canius cupiditate, contendit à Pythio, ut venderet. Gravate ille primo. Quid multa? impetrat: emit homo cupidus et locuples tanti, quanti Pythius voluit, et emit instructos: nomina facit: negotium conficit.

Invitat Canius postera die familiares suos. Venit ipse mature. Scalmum nullum videt. Quærit ex proximo vicino,

cino, num feræ quædam piscatorum essent, quòd eos nullos videret. Nullæ (quod sciam) inquit ille; sed hîc piscari nulli solent. Itaque heri mirabar, quid accidisset. Stomachari Canius. Sed quid faceret? nondum enim Aquilius, collega, et familiaris meus protulerat de dolo malo formulas: in quibus ipsis cum ex eo quæreretur, quid esset dolus malus; respondebat, cum esset aliud simulatum, aliud actum. Hoc quidem sanè luculenter, ut ab homine perito definiendi. Ergo et Pythius, et omnes aliud agentes, aliud simulantes, perfidi, improbi, malitiosi sunt.

Ex Lib. III. de OFFICIIS.

REGULUS.

M Atilius Regulus, cum consul iterum in Africa ex infidiis captus esset, duce Xantippo Lacedæmonio, imperatore autem, patre Hannibalis, Hamilcare; juratus missus est ad senatum, ut, nisi redditi essent Poenis captivi nobiles quidam, rediret ipse Carthaginem. Is cum Romam venisset, utilitatis speciem videbat; sed eam, ut res declarat, falsam judicavit: quæ erat talis. Manere in patria, esse domi suæ cum uxore, cum liberis; quam calamitatem accepisset in bello, communem fortunæ bellicæ judicantem, tenere consularis dignitatis gradum: quis hæc neget esse utilia? quid censes? magnitudo animi et fortitudo negat.

An

An locupletiores quæris auctores? Harum enim est virtutum proprium nil extimescere; omnia humana despicere; nihil, quod homini accidere possit, intolerandum putare. Itaque quid fecit? In senatum venit: mandata exposuit: sententiam ne diceret, recusavit: quamdiu jurejurando hostium teneretur, non esse se senatorem. Atque illud etiam (ô stultum hominem, dixerit quispiam, et repugnantem utilitati suæ!) reddi captivos, negavit esse utile: illos enim adolescentes esse, et bonos duces; se jam confectum senectute. Cujus cum valuisset auctoritas, captivi retenti sunt: ipse Carthaginem rediit: neque eum caritas patriæ retinuit, nec suorum. Neque verò tum ignorabat, se ad crudelissimum hostem, et ad exquisita supplicia proficisci: sed jusjurandum conservandum putabat. Itaque tum, cum vigilando necabatur, erat in meliore causa, quam si domi senex captivus, perjurus, et consularis remansisset.



Ex Lib. de SENECTUTE.

APUD Xenophontem moriens Cyrus major, hæc dicit.
 “ Nolite arbitrari, ô mihi carissimi filii, me, cum à
 “ vobis discessero, nusquam, aut nullum fore. Nec enim,
 “ dum eram vobiscum, animum meum videbatis: sed eum
 “ esse in hoc corpore, ex iis rebus, quas gerebam, intelli-
 “ gebatis. Eundem igitur esse creditote, etiam si nullum
 “ videbitis.

“ Nec

“ Nec verò clarorum virorum post mortem honores per-
 “ manerent, si nihil eorum ipsorum animi efficerent, quò
 “ diutius memoriam fui teneremus. Mihi quidem nun-
 “ quam persuaderi potuit, animos, dum in corporibus
 “ essent mortalibus, vivere; cum exissent ex iis, emori :
 “ nec verò tum animum esse insipientem, cum ex insipienti
 “ corpore evasisset : sed cum omni admixtione corporis li-
 “ beratus, purus et integèr esse cœpisset, tum esse sapi-
 “ entem.

“ Atque etiam, cum hominis natura morte dissolvitur,
 “ cæterarum rerum perspicuum est, quò quæque discedant :
 “ abeunt enim illuc omnia, unde orta sunt : animus autem
 “ solus, nec cum adest, nec cum discedit, apparet.

“ Jam verò videtis, nihil esse morti tam simile, quàm
 “ somnum. Atqui dormientium animi maximè declarant
 “ divinitatem suam. Multa enim, cum remissi et liberi
 “ sunt, futura prospiciunt. Ex quo intelligitur, quales
 “ futuri sint, cum se planè corporis vinculis relaxaverint.
 “ Quare, si hæc ita sunt, me colitote, ut deum. Sin unà
 “ est interiturus animus cum corpore, vos tamen deos ve-
 “ rentes, qui hanc omnem pulchritudinem tuentur, et re-
 “ gunt, memoriam nostri piè, inviolatèque servabitis.”

Cyrus quidem hæc moriens. Nos (si placet) nostra vi-
 deamus.

Nemo unquam mihi, Scipio, persuadebit, aut patrem
 tuum Paulum, aut duos avos, Paulum et Africanum, aut
 Africani patrem, aut patrūm, aut multos præstantes viros,
 quos enumerare non est necesse, tanta esse conatos, quæ ad
 posteritatis memoriam pertinerent; nisi animo cernerent,

R

posse-

posteritatem ad se pertinere. An censes (ut de me ipso aliquid more senum gloriæ) me tantos labores diurnos nocturnosque, domi militiaeque suscepturum fuisse, si iisdem finibus gloriam meam, quibus vitam esset terminaturus? Nōne melius multò fuisset, otiosam ætatem, et quietam, sine ullo labore, et contentione traducere? sed nescio quomodo animus erigens se, posteritatem semper ita prospiciebat, quasi, cū excessisset è vita, tum denique victurus esset. Quod, quidem nī ita se haberet, ut animi immortales essent, haud optimi cuiusque animus maximè ad immortalitatis gloriam niteretur.

Quid, quòd sapientissimus quisque acquirissimo animo moritur, stultissimus iniquissimo? Nōne vobis videtur animus is, qui plus cernat et longius, videre, se ad meliora proficisci: ille autem, cuius obtusior sit acies, non videre?

Equidem efferor studio patres vestros, quos colui et dilexi, videndi. Neque verò eos solū convenire aveo, quos ipse cognovi; sed illos etiam, de quibus audiui, et legi, et ipse conscripsi. Quò quidem me proficiscentem haud sanè quis facillè retraxerit, nève tanquam Peliam recoxerit. Quòd si quis deus mihi largiatur, ut ex hac ætate repuerascam, et in cunis vagiam, valde recusem: nec verò velim, quasi decurso spatio ad carceres à calce revocari.

Quid enim habet vita commodi? quid non potius laboris? sed habeat sanè. Habet certè tamen aut satietatem, aut modum. Non lubet enim mihi deplorare vitam, quod multi, et ii docti, sæpe fecerunt. Neque me vixisse poenitet: quoniam ita vixi, ut non frustra me natum existimem: et ex vita ita discedo, tanquam ex hospitio, non tanquam ex domo.

Com-

Commorandi enim natura diverforium nobis, non habitandi locum dedit.

O præclarum diem, cùm ad illud divinum animorum concilium cœtũque proficiscar, et cùm ex hac turba et colluvione discedam : proficiscar enim non ad eos solũ viros, de quibus ante dixi ; sed etiam ad Catonem meum, quo nemo vir melior natus est, nemo pietate præstantior : cujus à me corpus crematum est ; quod contrà decuit ab illo meum. Animus verò non me deferens, sed respectans, in ea profectò loca discessit, quò mihi ipsi cernebat esse veniendum ; quem ego meum casum fortiter ferre visus sum ; non quod æquo animo ferrem ; sed me ipse consolabar, existimans, non longinquum inter nos digressum et discessum fore.

His mihi rebus, Scipio (id enim te cum Lælio admirari solere dixisti) levis est senectus, nec solũ non molesta, sed etiam jucunda. Quòd si in hoc erro, quòd animos hominum immortales esse credam, lubenter erro ; nec mihi hunc errorem, quo delector, dum vivo, extorqueri volo. Sin mortuus (ut quidem minuti philosophi censent) nihil sentiam ; non vereor, ne hunc errorem meum mortui philosophi irrideant. Quòd si non sumus immortales futuri, tamen extingui homini suo tempore optabile est. Nam habet natura, ut aliarum omnium rerum, sic vivendi modum. Senectus autem peractio ætatis est, tanquam fabulæ : cujus defatigationem fugere debemus, præsertim adjuncta satietate.

Ex Lib. de A M I C I T I A .


QUONIAM ita ratio comparata est vitæ naturæque nostræ, ut alia ætas oriatur ex alia ; maxime quidem optandum est, ut cum æqualibus possis, quibuscum tanquam è carceribus emissus sis, iisdem, ad calcem, ut dicitur, pervenire. Sed quoniam res humanæ fragiles caducæque sunt, semper aliqui acquirendi sunt, quos diligamus, et à quibus diligamur. Caritate enim, benevolentiaque sublata, omnia est è vita sublata jucunditas.

Mihi quidem, Scipio, quanquam est subito ereptus, vivit tamen, semperque vivet. Virtutem enim semper amavi illius viri, quæ extincta non est : nec mihi soli versatur ante oculos, qui illam semper in manibus habui ; sed etiam posteris erit clara et insignis. Nemo unquam animo, aut spe majora suscipiet, qui sibi non illius memoriam, atque imaginem proponendam putet.

Equidem ex omnibus rebus, quas mihi aut fortuna, aut natura tribuit, nihil habeo, quod cum amicitia Scipionis possim comparare. In hac mihi de republica consensus, in hac rerum privatarum consilium, in hac requies plena oblectationis fuit. Nunquam illum ne minima quidem re offendi, quod quidem senserim : nihil audiavi ex eo ipse, quod nollem. Una domus erat, idem victus, isque communis : neque solum militia, sed etiam peregrinationes, rusticationesque communes. Nam quid ego de studiis dicam cognoscendi semper aliquid, atque discendi ? in quibus
remoti

remoti ab oculis populi, omne otium tempusque contrivimus?

Quarum rerum recordatio et memoria si unà cum illo occidisset, desiderium conjunctissimi viri, atque amantissimi ferre nullo modo possem. Sed nec illa extincta sunt; alunturque potius, et augentur cogitatione et memoriâ: et si planè istis orbatus essem, magnum tamen afferret mihi ætas ipsa solatium: diutius enim jam in hoc desiderio esse non possum. Omnia autem brevia, tolerabilia esse debent, etiam si magna sint.



P A R A D O X O N IV.

Omnes stultos insanire. In C L O D I U M.

EGO verò te non stultum, ut sæpe; non improbum, ut semper; sed dementem, et insanum rebus vincam necessariis. Sapientis animus magnitudine consilii, tolerantia rerum humanarum, contemptione fortunæ, virtutibus denique omnibus, ut mœnibus, septus, vincetur et expugnabitur, qui ne civitate quidem pelli potest? quæ est enim civitas? omnisine conventus ferorum, et immanium? omnisine etiam fugitivorum ac latronum congregata unum in locum multitudo? certè negabis. Num igitur erat illa tum civitas, cùm leges in ea nihil valebant: cùm judicia jacebant: cùm mos patrius occiderat: cùm ferro pulsus magistratus, senatus nomen in republica non erat? Prædonum ille

ille concursus, et te duce latrocinium in foro constitutum, et reliquæ conjurationis à Catilinæ furiis ad tuum scelus fuerantque converte, num civitas erat? Itaque pulsus ego civitate non sum, quæ tum nulla erat: accersitus in civitatem sum, cum esset in republica consul, qui tum nullus fuerat; esset senatus qui tum occiderat; esset consensus populi liberi; esset juris et æquitatis (quæ vincula sunt civitatis) repetita memoria.

At vide, quàm ista tui latrocinii tela contempserim. Jactam et immissam à te nefariam in me injuriam semper duxi: pervenisse tamen ad me nunquam putavi: nisi fortè, cum parietes disturbabas, aut cum tectis sceleratas faces inferebas, meorum aliquid ruere, aut deslagrare arbitrabare. Nihil neque meum est, neque cujusquam, quod auferri, quod eripi, quod amitti potest. Si mihi eripuisses divinam animi mei constantiam, meas curas, vigilias, consilia, quibus republica te invitissimo stat: si hujus æterni beneficii immortalis memoriam delevisse: multò etiam magis si illam mentem, unde hæc consilia manarunt, mihi eripuisses: tum ego accepisse me confiterer injuriam. Sed si hæc nec fecisti, nec facere potuisti, reditum mihi gloriosum injuria tua dedit, non exitum calamitosum.

Ergo ego semper civis; et tum maxime, cum meam salutem senatus exteris nationibus, ut civis optimi, commendabat: tu ne nunc quidem: nisi fortè idem esse hostis, et civis potest. An tu civem ab hoste natura ac loco, non animo factisque distinguis? Eadem in foro fecisti: armatis latronibus templa tenuisti; privatorum domos, aedèsque sacras incendiisti. Cur hostis Spartacus, si tu civis? potes
autem

autem esse tu civis, propter quem aliquando civitas non fuit? et me exulem tuo nomine appellas, cum omnes meo discessu exulasse rempublicam putent?

Nunquámne, homo amentissime, te circumspecies? nunquámne, quid facias, considerabis, nec quid loquare? nescis, exilium scelerum esse poenam? meum illud iter ob præclarissimas res à me gestas esse susceptum? Omnes scelerati atque impii, quorum tu te ducem esse profiteris, quos leges exilio affici volunt, exules sunt, etiam si solum non mutarunt. An cum omnes leges te exulem esse jubeant, non eris tu exul? Non appellatur inimicus, qui cum telo fuerit? ante senatum tua fida deprehensa est. Qui hominem occiderit? tu plurimos occidisti. Qui incendium fecerit? ædes Nympharum manu tuâ deflagavit. Qui templa deorum occupaverit? in foro etiam castra posuisti. Sed quid ego communes leges profero, quibus omnibus es exul? Familiarissimus tuus de te privilegium tulit, ut, si in opertum Bonæ Deæ accessisses, exulares. At te id fecisse, etiam gloriari soles. Quomodo igitur tot legibus in exilium ejectus, nomen exulis non perhorrescis? Romæ sum, inquis: Et tu quidem in operto fuisti. Non igitur, ubi quisque erit, ejus loci jus tenebit: si ibi eum legibus esse non oportebit.

Ex

EX PARADOX. V.

Omnes sapientes liberos esse ; et stultos omnes, servos.

LAUDETUR verò hic imperator, aut etiam appelletur, aut hoc nomine dignus putetur. Quomodo? aut cui tandem hic libero imperabit, qui non potest cupiditatibus suis imperare? Refrænnet primùm libidines, spernat voluptates, iracundiam teneat, coërceat avaritiam, cæteras animi labes repellat : tum incipiat aliis imperare, cùm ipse improbissimis dominis, dedecori ac turpitudini parere desierit. Dum quidem his obediens, non modò imperator, sed liber habendus omnino non erit.

An ille mihi liber videatur, cui mulier imperat? cui leges imponit, præscribit, jubet, vetat, quod videtur? qui nihil imperanti negare potest, nihil recusare audet? poscit? dandum est : vocat? veniendum : ejicit? abeundum : minatur? extimescendum. Ego verò istum non modò servum, sed nequissimum servum, etiam si in amplissima familia natus sit, appellandum puto.

Magna, inquis, bella gessi, magnis imperiis et provinciis præfui. Gere igitur animum laude dignum. Echionis tabula te stupidum detinet, aut signum aliquod Polycleti. Omitto, unde sustuleris, et quomodo habeas. Intuentem te, admirantem, clamores tollentem cùm video, servum te esse ineptiarum omnium judico. Nónne igitur sunt illa festiva? sunt. Nam nos quoque oculos eruditos habemus.

Sed

Sed obsecro te, ita venusta habeantur ista, non ut vincula virorum sint, sed ut oblectamenta puerorum. Quid enim censes, si L. Mummius aliquem istorum videret matellionem Corinthium cupidissimè tractantem, cum ipse totam Corinthum contempnisset? utrùm illum civem excellentem, an atriensem diligentem putaret? Reviviscat M. Curius, aut eorum aliquis, quorum in villa ac domo nihil splendidum, nihil ornatum fuit, præter ipsos; et videat aliquem summis populi beneficiis usum, barbatulos mullulos expectantem de piscinâ, et pertractantem, et murænarum copiâ gloriantem; nōne hunc hominem ita servum judicet, ut ne in familia quidem dignum majore aliquo negotio putet?

An eorum servitus dubia est, qui cupiditate peculii nullam conditionem recusant durissimæ servitutis? hereditatis spes quid iniquitatis in serviendo non suscipit? quem nutum locupletis orbi senis non observat? loquitur ad voluntatem: quicquid denuntiatur sit, facit: assentatur, assidet, miratur. Quid horum est liberi, quid denique non servi intertis?

Quid? jam illa cupiditas, quæ videtur esse liberalior, honoris, imperii, provinciarum, quàm dura est domina! quàm imperiosa! quàm vehemens! Cethego, hominì non probatissimo, servire coegit eos, qui sibi esse amplissimi videbantur; mittere munera, noctu venire domum ad eum, precari, denique supplicare. Quæ servitus est, si hæc libertas existimari potest?

Quid? cum cupiditatum dominatus excessit, et alius est dominus exortus ex conscientia peccatorum, timor? quàm est illa misera, quàm dura servitus! adolescentibus, paulò

S

loqua-

loquacioribus est serviendum : omnes, qui aliquid scire videntur, tanquam domini, timentur. Judex verò quantum habet dominatum ? quo timore nocentes afficit ? an non est omnis metus, servitus ?

Sed hæc hæctenus. Ille videat, quomodo imperator esse possit : cum eum ne liberum quidem esse ratio et veritas ipsa convincat.



EX PARAD. VI.

Solum sapientem esse divitem. IN CRASSUM.

QUÆ est ista in commemoranda pecunia tua tam insolens ostentatio ? solusne tu dives ? Prò dii immortales ! egone me audivisse aliquid et didicisse, non gaudeam ? Solusne tu dives ? Quid si ne dives quidem ? quid si pauper etiam ?

Quem enim intelligimus divitem ? aut hoc verbum in quo homine ponimus ? opinor, in eo, cui tanta possessio est, ut ad liberaliter vivendum facile contentus sit ; qui nihil quærat, nihil appetat, nihil optet amplius. Animus enim oportet tuus se judicet divitem, non hominum sermo, neque possessiones tuæ : nihil sibi deesse putet, nihil careat amplius. Satiatus est, aut contentus etiam pecuniâ ? concedo, dives es. Sin autem propter aviditatem pecuniæ
nullum

nullum quæstum turpem putas (cùm isti * ordini ne honestus quidem possit esse ullus :) si quotidie fraudas, decipis, poscis, pacisceris, aufers, eripis ; si socios spolias, ærarium expilas ; si testamenta amicorum exspectas, aut ne exspectas quidem, atque ipse supponis : hæc utrùm abundantis, an egentis signa sunt ? Animus hominis, dives, non arca appellari solet. Quamvis illa sit plena, dum te inanem videbo, divitem non putabo.

Etenim ex eo, quantum cuique satis est, metiuntur homines divitiarum modum. Filiam quis habet ? pecuniâ est opus. Duas ? majore. Plures ? majore etiam. Et si, ut aiunt, Danai quinquaginta sunt filiæ, tot dotes magnam quærunt pecuniam. Quantum enim cuique opus est, ad id accommodatur, ut antè dixi, divitiarum modus. Qui igitur non filias plures, sed innumerabiles cupiditates habet, quæ brevi tempore maximas copias exhaurire possint ; hunc quo modo ego appellabo divitem, cùm ipse egere se sentiat ?

Multi ex te audierunt, cùm diceres, nimirum esse divitem, nisi qui exercitum alere posset suis fructibus : quod populus Romanus tantis vectigalibus jampridem vix potest. Ergo hoc proposito, nunquam eris dives antè, quàm tibi ex tuis possessionibus tantum reficiatur, ut eo tueri sex legiones, et magna equitum ac peditum auxilia possis. Jam fateris igitur non esse te divitem, cui tantum deficit, ut expleas id, quod exoptas. Itaque istam paupertatem, vel potius egestatem ac mendicitatem tuam nunquam obscure tulisti.

* *Senatorio.*

S 2

Nam

Nam ut iis, qui honestè rem quærent mercaturis faciendis, operis dandis, publicis sumendis, intelligimus opus esse quæsitò : sic, qui videt domi tuæ pariter accusatorum atque judicum confociatos greges; qui nocentes et pecuniosos reos eodem te auctore corruptelam judicii molientes; qui tuas mercedum pactiones in patrociniis; intercessiones pecuniarum in coitionibus candidatorum; dimissiones libertorum ad defœnerandas diripiendâsque provincias; qui expulsiões vicinorum; qui latrocinia in agris; qui cum servis, cum libertis, cum clientibus societates; qui possessiones vacuas; qui proscriptiones locupletium; qui cædes municipiorum; qui illam Syllani temporis messem recordetur; qui testamenta subjecta; qui sublato tot homines; qui denique omnia venalia, delectum, decretum, alienam, suam sententiam, forum, domum, vocem, silentium: quis hunc non putet confiteri, sibi quæsitò opus esse; cui autem quæsitò opus sit, quis unquam hunc verè dixerit divitem? est enim divitiarum fructus in copia: copiam autem declarat satiètas rerum, atque abundantia: quam tu quoniam nunquam assequere, nunquam omnino es futurus dives.

Meam autem quoniam pecuniam contempnis, et rectè (est enim ad vulgi opinionem mediocris: ad tuam, nulla; ad meam modica) de me silebo: de te loquar. Si censenda nobis atque æstimanda res sit, utrùm tandem pluris æstimabimus pecuniam Pyrrhi, quam Fabricio dabat; an continentiam Fabricii, qui illam pecuniam repudiabat? utrùm, aurum Samnitum, an responsum M. Curii? hæreditatem L. Pauli, an liberalitatem Africani, qui ejus hæreditatis Q. Maximo fratri partem suam concessit. Hæc profectò, quæ sunt

sunt summarum virtutum, pluris æstimanda sunt, quàm illa, quæ sunt pecuniæ. Quis igitur, si quidem, ut quisque, quod plurimi sit, possideat, ita ditissimus habendus sit, dubitet, quin in virtute divitiæ sint? quoniam nulla possessio, nulla vis auri et argenti, pluris, quàm virtus æstimanda est.

O dii immortales! non intelligunt homines, quàm magnum vectigal sit parsimonia! Venio enim ad sumptuosos: relinquo istum quæstuosum. Caput ille ex suis prædiis sexcenta sestertia: ego centena ex meis: illi aurata tecta in villis, et sola marmorea facienti, et signa, tabulas, supellectilem, et vestem infinitè concupiscenti, non modò ad sumptum ille est fructus, sed etiam ad fænus, exiguus: ex meo tenui vectigali, detractis sumptibus cupiditatis, aliquid etiam redundabit. Uter igitur est ditior: cui deest, an cui superat? qui eget, an qui abundat? Cujus possessio quò est major, eò plus requirit ad se tuendam; an quæ suis se viribus sustinet? Sed quid ego de me loquor, qui morum ac temporum vitio aliquantùm etiam ipse fortasse in hujus seculi errore verfer? M. Manilius patrum nostrorum memorià (ne semper Curios et Lulcinios loquamur) pauper tandem fuit. Habuit enim ædiculas in Carinis, et fundum in Labicano. Nos igitur ditiores sumus, qui plura habemus? utinam quidem effemus. Sed non æstimatione censûs, verùm victu atque cultu terminatur pecuniæ modus. Non esse cupidum, pecunia est: non esse emacem, vectigal est. Contentum verò suis rebus esse, maximæ sunt certissimaque divitiæ.

Etenim

Etenim si isti callidi rerum aestimatores, prata et areas quasdam magno aestimant, quod ei generi possessionum minime quasi noceri potest; quanti est aestimanda virtus, quae nec eripi, nec surripi potest unquam; neque naufragio, neque incendio amittitur; nec tempestatum, nec temporum permutatione mutatur? quâ praediti qui sunt, soli sunt divites.



Ex SOMNIO SCIPIONIS.

SCIPIO loquitur.

CUM in Africam venissem, M. Manilio consuli ad quartam legionem (ut scitis) tribunus militum; nihil mihi potius fuit, quàm ut Masinissam convenirem, regem familiae nostrae justis de causis amicissimum. Ad quem ut veni, complexus me senex collacrymavit, aliquantòque post suspexit in caelum: et Grates, inquit, tibi ago, summe Sol, vobisque, reliqui coelites, quòd antè quàm ex hac vita migro, conspicio in meo regno, et his tectis P. Cornelium Scipionem, cujus ego nomine ipso recreor: ita nunquam ex animo meo discedit illius optimi atque invictissimi viri memoria.

Deinde ego illum de suo regno: ille me de nostra republica percontatus est: multisque verbis ultro citròque habitis, ille nobis consumptus est dies. Post autem regio apparatu accepti, sermonem in multam noctem produximus, cum senex nihil nisi de Africano loqueretur, omniàque ejus non solum facta, sed etiam dicta meminisset.

Deinde,

Deinde, ut cubitum discessimus, me et fessum de via, et qui ad multam noctem vigilaſſem, arctior, quàm ſolebat, ſomnus complexus eſt. Hic mihi (credo equidem ex hoc, quod eramus locuti: ſit enim ferè, ut cogitationes ſermoneſque noſtri pariant aliquid in ſomno tale, quale de Homero ſcribit Ennius, de quo videlicet ſapiffimè vigilans ſolebat cogitare et loqui) Africanus ſe oſtendit illà formà, quæ mihi ex imagine ejus, quàm ex ipſo, erat notior. Quem ut agnovi, equidem cohorruì.

Sed ille, Ades, inquit, animo, et omitte timorem, Scipio, et quæ dicam, trade memoriæ. Vidèſne illam urbem, quæ parere populo Romano coacta per me, renovat priſtina bella, nec poteſt quieſcere (oſtendebat autem Carthaginem de excelſo et pleno ſtellarum, illuſtri et claro quodam loco) ad quam tu oppugnandam nunc venis penè miles? hanc hoc biennio conſul everteſ, eritque cognomen id tibi per te partum, quod habes ex nobis adhuc hereditarium. Cùm autem Carthaginem deleveris, triumphum egeris, cenſorque fueris, et obieris legatus Ægyptum, Syriam, Aſiam, Græciam, deligère iterum abſens COS. bellumque maximum conſicies, Numantiam exciendes.

Sed cùm eris curru Capitolium invectus, offendeſ rempublicam perturbatam conſiliis * nepotiſ mei. Hic tu Africane, oſtendeſ oportebit patriæ lumen animi, ingenii, conſiliique tui. Sed ejus temporis ancipitem video qualiſ factorum viam. Nam cùm ætas tua ſeptenos octies ſolis anfractus redituſque converterit, duoque hi numeri (quorum

* *Tib. Gracchi.*

uterque

uterque plenus, alter altera de causa, habetur) circuitu naturali summam tibi fatalem confecerint; in te unum, atque in tuum nomen, se tota convertet civitas: te senatus, te omnes boni, te socii, te Latini intuebuntur: tu eris unus, in quo nitatur civitatis salus; ac, ne multa, dictator rempublicam constituas oportet, si impias propinquorum manus effugeris.

Hic cum exclamasset Lælius, ingenuissentque cæteri vehementius: leniter arridens Scipio, Quæso, inquit, ne me à somno excitetis, et pax sit rebus: audite cætera.

Sed quò sis, Africane, alacrior ad tutandum rempublicam, sic habeto: omnibus, qui patriam conservarint, adjuverint, auxerint, certum esse in cælo ac definitum locum, ubi beato ævo sempiterno fruantur. Nihil est enim illi principi Deo, qui omnem hunc mundum regit, quod quidem in terris fiat, acceptius, quàm consilia coetusque hominum jure sociati, quæ civitates appellantur: harum rectores et conservatores hinc profecti, huc revertuntur.

Hic ego, etsi eram perterritus, non tam metu mortis, quàm insidiarum à meis, quæsi tamen, viveretne ipse pater Paulus, et alii, quos nos extinctos arbitremur. Immò verò, inquit, ii vivunt, qui ex corporum vinculis, tanquam è carcere, evolaverunt: vestra verò, quæ dicitur vita, mors est. Quin tu aspicias ad te venientem Paulum patrem. Quem ut vidi, equidem vim lacrymarum profudi. Ille autem me amplexus atque osculans, flere prohibebat.

Atque ego ut primum, fletu represso, loqui posse cepi; Quæso, inquam, pater sanctissime atque optime, quando hæc est vita (ut Africanum audio dicere) quid moror in terris?

terria? quin huc ad vos venire propero? Non est ita, inquit ille. Nisi enim Deus is, cujus hoc templum est omne, quod conspicias, istis te corporis custodiis liberaverit, huc tibi aditus patere non potest. Homines enim sunt hac lege generati, qui tuerentur illum globum, quem in hoc templo medium vides, qui dicitur terra. Quare et tibi, Publi, et piis omnibus retinendus est animus in custodia corporis. Nec injussu ejus, à quo ille est vobis datus, ex hominum vita migrandum est; ne munus humanum assignatum à Deo defugisse videamini. Sed sic, Scipio, ut avus hic tuus, ut ego, qui te genui, justitiam cole, et pietatem: quæ, cum sit magna in parentibus, et propinquis, tum in patria maxima est. *Ea vita, via est in cælum*, et in hunc cœtum eorum, qui jam vixerunt, et corpore laxati, illum incolunt locum, quem vides. Erat autem is splendidissimo candore inter flammæ elucens circulus, quem vos, ut à Graiis accepistis, orbem lacteum nuncupatis: ex quo omnia mihi contemplanti, præclara cætera et mirabilia videbantur. Erant autem eæ stellæ, quas nunquam ex hoc loco vidimus: et eæ magnitudines omnium, quas esse nunquam suspicati sumus: ex quibus erat illa minima, quæ ultima cœlo, citima terris, luce lucebat alienâ. Stellarum autem globi terræ magnitudinem facile vincebant. Jam verò ipsa terra ita mihi parva visa est, ut me imperii nostri, quo quasi punctum ejus attingimus, pœniteret.

Quam cum magis intuerer, Quæso, inquit Africanus, quo usque humi defixa tua mens erit? Nōne adspicias, quæ in templa veneris? Quæ cum intuerer stupens, ut me recepi, Quis hic, inquam, quis est, qui complet aures meas, tantus

T

et

et tam dulcis sonus? Hic est, inquit ille, qui impulsu et motu ipsorum orbium conficitur: qui acuta cum gravibus temperans, varios aequabiliter concertus efficit. Nec enim silentio tanti motus incitari possunt. Hoc sonitu oppleta aures obsurduerunt: nec est ullus hebetior sensus in vobis. Sicut, ubi Nilus ad illa, quæ Catadupa nominantur, præcipitat ex altissimis montibus, ea gens, quæ illum locum accolit, propter magnitudinem sonitus, sensus audiendi caret. Hic verò tantus est totius mundi incitatissima conversione sonitus, ut eum aures hominum capere non possint: sicut intueri solem nequitis adversum, ejusque radiis acies vestra sensusque vincitur.

Hæc ego admirans, referebam tamen oculos ad terram identidem. Tum Africanus, Sentio, inquit, te sedem etiam nunc hominum contemplari, ac domum: quæ si tibi parva (ut est) ita videtur, hæc cœlestia semper spectato: illa humana contemnito. Tu enim quam celebritatem sermonis hominum, aut quam expetendam gloriam consequi potes? Vides habitari in terra raris et angustis in locis: et in ipsis quasi maculis, ubi habitatur, vastas solitudines interjectas: hosque, qui incolunt terram, non modò interruptos ita esse, ut nihil inter ipsos ab aliis ad alios manare possit; sed partim obliquos, partim averfos, partim etiam adversos stare vobis: à quibus expectare gloriam certè nullam posteris. Cernis autem terram eandem, quasi quibusdam redimitam et circumdatam cingulis: è quibus duos maximè inter se diversos, et cœli verticibus ipsis ex utraque parte subnixos, obriguissè pruina vides: medium autem illum et maximum solis ardore torrerì. Duo sunt habitabiles: quorum, australis
ille,

ille, in quo qui insidunt, adversa vobis urgent vestigia, nihil ad vestrum genus. Hic autem alter subjectus aquiloni, quem incolitis, cerne, quàm vos tenui parte contingat. Omnis enim terra, quæ colitur à vobis, angusta verticibus, lateribus latior, parva quedam insula est, circumfusa illo mari, quod Atlanticum, quod Magnum, quod Oceanum appellatis in terris: qui tamen tanto nomine, quàm sit parvus, vides.

Ex his ipsis cultis notisque terris, num aut tuum, aut cuiusquam nostrum nomen, vel Caucasum hunc, quem cernis, transcendere potuit, vel illum Gangem transire? quis in reliquis Orientis aut abeuntis solis ultimis, aut aquilonis austrive partibus tuum nomen audiet? quibus amputatis, cernis profecto, quantis in angustiis vestra gloria se dilatare velit.

Ipsi autem qui de vobis loquuntur, quàm diu loquentur? Quinetiam, si cupiat proles illa futurorum hominum deinceps laudes uniuscuiusque nostrum à patribus acceptas posteris prodere, tamen propter eluviones, exustionesque terrarum, quas accidere tempore certo necesse est, non modò non æternam, sed ne diuturnam quidem gloriam assequi possumus.

Quid autem interest, ab iis, qui postea nascentur, sermonem fore de te, cum ab iis nullus fuerit, qui antè nati sint; qui nec pauciores, et certè meliores fuerunt viri? cum præsertim apud eos ipsos, à quibus nomen nostrum potest audiri, nemo unius * Magni anni memoriam consequi possit.

Quo-

* *Homines populariter Annum tantummodo solis reditu mutuantur: cum autem ad idem, unde semel profecta sunt, cuncta astra redierint.*
T 2 *eandemque*

Quocirca si reditum in hunc locum desperaveris, in quo omnia sunt magnis et præstantibus viris; quanti tandem est ista hominum gloria, quæ pertinere vix ad unius anni partem exiguam potest? Igitur altè spectare si voles, atque hunc sedem et æternam domum contueri; neque sermonibus vulgi dederis te, nec in præmiis humanis spem posueris rerum tuarum: suis te illecebris oportet ipsa virtus trahat ad verum decus. Quid de te alii loquantur, ipsi videant: sed loquentur tamen. Sermo autem omnis ille, et angustiis cingitur iis regionum, quas vides, nec unquam de ullo perennis fuit: et obruitur hominum interitu, et oblivione posteritatis exstinguitur.

Quæ cum dixisset, Ego verò, inquam, ô Africane, si quidem bene meritis de patria quasi limes ad cœli aditum patet, quanquam à pueritia vestigiis ingressus patriis et tuis, decori vestro non defui: nunc tamen, tanto præmio proposito, enitar multò vigilantius. Et ille, Tu verò enitèrè, et sic habeto te non esse mortalem, sed *corpus* hoc. Nec enim is es, quem forma ista declarat: sed mens cuiusque, is est quisque; non ea figura, quæ digito demonstrari potest. Deum te igitur scito esse: si quidem Deus est, qui viget, qui sentit, qui meminit, qui prævidet, qui tam regit et moderatur, et movet id corpus, cui præpositus est, quàm hunc mundum princeps ille Deus: et ut ipsum mundum ex quadam parte mortalem ipse Deus æternus, sic fragile corpus animus sempiternus movet.

eandemque totius cœli descriptionem longis intervallis retulerint, tum illi verè vertens Annus appellari potest. Isque annus horum quos vocamus annorum 12854 complectitur. Cic.

Hunc

Hunc tu exerce in optimis rebus. Sunt autem hæ optimæ curæ, de salute patriæ : quibus agitatus et exercitatus animus, velocius in hanc sedem et domum suam pervolabit : idque ocyus faciet, si jam tum, cum erit inclusus in corpore, eminebit foràs, et ea, quæ extrà erunt, contemplans, quàm maximè se à corpore abstrahet. Nam eorum animi, qui se corporis voluptatibus dediderunt, earumque se quasi ministros præbuerunt, impulsèque libidinum voluptatibus obedientium, deorum et hominum jura violaverunt ; corporibus elapsi circum terram ipsam voluntantur : nec hunc locum, nisi multis exagitati seculis, revertuntur.

Ille discessit : ego somno solutus sum.





E X

L I V I O.



P R Æ F A T I O.

FActurúſne operæ pretium ſim, ſi à primordio urbis res populi Romani perſcripſerim ; nec ſatis ſcio : nec ſi ſciam, dicere auſim. Quippe qui quùm veterem tum vulgatam eſſe rem videam, dum novi ſemper ſcriptores, aut in rebus certius aliquid allaturos ſe, aut ſcribendi arte rudem vetuſtatem ſuperaturos, credunt. Utcunq̃ue erit, juvabit tamen rerum geſtarum memoriæ principis terrarum populi, pro virili parte, et meipſum conſuluiſſe ; et, ſi in tanta ſcriptorum turba mea fama in obſcuro ſit, nobilitate ac magnitudine eorum, meo qui nomini officient, me conſoler. Res eſt præterea et immenſi operis, ut quæ ſupra ſeptingentſimum annum repetatur, et quæ ab exiguis proſecta initiis, eò creverit, ut jam magnitudine laboret ſua : et legentium plerique, haud dubito, quin primæ origines, proximæque originibus, minus præbitura voluptatis ſint, feſtinantibus ad
hæc

hæc nova, quibus jampridem prævalentis populi vires seipsæ conficiunt. Ego contra hoc quoque laboris præmium petam, uti me à conspectu malorum, quæ nostra tôt per annos vidit ætas, tantisper certè, dum prisca illa tota mente repeto, avertam; omnis expers curæ, quæ scribentis animum, etsi non flectere à vero, sollicitum tamen efficere possit.

Quæ ante conditam condendamve urbem, poëticiis magis decora fabulis, quam incorruptis rerum gestarum monumentis traduntur, ea nec affirmare, nec refellere, in animo est. Datur hæc venia antiquitati, ut miscendo humana divinis, primordia urbium augustiora faciat. Et, si cui populo licere oportet. consecrare origines suas, et ad Deos referre auctores; ea belli gloria est populo Romano, ut quum suum, conditorisque sui parentem Martem potissimum ferat; tam et hoc gentes humanæ patiantur æquo animo, quàm imperium patiuntur. Sed hæc et his similia, utcunque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quæ vita, qui mores fuerint: per quos viros, quibusque artibus, domi militiaeque, et partum et auctum imperium sit: Labente deinde paulatim disciplina, velut defidentes primo mores sequatur animo: deinde ut magis magisque lapsi sint, tum ire coeperint præcipites; donec ad hæc tempora, quibus nec vitia nostra, nec remedia pati possumus, perventum est. Hoc illud est præcipue in cognitione rerum salubre ac frugiferum, omnis te exempli documenta in illustri posita monumento intueri: inde tibi tuæque reipublicæ quod imitere, capias: inde fœdum inceptu, fœdum exitu, quod vites. Cæterum aut me amor negotii suscepti fallit, aut nulla unquam

quàm respublica nec major, nec sanctior, nec bonis exemplis ditior fuit: nec in quam tam feræ avaritia luxuriâque imminerent: nec ubi tantus ac tam diu paupertati ac parsimoniz honos fuerit. Adeo, quanto rerum minus, tanto minus cupiditatis erat. Nuper divitiæ avaritiam, et abundantes voluptates desiderium, per luxum atque libidinem pereundi perdendique omnia, invexere. Sed querelæ, ne tum quidem gratæ futuræ, quum forsitan et necessariæ erunt, ab initio certè tantæ ordiundæ rei absint. Cum bonis potiùs ominibus votisque ac precationibus Deorum Dearumque, si, ut poëtis, nobis quoque mos esset, libentiùs inciperemus, ut oris tanti operis successus prosperos darent.



HORATIONUM & CURIATIONUM *Certamen.* Lib. I.
U. C. 85.

FORTE in duobus tum exercitibus erant trigemini fratres, nec ætate nec viribus dispares. Cum trigeminis agunt reges, ut pro sua quisque patria dimicent ferro. Ibi imperium fore, unde victoria fuerit. Nihil recusatur: tempus et locus convenit. Priùsqvam dimicarent, fœdus ictum inter Romanos et Albanos est his legibus, ut cujusque populi cives eo certamine vicissent, is alteri populo cum bona pace imperitaret.

Quum sui utroque adhortarentur, *Deos patrios, patriam ac parentes, quicquid civium domi, quicquid in exercitu sit, illorum tunc arma, illorum intueri manus; feroces et suo pte ingenio, et pleni adhortantium vocibus, in medium inter duas*

U

acies

acies procedunt. Confederant utrinque pro castris duo exercitus, periculi magis præsentis, quam curæ expertes: quippe imperium agebatur, in tam paucorum virtute atque fortuna positum. Itaque ergo erecti suspensæque in minimè gratum spectaculum animo intenduntur. Datur signum. Infestisque armis, velut acies, terni juvenes magnorum exercituum animos gerentes, concurrunt: nec his nec illis periculum suum; publicum imperium servitiumque obversatur animo: futuræque ea deinde patriæ fortuna, quam ipsi fecissent. Ut primo statim concursu increpuere arma, micantésque fulsere gladii, horror ingens spectantes perstringit: et neutro inclinata spe, torpebat vox spiritusque. Consertis deinde manibus, quum jam non motus tantum corporum, agitatióque anceps telorum armorumque, sed vulnera quoque et sanguis spectaculo essent; duo Romani, super alium alius vulneratis tribus Albanis, expirantes corruerunt. Ad quorum casum quum conclamasset gaudio Albanus exercitus, Romanas legiones jam spes tota, nondum tamen cura deseruerat exanimis vice unius, quem tres Curiatii circumsteterant. Fortè is integer fuit, ut universis solus nequaquam par, sic adversus singulos ferox. Ergo, ut segregaret pugnam eorum, capeffit fugam, ita ratus secuturos, ut quemque vulnere affectum corpus fineret. Jam aliquantum spatii ex eo loco, ubi pugnatum est, aufugerat, quum respiciens videt magnis intervallis sequentes: unum haud procul ab sese abesse. In eum magno impetu redit. Et dum Albanus exercitus inclamat Curiatiis, ut opem ferant fratri, jam Horatius cæso hoste victor secundam pugnam petebat. Tum clamore, qualis ex insperato faventium solet, Romani adjuvant

adjuvant militem suum : et ille defungi prælio festinat. Prius itaque quam alter, qui nec procul aberat, consequi posset, et alterum Curiatium conficit. Jamque æquato Marte singuli supererant ; sed nec spe nec viribus pares. Alterum intactum ferro corpus et geminata victoria ferocem in certamen tertium dabant : alter fessum vulnere, fessum cursu trahens corpus, victusque fratrum ante se strage, victori objicitur hosti. Nec illud prælium fuit. Romanus exultans, *Duos, inquit, fratrum Manibus dedi : tertium, causæ belli hujusce, ut Romanus Albano imperet, dabo.* Male sustinenti arma, gladium supernè jugulo defigit : jacentem spoliatur. Romani ovantes ac gratulantes Horatium accipiunt : eo majore cum gaudio, quo prope metum res fuerat. Ad sepulturam inde suorum nequaquam paribus animis vertuntur, quippe imperio alteri aucti, alteri ditionis alienæ facti. Sepulcra extant, quo quisque loco cecidit. Duo Romana uno loco propius Albam, tria Albana Romam versus ; sed distantia locis, ut et pugnatum est.

Exercitus inde domos abducti. Princeps Horatius ibat, tergemina spolia præ se gerens : cui soror virgo, quæ desponsa uni ex Cruatiis fuerat, obvia ante portam Capenam fuit : cognitòq; super humeros fratris paludamento sponsi, quod ipsa confecerat, solvit crines, et flebiliter nomine sponsum mortuum appellat. Movet feroci juveni animum comploratio sororis, in victoria sua, tantòque gaudio publico. Stricto itaque gladio, simul verbis increpans, transfigit puellam, *Abi hinc cum immaturo amore ad sponsum, inquit, oblita fratrum mortuorum vivique, oblita patriæ. Sic eat, quæcumque Romana lugebit hostem.* Atrox visum id facinus Patribus plebique : sed recens meritum

Curia's

U 2.

facto

facto obstabat Tamen raptus in jus ad regem. Rex, ne ipse tam tristis ingratiq[ue] ad vulgus judicii, aut, secundum judicium, supplicii auctor esset; concilio populi advocato, *Duumviro*, inquit, * *qui Horatio perduellionem judicent secundum legem, facio*. Lex horrendi carminis erat: *Duumviri perduellionem judicent. Si à Duumviris provocarit, provocatione certato: si vincent, caput obnubito: infelici arbori recte suspendito: verberato vel intra pomerium, vel extra pomerium*. Hac lege Duumviri creati, qui se absolvere non rebantur ea lege † ne innoxium quidem posse, quum condemnassent, tum alter ex his, P. Horati, tibi *perduellionem judico*, inquit: *I licitor, colliga manus*. Accederat licitor, injiciebátque laqueum. Tum Horatius, auctore Tullo, clemente legis interprete, *Provoco*, inquit. Ita de provocatione certatum ad populum est. Mox homines sunt in eo judicio, maximè P. Horatio patre proclamante, se filiam jure cæsam judicare. Ni ita esset, ‡ patrio jure in filium animadversurum fuisse. Orabat deinde, ne se, quem paulò antè cum egregia stirpe conspexissent, orbem liberis facerent. Inter hæc senex, juvenem amplexus, spolia Curiatorum fixa eo loco, qui nunc Pila Horatia appellatur, ostentans, *Huncine*, aiebat, *quem modò decoratum oventemque victoria incedentem vidistis, Quirites, eum sub furca victum inter verbera et cruciatus videre potestis? quod vix Albanorum oculi tam deforme spectaculum ferre possint*. *I, licitor, colliga*

* i. e. Qui sententiam ferant in Horatium, tanquam perduellionis manifestum: non qui judicent, an perduellis sit. Crevier.

† i. e. Ne si justa quidem ipsi causa fuisset videretur pœcundæ fororis. Idem.

‡ Ex lege Romuli jus vitæ necisque patri in liberos erat. Idem.


manus, quæ paulo ante armatæ imperium populo Romano pepererunt. I, caput obnube liberatoris urbis hujus. Arbori infelici suspende; verbera vel intra pomerium, modò inter illa pila, et spolia hostium: vel extra pomerium, modò intra sepulchra Curiatorum. Quo enim ducere hunc juvenem potestis, ubi non sua decora cum à tanta fœditate supplicii vindicent? Non tulit populus nec patris lacrymas, nec ipsius parem in omni periculo animum: absolveruntque admiratione magis virtutis, quam jure causæ.



ALBÆ Excidium. Lib. I. U. C. 87.

INTER hæc jam præmissi Albani erant equites, qui multitudinem traducerent Romam. Legiones deinde ductæ ad diruendam urbem. Quæ, ubi intravere portas, non quidem fuit tumultus ille, nec pavor, qualis captarum esse urbium solet, quùm effractis portis, stratissve ariete muris, aut arce vi capta, clamor hostilis, et cursus per urbem armatorum omnia ferro flammæque miscet: sed silentium triste, ac tacita mœstitia ita defixit omnium animos ut præ metu oblici quid relinquerent, quid secum ferrent, deficiente consilio, rogitantésque alii alios, nunc in liminibus starent, nunc errabundi domos suas, ultimum illas visuri, pervagarentur. Ut verò jam equitum clamor exire jubentium instabat, jam fragor tectorum, quæ diruebantur, ultimis urbis partibus audiebatur; pulvisque ex distantibus locis ortus, velut nube inducta omnia impleverat; raptim quibus quisque

quisque poterat elatis, quum larem ac penates, tectaque in quibus natus quisque educatusque esset, relinquentes exirent; jam continens agmen migrantium impleverat vias: et conspectus aliorum mutua miseratione integrabat lacrymas. Vocésque etiam miserabiles exaudiebantur, mulierum præcipuè, quum obsessa ab armatis templa augusta præterirent, ac velut captos relinquerent Deos. Egressis urbem Albanis, Romanus passim publica privatæque omnia tecta adæquat solo, unaque hora quadringentorum annorum opus, quibus Alba steterat, excidio ac ruinis dedit. Templis tamen Deum (ita epim edictum ab rege fuerat) temperatum est.



GABII à TARQUINIO fraude ac dolo capti. Lib. I.
Circiter U. C. 230.

EXCEPIT deinde Tarquinium lentius spe bellum, quo Gabios propinquam urbem nequicquam vi adortus, quum obsidendi quoque urbem spes pulso à mœnibus adempta esset, prostremo, minimè arte Romana, fraude ac dolo aggressus est. Nam quum, velut posito bello, urbanis operibus intentum se esse simularet; Sextus filius ejus, qui minimus ex tribus erat, transfugit ex composito Gabios, patris in se sævitiam intolerabilem conquerens; Jam ab alienis in suos vertisse superbiam: et liberorum quoque cum frequentia tædere, ut quam in curia solitudinem fecerit, domi quoque faciat: ne quam stirpem, ne quem hæredem regni relinquat. Se quidem
inter

inter tela ac gladios patris elapsum, nihil usquam sibi tutum, nisi apud hostes L. Tarquinii credidisse. Nam, ne errarent, manere his bellum, quod positum simuletur: et per occasionem eum incautos invasurum. Quod si apud eos supplicibus locus non sit, pererraturum se omne Latium: pulsūque se inde, Volscos et Æquos, et Hernicos petiturum: donec ad eos perveniat, qui à patrū crudelibus atque impiis suppliciis tegere liberos sciant. Fostan etiam ardoris aliquid ad bellum armæque se adversus superbissimum regem ac ferocissimum populum inventurum. Quū, si nihil morarentur, insensus irā porrò inde abiturus videretur; benignè ab Gabinis excipitur. Vetant mirari, si qualis in cives, qualis in socios, talis ad utimum in liberos esset. In se ipsum postremò sæviturum, si alia defint. Sibi verò gratum adventum ejus esse: futurūque credere brevi, ut illo adjuvante, ab portis Gabinis sub Romana mœnia bellum transferatur.

Inde in consilia publica adhiberi. Ubi quū de aliis rebus assentire se veteribus Gabinis diceret, quibus hæ notiores essent; ipse identidem belli auctor esse, in eo sibi præcipuam prudentiam assumere, quod utriusque populi vires nōset, scirētque invisam profectò superbiam regiam civibus esse, quam ferre ne liberi quidem potuissent. Ita quū sensim ad rebellandum primores Gabinorum incitaret, ipse cum promptissimis juvenum prædatum atque in expeditiones iret, et dictis factisque omnibus ad fallendum instructis vana accresceret fides; dux ad ultimum belli legitur. Ibi quū, incia multitudine quid ageretur, prælia parva inter Romam Gabiosque fierent, quibus plerumque Gabina res superior esset, tum certatim summi infimisque Gabinorum Sex. Tarquinium

quinium dono Deūm sibi missum ducem credere. Apud milites verò, obeundo pericula ac labores, pariter prædam munificè largiendo, tanta caritate esse, ut non pater Tarquinius potentior Romæ, quam filius Gabiis esset. Itaque postquam satis virium collectum ad omnes conatus videbat; tum è suis unum sciscitatum Romam ad patrem misit, quidnam se facere vellet? quandoquidem, ut omnia unus Gabiis posset, ei Dii dedissent. Huic nuncio, quia credo dubiæ fidei videbatur, nihil voce responsum est. Rex velut deliberabundus, in hortum ædium transit, sequente nuncio filii: ibi inambulans tacitus, summa papaverum capita dicitur baculo decussisse. Interrogando expectandòque responsum nuncius fessus, ut re imperfecta, redit Gabios: quæ dixerit ipse, quæque viderit, refert: *seu irâ, seu odio, seu superbiâ insitâ ingenio, nullam eum vocem emisisse*. Sexto ubi quid vellet parens, quidve præciperet tacitis ambagibus, patuit; primores civitatis, criminando alios apud populum, alios suâ ipsos invidiâ opportunos interemit. Multi palam; quidam, in quibus minùs speciosa criminatio erat futura, clam interfecti. Patuit quibusdam volentibus fuga, aut in exilium acti sunt, absentiumque bona juxta atque interemptorum divisa fuere. Largitionis inde prædæque et privati dulcedine commodi, sensus malorum publicorum adimi, donec orba consilio auxiliòque Gabina res, regi Romano sine ulla dimicatione in manum traditur.

LUCRETIA

LUCRETIA *per vim stuprata, unde TARQUINII Româ expulsi.*
Lib. I. U. C. 245.

ARDEAM Rutuli habebant, gens, ut in eâ regione atque in eâ ætate, divitiis præpollens. Eaque ipsa causa belli fuit, quod rex Romanus tum ipse ditari, exhaustus magnificentiâ publicorum operum, tum prædâ delinire popularium animos studebat. Tentata res est, si primo imperu capi Ardea possit. Ubi id parum processit, obsidione munitionibûsque coepti premi hostes. In iis stativis, ut sit longo magis quàm acri bello, satis liberi commeatus erant: primoribus tamen magis, quàm militibus. Regii quidem juvenes interdum otium convivii comessationibûsque inter se terebant. Fortè potantibus his apud Sextum Tarquinium ubi et Collatinus cœnabat Tarquinius, Egerii filius, incidit de uxoribus mentio: suam quisque laudare miris modis. Inde certamine accenso, Collatinus negat *verbis opus esse; paucis id quidem horis posse sciri, quantum cæteris præstet Lucretia sua. Quin, si vigor juventæ inest, conscendimus equos, invisimûsque præsentis nostrarum ingenia? Id cuique spectatissimum sit, quod nec opinato viri adventu occurrerit oculis.* Incaluerunt vino. * *Age sanè.* Omnes citatis equis advolant Romam. Quò quùm primis se intendentibus tenebris pervenissent, pergunt inde Collatiam: ubi Lucretiam, haudquaquam ut regias nuptus, quas in convivio luxûque cum æqualibus viderant tempus terentes, sed nocte fera deditam

* *Verba Tarquiniorum assentientium dictis Collatini.*

lanæ inter lucubrantès ancillas in medio ædium sedentem inveniunt. Mullebris certaminis laus penes Lucretiam fuit, adveniens vir Tarquinique excepti benignè. Victor maritus comiter invitat regios juvenes. Ibi Sextum Tarquinium mala libido Lucretiæ per vim stuprandæ capit. Tum forma; tum spectata castitas incitat. Et tum quidem ab nocturno juvenili ludo in castra redeunt.

Paucis interjectis diebus, Sextus Tarquinius, infans Collatino, cum comite uno, Collatiam venit. Ubi exceptus benignè ab ignavis consili, quum post cœnam in hospitale cubiculum deductus esset; amore ardens, postquam satis omnia tuta circa, sopitque omnes videbantur, stricto gladio ad dormientem Lucretiam venit, sinistraq; manu mulieris pectore oppresso, *Tace Lucretia*, inquit, *Sextus Tarquinius sum: ferrum in manu est: moriere, si emiseris vocem.* Quum pavida è somno mulier, nullam opem prope mortem imminentem viderit; tum Tarquinius fateri amorem, orare, miscere precibus minas; versare in omnes partes mulierem animum. Ubi obstinatum videbat, et ne mortis quidem metu inclinari, addit ad metum dedecus; Cum mortua jugulatum servum nudum positurum ait, ut in fordido ad ulterio necata dicatur. Quo terrore quum vicisset obstinatum pudicitiam velut victrix libido, profectusque inde Tarquinius ferox expugnato decore muliebri esset; Lucretia mœsta tanto malo nuncium Romam eundem ad patrem, Ardeamque ad virum mittit, ut cum singulis fidelibus amicis veniant: *ita facto maturaque opus esse: rem atrocem incidisse.* Sp. Lucretius cum P. Valerio Volesi filio, Collatinus cum L. Junio Bruto venit; cum quo fortè Romam radiens, ab nuncio

nuncio uxoris erat conventus. Lucretiam sedentem moestam in cubiculo inveniunt. Adventu suorum lacrymæ obortæ. Quærentique viro: *Satis saluæ? minime*, inquit: *quid enim salvi est mulieri omiſſa pudicitia? Vestigia viri alieni, Collatine, in lecto sunt tuo. Ceterum corpus est tantum violatum, animus insans. Aders tæstis erit. Sed date dexteras fidemque, haud impune adultero fore. Sextus est Tarquinius, qui hostis pro hospite priore nocte vi armatus mihi, sibi que, si vos viri estis, pestiferum hinc abstulit gaudium. Dant ordine omnes fidem: consolantur ægram animi, advertendo noxam ab coacta in auctorem delicti. Mentem peccare, non corpus: et unde consilium abfuerit, culpam abesse. Vos, inquit, videritis, quid illi debeatur: ego me, etsi peccato obſolvo, supplicio non libero, nec ulla deinde impudica Lucretiæ exemplo vivet. Cultrum, quem sub veste abditum habebat, cum in corde defigit: prolapsæque in vulnus, moribunda cecidit. Conclimant vir patérque.*

Brutus, illis luctu occupatis, cultrum ex vulnere Lucretiæ extractum, manantem cruore præ se tenens, *Per hunc*, inquit, *castissimum ante regiam injuriam sanguinem juro, vósque Dñs, testes facio, me L. Tarquinium Superbum, cum scelerata conjuge, et omni liberorum stirpe, ferro, igni, quacunque dehinc vi possim, exsecuturum: nec illos, nec alium quenquam regnare Romæ passurum.* Cultrum deinde Collatino tradit; inde Lucretiæ ac Valerio, stupentibus miraculo rei, unde novum in Bruti pectore ingenium. Ut præceptum erat, jurant: totique ab luctu versi in iram, Brutum jam inde ad expugnandum regnum vocantem sequuntur ducem. Elatum domo Lucretiæ corpus, in forum deferunt, concientique miraculo,

ut sit, rei novæ atque indignitate homines; prole quæque scelus regium ac vim queruntur. Mover tum patris mortificia, tum Brutus, castigatior lacrymarum atque mortem querelarum, auctorque, quod viros, quod Romanos deceret, arma capiendi adversus hostilia ausos. Ferocissimus quisque juvenum cum armis voluntarius adest. Sequitur et cætera juvenus. Inde pari præsidio relicto Collatæ ad portas, custodibusque datis, nequis eunt motum regibus nunciaret; cæteri armati duce Bruto Romanam profecti. Ubi eventum est, quacunque incedit armata multitudo, pavorem ac tumultum facit. Rursus ubi anteire primores civitatis vident, quicquid sit, haud temere esse venturum. Nec minorem motum animorum Romæ tam atrox res facit, quam Collatæ fecerat. Ergo ex omnibus locis urbis in forum curritur. Quo simul ventum est, præco ad tribunum Celerrum, (in quo tum magistratu fortè Brutus erat) populum advocavit. Ibi oratio habita, nequaquam ejus pectoris ingenique, quod simulatum ad eam diem fuerat, de vi ac libidine Sexti Tarquinii, de stupro infando Lucretiæ et miserabili cæde, de orbitate Tricipitini, cui morte filiæ causa mortis indignior ac miserabilior esset. Addita superbia ipsius regis, miseriæque et fabores plebis. Indigna Servii Tullii regis memorata cædes, et invecta corpori patris infando vehiculo filia: invocatique ultores parentum Dii. His atrocioribusque, credo, aliis, quæ presens rerum indignitas haudquaquam relatu scriptoribus facilia subjecit, memoratis, incensam multitudinem perpulit, ut imperium regi abrogaret, exulæque esse juberet L. Tarquinium cum conjuge ac liberis. Ipse junioribus, qui ultro nomina dabant, lectis armatisque,

armatissque, ad concitandum inde adversus regem exercitum Ardeam in castra est profectus; imperium in urbe Lucretio, profecto urbis jam ante ab rege instituto, relinquit. Inter hunc tumultum Tullia domo profugit: execrantibus quacunq; incedebat, invocantibusque parentum furias viris mulieribusque.

Harum rerum nunciis in castra perlatis; quum re nova trepidus rex pergeret Romam ad comprimendos motus, flexit viam Brutus (senserat enim adventum) ne obvius fieret; eodemque fere tempore diversis itineribus Brutus Ardeam, Tarquinius Romam, venerunt. Tarquinio clausa portæ, exiliumque indictum: liberatorem urbis, læta castra accepere.



HOR. COCLITIS et C. MUCII SÆVOLÆ *fortitudo*.
Lib. II. U. C. 246.

JAM Tarquini ad Lartem Porſenam Cluſinum regem perſugerant. Ibi miſcendo conſilium proceſſusque, nunc orabant, ne ſe oriundos ex Etruſcis, ejuſdem ſanguinis nominisſque, egentes exulare pateretur: nunc monebant etiam, *Ne orientem marem pellendi reges inuictum ſuaret. Satis libertatem ipſam habere dulcedinis. Niſi quantâ vi civitates eam expeſant, tantâ regna reges defendant, æquari ſumma infimis. Nihil ex-celſum, nihil quod ſupra cætera emineat, in civitatibus fore. Adeſſe finem regnis, rei inter Deos hominēſque pulcherrimæ* Porſena

Porfena tunc regem esse Romæ, tum Etruscæ gentis regem, amplum Tuscis ratus, Romam infesto exercitu venit. Non unquam alias antè tantus terror senatum invasit. Adeo valida res tum Clusina erat, magnûmque Porscenæ nomen. Nec hostes modò timebant, sed suosmet ipsi, cives, ne Romana plebs metu perculsa, receptis in urbem regibus, vel cum servitute pacem acciperet. Multa igitur blandimenta plebi per id tempus ab senatu data. Atque hæc indulgentia Patrum, asperis postmodum rebus in obsidione ac fame, adeo concordem civitatem tenuit, ut regium nomen non summi magis, quàm infami, horrerent: nec quisquam unius malis artibus postea tam popularis esset, quàm tunc bene imperando universus senatus fuit.

Quùm hostes adessent, pro se quisque in urbem ex agris demigrant: urbem ipsam sepiunt præsidiiis: alia muris, alia Tiberi objecto videbantur tuta. Pons sublicius iter penè hostibus dedit, ni unus vir fuisset, Horatius Cocles: id munimentum illo die fortunæ urbis Romanæ habuit: qui positus fortè in statione pontis, quùm captum repentino impetu Janiculum, atque inde citatos decurrere hostes vidisset, trepidamque turbam suorum armia ordinemque relinquere, reprehensam singulos, obsistens, obtestansque Deum et hominum fidem testabatur: *ne quisquam deserto præsidio obs fugere. Si transitum pontem à tergo reliquissent, jam plus hostium in Palatio Capitolioque, quàm in Janiculo fore. Itaque monere, præcipere, ut pontem ferro, igni, quacunque vi possent, interrumpant. Se impetum hostium, quantum corpore uno posset obsisti, excepturum. Vadit inde in primum aditum pontis: insignisque inter conspecta cedentium pugna terga,*

terga, obversis cominus ad ineundum prælium armis, ipso miraculo audaciæ obstupefecit hostes. Duos tamen cum eo pudor tenuit, Sp. Lartium ac T. Herminium, ambos claros genere factisque. Cum his primam periculi procellam, et quod tumultuosissimum pugnae erat, parumper sustinuit. Deinde eos quoque ipsos exigua parte pontis relicta, revocantibus qui rescindebant, cedere in tutum coëgit. Circumferens inde truces minaciter oculos ad proceres Etruscorum, nunc singulos provocare, nunc increpare omnes, *Servitia regum superborum, suæ libertatis immemores, alienam oppugnatum venire.* Cunctati aliquamdiu sunt, dum alius alium, ut prælium incipiant, circumspectant. Pudor deinde commovit aciem, et clamore sublato undique in unum hostem tela conjiciunt. Quæ quùm in objecto cuncta scuto haesissent, neque ille minùs obstinatus ingenti pontem obtineret gradu; jam impetu conabantur detrudere virum. Quùm simul fragor rupti pontis, simul clamor Romanorum alacritate perfecti operis sublatus, pavore subito impetum sustinuit. Tum Cocles, *Tiberine pater, inquit, te sancto precor, hæc arma et hunc militem propitio flumine accipias.* Ita, sic armatus in Tiberim defiluit: multisque superincidentibus telis incolumis ad suos tranavit; rem ausus plus famæ habituram ad posteros, quàm fidei. Grata erga tantam virtutem civitas fuit: statua in comitio posita; agri quantum uno die circumaravit, datum. Privata quoque inter publicos honores studia eminebant. Nam in magna inopia pro domesticis copiis unusquisque ei aliquid, fraudans se ipse victu suo, contulit.

Porfena

Porfena primo conatu repulsus, consiliis ab oppugnanda urbe ad obsidendam versis, praesidio in Janiculo locato, ipse in plano ripaeque Tiberis castra posuit: navibus undique accitis, et ad custodiam, ne quid Romam frumenti subvehi sineret; et ut praedatum milites trans flumen per occasiones aliis atque aliis locis trajiceret. Brevique adeo infestum omnem Romanum agrum reddidit, ut non caetera solum ex agris, sed pecus quoque omne in urbem compelleretur, neque quisquam extra portas propellere auderet.

Sedendo expugnaturum se urbem, spem Porfena habebat: quum C. Mucius adolescens nobilis, cui indignum videbatur, populum Romanum servientem, quum sub regibus esset, nullo bello, nec ab hostibus ullis obsessum esse; liberum eundem populum ab iisdem Etruscis obsideri, quorum saepe exercitus fuderit: itaque magno audacique aliquo facinore eam indignitatem vindicandam ratus, primo sua sponte penetrare in hostium castra constituit: dein metuens, ne, si consulum injussu at ignavis omnibus iret, forte deprehensus a custodibus Romanis retraheretur ut transfuga, fortuna tum urbis * crimen affirmante, senatum adiit: *Transire Tiberim, inquit, Patres, et intrare, si possim, castra hostium volo: non praeda, nec populationum invicem ultor. Majus, si Dei juvant, in animo est facinus.* Approbant Patres. Abdito intra vestem ferro proficiscitur. Ubi eo venit, in confestimissima turba prope regium tribunal consistit. Ibi quum stipendium forte militibus daretur, et scriba cum rege sedens pari fere ornatu multa ageret, cum milites vulgo adirent:

* Talem criminationem probabilem faciente.

timens

timens sciscitari uter Porsena esset, ne ignorando regem semetipse aperiret quis esset, quò temere traxit fortuna facinus, scribam pro rege obtruncat. Vadentem inde, qua per trepidam turbam cruento mucrone sibi ipse fecerat viam, quùm concursu ad clamorem facto, comprehensum regi satellites retraxissent, antè tribunal regis destitutus, tum quoque inter tantas fortunæ minas, metuendus magis quàm metuens: *Romanus sum, inquit, civis: C. Mucium vocant. Hostis hostem occidere volui. Nec ad mortem minus animi est, quàm fuit ad cædem. Et facere et pati fortia, Romanum est. Nec unus in te ego hos animos gessi: longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo: ferrum hostemque in vestibulo habeas regiae. Hoc tibi juventus Romana indicimus bellum. Nullam aciem, nullum prælium timueris. Uni tibi, et cum singulis res erit. Quùm Rex, simul irâ infensus, periculòque conterritus, circumdari ignes minitabundus juberet, nisi expromeret properè, quas insidiarum sibi minas per ambages jaceret: En tibi, inquit, ut sentias quàm vile corpus sit iis qui magnam gloriam vident: dextramque accenso ad sacrificium focolo injicit. Quam quùm velut alienato ab sensu torreret animo; prope attonitus miraculo Rex, quùm ab sede sua profiluisset, amoverique ab altaribus juvenem jussisset: Tu vero abi, inquit, in te magis quàm in me hostilia ausus. Juberem macte virtute esse, si pro meâ patriâ ista virtus staret. Nunc jure belli liberum te, intactum, inviolatumque hinc dimitto. Tum Mucius, quasi remunerans meritum, Quandoquidem, inquit, est apud te virtuti honos, ut beneficio tuleris à me, quod minis nequisti; trecenti conjuravimus principes juventutis Romanæ, ut in*

*te hac via grassaremur. Mea prima fors fuit. Cæsar, ut tu-
que cecideret primo, quoad te opportunum fortuna dederis, sit
quisque tempore aderunt.*

*Mulierum legatio ad CORIOLANUM patriæ suæ arma
inferentem. Lib. II. U. C. 266.*

SP. Nautius jam, et Sex. Furius consules erant. Eos re-
cententes legiones, præsidia per muros, aliæque, in
quibus stationes vigiliæque esse placuerat, loca distribuentes,
multitudo ingens pacem poscentium primum seditioso cla-
more conterruit. Deinde vocare senatum, referre de legatis
ad C. Marcium mittendis coëgit. Acceperunt relationem
Patres, postquam apparuit labare plebis animos; misisque
de pace ad Marcium oratores, atrox responsum retulerunt:
*Si Volscis ager redderetur, posse agi de pace: si præda belli per
otium frui velint, memorem se et civium injuriæ, et hospitum
beneficii, adniscurum, ut appareat, exilio sibi irritatos, non fruc-
tos, animos esse.* Iterum deinde iidem missi, non recipiuntur
in castra. Sacerdotes quoque suis insignibus velatos ipse sup-
plices ad castra hostium, traditum est; et nihilo magis quam
legatos flexisse animum

Tum matronæ ad Veturiam matrem Coriolani, Volum-
niamque uxorem frequentes coeunt. Id publicum consilium,
an muliebris timor fuerit, parum invenio. Pervicere certe,
ut et Veturia magno natu mulier, et Volumnia, duos parvos
ex Marcio ferens filios secum, in castra hostium irent: et
quam

quam armis viri defendere urbem non possent, mulieres precibus lacrymisque defenderent. Ubi ad castra ventum est, nuntiatusque Coriolano, adesse ingens mulierum agmen, in primo, ut qui nec publica maiestate in legatis, nec in sacerdotibus tanta offusa oculis animoque religione motus esset, multo obstinatio adversus lacrymas muliebres erat. Dein familiarium quidam qui insignem moestitia, inter ceteras cognoverat Veturiam inter nurum nepotisque stantem, *Nisi me frustrantur, inquit, oculi, mater tibi conjuxque et liberi adsunt.* Coriolanus prope ut amens, consternatus, ab sede sua quum ferret matri obviam complexum; mulier in iram ex precibus versa, *Sine, priusquam complexum accipio, sciam, inquit, ad hostem, an ad filium venerim: captiva, matrone in castris tuis sim? In hoc me longa vita, et infelix senectus traxit, ut exulem te, deinde hostem viderem? Potuisti populo hanc terram, quae te genuit atque aluit? Non tibi, quamvis infesto animo et minaci perveneras, ingredienti fines, ira cecidit? non quum in conspectu Roma fuit, succurrit, intra illa moenia domus ac penates mei sunt, mater, conjux, liberique? Ergo ego nisi peperissem, Roma non oppugnaretur. Nisi filium haberem, libera in libera patria mortua essem.* * *Sed ego nihil jam pati, nec tibi turpius quam mihi miserior possim: nec, ut sim miserrima, diu futura sum. De his videris: quos, si pergis, aut immatura mors, aut longa servitus manet. Uxor deinde ac liberi amplexi: Fletusque ab omni turba mulierum ortus, et comploratio sui patriaeque, frangere tandem virum. Complexus inde suos, dimittit: ipse retro ab urbe castra movit.*

* *Sed ego nec quidquam jam pati possum, quod non magis turpe tibi sit, quam miserrimum mihi; nec, etiamsi sim miserrima, &c.*

APPIUS et VIRGINIA. Lib. III. U. C. 305.

SEQUITUR aliud in urbe nefas ab libidine ortum, haud minus fœdo eventu, quàm quòd per stuprum eadẽque Lucretiæ urbe regnòque Tarquinius expulerat: ut non finis solùm idem Decemviris, qui Regibus, sed causã etiam eadem imperii amittendi esset. Ap. Claudium virgini plebeie stuprandæ libido cepit. Pater virginis L. Virginius, * honestum ordinem in Alcido ducebat, vir exempli recti domi militiaeque. Perinde uxor instituta fuerat, liberique instituebantur. Desponderat filiam L. Icilio tribuniõ, viro acri, et pro causã plebis expertæ virtutis. Hanc virginem adutam, formã excellentem, Appius amore ardens, pretio ac spe pellicere adortus; postquam omnia pudore septa animadverterat, ad crudelem superbãque viam animum convertit. M. Claudio clienti negotium dedit, † ut virginem in servitutem affereret; neque cederet secundum libertatem postulantibus vindicias: quòd pater puellæ abesset, locum injuriæ esse ratus. Virgini venienti in forum (ibi namque in tabernis literarum ludi erant) minister Decemviri libidinis manum injecit; *servã suã natãque* (servãque appellens) *esse*: sequique se jubebat; cunctantem vi ab-

* *Censuræ militum præerat.*

† *Ut postularet Virginem sibi addicẽ, tanquam servam suam: neque cederet iis qui postulaturi essent, ut, lite pendente, Virginia in possessione libertatis maneret, Vindiciarum nomine intelligitur momentanea possessio rei controversæ, donec de ipsã rei proprietate decretario judicio statuatur. Crevier.*

stracturum.

fracturum. Pavidā puella stupente, ad clamorem nutricis, fidem Quiritium implorantis, fit concursus. Virginii patriasponsique Icillii populare nomen celebratur. Notos gratia eorum, turbam indignitas rei virgini conciliat. Jam à virtuta erat; quum assertor, nihil opus esse multitudine concitata ait, se jure grassari, non vi. Vocat puellam in jus; auctoribus qui aderant, ut sequeretur, ad tribunal Appliperventum est. Notam judici fabulam petit, quippe apud ipsum auctorem argumenti, peragit, puellam domi suæ natam, furtoque inde in domum Virginii translata, suppositam esse. Id se indicio compertum asserre: probaturumque vel ipso Virginio iudice, ad quem major pars injuriæ ejus pertineat. Interim dominum sequi ancillam, æquum esse. Advocati puellæ, quum Virginium reipublicæ causâ dixissent abesse, biduo affuturum, si nuntiatum ei sit; iniquum esse absentem de liberis dimicare; postulant, ut rem integram in patris adventum differat; lege ab ipso lata vindiciæ det secundum libertatem. Neu patiatur virginem adultam, famæ prius, quàm libertatis periculum adire.

Appius decreto præfatus, quàm libertati faverit, eam ipsam legem declarare, quam Virginii amici postulationi suæ prætendunt. Ceterum ita in ea firmum libertati fore præsidium, si nec causis, nec personis variet. In his enim quæ afferantur in libertatem, quia quisvis lege agere possit, * id juris esse: in eâ, quæ in patris manu sit, neminem esse alium, cui dominas possessione cedat. Placere itaque patrem arcessi. Interea juris sui pasturam assertorem non facere, quin ducat puellam, sistendamque in ad-

* Hoc jus servari, nempe ut vindiciæ dentur secundum libertatem, Idem.

ventum ejus, qui pater dicatur, promittat. Adversus injuriam decreti quum multi magis fremerent quam quisquam unus recusare auderet; P. Numitorius, puellæ avunculus, et sponsus Icilius, interveniunt. Datæque inter turbam viâ, quum multitudo Iciliæ maxime interventu resisti posse Appio crederet, licitor *decrêsse* ait: vociferantemque Iciliam summovet. Placidum quoque ingenium tam atrox injuria accendisset. *Ferro hinc tibi summovendus sum, Appi, inquit, ut tacitum feras, quod celari vis. Virginem ego hanc sum ducturus, nuptam pudicamque habiturus. Proinde omnes collegarum quoque licitores convoca, expediti virgas et secures jube: non manebit extra domum patris sponsa Iciliæ. Non, si tribunatium auxilium et provocationem plebi Romanæ, duas arces libertatis tuandas, ademisti, ideo in liberos quoque nostros conjugisque regnum vestræ libidini datum est. Sævite in tergum et in cervices nostras: pudicitia saltem in tuto sit. Huius si vis afferetur, ego præsentium Quiritium pro sponsa, Virginium militum pro unica filia, omnes Deorum hominumque implorabimus fidem. Neque tu istud unquam decretum sine cæde nostra referes. Postulo, Appi, etiam atque etiam consideres quod progrediare. Virginium videris de filia, ubi veneris, quid agat. Hoc tantum sciat, sibi, si hujus vindictis cesserit, conditionem filia quærendam esse. Me vindicantem sponsam in libertatem, vita citius deseret, quam fides.*

Concitata multitudo erat certamenque instare videbatur. Lictores Icilium circumsteterant: nec ultra minas tamen processum est. Quum Appius, *Non Virginiam defendi ab Icilio, sed inquietum hominem, et tribunatum etiam nunc sperantem, locum seditionis quærere diceret; non præbiturum se illi*

eo die materiam: sed ut jam sciret, non id petulantiae suae, sed Virginio absenti et patrio nomini et libertati datum, jus eo die se non dicturum, neque decretum interpositurum: à M. Claudio petiturum, ut decederet jure suo, vindicarique puellam in posterum diem pateretur. Quod nisi pater postero die affuisset, denunciare se Icilio similibusque Iciliis, neque legi suae latorem, neque decem-viro constantiam desere. Nec se utique collegarum lictores convocaturum ad coercendos seditionis auctores: contentum se suis licitoribus fore. Quùm dilatum tempus injuriæ esset, secessissentque advocati puellæ, placuit omnium primum fratrem Iciliis, filiumque Numitorii, impigros juvenes, pergere inde rectà ad portam: et quantum accelerari posset, Virginium acciri è castris. In eo verti puellæ salutem, si postero die vindex injuriæ ad tempus præsto esset. Jussi pergunt, citatisque equis nuncium ad patrem perferunt. Quùm instaret assertor puellæ, ut vindicaret, sponsorisque daret; atque id ipsum agi diceret Icilius, sedulo tempus terens, dum præciperent iter nuncii missi in castra, manus tollere undique multitudo, et se quisque paratum ad spondendum Icilio ostendere. Atque ille lacrymabundus, *Gratum est, inquit; crastina die vestra opera utar. Sponsorum nunc satis est.* Ita vindicatur Virginia spondentibus propinquis. Appius paulisper moratus, ne ejus rei causa sediisse videretur; postquam omissis rebus aliis, præ cura unius, nemo adibat, domum se recepit: collegisque in castra scribit, *ne Virginio commeatum dent, atque etiam in custodia habeant.* Improbum consilium serum, ut debuit, fuit: et jam commeatu sumpto profectus Virginus prima vigilia erat, quùm postero die manè de retinendo eo nequicquam literæ redduntur.

Ac

At in urbe, prima luce, quàm civitas in foro expectatione erecta staret; Virginius sordidatus, filiam suam obsoleta veste comitantibus aliquot matronis, cum ingenti advocacy in forum deducit. Circumire ibi et prensare homines coepit: et non orare solum precariam opem, sed pro debita petere. *Se pro liberis eorum ac conjugibus quotidie in acie stare: nec alium virum esse, cujus strenuè ac ferociter facta in bello plura memorari possent. Quid prodesse, si incolumi urbe, quæ captâ ultima timeantur, liberis suis sint patienda?* Hæc prope concionabundus circumibat homines. Similia his ab Icilio jactabantur. Comitatus muliebris plus tacito fletu, quàm ulla vox movebat. Adversus quæ omnia obstinato animo Appius (tanta vis amentię veriùs quàm amoris mentem turbaverat) in tribunal ascendit: et ultro querente pauca petitor, *quod jus sibi pridie * per ambitionem dictum non esset;* priusquam aut ille postulatum perageret, aut Virginio respondendi daretur locus, Appius interfatur. Quem decreto sermonem prætenderit, forsan aliquem verum auctores antiqui tradiderint. Quia nusquam ullum in tanta foeditate decreti verisimilem invenio; id quod constat, nudum videtur proponendum. Decrêsse vindicias secundum servitutem. Primò stupor omnes admiratione rei tam atrocis defixit. Silentium inde aliquamdiu tenuit. Deinde quàm M. Claudius circumstantibus matronis iret adprehendendam virginem, lamentabilisque eum mulierum comploratio excepisset; Virginius intentans in Appium manus, *Icilio, inquit, Appi, non tibi filiam despondi: et ad nuptias, non ad*

* *Captandæ apud vulgus gratiæ causâ.*

stuprum edocui. Placet pecudum ferarumque ritu promiscue in conubitus ruere? Passurine hæc isti sint, nescio. Non spero esse passuros illos, qui arma habent. Quum repelleretur assertor virginis à globo mulierum circumstantiumque advocatorum, silentium factum per præconem.

Decemvir alienato ad libidinem animo, negat ex hesterno tantum convicio Icili violentiæque Virginii, cujus testem populum Romanum habeat, sed certis quoque indiciis compertum se habere, nocte tota cætus in urbe factos esse ad movendam seditionem. Itaque se haud inscium ejus dimicationis, cum armatis descendisse: non ut quemquam quietum violaret, sed ut turbantes civitatis otium, pro majestate imperii coerceret. Proinde quiesse erit melius. I, inquit, licetor, summove turbam; et da viam domino ad prehendum mancipium. Quum hæc intonuisset plenus iræ, multitudo ipsa se sua sponte dimovit, desertaque præda injuriæ puella stabat. Tum Virginius, ubi nihil usquam auxilii vidit, Quæso, inquit, Appi, primum ignosce patrio dolori, si quid inclementius in te sum invehctus: deinde finas hic coram virgine nutricem percontari quid hoc rei sit. Ut si falsò pater dictus sum, æquiore hinc animo discedam. Data venia, seducit filiam ac nutricem prope Cloacinæ ad tabernas, quibus nunc Novis est nomen. Atque ibi lanio cultro arrepto, Hoc te uno, quo possum, ait, modo, filia, in libertatem vindico. Pectus deinde puellæ transfigit: respectansque ad tribunal, Te, inquit, Appi, tuumque caput sanguine hoc consacro. Clamore ad tam atrox facinus orto excitus Appius, comprehendi Virginium jubet. Ille ferro, quacunque ibat, viam facere: donec multitudine etiam prosequentium tuente ad portam perrexit. Icilius Numitoriûque exsanguie corpus sublatum ostentant populo; scelus Appii, puellæ infelicem
Z *formam,*

formam, necessitatem patris deplorant. Sequentes clamitant matronæ, *Eamne liberorum præcædendorum conditionem? ea pudicitia præmia esse?* cæteraque quæ in tali re muliebris dolor, quo est mœstior imbecillo animo, eo miserabilia magis querentibus subjicit. Virorum et maxime Iciliæ vox tota, tribunicie potestatis ac provocationis ad populum ereptæ, publicarumque indignationum, erat.



Clades CAUDINA Lib. IX. U. C. 433.

SAMNITES imperatorem Caium Pontium Herennii filium habuerunt, patre longè prudentissimo natum, primum ipsum bellatorem ducemque. Is, exercitu educto, circa Caudium castra, quàm potest occultissimè locat: inde ad Calatiam, ubi jam consules Romanos castraque esse audiebat, milites decem pastorum habitu mittit, pecoræque diversos alium alibi haud procul Romanis pascere jubet præfidiis: ubi inciderint in prædatores, ut idem omnibus sermo constet, legiones Samnitium in Apulia esse: Luceriam omnibus copiis circumfedere: nec procul abesse, quin vi capiant. Jam is etiam rumor antè de industria vulgatus venerat ad Romanos: sed fidem auxere captivi; eo maxime, quòd sermo inter omnes congruebat. Haud erat dubium, quin Lucerinis opem Romanus ferret; bonis ac fidelibus sociis; simul ne Apulia omnis ad præsentem terrorem deficeret. Ea modò, quæ irent, consultatio fuit. Dux ad Luceriam ferebant viæ, altera præter oram superi maris patens

patens apertaque; sed quantò tutior, tantò fere longior: altera per Furculas Caudinas brevior. Sed ita natus locus est: saltus duo alti angustî silvosque sunt; montibus circa perpetuis inter se juncti. Jacet inter eos satis patens clausus in medio campus herbidus, aquosusque, per quem medium iter est. Sed ante quam venias ad eum, intrandæ primæ angustiae sunt, et aut eadem, qua te insinuaveris, retrò via repetenda; aut si ire porro pergas, per alium saltum arctiorem impeditiorémque evadendum. In eum campum via alia per cavam rupem Romani demisso agmine, quàm ad alias angustias protinus pergerent, septas dejectu arborum saxorumque ingentium objacente mole invenere. Quùm fraus hostilis apparuisset, præsidium etiam in summo saltu conspicitur. Citati inde retrò, quâ venerant, pergunt repetere viam: eam quoque clausam suâ obice armisque inveniunt. Sistunt inde gradum sine ullius imperio, stuporque omnium animos, ac velut torpor quidam insolitus membra tenet: intuentisque alii alios (quùm alterum quisque magis mentis compotem ac consilii ducerent) diu immobiles silent. Deinde, ubi prætoria consulum erigi videre, et expedire quosdam utilia operi, quamquam ludibrio fore munientes perditis rebus ac spe omni adempta cernebant; tamen ne culpam malis adderent, pro se quisque, nec hortante ullo nec imperante, ad muniendum versi, castra propter aquam vallo circumdant: sua ipsi opera, laborémque irritum (præterquam quod hostes superbè increpabant) cum miserabili confessione eludentes. Ad consules mœstos, ne advocantes quidem in consilium (quando nec consilio nec auxilio locus esset) sua sponte legati, ac tribuni conveniunt: militésque

in prætorium versi, opam, quam vix Dii immortalæ fære poterant, ab ducibus exposcunt.

Quærentes magis quàm consultantæ nox oppressit, quàm pro ingenio quisque frenierent, alius *per obices viarum*; alius *per adversa montium, per silvas, quæ ferri arma potuerunt, eamus*. Modò ad hostem pervenire liceat, quem per annos jam prope triginta vincimus; omnia æqua ac plana erunt Romano, in perfidum Samnitum pugnanti: alius, *Quò, aut quæ eamus?* Num montes moliri sede sua paramus? Dum hæc imminuebant juga, quæ tu ad hostem venies? *Armati, internæ, fortes, ignavi, pariter omnes capti atque victi sumus. Ne ferrum quidem ad bene moriendum oblatæ est hostis: sedens bellum conficit.* His invicem sermonibus, quæ cibi, quæ quietis immemor, nox traducta est. Ne Samnitibus quidem consiliùm in tam lætis suppetebat rebus. Itaque universi Herennium Pontium patrem imperatoris per literas consulendum censent. Jam is gravis annis, non militaribus solùm, sed civilibus quoque abscesserat muneribus: in corpore tamen affecto vigeat vis animi, consilii que. Is ubi acceperit, ad Furculas Caudinas inter duos saltus clausos esse exercitus Romanos, consultus ab nuncio filii, censuit omnes inde quàm primùm inviolatos dimittendos. Quæ ubi spreta sententia est, iterumque eodem remeante nuncio consulebatur, censuit ad unum omnes interficiendos. Quæ ubi tam discordia inter se, velut ex ancipiti oraculo, responsa data sunt; quamquam filius ipse in primis jam animum quoque patris consenuisse in affecto corpore rebatur; tamen consensu omnium victus est, ut ipsum in conciliùm acciret, Nec gravatus senex, plaustro in castra dicitur advectus: vocatusque in conciliùm, ita ferme locutus

locutus esse, ut nihil sententiae suae mutaret; causas tantum adjiceret: Priore se consilio, quod optimum ducerat, cum potentissimo populo per ingens beneficium perpetuam firmare pacem, amicitiamque: altero consilio, in multas aetates, quibus, amissis duobus exercitibus, haud facile receptura vires Romana res esset, bellum differre: tertium nullum consilium esse. Quum filius alique principes percunctando exsequerentur, Quid si media via consilii caperetur? ut et dimitterentur incolumes, et leges iis jure belli victis imponerentur? Ista quidem sententia, inquit, ea est; quas neque amicos parat, neque inimicos tollit. Servate modo, quos ignominia irritaveritis. Ea est Romana gens, quas victa quiescere nesciat. Vivet semper in pectoribus illorum, quicquid istius praesens necessitas inusserit; neque eos ante multiplices poenas expetitas a vobis quiescere sinet.

Neutra sententia accepta. Herennius domum a castris est relictus. Et in castris Romanis quum frustra multi conatus ad erumpendum capti essent, et jam omnium rerum inopia esset; victi necessitate legatos mittunt, qui primum pacem aequam peterent; si pacem non impetrarent, uti provocarent ad pugnam. Tum Pontius, debellatum esse respondit: et quoniam ne victi quidem ac capti fortunam fateri scirent, inermes cum singulis vestimentis sub jugum missurum: alias conditiones pacis aequas victis ac victoribus fore; agro Samnitium decederetur, coloniae abducerentur, suis deinde legibus Romanum ac Samnitum aequo fœdere victurum. His conditionibus paratum se esse fœdus cum Consulibus ferre: si quid eorum displiceat, legatos redire ad se vetuit. Haec quum legatio renunciaretur, tantus gemitus omnium subito exortus est, tantaeque moestitia incessit, ut non gravius accepturi viderentur, si nunciaretur omnibus

omnibus eo loco mortem oppetendam esse. Quam diu silentium fuisset, nec consules aut pro foedere tam turpi, aut contra foedus tam necessarium hincere possent; tum L. Lentulus, qui tum princeps legatorum virtute atque honoribus erat: Patrem meum, inquit, Consules, sæpe audiui memorem, se in Capitolio unum non fuisse auctorem senatus redimendæ auro à Gallis civitatis, quando nre fossa vallisque ab ignavissimo ad opera ac muniendum hoste clausi essent: et erumpere si non sine periculo magno, tamen sine certa pernicie possent. Quod si ut illis decurrere ex Capitolio armatis in hostem licuit (quo sæpe modo obfessi in obsidentes eruperant) ita nobis atquo aut iniquo loco dimicandi tantummodo cum hoste copia esset, non mihi paterni animi indoles in consilia dando deesset. Equidem mortem pro patria præclarum esse fateor: et me vel deducere pro populo Romano legionibusque, vel in medios me immittere hostes paratus sum. Sed hic patriam video: hic quicquid Romanarum legum est. Quæ nisi pro se ipsis ad mortem ruere volunt, quid habent quod morte sua servent? Tecta urbis dicat aliquis, et ætæna, et eam turbam, à qua urbs incolitur. Inno hercule produntur ea omnia deleta hoc exercitu, non servantur. Quis enim ea tuobitur? Imbellis videlicet atque inermis multitudo. Tam hercule, quam à Gallorum impetu defendit. An à Veis exercitum, Camillamque ducem implorabunt? Hic omnes spes opesque sunt: quas servando, patriam servamus: dedendo ad necem patriam deserimus, ac prodimus. At fœda atque ignominiosa deditio est. Sed ea caritas patriæ est, ut tam ignominia eam, quam morte nostrâ, si opus sit, servemus. Subeatut ergo ista quantacumque est indignitas: et pareatur necessitati, quam ne Dii quidem superant. Ite Consules, redimite armis civitatem, quam auro majores vestri redemerunt.

Consules

Consules profecti ad Pontium in colloquium, quàm de foedere victor agitare, negarunt, iniussa populi foedus fieri posse: nec sine fecialibus caerimoniâque alia solenni. Itaque, non, ut vulgò credunt, Claudiusque etiam scribit, foedere pax Caudina, sed per sponsonem facta est. Quid enim aut sponsonibus in foedere opus esset aut obsidibus, ubi praecatione res transigitur? *per quem populum fiat, quo minùs legibus dictis stet, ut eum ita Jupiter feriat, quemadmodum à fecialibus percus feriat?* Sponsonerunt consules, legati, quaestores, tribuni militum: nominâque omnium, qui sponsonerunt, extant: ubi, si ex foedere acta res esset, praeterquam duorum fecialium non extarent. Et propter necessariam foederis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus, exercitûque inermi mittendo. Redintegravit luctum in castris consulum adventus, ut vix ab iis abstinerent manus, quorum temeritate in eum locum deducti essent: quorum ignavi foediùs inde quam venissent abituri. Illis non ducem locorum, non exploratorem fuisse: belluarum modo cæcos in foveam missos. Alii alios intueri, contemplari arma mox tradenda, et inermes futuras dexteras, obnoxiaque corpora hosti. Proponere sibi et ipsi ante oculos jugum hostile, et ludibria victoria, et vultus superbos, et per armatos inermium iter: inde foedi agminis miserabilem viam, per sociorum urbes reditum in patriam, ac parentes, quò sæpe ipsi majorésque eorum triumphantes venissent. Se solos sine vulnere, sine ferro, sine acie victos: sibi non stringere licuisse gladios, non manum cum hoste conferre: sibi nequicquam arma, nequicquam

quicquam vires, nequicquam animos datos. Hæc fremen-
tibus hora fatalis ignominie advenit ; omnia tristiora expe-
riundo factura, quam quæ præceperant animis. Jam primum
eum singulis vestimentis inermes extra vallum exire jussit : et
primi traditi obfides, atque in custodiam abducti. Tum à
consulibus abire lictores jussi, paludamentisque detracta,
tantam inter ipsos, qui paulo ante eos execrantes, dedendos
lacerandosque censuerant, miserationem fecerunt, ut suæ quis-
que conditionis oblitus, ab illa deformatione tantæ majestatis,
velut ab nefando spectaculo, averteret oculos.

Primi consules propè seminudi sub jugum missi : tum ut
quisque gradu proximus erat, ita ignominie objectus : tum
deinceps singulæ legiones. Circumstabant armati hostes
exprobrantes, eludentesque : gladii etiam plerisque inten-
tati ; et vulnerati quidam, necatique, si vultus eorum indig-
nitate rerum acrior victorem offendisset. Ita traducti sub
jugum, et, quod penè gravius erat, per hostium oculos,
quàm ex saltu evasisent ; etsi velut ab inferis extracti tum
primum lucem aspicere visi sunt ; tamen ipsa lux ita deforme
intuentibus agmen omni morte tristior fuit. Itaque quàm
ante noctem Capuam pervenire possent, incerti de fide so-
ciorum, et, quòd pudor præpediebat, circa viam haud
procul Capua omnium egeni corpora humi prostraverunt.
Quod ubi est Capuam nunciatum, evicit misratio justa
sociorum superbiam ingenitam Campanis. Confestim in-
signia sua consulibus, fasces, lictores, arma, equos, vesti-
menta, commeatus, militibus benignè mittunt : et venien-
tibus Capuam cunctus senatus populúsque obviam egressi,
justis omnibus hospitalibus, privatisque et publicis funguntur
officiis.

officiis. Neque illis sociorum comitas, vultusque benigni, et alloquia non modò sermonem elicere, sed ne ut oculos quidem attolerent, aut consolantes amicos contra intuerentur, efficere poterant. Adeò super mœrorem pudor quidam fugere colloquia et coetus hominum cogebat. Postero die, quùm juvenes nobiles, missi à Capua, ut proficiscentes ad finem Campanum prosequerentur, revertissent; vocatque in curiam, percunctantibus majoribus natu, *nullo sibi mœstiores et abjectioris animi visos referrent; adeò silens, ac prope mutum agmen incesse: tacere indolem illam Romanam, ablatisque cum armis animos, non reddere salutem, non salutantibus dare responsum, non hiscere quemquam præ metu potuisse; tamquam ferentibus adhuc cervicibus jugum, sub quod emissi essent. Habere Samnites victoriam, non præclaram solum, sed etiam perpetuam. Cepisse enim non Romam sicut ante Gallas, sed, quòd multò bellicosius fuerit, Romanam virtutem, ferociamque: quùm hæc dicerentur audirenturque, et deploratum penè Romanum nomen in concilio sociorum fidelium esset; dicitur Otilius Calavins Ovii filius, clarus genere factisque, tum etiam ætate verendus, longè aliter se habere rem dixisse. Silentium illud obstinatum, fixosque in terram oculos, et surdas ad omnia solatia aures, et pudorem intuendæ lucis, ingentem molem irarum ex alto animi cientis indicia esse. Aut se Romana ignorare ingenia, aut silentium illud Samnitibus flebiles brevi clamore gemitusque excitaturum: Caudinæque pacis aliquanto Samnitibus quàm Romanis tristioremem memoriam fore. Quippe suos quemque coram animos habiturum, ubicumque congressuri sint; saltus Caudinos non ubique Samnitibus fore.*

Jam et Romæ sua infamis clades erat. Obseſſos primùm audierunt : triftior deinde ignominioſæ pacis magis, quàm periculi nuncius fuit. Ad famam obſidionis delectus haberi cœptus erat : dimiſſus deinde auxiliorum apparatus, poſtquam deditionem tam foedè factam acceperunt. Extemploque ſine ulla publica auctoritate conſenſam in omnem formam luſus eſt. Tabernæ circa forum clauſæ, juſtitiamque in foro ſua ſponte cœptum, priùs quàm indictum a latr clavi, annuli aurei poſiti : penè moeſtior exercitu ipſe civitas eſſe ; nec ducibus ſolùm atque auctoribus ſponſoribꝫque pacis irafci, ſed innoxios etiam milites odiſſe, et negare urbe teſtibus accipiendos. Quam concitationem animorum frogit adventus exercitus, etiam iratis miſerabilis. Non enim tanquam in patriam revertentes ex inſperato incolumes, ſed captorum habitu vultuque ingreſſi ſerò in urbem, ita ſe in ſuis quique tectis abdiderunt, ut poſtero atque inſequentibus diebus, nemo eorum forum aut publicum adſpicere veller. Conſules in privato abditi, nihil pro magiſtratu agere, niſi quod expreſſum ſenatuſconſulto eſt, aut dictatorem dicerent comitiorum cauſſa.

Diſputatio

Disputatio de ALEXANDRO M. et ROMANIS. Lib. IX.

U. C. 435.

HAUD dubiè illa ætate, quâ nulla virtutum feracior fuit, nemo unus erat vir, quo magis innixa res Romana flaret. Quin * eum parem destinarent animis Magno Alexandro ducem, si arma Asiâ perdomitâ in Europam vertisset.

Nihil minùs quæsitum à principio hujus operis videri potest, quàm ut plus justo ab rerum ordine declinarem, varietatibûsque distinguendo opere, et legentibus velut diviticulâ amcena, et requiem animo meo quærerem: tamen tantî regis ac ducis mentio, quibus sæpe tacitis cogitationibus volutavit animum, eas evocat in medium: ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur, militum copia et virtus, ingenia imperatorum, fortuna, per omnia humana, maximè in res bellicas, potens. Ea et singula intuenti, et universa, sicut ab aliis regibus gentibûsque, ita ab hoc quoque facîle præstant invictum Romanum imperium. Jam primùm, ut ordiar ab ducibus comparandis, haud equidem abnuo egregium ducem fuisse Alexandrum; sed clariorem tamen eum facit, quòd unus fuit, quòd adolescens, in incremento rerum, nondum alteram fortunam expertus, decessit. Ut alios reges claros ducésque omittam, magna exempla casuum hu-

* *L. Papirium Curserem.*

manorum; Cypriū, quem maxime Græci laudant, celebrant, quid nisi longa-vita, sicut Magnum modū. Protopicus, vertenti præbuit fortunæ? recensent duces Romanos, nec omnes omnium ætatum, sed ipsos eos cum quibus consiliis aut dictatoribus Alexandro fuit bellandum: M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Curforem, Q. Fabium Maximum, duos Decios, L. Volturnium, Manium Curium. Deinceps ingentes sequuntur viri; si Punicum Romano prævertisset bellum, senioreque in Italiam trajecisset. Horum in quolibet tum indoles eadem, quæ in Alexandro, erat animi ingenique; tum disciplina militaris jam inde ab initiis urbis tradita per manus, in ætis perpetuis præceptis ordinatæ modum venerat. Ita, res gesserant bella: ita deinde exactores regum Janii, Valerii: ita deinceps Fabii, Quintii, Cornelii: ita Furius Camillus, quem juvenes ii, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque haud minus clarum eum faciunt) cecidisset videlicet in acie oblatus par Manlius Torquatus, aut Valerius Corvus; insignes ante milites, quam duces: cecidissent Decii, devotis corporibus in hostem ruentes: cecidisset Papirius Curfor, illo corporis robore, illo animi: victus esset consiliis juvenis unius, ne singulos nominem, senatus ille, quem * qui ex regibus constare dixit, unus veram speciem Romani senatus cepit. Id, verò, erat periculum, ne solertiùs quàm quilibet unus ex iis quos nominavi, castris locum caperet, comæatus expediret, ab

* Cineas, Pyrrhi regis legatus.

insidiis

infidels p̄t̄ac̄veret, tempus pugnae deligeret, aciem instrueret, subsidiis firmaret. Non cum Dario rem esse dixisset: quem mulierum ac spadonum agmen trahentem, inter purpuram atque aurum, oneratum fortunae suae apparatus, praedam verius quàm hostem, nihil aliud quàm bene ausus vana contemnere, incruentus devicit. Longè alius Italiae, quàm Indiae, per quam temulento agmine comissabundus incoessit, visus illi habitus esset; saltus Apuliae ac montes Lucanos cernenti, et vestigia recentia domesticae cladis, ubi avunculus ejus nuper Epiri rex Alexander absumptus erat.

De loquimur de Alexandro nondum merso secundis rebus, quantum nemo intolerantior fuit. Qui si ex habitu novae fortunae novique, ut ita dicam, ingenii, quod sibi victor induerat, spectetur; Dario magis similis quàm Alexandro in Italiam venisset, et exercitum Macedoniae oblitum degenerationemque jam in Persarum mores adduxisset. Referre in tanto rege piget superbam mutationem vestis, et desideratas humi jacentium adulationes, * etiam victis Macedonibus graves, nedum victoribus; et foeda supplicia; et inter vinum et epulas cades amicorum, et vanitatem ementiendae stirpis. Quid si vini amor indies fieret acrior? quid, si trux ac praefervida ira? (nec quicquam dubium, inter scriptores refero) nullane haec damna imperatoris virtutibus ducimus? Id vero periculum erat, quod levissimi ex Graecis, qui Parthorum quoque contra nomen Romanum gloriae favent, dictitare solent, ne majestatem nominis Alexandri (quem ne tanta quidem illis notum arbitror fuisse) sustinere non potu-

* i. e. Etiam si victi fuissent.

erit

erit populus Romanus. Et, adversus quem Athenis, in civitate fracta Macedonum armis, cernente tum maxime prope sumantes Thebarum ruinas, concionari libere ausi sint homines (id quod ex monumentis orationum patet) adversus eum nemo ex tot proceribus Romanis vocem liberam infusus fuerit. Quantalibet magnitudo hominis concipiatur animo, unius tamen ea magnitudo hominis erit; collecta paulo plus decem annorum felicitate: quam qui extollunt, quod populus Romanus etsi nullo bello, multis tamen praeliis victus sit, Alexandro nullius pugnae non secunda fortuna fuerit; non intelligunt, se hominis res gestas, et ejus juvenis, cum populi jam octingentesimum bellantis annum rebus conferre. Miremur, si quum ex hac parte secula plura numerentur, quam ex illa anni, plus in tam longo spatio quam in aetate tredecim annorum fortuna varaverit? Quin tu hominis cum homine, et ducis cum duce, fortunam cum fortuna confers? Quot Romanos duces nominem, quibus nunquam adversa fortuna pugnae fuit? Paginas in annalibus magistratuum fastisque percurrere licet, consulum, dictatorumque, quorum nec virtutis, nec fortunae ullo die populum Romanum poenituit. Et, quo sint mirabiliores, quam Alexander, aut quisquam rex; denos vicenosque dies quidam dictaturam, nemo plusquam annum consulatum gessit; ab tribunis plebis delectus impediti sunt: post tempus ad bella ierunt: ante tempus, comitiorum causa revocati sunt: in ipso conatu rerum circumegit se annus: collegae nunc temeritas, nunc pravitas, impedimento aut damno fuit: male gestis rebus alterius successum est: tiro-nem, aut mala disciplina institutum exercitum acceperunt.

At,

At, Hercule, reges, non liberi solum impedimentis omnibus, sed domini rerum temporumque, trahunt consiliis cuncta, non sequuntur. Inviſtus ergo Alexander cum invictis ducibus bella geſſiſſet, et eadem fortunæ pignora in discrimen detuliſſet. Imò etiam eo plus periculi ſubiſſet, quòd Macedones unum Alexandrum habuiſſent; multis caſibus non ſolum obnoxium, ſed etiam offerentem ſe: Romanis multi fuiſſent Alexandro, vel gloria, vel rerum magnitudine pares; quorum ſuo quiſque fato, ſine publico discrimine viveret, morereturque.

Reſtat, ut copię copiiſ comparantur, vel numero, vel militum genere, vel multitudine auxiliorum. Cenſebantur ejus ætatis luſtris ducena quinquagena millia capitum. Itaque in omni defectione ſociorum Latini nominis, urbano prope delectu decem ſcribebantur legiones. Quaterni, quinque exercitus ſæpe per eos annos, in Etruria, in Umbria, Gallis hoſtibus adjunctis, in Samnio, in Lucanis gerebant bellum. Latium deinde omne cum Sabinis, et Volſcis, et Æquis, et omni Campania, et parte Umbriæ Etruriæque, et Picentibus et Marſis, Peligniſque, ac Veſtiniſ atque Apuliſ; adjunctaque omni orâ Græcorum inferi maris à Thuriis Neapolim et Cumas, et inde Antio atque Oſtium tenus, Samnites, aut ſocios validos Romanis, aut fractos bello inveniſſet hoſtes. Ipſe trajeciſſet mare cum veteraniſ Macedonibus, non plus triginta millibus hominum, et quatuor millibus equitum, maxime Theſſalorum: hoc enim roboris erat. Perſas, Indos, aliâſque ſi adjunxiſſet gentes, impedimentum magis quàm auxilium traheret. Adde, quòd Romanis ad manum domi ſupplementum eſſet. Alexandro
(quòd

(quod postea Annibali accidit) alieno in agro bellanti, exercitus consenuisset. Arma, clypeus, sarissæque illis: Romano scutum, majus corpori tegumentum, et pilum, haud paulo quàm hasta vehementius ictu missique telum. Statarius uterque miles, ordines servans: sed illa phalanx immobilis, et unius generis: Romana acies distinctior, ex pluribus partibus constans: facilis partienti quacunque opus esset, faciles jungenti. Jam in opere quis par Romano miles? quis ad tolerandum laborem melior? Uno prælio victus Alexander, bello victus esset. Romanum, quem Caudium, quem Cannæ non fregerunt, quæ fregisset, acies? Næ ille sæpe, etiamsi prima prospere evenissent, Persas et Indos, et imbellem Asiam quæssisset, et cum foeminis sibi bellum fuisse dixisset: quod Epiri regem Alexandrum mortifero vulnere ictum dixisse ferunt; sortem bellorum in Asia gestorum, ab hoc ipso juvene cum suâ conferentem. Equidem quum per annos quatuor et viginti primo Punico bello classibus certatum cum Pœnis recorder, vix ætatem Alexandri suffecturam fuisse reor ad unum bellum. Et forsitan quum et foederibus vetustis juncta Punica res Romanæ esset, et timor par adversus communem hostem, duas potentissimas armis virisque urbes armaret, simul Punico Romanoque obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem adversus Anthiochum, Philippum, Persem, * non modò cum clade ulla, sed ne cum periculo quidem suo. Absit invidia verò, et † civilia bella fileant, nunquam ab equite

* Non modo, i. e. non modo non.

† i. e. De civilibus bellis non fiat mentio.

hoste,

hoste, nunquam à pedite, nunquam aperta acie, nunquam æquis, utique nunquam nostris locis laboravimus. Equitem, sagittas, saltus impeditos, avia commeatibus loca, gravis armis miles timere potest. Mille acies graviores, quàm Macedonum atque Alexandri, avertit, avertétque; modò sit perpetuus hujus, qua vivimus, pacis amor, et civilis cura concordia.



ANNIBAL *transit* ALPES. Lib. XXI. U. C. 534.

ANNIBAL ab Druentia campestri maximè itinere cum bona pace ad Alpes incolentium ea loca Gallorum pervenit. Tum quamquam famà prius (quà increta in majus vero ferri solent) præcepta res erat; tamen ex propinquo visa montium altitudo, nivésque coelo prope immistæ, tecta informia imposita rupibus, pecora jumentaque torrida frigore, homines intonsi ei inculti, animalia inanimaque omnia rigentia gelu, cætera visu quàm dictu foediora, terrorem renovarunt. Erigentibus in primos agmen clivos apparuerunt imminentes tumulos infidentes montani: qui si valles occultiores infedissent, coorti in pugnam repente, ingentem fugam stragèmeque dedissent. Annibal consistere signa jubet: Gallisque ad visenda loca præmissis, postquam comperit transitum eà non esse, castra inter confragosa omnia præruptaque, quàm extensissima potest valle, locat. Tum per eosdem Gallos, haud sanè multum lingua moribúsque

B b

abhor-

abhorrentes, quum se immiscuissent colloquiis montanorum, edoctus interdiu tantum obsideri saltum, nocte in sua quemque dilabi tecta; luce prima subiit tumulos, ut ex aperto atque interdiu viam per angustias facturus. Die deinde simulando aliud, quam quod parabatur, consumpto, quum eodem quo constiterant loco castra communissent, ubi primum degreſſos tumulis montanos, laxatisque ſenſu cuſtodias, pluribus ignibus quam pro numero marcentium in ſpeciem factis, impedimentisſque cum equite relictis, et maxima parte peditum; ipſe cum expeditis acerrimo quoque viro raptim anguſtias evadit: iſſque ipſis tumultis, quos hoſtes tenerant, conſedit.

Prima deinde luce caſtra mota, et agmen reliquum intedere coepit. Jam montani ſigno dato ex caſtellis ad ſtationem ſolitam conveniebant; quum repente conſpiciunt aliae arce occupata ſua ſuper caput imminentes, alios via tranſire hoſtes. Utraque ſimul obſecta res oculis, animis immobiles parumper eos deſixit. Deinde ut trepidationem in anguſtiis, ſuoque ipſum tumultu miſceri agmen videre, equis maxime conſternatis, quicquid adieciſſent ipſi terroris, ſatis ad perniciem fore rati, perversis rupibus, juxta invia ac devia aſſueti diſcunt. Tum vero ſimul ab hoſtibus, ſimul ab iniquitate locorum Poeni oppugnabantur; pluſque inter ipſos, (ſibi quoque tendente ut periculo prius evaderet) quam cum hoſtibus certaminis erat. Equi maxime inſeſſum agmen faciebant, qui et clamoribus diſſonis, quos nemo non etiam repentinaeſque valles augebant, territi trepidabant; et ſi forte aut vulnerati adeo conſternabantur, ut Aragona gentem ſimul hominum ac ferarum omnis generis facerent:

ferent: multosque turba, quàm præcipientes deruptaque utrinque angustiae essent, in immensum altitudinis deiecit; quosdam et armatos. Inde romæ maximæ modo iumenta cum oneribus devolvebantur. Quæ quamquam foeda visu erant, stetit parumper tamen Annibal ac suos continuit, ne tumultum ac trepidationem augeret. Deinde postquam interrumpi agmen vidit, periculumque esse, ne exutum impedimentis exercitum nequicquam incolumem traduxisset, decurrit ex superiore loco; et quàm impetu ipso fudisset hostem, suis quoque tumultum auxit. Sed is tumultus momento temporis, postquam liberata itinera fugâ montanorum erant, sedatur: nec per osium modo, sed prope silentio mox omnes traducti. Castellum inde, quod caput ejus regionis erat, viculosque circumjectos caput, et captivorum pecoribus per triduum exercitum aluit. Et quia nec montanis primò percussis, nec loco magnopere impediabantur, aliquantum eo triduo viæ confecit.

Perventum inde ad frequentem cultoribus alium, ut inter montana, populum. Ibi non bello aperto, sed suis artibus, fraude, deinde insidiis est prope circumventus. Magno natu principes castellorum oratores ad Poenum veniunt: *alienis malis, utili exemplo doctis, memorantes, amicitiam malle, quam vim experiri Poenorum: Itaque obedientes imperata facturas; Commeatum itinerisque duces, et ad fidem promissorum obsides acciperet.* Annibal nec temere credendo, nec aspernando, ne repudiati aperte hostes fierent, benignè quàm respondisset; obsidibus, quos dabant acceptis, et commeatu, quem in viam ipsi detulerant, usus; nequaquam, ut inter pacatos, in campo agmine duces eorum sequitur. Primum agmen

B b 2

-elephanti

elephanti et equites erant: ipse post cum robore peditum circumspectans sollicitus omnia, incedebat. Ubi in angustiore viam ex parte altera subjectam jugo insuper imminenti ventum est, undique ex insidiis barbari à fronte ab tergo coorti, cominus eminus petunt: saxa ingentia in agmen devolvunt: maxima ab tergo vis hominum urgebat. In eos versa peditum acies haud dubium fecit, quin, nisi firmata extrema agminis fuissent, ingens in eo saltu accipienda clades fuerit. Tunc quoque ad extremum periculi, ac prope perniciem ventum est: nam dum cunctatur Annibal agmen demittere in angustias; quia non, ut ipse equitibus praesidio erat, ita peditibus quicquam ab tergo auxilii reliquerat; occurrentes per obliqua montani, perrupto medio agmine, viam infedere: noxque una Annibali sine equitibus atque impedimentis acta est.

Postero die jam segnius intercurrentibus barbaris, junctae copiae, saltusque haud sine clade (majore tamen jumentorum quam hominum pernicie) superatus. Inde montans, pauciores jam, et latrocinii magis quam belli more concursabant; modo in primum, modo in novissimum agmen, ut cuique aut locus opportunitatem daret, aut progressi morative aliquam occasionem fecissent. Elephanti, sicut per arcus et praecipites vias magna mora agebantur, ita tutum ab hostibus quacumque incederent (quia insuetis adeundi propius metus erat) agmen praebant. Nono die in jugum Alpium perventum est per invia pleraque et errores, quos aut ducentium fraus, aut ubi fides non iis esset, temere initae valles à conjectantibus iter, faciebant. Biduum in jugis stativa habita: fessis labore ac pugnando quies data militibus:

litibus: jumentaque aliquot, quæ prolapsa in rupibus erant, sequendo vestigia agminis in castra pervenere. Fessis tædio tot malorum, nivis etiam casus, occidente jam fidere Virgiliarum, ingentem terrorem adjecit. Per omnia nive op-
 pleta quum signis prima luce motis segniter agmen incederet, pigritiæque et desperatio in omnium vultu emineret; prægressus signa Annibal, in promontorio quodam, unde longè ac latè prospectus erat, consistere jussis militibus, Italiani ostentat, subjectosque Alpinis montibus Circumpadanos campos: mœniæque eos tum transcendere, non Italiæ modò, sed etiam urbis Romanæ. Cætera plana, proclivia fore: uno, aut summum altero prælio arcem et caput Italiæ in manu ac potestate habituros. Procedere inde agmen cœpit: jam nihil ne hostibus quidem, præter parva furta per occasionem, tentantibus. Cæterum iter multò, quàm in ascensu fuerat (ut pleraque Alpium ab Italia sicut breviora, ita arctiora sunt) difficilior fuit. Omnis enim ferme via præceps, angusta, lubrica erat: ut neque sustinere se à lapsu possent, si qui paululum titubassent, nec hædere afflicti vestigio suo; alique super alios, et jumenta et homines occiderent.


Ventum deinde ad multo angustiores rupes, atque ita rectis faxis, ut ægre expeditus miles tentabundus, manibusque retinens virgulta ac stirpes circa eminentes, demittere sese posset. Natura locus jam ante præceps, recenti lapsu terræ, in pedum mille admodum altitudinem, abruptus erat. Ibi quum velut ad finem viæ equites constitissent, miranti Annibali quæ res moraretur agmen, nunciatur, rupem inviam esse. Digressus deinde ipse ad locum visendum. Haud dubia res visa, quin per invia circà, nec trita
 antea

antea, quamvis longo ambitu circumduceret agmina. Ea vero via insuperabilis fuit. Nam quum super veterem nivem intacta nova modicæ altitudinis esset: molli, nec peralta nivi facilè pedes ingredientium insisterant. Ut verò tot hominum jumentorumque incessu dilapsa esset, per nudam infra glaciem, fluentemque tabem liquescentis nivis ingrediebantur. Tetra ibi luctatio erat ut à lubrica glacie, non recipiente vestigium, et in prono citius pede se fallente: et, seu manibus in assurgendo seu genu se adjuvissent, ipsis adminiculis prolapsi iterum corruerant; hec stirpes circa radices, ad quas pede aut manu quisquam eniti posset, erant. Ita in levi tantum glaciæ tabidæque nive volutabantur. Jumenta secabant interdum et jam tum infirmam ingredientia nivem, et prolapsa jactantibus gravius in continendo ungulis, penitus perfrangebant: ut pleraque velut pedicæ capta hærent in durata et alte conereta glaciæ.

Tandem nequicquam jumentis atque hominibus fatigatis, castra in jugo posita; ægerrime ad idipsum loco purgatorum irvis tollendum atque egerendum fuit. Inde ad rupem minuchdam, per quam unam viam esse poterat, milites ducti, quum cadendum esset saxum, arboribus circa humanibus dejectis detruncatisque, struem ingentem lignorum faciunt: eamque (quum et vis ventis apta faciendo igni oborta esset) succendunt, ardentiaque saxa infuso aceto putrefaciunt. Ita torridam incendio rupem ferro pandunt, molliscentque anfractibus modicis clivos, ut non jumenta solum, sed elephantia etiam deduci possent. Quadriduum circa rupem consumptum, jumentis prope fame absumtis: nuda enim fere cacumina sunt; et si quid est pabuli, obruunt nives;

nives. Inferiora vallis apricos quosdam colles habent, rivis-
que prope sylvas, et jam humano cultu digniora loca. Ibi
jumenta in pabulum missa, et quies muniendo fessis homi-
nibus, data triduo. Inde ad planum descensum, et jam locis
mollioribus et accolarum ingeniis.

Hoc maximè modo in Italiam perventum est quinto
mense à Carthagine Nova, (ut quidam auctores sunt)
quinto decimo die Alpibus superatis.



Transitum APPENNINI tentat ANNIBAL. Lib. XXI,
U. C. 534.

HAUD longis inde temporibus, dum intolerabilia
frigora erant, quies militi data est : et ad prima ac-
dubia signa veris profectus ex hibernis Annibal in Etruriam
ducit ; eam quoque gentem, sicut Gallos Liguresque, aut
vi aut voluntate adjuncturus. Transeuntem Appenninum
adèò atrox adorta tempestas est, ut Alpium scditatem prope
superaverit. Vento mixtus imber quàm ferretur in ipsa
ora ; primo, quia aut arma omittenda erant, aut contra
enitentes vortice intorti affligebantur, consistere : dein,
quàm jam spiritum intercluderet, nec reciprocare animasque
sineret, aversi à vento parumper confedere. Tum verò in-
genti sono coelum strepere, et inter horrendos fragores mi-
care ignes. Capti auribus et oculis, metu omnes torpere.
Tandem effuso imbre, quàm eo magis accensa vis venti
esset ;

effet ; ipso illo, quo deprehensi erant, loco castra ponere necessarium visum est. Id verò laboris velut de integro initium fuit. Nam nec explicare quicquam, nec statuere poterant : nec quod statutum esset, manebat ; omnia percidentem vento, et rapiente : et mox aqua levata vento, quum super gelida montium juga concreta esset, tantum nivosa grandinis dejecit, ut, omnibus ommissis, procumberent homines ; tegminibus suis magis obruti quam tecti. Tantaque vis frigoris infecuta est, ut ex illa miserabili hominum jumentorumque strage, quum se quisque attollere ac levare vellet, diu nequiret ; quia torpentibus rigore nervis vix flectere artus poterant. Deinde, ut tandem agitando sese movere ac recipere animos, et raris locis ignis fieri est coeptus ; ad alienam opem quisque inops tendere. Biduum eo loco, velut obfessi, mansere. Multi homines, multa jumenta, elephanti quoque ex his, qui praelio ad Trebiam facto superfueraut, septem absumpti.



DECII MAGII, *adversantis ANNIBALI, constantia ; et*
 PEROLLÆ *audax de Pœno interficiendo consilium.*
 Lib. XXIII. U. G. 536.

* **E**A ne fierent, neu legatio mitteretur ad Pœnum, summâ ope Decius Magius, vir cui ad summam auctoritatem nihil præter sanam civium mentem defuit, ressi-

* *Ne scilicet Campani ad Annibalem discerent.*

terat.

terat. Hæc (neque enim occultè agebantur) quùm relata Annibali essent; primò misit, qui vocarent Magium ad sese in castra: deinde quùm is ferociter negasset se iturum (nec enim Annibali jus esse in civem Campanum) concitatus ira Pœnus, comprehendi hominem, vincitumque attrahi ad se jussit. Veritus deinde, ne quid, inter vim tumultus, atque ex concitatione animorum, inconsulti certaminis oriretur, ipse, præmissis nuncio ad Marium Blofium Prætorem Campanum, postero die se Capuæ futurum, proficiscitur è castris cum modico præsidio. Marius concione advocata edicit, ut frequentes cum conjugibus ac liberis obviam irent Annibali. Ab universis, id non obedienter modò, sed enixè, favore etiam vulgi, et studio visendi tot jam victoriis clarum imperatorem factum est. Decius Magius non obviam egressus est, nec, quo timorem aliquem ex conscientia significare posset, privatim se tenuit: in foro cum filio clientibusque paucis otiosè inambulavit, trepidante tota civitate ad excipiendum Pœnum, visendumque. Annibal ingressus urbem, senatum extemplò postulat, precantibusque inde primoribus Campanorum, ne quid eo die seriæ rei gereret; diemque ut ipse adventu suo festum lætus ac libens celebraret; quamquam præceps ingenio in iram erat, tamen ne quid in principio negaret, visenda urbe magnam diei partem consumpsit.

Diversatus est apud Stenium, Pacuviumque, inclitos nobilitate ac divitiis. Eò Pacuvius Calavius, princeps factionis ejus, quæ traxerat rem ad Pœnos, filium juvenem adduxit; abstractum abs Decii Magii latere, cum quo ferocissimè pro Romana societate adversus Punicum

foedus fiterat : nec eum aut inclinata in partem alteram civitas, aut patria majestas sententia depulerat. Huic tum pater juveni Annibalem deprecando magis quàm par-
gando placavit ; victusque patris precibus lacrymisque, etiam ad coenam eum cum patre vocari jussit : cui con-
vivio neminem Campanum, præterquam hospites, Jubel-
liumque Tauream insignem bello virum, adhibiturus erat.
Coeperunt epulari de die, et convivium non ex more Pu-
nico, aut militari disciplina esse ; sed ut in civitate, atque
etiam domo luxuriosa omnibus voluptatum illecebris in-
structum. Unus nec dominorum invitatione, nec ipsius
interdum Annibalis, Calavii filius Perolla * vinci potuit : ipse
valetudinem excusans, patre animi quoque ejus haud mira-
bilem interturbationem causante. Solis ferme occasu pa-
trem Calavium ex convivio egressum, secutus filius, ubi in
secretum (hortus erat posticis ædium partibus) pervenerunt :
Consilium, inquit, offero, pater ; quo non veniam solum petiti,
quo defecimus ad Annibalem, impetraturi ab Romanis, sed in
multo majore dignitate et gratia simus Campani, quàm unquam
fuiamus. Quùm mirabundus pater, quidnam id esset con-
silii, quæreret ; toga rejecta ab humero, latus succinctum
gladio nudat : Jam ego, inquit, sanguine Annibalis sanciam
Romanum fœdus. Te id prius scire volui, si fortè abesse, dum
facinus patratur, malles.

Quæ ubi vidit audivitque senex, velut si jam agendis,
quæ audiebat, interesset, amens metu : *Per ego te, inquit,*
fili, quæcumque jura liberos jungunt parentibus, precor quæsoque,

* Adduci ut se Latitiae convivali permitteret.

ne ante oculos patris facere et pati omnia infanda velis. Pauca horæ sunt, intra quas jurantes per quicquid Deorum est, dextræ dextras jungentes, fidem obstrinximus ut secretis de mensis essemus: digressi ab colloquio extemplo in eam armaremur? Surgis ab hospitali mensa, ad quam tertius Campanorum adhibitus ab Annibale es, ut eam ipsam mensam cruentores hospitii sanguine? Annibalem pater filio meo potui placare, filium Annibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere offerunt. Unus aggressurus es Annibalem; quid illa turba tot liberorum, servorumque? quid in unum intenti omnium oculi? quid tot dextræ? torpescuntne in amentia illa? Vultum ipsius Annibalis, quem armati exercitus sustinere nequeunt, quem horret populus Romanus, tu sustinebis? et alia auxilia desint, meipsum ferire, corpus meum opponentem pro corpore Annibalis, sustinebis? Atque per meum pectus petendus ille tibi, transfigendusque est. Detereri hic sine te potius, quam illic vinci. Valeant preces apud te meæ, sicut pro te hodie valuerunt. Lacrymantem inde juvenem cernens, medium complectitur, atque osculo hærens, non ante precibus abstinit, quam pervicit, ut gladium poneret, fidemque daret, nihil facturum tale. Tum juvenis: Ego quidem, inquit, quam patriæ debeo pietatem, exsolvam patri. Tuam doleo vicem, cui ter proditæ patriæ sustinendum est crimen; semel, quum defectionis ab Romanis; iterum, quum pacis cum Annibale fuisti auctor; tertio hodie, quum restituendæ Romanis Capuæ mora atque impedimentum es. Tu patria, ferrum, quo pro te armatus hanc arcem defendere volebam, hosti minime parcens; quando parens extorquet, recipe. Hæc quum dixisset, gladium in publicum trans maceriam horti abjecit: et quominus res suspecta esset, se ipse convivio reddidit.

ANNIBALIS *Exercitus CAPUÆ in hibernis corrumpitur.*
Lib. XXIII. U. C. 536.

PUDOR Annibalem ab * incepto avertit : castrisque communitis ac præsidio modico imposito, ne omnia res videretur, in hiberna Capuam concessit. Ibi partem majorem hiemis exercitum in tectis habuit ; adversus omnia humana mala sæpe ac diu durantem, bonis inexpertum atque insuetum. Itaque quos nulla mali vicerat vis, perdere nimia bona ac voluptates immodicæ : et eo impensius, quo avidius ex insolentia in eas se merferant. Somnus fœdus, et vinum, et epulæ, et scorta, balneæque, et otium, consuetudine indies blandius, ita enervaverunt corpora animosque ut magis deinde præteritæ eos victoriæ quàm præsentis tutarentur vires : majusque id peccatum ducis apud peritos artium militarium haberetur, quàm quòd non ex Cannensi acie protinus ad urbem Romanam duxisset. Illa enim cunctatio distulisse modò victoriam videri potuit ; hic error vires ademisse ad vincendum. Itaque, hercule, velut si cum alio exercitu à Capua exiret, † nihil usquam pristinæ disciplinæ tenuit. Nam et redierunt plerique scortis impliciti. Et ubi primum sub pellibus haberi cœpti sunt, viæque et alius militaris labor excepit, tironum modo, corporibus

* *Ab oppugnando Casilino.*

† Sic in lib. vii. 38. *Jam tum minimè salubris militari disciplina Capua, instrumento omnium voluptatum delinquebat militum animos avertit à memoria patriæ.*

animisque

animisque deficiebant: et deinde per omne æstivorum tempus magna pars sine com meatibus ab signis dilabebantur: neque alia latebræ, quàm Capua, desertoribus erant.

MARCELLI, SYRACUSARUM jam moenia ingressi, lacrymæ.
Ibidem mox pestilentia, Captæque urbe, ARCHIMEDIS mors.
 Lib. XXV. U. C. 54c.

MARCELLUS, ut moenia ingressus, ex superioribus locis urbem, omnium ferme illa tempestate pulcherrimam, subjectam oculis vidit, illacrymâsse dicitur; partim gaudio tantæ perpetratæ rei, partim vetusta gloria urbis. Atheniensium classes demersæ, et duo ingentes exercitus cum duobus clarissimis * ducibus deleti, occurrebant; et tot bella cum Carthaginiensibus tanto cum discrimine gesta; tot tam opulenti tyranni regesque; præter cæteros Hiero, quum recentissimæ memoriæ rex, tum ante omnia, quæ virtus ei fortunæque sua dederat, beneficiis in populum Romanum insignis. Ea quum universa occurrerent animo, subirétque cogitatio, jam illa momento horæ arsuræ omnia, et ad cineres reditura; priusquam signa Achradinæ admo-veret, præmittit Syracusanos, qui intra præsidia Romana fuerant, ut alloquio leni perlicerent hostes ad dedendam urbem.

* Nicia et Demosthene, qui in miserrabili Atheniensium ab Syracusis fugâ interierunt.

Accessit

Accessit deinde pestilentia, commune malum, quod
facile utrorumque animos averteret à belli consiliis. Nam
tempore autumnii, et locis natura gravibus, multò tamen
magis extra urbem, quàm in urbe, intoleranda vis æ-
stus per utraque castra omnium ferme corpora movit.
Et primò temporis ac loci vitio et ægri erant, et mor-
riebantur: postea curatio ipsa, et contactus ægrorum vul-
gabat morbos: ut aut neglecti desertique, qui incidissent,
morerentur; aut assidentes curantésque eadem vi morbi
repletos secum traherent: quotidianaque funera, et mors ob-
oculos esset, et undique dies noctésque ploratus audirentur.
Postremo ita affuetudine mali efferaverant animos; ut * non
modo lacrymis iustoque comploratu prosequerentur mor-
tuo; sed ne efferrent quidem, aut sepelirent; jaceréntque
strata exanimata corpora in conspectu similem mortem expec-
tantium: mortuique ægros, ægri validos, cum metu, tum
tæbe ac pestifero odore corporum conficerent. Et, ut ferro
petiùs morerentur, quidam invadebant soli hostium stationes.
Multò tamen major vis pestis Pœnorum castra quàm Ro-
mana, (diu circumsedendo Syracusas, cœlo aquisque adfusi-
rant magis) affecerat. Ex hostium exercitu Siculi ut pri-
mum videre ex gravitate loci vulgari morbos; in suas
quisque propinquas urbes dilapsi sunt. At Carthaginienses,
quibus nusquam receptus erat, cum ipsis ducibus Hippocrate
atque Himilcone, ad internecionem omnes perierunt. Mar-
cellus, ut tanta vis ingruerat mali, traduxerat in urbem

* Non modo, pro non modo non; ut *suprà*. p. 184: et *passim apud Ciceronem, optimosque Latini sermonis scriptores.*

suos: infirmæque corpora tecta et umbræ recreaverant. Multi tamen ex Romano exercitu eadem peste absumpti sunt.

Urbe captâ, ac diripiendâ militi datâ, quum multa inæ, multa avaritiæ, foeda exempla ederentur; Archimeden, memoriæ proditum est, in tanto tumultu, quantum capta urbs in discursu diripientium militum ciere poterat, intentum formis, quas in pulvere descripserat, ab ignaro milite quis esset, interfectum. Ægre id Marcellum tulisse, sepulturaeque curam habitam. Et propinquis etiam inquisitis, honori præfidióque nomen ac memoriam ejus fuisse.



P. CORNELII SCIPIONIS, Proconsulis in HISPANIAM

missi, artes apud multitudinem.

Lib. XXVI. U. C. 541.

ROMÆ senatui populóque, post receptam Capuam, non Italiæ jam major quàm Hispaniæ cura erat: et exercitum augeri et imperatorem mitti placebat. Nec tamen quem mitterent, fatis constabat; quàm illud, ubi duo summi imperatores intra dies triginta cecidissent, qui in locum duorum succederet, extraordinaria cura deligendum esse. Quum alii alium nominarent; postremum eò decursum est, ut populus proconsuli creando in Hispaniam comitia haberet; diemque comitiis consules edixerunt. Primo expectaverant, ut qui se tanto imperio dignos crederent, nomina profiterentur. Quæ ut destituta expectatio est;

est; redintegratus luctus acceptæ cladis, desideriumque imperatorum amissorum. Mœsta itaque civitas prope inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeò perditas res, desperatumque de republica esse, ut nemo audeat in Hispaniam imperium accipere. Quum subitò P. Cornelius, Publii qui in Hispania ceciderat filius, quatuor et viginti ferme annos natus, professus se petere, in superiore unde conspici posset loco constitit. In quem postquam omnium ora conversæ sunt, clamore ac favore ominati extemplò sunt felix faustumque imperium. Jussi deinde inire confestim suffragium, ad unum omnes non centuriæ modò, sed etiam homines, P. Scipioni imperium esse in Hispania jusserunt. Cæterum post rem actam, ut jam resederat impetus animorum ardorque, silentium subitò ortum et tacita cogitatio, quidnam egissent? num favor plus valuisset; quàm ratio? ætatis maxime poenitebat: quidam fortunam etiam domus horrebant, nomenque, ex funestis duabus familiis in eas provincias, ubi inter sepulchra patris patruique res gerendæ essent, proficiscentis.

Quàm ubi ab re tanto impetu acta sollicitudinem curamque hominum animadvertit; advocatâ concione, ita de ætate sua, imperioque mandato, et bello quod gerendum esset, magno elatoque animo differuit; ut ardorem eum qui resederat, excitaret rursus novaretque; et impleret homines certioris spei, quàm quantam fides promissi humani, aut ratio ex fiducia rerum subicere solet. Fuit enim Scipio, non veris tantum virtutibus mirabilis, sed arte quoque quadam

quadam ab juvena in ostentationem earum compositus : pleraque apud multitudinem, aut per nocturnas visa species, aut velut divinitus mente monitâ, agens : sive et ipse capti quadam superstitione animi, sive ut imperia consiliâque, velut sorte oraculi missa, sine cunctatione assequeretur. Ad hoc jam inde ab initio præparans animos, ex quo togam virilem sumpsit, nullo die prius ullam publicam privatamque rem egit, quàm in Capitolium iret, ingressusque ædem confideret : et plerumque tempus solus in secreto ibi tereret. Hic mos, qui per omnem vitam servabatur, seu consultò, seu temere, vulgatæ opinioni fidem apud quosdam fecit, stirpis eum divinæ virum esse ; retulitque famam, in Alexandro Magno prius vulgatam, et vanitate et fabula parem, anguis immanis concubitu conceptum, et in cubiculo matris ejus persæpe visam prodigii ejus speciem, interventumque hominum evolutam repente, atque ex oculis elapsam. His miraculis numquam ab ipso elusa fides est : quin potius aucta arte quadam, nec abnuendi tale quicquam, nec palam affirmandi. Multa alia ejusdem generis, alia vera, alia affimulata, admirationis humanæ in eo juvene excefferant modum : quibus freta tunc civitas, ætati haudquaquam maturæ tantam molem rerum, tantumque imperium permisit.

CARTHAGINE N. captâ, SCIPIONIS *Humanitas*.
Lib. XXVI. U. C. 542.

SCIPIO, vocatis * obfidibus, primùm universos bonum animum habere iussit. *Venisse eos in populi Romani potestatem, qui beneficio, quàm metu obligare homines malit: exterâsque gentes fide ac societate junctas habere, quàm tristi subiectas servitio.* Deinde acceptis nominibus civitatum, recensuit captivos; quot cujusque populi essent: et nuncios domum misit, ut ad suos quisque recipiendos veniret. Si quarum fortè civitatum legati aderant, eis præsentibus suos restituit: cæterorum curam benignè tuendorum C. Flaminio quæstori attribuit. Inter hæc è media turba obfidum mulier magno natu, Mandonii uxor, qui frater Indibilis Ilergetum reguli erat, flens ad pedes imperatoris procubuit, obtestarique ccepit, ut curam cultumque scæminarum impensius custodibus commendaret. Quùm Scipio, nihil profectò defuturum, diceret; tum rursus mulier, *Haud magni ista facimus, inquit. Quid enim huic fortunæ non satis est? Alia me cura, ætatem harum intuentem (nam ipsa jam extra periculum injuriæ muliebris sum) stimulat.* Ætate et forma florentes circa erant Indibilis filiæ, aliæque nobilitate pari, quæ omnes eam pro parente colebant. Tum Scipio, *Meæ, populique Romani disciplinæ causâ facerem, inquit, ne quid, quod sanctum usquam esset, apud nos violaretur. Nunc ut id*

* Hispaniæ civitatum quibusdam, qui Pænis dati fuerant, obfidibus.

curam impensius, vestra quòque virtus dignitasque facit : quæ nò in malis quidem oblita decoris matronalis estis. Spectatae deinde integritatis viro tradidit eas, tuerique haud secus verecundè ac modestè, quàm hospitum conjuges ac matres, iussit.

Captiva deinde à militibus adducitur ad eum adulta virgo ; adeo eximia forma, ut quacunque incedebat, converteret omnium oculos. Scipio percunctatus patriam parentisque ; inter cætera accepit, desponsam eam principi Celtiberorum adolescenti : Allucio nomen erat. Extemplò igitur parentibus sponsoque ab domo accitis, quùm interim audiret deperire eum sponsæ amore ; ubi primùm venit, accuratiore eum sermone quàm parentes alloquitur. *Juvenis, inquit, juvenem appello : quo minor sit inter nos hujus sermonis verecundia. Ego, quùm sponsa tua capta à militibus nostris ad me ducta esset, audirémque eam tibi cordi esse, et forma faceret fidem ; quia ipse, si frui liceret ludo ætatis, (præsertim recto et legitimo amore) et non respublica animum nostrum occupasset, veniam mihi dari sponsam impensius amanti vellem : tuo, cujus possum, amori faveo. Fuit sponsa tua apud me eadem, quâ apud soceros tuos parentisque suos, verecundiâ : servata tibi est, ut inviolatum et dignum me teque dari tibi donum posset. Hanc mercedem unam pro eo munere paciscor ; amicus populo Romano sis : et si me virum bonum credis esse, quales patrem patruumque meum jam ante hæ gentes norant, scias multos nostri similes in civitate Romanâ esse : nec ullum in terris populum hodie dici posse, quem minus tibi hostem tuisque esse velis, aut amicum malis.* Adolescens, simul pudore et gaudio perfusus, dextram Scipionis tenens, Deos omnes invocare ad gratiam illi pro se referendam ; quoniam sibi nequaquam satis facultatis pro

suo animo atque illius erga se merito esset. Parentes inde cognatique virginis appellati. Qui, quoniam gratis sibi redderetur virgo; ad quam redimendam satis magnum attulissent auri pondus; orare Scipionem, ut id ad se donum acciperet, coeperunt: haud minorem ejus rei apud se gratiam futuram esse, affirmantes, quam redditæ inviolatæ foret virginis. Scipio, quando tanto opere peterent, accepturum se pollicitus, poni ante pedes jussit: vocatque ad se Alhucio, *Super dotem, inquit, quam accepturus à socero es, hæc tibi à me dotalia dona accedent*; aurumque tolerare, ac sibi habere jussit. His lætus donis honoribusque dimissus domum, implevit populares laudibus meritis Scipionis: venisse Diis simillimum juvenem; vincentem omnia, quum armis, tum beniginitate ac beneficiis. Itaque delectu clientium habito, cum delectis mille et quadringentis equitibus intra paucos dies ad Scipionem revertit.



Post victum à CLAUDIO NERONE COS. ASDRUBALEM, Gaudium ROMANORUM. Lib. XXVIII. U. C: 545.

NERO, ea nocte, quæ secuta est pugnam, citatiore quam inde venerat agmine, die sexto ad stativa sua atque ad hostem pervenit. Iter ejus frequentia minore, quia nemo præcesserat nuncius, lætitia verò tanta, vix ut compotes mentium præ gaudio essent, celebratum est. Nam Romæ neuter animi habitus satis dici enarrarique potest: nec

nec quo incerta expectatione eventus civitas fuerat, nec quo victoriæ famam accepit. Numquam per omnes dies, ex quo Claudium consulem profectum fama attulit, ab orto sole ad occidentem, aut senator quisquam à curia atque ab magistratibus abcessit, aut populus è foro. Matronæ, quia nihil in ipsis opis erat, in preces obtestationesque versæ; per omnia delubra vagæ suppliciis votisque fatigare Deos. Tam sollicitæ ac suspensæ civitati fama incerta primò accidit, duos Narnienses equites in castra, quæ in faucibus Umbriæ opposita erant, venisse ex proelio nunciantes, cæcos hostes, Et primò magis auribus, quàm animis id acceptum erat, ut majus lætiúsque, quàm quod mente capere, aut satis credere possent: et ipsa celeritas fidem impediabat, quod biduo ante pugnatum dicebatur. Literæ deinde ab L. Manlio Acidino missæ ex castris afferuntur de Narniensium equitum adventu. Et literæ per forum ad tribunum Prætoris latæ, senatum curia exciverunt: tantoque certamine ac tumultu populi ad fores curiæ concursus est, ut adire nuncius non posset, trahereturque à percunctantibus, vociferantibusque, ut in rostris, priusquàm in senatu, literæ recitarentur. Tandem summoti, et coerciti à magistratibus: dispensarique lætitia inter impotentes ejus animos potuit. In senatu primum, deinde in concione literæ recitatæ sunt: et pro cuiusque ingenio aliis jam certum gaudium; aliis nulla ante futura fides erat, quàm legatos, consulúmve literas audissent.

Ipsos deinde appropinquare legatos allatum est. Tum enimvero omnis ætas currere obvii; primus quisque oculis auribusque haurire tantum gaudium cupientes, ad Mulyium usque

usque pontem continens agmen pervenit. Legati erant, L. Veturius Philo, P. Licinius Varus, Q. Cæcilius Metellus. Circumfusi omnis generis hominum frequentia in forum pervenerunt; quum alii ipsos, alii comites eorum, quæ acta essent, percunctarentur: et ut quisque audierat, exercitum hostium imperatoremque occisum, legiones Romanas incolumes, salvos consules esse; extemplo aliis porro imperiebant gaudium suum. Quum ægre in curiam perventum esset; multo ægrius summotâ turbâ ne Patribus misceretur, literæ in senatu recitatæ sunt. Inde producti in concionem legati. L. Veturius literis recitatis, ipse planius omnia, quæ acta erant, exposuit, cum ingenti assensu, postremo etiam clamore universæ concionis, quum vix gaudium animis caperent. Discursum inde, ab aliis circa templa Deum, ut grates agerent; ab aliis domos, ut conjugibus liberisque tam lætum nuncium impertirent. Senatus, quod M. Livius et C. Claudius consules, incolumi exercitu, ducem hostium legionesque occidissent, supplicationem in triduum decrevit. Eam supplicationem C. Hostilius prætor pro concione edixit; celebratæque à viris fæminisque est. Omnia templa per totum triduum æqualem turbam habuere: quum matronæ amplissima veste cum liberis, perinde ac si debellatum foret, omni solutæ metu, Deis immortalibus grates agerent. Statum quoque civitatis ea victoria movit: ut jam inde haud secus quàm in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul, quum in castra redisset, caput Asdrubalis, quod servatum cum cura, attulerat, projici ante hostium stationes, captivosque Afros victos, ut erant, ostendi,

ostendi, duos etiam ex iis solutos ire ad Annibalem, et ex-
promere quæ acta essent, iussit. Annibal tanto simul pub-
lico familiarique ictus luctu; *agnoscere se fortunam Carthaginis*,
fertur dixisse: castraque inde movit, ut omnia auxilia, quæ
diffusa latius tueri non poterat, in extremum Italiae angulum
Bruttios, contraheret.



SOPHONISBA. Lib. XXX. U. C. 549.

SYPHAX, dum obequitat hostium turmis; si pudore,
si periculo suo fugam sistere posset; equo graviter icto
effusus opprimitur, capiturque: et vivus (lætum ante omnes
Masaniissæ præbiturus spectaculum) ad Lælium pertrahitur.
Masaniissa sibi quidem, dicere, nihil esse in præsentia pulchrius,
quàm victorem, recuperatum tanto post intervallo patrium invisere
regnum: sed tam secundis, quàm adversis rebus non dari spatium
ad cessandum. Si se Lælius cum equitatu victorque Syphace
** Cirtam præcedere sinat, trepida omnia metu se oppressurum:*
Lælium cum peditibus subsequi modicis itineribus posse. Assen-
tiente Lælio prægressus Cirtam, evocari ad colloquium
principes Cirtensium jubet. Sed apud ignaros regis casus,
neque quæ acta essent promendo, nec minis, nec suadendo,
ante valuit, quàm rex victus in conspectum datus est.
Tum ad spectaculum tam fœdum comploratio orta: et

* Cirta caput Regni Syphacis erat.

partim

partim pavore moenia sunt deserta, partim repentino consensu gratiam apud victorem querentium patefactæ portæ. Et Masanissa præsidio circa portas opportunæque moenium dimisso, ne cui fugæ pateret exitus, ad regiam occupandam citato vadit equo. Intranti vestibulum in ipso limine Sophonisba uxor Syphacis, filia Asdrubalis Pœni occurrit: et quum in medio agmine armatorum Masanissam insignem, quum armis tum cætero habitu, conspexisset; regem esse (id quod erat) rata, genibus advolta ejus: *Omnia quidem, inquit, ut posses in nos. Dii tibi dederunt, virtusque et felicitas tua. Sed si captivæ apud dominum vitæ necisque suæ vocem supplicem mittere licet, si genua, si victricem attingere dextram, precor quæsoque per majestatem regiam, in qua paulo antè nos quoque fuimus, per gentis Numidarum nomen, quod tibi cum Syphace commune fuit, per hujusce regis Deos, qui te melioribus omnibus accipiant, quàm Syphacem hinc miserunt; hanc veniam supplici des, ut ipse, quodcumque fert animus, de captiva statuas, neque me cujusquam Romani superbum ac crudele arbitrium venire sinas. Si nihil aliud quàm Syphacis uxor fuisssem, tamen Numidæ atque in eadem mecum Africa genti, quàm alienigenæ et externi fidem experiri malletm. Quid Carthaginiensi ab Romano, quid filis Asdrubalis timendum sit, vides. Si nulla alia re potes, morte me ut vindices ab Romanorum arbitrio, ora obtestorque.* Forma erat insignis et florentissima ætas. Itaque quum modò genua, modò dextram amplectens, in id, ne cui Romano traderetur, fidem exposceret, propiusque blanditias oratio esset, quàm preces; non in misericordiam modò prolapsus est animus victoris, sed (ut est genus Numidarum in Venerem præceps) amore captivæ victor captus, data dextera, in

in id quod petebatur, obligandæ fidei, in regiam concedit. Insistit deinde reputare secum ipse, quemadmodum promissi fidem præstaret. Quod quùm expedire non posset, ab amore temerarium atque impudens mutuatur consilium. Nuptias in eum ipsum diem repenti parari jubet, ne quid relinqueret integri aut Lælio, aut ipsi Scipioni consulendi velut in captivam, quæ Masaniissæ jam nupta foret. Factis nuptiis, supervenit Lælius : et adeo non dissimulavit improbare se factum, ut primò etiam cum Syphace et cæteris captivis detractam eam toro geniali mittere ad Scipionem conatus sit. Victus deinde precibus Masaniissæ orantis, ut arbitrium, utrius regum duorum fortunæ accessio Sophonisba esset, ad Scipionem rejiceret ; missa Syphace et captivis, cæteras urbes Numidiæ, quæ præsidii regis tenebantur, adjuvante Masaniissa, recepit.

Syphacem in castra adduci quùm esset nunciatum, omnis velut ad spectaculum triumphi multitudo effusa est. Præcedebat ipse victus, sequebatur grex nobilium Numidarum. Tum quantum quisque plurimum posset, magnitudini Syphacis, famæ gentis, victoriam suam augendo addebat : *illum esse regem, cujus tantum majestati duo potentissimi in terris tribuerint populi, Romanus Carthaginensisque, ut Scipio imperator suus ad amicitiam ejus petendam, relicta provinciâ Hispaniâ exercitûque, duabus quinquereimis in Africam navigaverit : Asdrubal, Pænorum imperator, non ipse modò ad eum in regnum venerit, sed etiam filiam ei nuptum dederit. Habuisse eum tempore uno in potestate duos imperatores, Pænum Romanumque. Sicut ab Diis immortalibus pars utraque hostiis mactandis pacem petisset, ita ab eo utrimque pariter amicitiam petitam.* Jam

tantus habuisse opes, ut Masanißam regem pulsem, ac redegerit, ut vita ejus sancta mortis et laceris, ferarum modo, in filijs rapto viventi, cogatur. His sermonibus circumstantium celebratus rex, in prætorium ad Scipionem est perductus. Movit et Scipionem quàm fortuna pristina vici præfenti fortunæ collata; tum recordatio hospitii dextraque datæ, et fœderis publice ac privatim juncti. Eadem hæc et Syphaci animum dederunt in alloquendo victore. Nam quum Scipio, quid sibi voluisset, quæreret, qui non societatem solum abnuisset Romanam, sed ultrò bellum intulisset, tum ille peccasse quidem sese, atque insanisse fatebatur, sed non tum demum, quum arma adversus populum Romanum cepisset, exitum sui furoris fuisse, non principium. Tunc se insanisse, tum hospitia privata et publica fœdera omnia ex animo ejeçisse, quum Carthaginiensem matronam domum acceperit. Illiæ nuptialibus facibus regiam conflagrasse suam: illam furiam pestemque omnibus delinimentis animum suum avertisse atque alienasse: nec conquiesse, donec ipsa manibus suis nefaria sibi arma adversus hospitum atque amicum induerit. Perdito tamen atque efflicto sibi hoc in miseriis solatii esse, quod in omnium hominum inimicissimæ sibi domum ac penates eandem pestem ac furiam transisse videat. Neque prudentiorem, neque constantiorem Masanißam, quàm Syphacem esse; etiam juvenatq̃ incautiorem. Certe stultius illam atque intemperantius eam quàm se duxisse.

Hæc non hostili modo odio, sed amoris etiam stimulis, amatam apud æmulum cernens, quum dixisset, non mediocri cura Scipionis animum pepulit. Et fidem criminibus, raptæ prope inter arma nuptiæ neque consulto neque expectato Lælio, faciebant; tamque præceps festinatio, ut quo

quo die captam hostem vidisset, eodem matrimonio junctam acciperet, et ad penates hostis sui nuptiale sacrum consecraret. Eo scdiora hac videbantur Scipioni, quod ipsam in Hispania juvenem nullius forma pepulerat captivæ. Hac secum volutanti Lælius ac Masanißa supervenerunt; quos quum pariter ambo et benigno vultu excepisset, et egregiis laudibus frequenti prætorio celebrasset; abductum iu. secretum Masanißam sic alloquitur: *Aligua te existimo, Masanißa, intuentem in me bona, et principio in Hispania ad jungendam mecum amicitiam venisse, et postea in Africa teipsum, spemque omnes tuas in fidem meam commisisse. Atqui nulla earum virtus est, propter quas appetendus tibi visus sim, qua ego æque atque temperantia et continentia libidinum gloriatus fuerim. Hanc te quoque ad cæteras tuas eximias virtutes, Masanißa, adiecisse velim. Non est, non (mibi crede) tantum ab hostibus armatis ætati nostræ periculum, quantum ab circumfusiis undique voluptatibus. Qui eas sua temperantia frenavit ac domuit, nec multo majus decus, majorémque victoriam sibi peperit, quàm nos Syphace victo habemus. Quæ me absente strenue ac fortiter fecisti, libenter et commemoravi, et memini. Cætera teipsum reputare tecum, quàm, me dicente, erubescere malo. Syphax*populi Romani auspicio victus captusque est. Itaque ipse, conjux, regnum, ager, oppida, homines qui incolunt, quicquid denique Syphacis fuit, præda populi Romani est: et regem conjugémque ejus, etiamsi non ciwis Carthaginiensis esset, etiamsi non patrem ejus imperatorem hostium videremus, Romam oporteret mitti, ac senatus populique Romani de ea judicium atque arbitrium esse; quæ regem nobis socium alienasse, atque in arma egisse præcipitem dicatur. Vincis animum. Cave deformes multa bona uno vitio, et*

in: meritis gratias: auget: culpa, quoniam: clausa: sube: si:
corrupta.

RO 19 Liber

Masaniasis hæc audienti, non ruber totum suffusus, sed
lacrymis etiam obortis: et quoniam, si quidam in potestate
futurum imperatoris dixisset, oraretque euni; ut quantum
vis fineret, fidei suæ temere obstricta consuleret; promissi
suum, sese in nullius potestatem eam traditurum; ex præ-
torio in tabernaculum suum confusus concessit. Ibi arctius
remotis, quoniam crebro suspiritu, et gemitu, quod facile ab
circumstantibus tabernaculum exaudiri posset, assiduum
temporis consumpsisset; ingenti ad postremum edito ge-
mitu, fidum e servis vocat, sub cuius custodia regione
ad incerta fortunæ venenum erat, et mixtum in poculo
ferre ad Sophonisbam jubet, ac simul nunciare: Masani-
siam libenter primam ei fidem præstaturum fuisse, quam vir
uxori debuerit. Quoniam arbitrium ejus, qui possint, odiant,
secundam fidem præstare, ne viva in potestatem Romanorum
veniat. Memor patris imperatoris, patriæque et dorum regum,
quibus nupta fuisset, sibi ipsa consuleret. Hunc nuncium ac
simul venenum ferens minister, quoniam ad Sophonisbam
venisset, Accipio, inquit, nuptiale munus; nec ingratum, si
nihil majus vir uxori præstare potuit. Hoc tamen nuncio; ve-
lius me morituram fuisse, si non in funere meo nupsissem.
Non locuta est ferocius, quoniam acceptum poculum nullo
trepidationis signo dato impavide hausit. Quod ubi nun-
ciatum est Scipioni, ne quid æger animi ferox juvenis
gravius consuleret, accitum eum extemplo nunc solatur;
nunc, quod temeritatem temeritate alia luerit, tristiorémque
rem, quoniam necesse fuerit, fecerit, leniter castigat. Postero
die,

die, et à presenti motu averteret animum ejus, in tribunal
ascendit et concionem advocari jussit. Ibi Masanissam pri-
mam regem appellatum, rexi missque ornatum laudibus,
aurea corona, aurea patera, sella curuli, et scipione eburneo,
toga picta, et palmata tunica donat. Addit verbis, hono-
rem. *Neque magnificentius quicquam triumpho apud Romanos,*
neque triumphantibus ampliore ea ornatu esse: quo unum
eorum externorum dignum Masanissam populus Romanus ducat.
Laelium, deinde, et ipsum collaudatum, aurea corona donat.
Et alii militares viri, prout à quôque navata opera erat,
donati. His honoribus molliter regis animus, erectusque
in spem propinquam, subito Syphace, omnis Numidiam
potiunda.

ANNIBALIS ex ITALIA revocati dolor. Lib. XXX.
B. C. 549.

AD Annibalem legati ab Carthagine, vocantes in A-
fricam, venerunt. Frenuens gemensque ac vix la-
crymis temperans, dicitur legatorum verba audisse. Postea-
quam edita sunt mandata: *Jam non perplexus, inquit, sed*
palam revocant, qui, vetando supplementum et pecuniam mitti,
jamprius retrahabant. Vicit ergo Annibalem non populus Ro-
manus toties casus fugatusque, sed senatus Carthaginensis ob-
treccitatione atque invidia. Neque hac deformitate reditus mei
tam

nam P. Scipio exsultabit atque efferet sese, quàm Hannæ, quæ domum nostram, quando alia re non potuit, ruina Carthaginis oppressit. Jam hoc ipsum prælagiens animo, præparaverat ante naves. Itaque inutili militum turbâ præfidii specie in oppida Bruttii agri, quæ pauca magis metu, quàm fide continebantur, dimissa, quod roboris in exercitu erat, in Africam tranfvexit: multis Italici generis (quia in Africam secuturos abnuentes concefferant in Junonis Lacinie delubrum, inviolatum ad eam diem) in templo ipso foedè interfectis. Raro quemquam alium patriam exilii causa relinquentem, magis moestum abisse ferunt, quàm Annibalem hostium terra excedentem. Respexisse sæpe Italiae littora, et Deos hominésque accusantem, in se quoque ac suum ipsius caput execratum. Quod non cruentum ab Cannensî victoria militem Romam duxisset. Scipionem ire ad Carthaginem ausum, qui consul hostem in Italia Paruum non vidisset. Se centum millibus armatorum ad Trasimenum et Cannas cæsis, circa Casilinum, Cumasque et Nolam consenuisse. Hæc accusans, querénsque, ex diutina possessione Italiae est detractus.

Colloquium SCIPIONIS et ANNIBALIS de Pace.

Ad prælium deinde utrinque parata omnia.

Lib. XXX. U. C. 550.

SCIPIO quàm colloquium haud abnuisset, ambo ex composito duces castra protulerunt, ut coire ex propinquo possent. Summotis pari spatio armatis, cum singulis interpretibus congressi sunt, non sive modo ætatis maximè duces, sed omnis ante se memoriæ, omnium gentium cui libet regum imperatorumve pares. Paulisper alter alterius conspectu, admiratione mutua prope attoniti conticuere. Tum Annibal prior, *Si hoc ita fato datum erat, ut qui primus bellum intuli populo Romano, quique toties prope in manibus victoriam habui, is ultrò ad pacem petendam, venirem; lætetur mihi sorte potissimum datum, à quo peterem. Tibi quoque inter multa egregia non in ultimis laudum hoc fuerit, Annibalem, cui tot de Romanis ducibus victoriam Dii dedissent, tibi cessione: neque huic bello, vestris prius quàm nostris cladibus insigni, finem imposuisse. Hoc quoque ludibrium casus ediderit fortuna, ut cum patre tuo consule ceperim arma, cum eodem primum Romano imperatore signa contulerim; ad filium ejus inermis ad pacem petendam veniam.*

Optimum quidem fuerat, eam patribus nostris mentem datam ab Diis esse, ut et vos Italiæ, et nos Africæ imperio contenti essemus: neque enim ne vobis quidem Sicilia ac Sardinia satis digna pretia sunt pro tot classibus, tot exercitibus, tot tam egregiis amissis ducibus. Sed, præterita magis reprehendi possunt,
quàm.

quàm corrigi. Ita aliena appetivimus, ut de nostris dimicaretur, nec in Italia solum vobis bellum, nobis in Africa esset : sed et vos in partis vestris prope de mœnibus signa armæque hostium vidistis ; et nos ab Carthagine fremitum castrorum Romanorum exaudimus. Quod igitur nos maxime abominaremur, vos autem omnia optaretis, in meliore vestra fortuna de pace agitur : agimus illorum et maxime interest pacem esse, et qui quodcumque egerimus, ratum civitates nostræ habituræ sint. Animo tantum vobis opus est non abhorrente à quietis consiliis.

Quod ad me attinet ; jam ætas, senem in patriam revertentem, unde puer profectus sum, jam secundæ, jam adversæ res, ita erudierunt, ut rationem sequi, quàm fortunam malim. Tuam et adolescentiam, et perpetuam felicitatem, ferociora utraque, quàm quietis opus est consiliis, metuo. Non temere incerta casuum reputat, quem fortuna nunquam decepit. Quod ego fui ad Trasimenum, ad Cannas, id tu bodie es. Vix dum militari ætate imperio accepto omnia audacissime incipientem nusquam fefellit fortuna. Patris et patruj persecutus mortem, ab calamitate vestræ domus decus insignis virtutis pietatisque eximia cepisti : amissas Hispanias recuperasti, quatuor inde Puniciis exercitibus pulsus : consul creatus, quàm cæteris ad tutandam Italiam parum animi esset, transgressus in Africam, duobus hic exercitibus cæsis, binis eadem hora captis simul incensisque castris, Syphace potentissimo rege capto, tot urbibus regni ejus, tot nostri imperii ereptis, me sextum-decimum jam annum hærentem in possessione Italiæ detraxisti. Potest victoriam malle, quàm pacem, animus. Novi vobis spiritus magnos magis quàm utiles. Et mihi talis aliquando fortuna effulsit.

Quod

Quid si in secundis rebus, bonam quoque mentem darent Dii, non ea solum quæ evenissent, sed etiam ea, quæ evenire possent, reputaremus. Ut omnium obliviscaris aliorum, satis ego docu-
menti in omnes casus sum. Quem modò castris inter Anienem atque urbem vestram positis, ac jam prope scandentem moenia Romæ videras; hic cernis, duobus fortissimis viris fratribus clarissimis imperatoribus orbaturum, ante moenia prope obsessæ patriæ, quibus terrui vestram urbem, ea pro mea deprecantem. Maxime cuique fortunæ minime credendum est. In bonis tuis rebus, nostris dubiis, tibi ampla ac speciosa danti est pax: nobis petentibus magis necessaria, quàm honesta. Melior tutiorque est certa pax, quàm sperata victoria. Hæc in tua, illa in Deorum manu est. Ne tibi omnium felicitatem, in unius horæ dederis discrimen. Cum tuas vires, tum vim fortunæ, Martemque belli communem, propone animo. Utrunque ferrum, corpora humana erunt. Nusquam minus quàm in bello eventus respondet. Non tantum ad id quod data pace jam habere potes, si prælio vincas, gloriæ ad-
jeceris; quantum ademeris, si quid adversi eveniat. Simul parta ac sperata decora unius horæ fortuna evertere potest. Omnia in pace jungenda tuæ potestatis sunt, P. Corneli: tunc ea habenda fortuna erit, quam Dii dederint. Inter pauca felicitatis virtutisque exempla M. Atilius quondam in hac eadem terra fuisset, si victor pacem petentibus dedisset patribus nostris: sed non statuendo tandem felicitati modum, nec cohibendo efferentem se fortunam, quanto altius elatus erat, eo facilius corruit.

Est quidem ejus, qui dat, non qui petit, condiciones dicere pacis: sed forsitan non indigni sumus, qui nobismetipsis mulctam irrogemus. Non recusamus, quin omnia, propter quæ bellum

initum est, vestra sint; Sicilia, Sardinia, Hispania; quicquid insularum toto inter Africam Italiâque continetur mari. Carthaginienses, inclusi Africae litoribus, vos (quando ita Dii placuit) externa etiam terrâ marique videamus regentes imperia. Haud negaverim, propter non nimis sincere petitam aut expectatam nuper pacem, suspectam esse vobis Punicam fidem. Adulterum, per quos petita sit, ad fidem tuendæ pacis pertinet, Scipio. Vestri quoque (ut audio) Patres nonnihil etiam ob hoc, quia parum dignitatis in legatione erat, negaverunt pacem. Annibal peto pacem: qui neque peterem, nisi utilem crederem; et propter eandem utilitatem tuseor eam, propter quam petii. Et quemadmodum, quia à me bellum cœptum est, ne quem ejus pœniteret, quoad ipsi invidere Dei, præstiti: ita annitar, ne quem pacis per me paria pœniteat.


Adversus hæc imperator Romanus in hanc fere sententiam respondit. Non me fallebat, Annibal, adventus tui spe Carthaginienses et præsentem induciarum fidem, et spem pacis turbasse. Neque tu id sane dissimulas, qui de conditionibus superioribus pacis omnia subtrahas, præter ea, quæ jampridem in nostra potestate sunt. Cæterum, sicut tibi curæ est, sentire cives tuos, quanto per te onere levantur: sic mihi laborandum est, ne, quæ tunc pepigerunt, hodie subtrahita ex conditionibus pacis præmia perfidie habeant. Indigni quibus eadem pateat conditio, ut etiam profit vobis fraus, petitis. Neque patres nostri priores de Sicilia, neque nos de Hispania fecimus bellum. Et tunc Mamertinorum scelerum periculum, et nunc Sagunti excidium nobis pro ac justa induerunt arma. Vos laceffisse, et tu ipse fateris, et Dii testes sunt.

sunt : qui et illius belli exitum secundam jus fassque dederunt ; et hujus dant et dabunt.

Quod ad me attinet, et humanæ infirmitatis memini, et vim fortunæ reputo, et omnia quæcumque agimus, subjecta esse mille casibus scio. Cæterum quemadmodum superbe et violenter me faterer facere, si priusquam in Africam trajecissem, te tua voluntate cedentem Italia, et imposito in naves exercitu, ipsum venientem ad pacem petendam aspernarer : sic nunc, quum prope manu conseratâ resistantem ac tergiversantem in Africam attraxerim, nullâ sum tibi verecundiâ obstribus. Proinde si quid ad ea, in quæ tum pax conventura videbatur (quæ sint, nosti :) mulctæ navium cum comœatu per inducias expugnatarum, legatorumque violatorum adjicitur ; est quod referam ad consilium. Sin illa quoque gravia videntur ; bellum parate, quoniam pacem pati non potuistis. Ita infectâ pace, ex colloquio ad suos quum se recepissent, frustra verba jactata renunciant : armis decernendum esse, habendamque eam fortunam, quam Dii dedissent.

In castra ut ventum, pronunciant ambo, *Arma expeditent milites, animosque ad supremum certamen, non in unum diem, sed in perpetuum, si felicitas adesset, victores. Roma an Carthago jura gentibus darent, ante crastinam noctem scituras. Neque enim Africam, aut Italiam, sed orbem terrarum victoriæ præmium fore ; par periculum præmio, quibus adversa pugnæ fortuna fuisset.* Nam neque Romanis effugium ullum patebat in aliena ignotâque terra : et Carthagini, supremo auxilio effuso, adesse videbatur præsens excidium. Ad hoc discrimen procedunt postero die duorum opulentissimorum populorum duo longe clarissimi duces, duo fortissimi exercitus ; multa

ante parta decoris aut cumulari eo die, aut ~~excessu~~. Ante-
ceps igitur spes et metus miscebant animos: contemplanti-
busque modò suam, modò hostium aciem, quàm oculis
magis quàm ratione pensarent vires, simul læta, simul tristitia
obversabantur. Quæ ipsis sua sponte non succurrerant, ea
duces admonendo atque hortando subjiunt. Pænus, se-
decim annorum in terra Italia res gestas, tot duces Roma-
nes, tot exercitus occisione occisos; et sua cuique decora,
ubi ad insignem alicujus pugnae memoriâ militem venerat,
referebat. Scipio, Hispanias, et recentia in Africa proelia,
et confessionem hostium: quod neque non petere pacem
propter metum, neque manere in ea præ insita animis per-
fidia potuissent: ad hoc, colloquium Annibalis in secreto
habitum, ac liberum fingenti, qua velit, flectit. Ominatur,
*quibus quondam auspiciis patres eorum pugnaverint ad Ægætes
insulas, ea illis exeuntibus in aciem portendisse Deos. Adeffe
finem belli, ac laboris. In manibus esse prædam Carthaginis,
reditum domum in patriam, ad parentes, liberos, conjuges, se-
natûque Deos.* Cellus hæc corpore, vultuque ita læto, ut
vicisse jam crederes, dicebat.



SCIPIO *accusatus.* Lib. XXXVIII.

U. C. 565.

P Scipionem Africano duo Q. Petillii diem dixerunt.
• Id, prout cujusque ingenium erat, interpretabantur.
Alii non tribunos plebis, sed universam civitatem, quæ id
pati

pari posset, inculpabant. *Duae maximas orbis terrarum urbes ingratas uno prope tempore in principes inventas: Romam ingratiorē; si quidem vidēta Carthago victum Annibalem in exitum expulisset; Roma victrix victorem Africanum expul- lat. Alii, Neminem unum civem tantum eminere debere, ut iugibus interrogari non possit: nihil tam æquandæ libertatis esse, quàm potentissimum quemque posse dicere causam. Quid autem tuti, cuiquam, nedum summam rempublicam, permitti, si ratio non sit reddenda? qui jus æquum pati non possit, in eum vim, baud iniustam esse. Hæc agitata sermonibus, donec dies dicendæ causæ venit. Nec alius antea quisquam, nec ille ipse Scipio consul censorve majore omnis generis hominum frequentia, quàm reus illo die in forum est deductus, Julius dicere causam, sine ulla criminum mentione, orationem adeo magnificam de rebus ab se gestis est exorsus, ut satis constaret, neminem umquam neque melius, neque verius laudatum esse. Dicebantur enim ab eodem animo ingenioque, à quo gesta erant. Et aurium fastidium aberat; quia pro periculo, non in gloriam, referebantur.*

Tribuni plebis vetera luxuriæ crimina Syracusanorum hibernorum, et Locris * Pleminianum tumultum, quàm ad fidem præsentium criminum retulissent; suspicionibus magis, quàm argumentis pecuniæ captæ reum accusarunt *Filium captum sine pretio redditum, omnibusque aliis rebus Scipionem,*

* 2 Pleminius, quem Locris modò receptis præfecit Scipio, multa ibi avaritiæ et crudelitatis fœda exempla edidit: de quo quàm postea essent quædam decessit, nullatenus illi Romam in triumphum mortuus est. Liv. lib. 29.

tanquam

tanquam in ejus unius manu pax Romana bellumque esset, ab
 Antiocho cultum. Dictatorem eum consuli, non legatum in pro-
 vincia fuisse: nec ad ~~placitam~~ rem eò profectum quam ut id quod
 Hispaniæ, Galliæ, Siliæ, Africa jampridem persuasum esset,
 hoc Græciæ Asiæque et omnibus ad Orientem versus regibus gen-
 tibusque appareret; unum hominem caput columenque imperii
 Romani esse: sub umbra Scipionis civitatem dominam orbis terra-
 rum latere: nutus ejus pro decretis Patrum, pro populi jussis
 esse. Infamiâ intactum, invidiâ quâ possunt urgent. Ora-
 tionibus in noctem perductis, prodicta dies est. Ubi ea
 venit, Tribuni in rostris prima luce confederunt. Citatus
 reus, magno agmine amicorum clientiumque per mediam
 concionem ad rostra subit. Silentioque facto, *Hec*, inquit,
dis, Tribuni plebis, vósque Quirites, cum Annibale et Cartha-
ginienſibus signis collatis in Africa bene ac feliciter pugnavi
Itaque quum hodie litibus et jurgiis supersedere æquum sit, ega
hinc extemplo in Capitolium ad Jovem optimum, maximum, Ju-
nonemque et Minervam, cæterosque Deos, qui Capitolio atque
arci præſident, salutandos ibo: hisque grâtiâs agam, quod mihi
et hoc ipſo die, et sæpe alias, egregie reipublicæ gerendæ mentem
facultatẽque dederunt! Vestrũ quoque quibus commodum eſt,
ite mecum Quirites; et orate Deos, ut mei ſimiles principes ha-
beat. Ita, ſi ab annis ſeptendecim ad ſenectutẽ ſemper vos
ætatem meam honoribus vſtris anteſtis, ega vſtros honores rebus
gerendis præceſſi. Ab roſtris in Capitolium aſcendit: ſimul
ſe univerſa concio avertit, et ſecuta Scipionem eſt. Adeo
ut poſtremo ſcribæ viatoresque tribunos relinquerent, nec
eum iis, præter ſervilem comitatum, et præconem, qui reum
ex roſtris citabat, quiſquam eſſet. Scipio non in Capitolio
 modò,

modò, sed per totam urbem omnia templa Deum cum populo Romano circumiit. Celebratio is prope dies favore hominum et æstimatione veræ magnitudinis ejus fuit, quàm quo triumphans de Syphace rege et Carthaginienfibus urbem est invehctus.

Hic speciosus ultimus dies P. Scipioni illuxit. Post quem, quùm invidiam et certamina cum Tribunis prospiceret, die longiore prodicla, in Liternium concessit; certo consilio ne ad causam dicendam adefset. Major animus et natura erat, ac majori fortunæ assuetus, quàm ut reus esse sciret, et summittere se in humilitatem causam dicentium. Ubi dies venit, citari que absens est coeptus, L. Scipio morbum causæ esse cur abesset, excusabat. Quam accusationem quùm Tribuni, qui diem dixerant, non acciperent, et ab eadem superbiam non venire ad causam dicendam, quâ judicium et Tribunos plebis et concionem reliquisset, arguerent; Tribunus plebis eo tempore Ti. Sempronius Gracchus (cui inimicitie cum P. Scipione intercedebant) quùm tristiores omnes sententiam exspectarent, ita decrevit: *Ad id fastigium rebus gestis, honoribus populi Romani, P. Scipionem Deorum hominumque consensu pervenisse, ut sub rostris reum stare, et præbere aures adolescentium conviciis, populo Romano magis deformis, quàm ipsi sit.* Adjecit decreto indignationem: *Sub pedibus vestris stabit, Tribuni, domitor ille Africæ Scipio? Ideo quatuor nobilissimos duces Pœnorum in Hispania, quatuor exercitus fudit, fugavit: que: ideo Syphacem cepit, Annibalem devicit, Carthaginem vestigalem nobis fecit, Antiochum (recepit enim fratrem consortem hujus gloriæ L. Scipio) ultra Tauri juga emovit, ut duobus Petillis succumberet, vos de P. Africano palmam peteretis? Nul-*
lisne

hinc meritis suis, nullis vestris honoribus unquam in arcem tutam, et velut sanctam clari viri pervenient; ubi si non venerabilis, inviolata saltem senectus eorum confidat? Movit et decretum, et adjecta oratio non ceteros modò, sed ipsos etiam accusatores. Senatus deinde, concilio plebis dimisso, haberi est coeptus. Ibi gratiæ ingentes ab universo ordine, præcipue à consularibus senioribusque Ti. Graccho actæ sunt; quòd rempublicam privatis simultatibus potiorè habuisset. - Et Petillii vexati sunt probis, quòd splendere aliena invidia voluissent; et spolia ex Africani triumpho peterent.

Silentium deinde de Africano fuit: vitam Literni egit, sine desiderio urbis. Morientem rurè eo ipso loco sepeliri se iussisse ferunt, monumentumque ibi ædificari, ne funus sibi in ingrata patria fieret. Vir memorabilis, bellicis tamen magis quàm pacis artibus. Memorabilior prima pars vitæ, quàm postrema fuit: quia in juvenia bella assidue gesta; cùm senecta res quoque defloruere; nec præbita est materia ingenio. Quid ad primum consulatum secundus, etiam si censuram adjicias? quid Asiatica legatio, et valetudine adversà inutilis, et filii casu deformata, et post reditum necessitate aut subeundi iudicii, aut simul cum patria deferendi? Punici tamen belli perpetrati, quo nullum neque majus neque periculosius Romani gessere, unus præcipuam gloriam tulit.

PHILOPOEMENIS à MESSENIIS capti ; ANNIBALIS, et
SCIPIONIS vitæ exitus. Lib. XXXIX.

U. G. 569.

EVENTUS memorabilis est, quòd quùm bello superiores essent Achæi, Philopoemen prætor eorum capitur, ad præoccupandam Coronen profectus, quam hostes petebant ; in valle iniqua cum equitibus paucis oppressus. Ipsum potuisse effugere Thracum Cretensiumque auxilio tradunt : sed pudor relinquendi equites, nobilissimos gentis, ab ipso nuper lectos, tenuit. Quibus dum locum ad evadendas angustias cogendo ipse agmen præbet, sustinens impetus hostium ; prolapso equo, et suo ipse casu, et onere equi super eum ruentis, haud multum absuit quin exanimaretur ; septuaginta annos jam natus, et diutino morbo, ex quo tum primùm resiciebatur, viribus admodum attenuatis, Jacentem hostes superfusi oppresserunt : cognitumque primum à verecupdia memoriæque meritorum haud secus, quàm ducem suum attollunt, resciuntque, et ex valle devia in viam portant ; vix sibi metipsi præ necopinato gaudio credentes : pars nuncios Messenem præmittunt debellatum esse, Philopoemenem captum adduci. Primùm adeo incredibilis visa res, ut non pro vano modò, sed vix pro sano nuncijs audiretur. Deinde ut super alium alius idem omnes affirmantes veniebant, tandem facta fides ; et priusquam appropinquare urbi satis scirent, ad spectaculum omnes simul liberi ac servi, pueri quoque cum sceminis effunduntur.

G g

Itaque

Itaque clauferant portam turbæ, dum pro se quisque, nisi ipse oculis suis credidisset, vix pro comperta tantam rem habiturus videtur. Ægre summoventes obvios intrare portam, qui adducebant Philopœmenem, potuerunt: atque turba conferta iter reliquum clauferat. Et cùm pars maxima exclusa à spectaculo esset, theatrum repente, quod viz propinquum erat compleverunt, et ut eo in conspectum populi adduceretur, una voce omnes exposcebant. Magistratus et principes, veriti ne quem metum misericordia præsentis tanti viri faceret, quàm alios verecundia pristinae maiestatis collata præsentī fortunæ, alios recordatio ingentium meritorum motura esset, procul in conspectu eum statuerunt. Deinde raptim ex oculis hominum abstraxerunt. Prætor Dinnocrate dicente, esse quæ pertinentia ad summam belli percunctari eum magistratus vellent, Inde abducto eo in curiam, et senatu vocato, consultari cœptum.

Jam in vesperascebat, et non modò cætera, sed ne in proximam quidem noctem ubi satis tuto custodiretur, expediebant. Obstupuerant ad magnitudinem pristinae ejus fortunæ virtutisque: et neque ipsi domum recipere custodiendum audebant, nec cuiquam uni custodiam ejus satis credebant. Admonent deinde quidam, esse thesaurum publicum sub terra, saxo quadrato septum. Eo vinculus demittitur, et saxum ingens, quo operitur, machina superimpositum est. Ita loco potius quàm hominī cuiquam credendam custodiam rati, lucem insequentem expectaverunt. Postero die: multitudo quidem integra, memor pristinorum ejus in civitatem meritorum, parcendum, ac per eum remedia quaerenda esse præsentium malorum, cen-
sebat:

sebat: defectionis auctores, quorum in manu respublica erat, in secreto consultantes omnes ad necem ejus consensiebant: sed utrùm maturarent, an differrent, ambigebatur. Vicit pars avidior poenae; missusque qui venenum ferret. Accepto poculo nihil aliud locutum ferunt, quàm quæsisse si incolumis Lycortas (is alter imperator Achæorum erat) equitèsque evassent? Posteaquàm dictum est, incolumes esse; *Bene habet*, inquit, et poculo impavidè exhausto, haud ita multò post exspiravit. Nec diuturnum mortis ejus gaudium auctoribus crudelitatis fuit. Victa namque Mefene bello expofcentibus Achæis noxios deditit, ossaque reddita Philopœmenis sunt: et sepultus ab universo Achæico concilio, adeo omnibus humanis congestis honoribus, ut ne divinis quidem abstineretur. Ab scriptoribus rerum Græcis Latinisque tantum huic viro tribuitur, ut à quibusdam eorum velut ad insignem notam hujus anni memoria mandatum sit, tres claros imperatores eo anno decessisse, Philopœmenem, Annibalem, P. Scipionem. Adeo in æquo eum duarum potentissimarum gentium summis imperatoribus posuerunt.

Ad Prusiam regem legatus, T. Quintius Flaminus venit, quem suspectum Romanis, et receptus post fugam Antiochi Annibal, et bellum adversus Eumenem motum, faciebat. Ibi, seu quia à Flaminino inter cætera objectum Prusiae erat, hominem omnium qui viverent infestissimum populo Romano apud eum esse, qui patriæ suæ primùm, deinde fractis ejus opibus, Antiocho regi auctor belli adversus populum Romanum fuisset; seu quia ipse Prusias, ut gratificaretur præsentì Flaminino Romanisque, per se necandi aut

gradendi ejus in potestatem consilium cepit; à primo colloquio Flamini, milites extemplo ad domum Annibalis custodiendam missi sunt. Semper talem exitum vitæ suæ Annibal prospexerat animo; et Romanorum inexpiabile odium in se cernens, et fidei regum nihil sanè confusus. Prusæ verò levitatem etiam expertus erat. Flamini quoque adventum velut fatalem sibi horruerat. Ad omnia undique infesta, ut iter semper aliquod præparatum fugæ haberet, septem exitus è domo fecerat: et ex iis quosdam occultos, ne custodiâ sepirentur. Sed grave imperium regum nihil inexploratum, quod investigari volunt, efficit. Totius circuitum domus ita custodiis complexi sunt, ut nemo inde elabi posset. Annibal; posteaquam est nunciatum milites regios in vestibulo esse; postico, quod devium maximè atque occultissimi exitus erat, fugere conatus, ut id quoque occurfu militum obseptum sensit, et omnia circa clausa custodiis dispositis esse, venenum (quod multò antè præparatum ad tales habebat casus) poposcit. *Liberemus, inquit, diuturnâ curâ populum Romanum: quando mortem senis expectare longum censent. Nec magnam nec memorabilem ex inermi proditoque Flaminio victoriam feret. Mares quidem populi Romani quantum mutaverint, vel hic dies argumento erit. Horum patres Pyrrho regi hosti armato exercitum in Italia habenti, ut à veneno caveret, prædixerunt. Hi legatum consularem, qui auctor esset Prusæ per scelus occidendi hospitii, miserunt. Execratus deinde in caput regnūque Prusæ, et hospitalis Deos violatæ ab eo fidei testes invocans, poculum exhaufit.*

Hic

Hic vitæ exitus fuit Annibalis. * Nunquam cuiquam ingenium idem ad res diversissimas, parendum atque imperandum, habilius fuit. Itaque haud facile decerneres, utrum imperatori, an exercitui carior esset : neque Afrubal alium quemquam præficere malle, ubi quid fortiter ac strenue agendum esset : neque milites alio duce plus confidere, aut audere. Plurimum audaciæ ad pericula capeffenda, plurimum consilii inter ipsa pericula erat. Nullo labore aut corpus fatigari, aut animus vinci poterat. Caloris ac frigoris patientia par : cibi potitionisque desiderio naturali, non voluptate modus finitus : vigiliarum somnique nec die nec nocte discriminata tempora : id quod gerendis rebus superesset, quieti datum : ea neque molli strato, neque silentio arcessita. Multi sæpe militari sagulo opertum humi jacentem inter custodias, stationesque militum conspexerunt. Vestitus nihil inter æquales excellens : arma atque equi conspiciabantur. Equitum peditumque idem longe primus erat. Princeps in prælium ibat : ultimus conferto prælio excedebat. Has tantas viri virtutes ingentia vitia æquabant ; inhumana crudelitas, perfidia plus quàm Punica, nihil veri, nihil sancti, nullus Deum metus, nullum jusjurandum, nulla religio.

Trium clarissimorum suæ cujusque gentis virorum non magis tempore congruente comparabilis mors videtur esse, quam quòd nemo eorum fati dignum splendore vitæ exitum habuit. Jam primum omnes non in patrio solo mortui, nec sepulti sunt. Veneno absumpti Annibal et Philopœmen,

* Ex Lib. XXI.

exul

exul Annibal profugus ab hospite: captus Philopoemen, in carcere et in vinculis expiravit. Scipio, etsi non exul, neque damnatus, die tamen dicta, ad quam non affuerat reus absens citatus, voluntarium non sibi metipse solum, sed etiam funeri suo exilium indicat.





E X

M. VELLEIO PATERCULO.



C O D R U S.

EODEM ferè tempore Athenæ sub regibus esse defierunt: quorum ultimus rex fuit Codrus, Melanthis filius, vir non prætereundus. Quippe, cùm Lacedæmonii gravi bello Atticos premerent, respondissètque Pythius, *quorum dux ab hoste effèt occisus, eos futuros superiores*; deposità veste regiâ, pastorem cultum induit, immixtusque castris hostium de industriâ, imprudenter, rixam ciens, interemptus est. Codrum cum morte æterna gloria, Athenienses secuta victoria est. Quis eum non miretur, qui his artibus mortem quæsierit, quibus ab ignavis vita quærâ solet?

H O M E R U S.

Clarissimum deinde Homeri illuxit ingenium, sine exemplo maximum: qui magnitudine operis et fulgore carminum

num solus appellari *Poëta* meruit. In quo hoc maximum est, quòd neque ante illum, quem ille imitaretur, neque post illum, qui eum imitari posset, inventus est: neque quemquam alium, cujus operis primus auctor fuerit, in eo perfectissimum, præter Homerum et Archilochum, reperimus.

SARDANAPALUS et LYCURGUS.

Insequenti tempore imperium Asiaticum ab Assyriis, qui id obtinuerant annis MLXX, translatum est ad Medos. Quippe Sardanapalum eorem regem, molitiis fluentem et nimium felicem malo suo (tertio et tricesimo loco ab Nino et Semiramide, qui Babylona condiderant, natum, ita ut semper successor regni paterni foret filius) Pharnaces Medus imperio vitæque privavit. Ea ætate clarissimus Graecæ nominis Lycurgus Lacedæmonius, vir generis regii, fuit severissimarum iustissimarumque legum auctor, et disciplinæ convenientissimæ viris; cujus quamdiu Sparta diligens fuit, excelsissime floruit.

HESIODUS.

Hujus temporis æqualis Hesiodus fuit, circa cxx. annos distinctus ab Homeri ætate, vir perelegantis ingenii, et molliſſimâ dulcedine carminum memorabilis, otii quietisque cupidissimus; ut tempore tanto viro, ita operis auctoritate proximus. Qui vitavit, ne in id, quod Homerus, incideret, patriamque et parentes testatus est; sed patriam, quia multatus ab eâ erat, contumeliosissime.

L. ÆMI-

L. ÆMILIUS PAULLUS.

Tum senatus populûsque Romanus L. Æmilium Paullum, qui et prætor et Cof. triumphaverat, virum in tantum laudandum, in quantum intelligi virtus potest, Cof. creavit: filium ejus Paulli, qui ad Cannas quam tergiversanter perniciosam reipublicæ pugnam inierat, tam fortiter in eâ mortem obierat, Is Persen ingenti prælio, apud urbem nomine Pydnam in Macedoniâ, fufum fugatûmque castris exuit; deletisque ejus copiis, destitutum omni spe coëgit & Macedoniâ profugere: quam ille linquens in insulam Samothraciam profugit, templique se religioni supplicem credidit. Ad eum Cn. Octavius prætor, qui classi præerat, pervenit; et ratione magis quam vi persuasit, ut se Romanorum fidei committeret. Ita Paullus maximum nobilissimûmque regem in triumpho duxit. Quo anno et Octavii prætoris navalis, et Anicii, regem Illyriorum Gentium ante currum agentis, triumphî funere celebres. Quàm sit assidua eminentis fortunæ comes invidia, altissimisque adhæreat, etiam hoc colligi potest: quòd, cùm Anicii, Octaviique triumphum nemo interpellaret, fuere, qui Paulli impedire obniterentur: cujus tantum priores excessit, vel magnitudine regis Persei, vel specie simulacrorum, vel modo pecuniæ, ut bis nullies centies HS. ærario contulerit, et omnium ante actorum comparationem amplitudine vicerit.

2. *METELLUS, P. SCIPIO ÆMILIANUS,*
et L. MUMMIUS.

Vix ullius gentis, ætatis, ordinis hominem inveneris, cujus felicitatem fortunæ Metelli compares. Nam præter excellentes triumphos, honorésque amplissimos, et principale in republica fastigium, extentumque vitæ spatium, et acres innocentésque pro republica cum inimicis contentiones, quatuor filios sustulit: omnes adultæ ætatis vidit, omnes reliquit superstites et honoratissimos. Mortui ejus lectum pro rostris sustulerunt quatuor filii; unus consularis et censorius; alter consularis; tertius consul; quartus candidatus consularis, quem honorem adeptus est. Hoc est nimirum magis feliciter de vitâ migrare, quàm mori.

Universâ deinde instinctâ in bellum Achaiâ (cujus pars magna ejusdem Metelli Macedonici virtute armisque fracta erat) maximè Corinthiis in arma, cum gravibus etiam in Romanos contumeliis, instigantibus; destinatus ei bello gerendo Cof. Mummius. Et sub idem tempus, magis quia volebant Romani, quicquid de Carthaginensibus diceretur, credere, quàm quia credenda adferebantur, statuit senatus Carthaginem excidere. Ita eodem tempore P. Scipio Æmilianus, vir avitis P. Africani, paternisque L. Paulli virtutibus similis, omnibus belli ac togæ dotibus, ingenisque ac studiorum eminentissimus seculi sui, qui nihil in vitâ nisi laudandum aut fecit, aut dixit, ac sensit, ædilitatem petens Cof. creatus est. Bellum Carthagini, jam ante biennium à prioribus Cof. inlatum, majore vi intulit: cum antè in Hispaniâ murali

rali coronâ, in Africâ obfidionali donatus efflet ; in Hispaniâ verò etiam ex provocatione, ipse modicus virium, immanis magnitudinis hostem interemisset. Eâmque urbem, magis invidiâ impetû quàm ullius ejus temporis noxæ invisam Romano homini, funditus sustulit ; fecitque suæ virtutis monumentum, quod fuerat avi ejus clementiæ.

Eodem anno, quo Carthago concidit, L. Mummius Corinthum funditus eruit. Uterque imperator, devictæ à se gentis nomine honoratus, alter *Africanus*, alter appellatus est *Achaicus*. Nec quisquam ex novis hominibus prior Mummiò cognomen virtute partum vindicavit. Diversi imperatoribus mores, diversa fuere studia. Quippè Scipio tam elegans liberalium studiorum omnisque doctrinæ et auctor et admirator fuit, ut Polybium Panætiûmque, præcellentes ingenio viros, domi militiaeque secum habuerit. Neque enim quisquam hoc Scipione elegantius intervalla negotiorum otio dispunxit, semperque aut belli aut pacis serviit artibus : semper inter arma ac studia versatus, aut corpus periculis aut animum disciplinis exercuit. Mummius tam rudis fuit, ut captâ Corintho, cum maximorum artificum perfectas manibus tabulas ac statuas in Italiam portandas locaret, juberet prædici conducentibus, *si eas perdidissent, novas eos reddituros*. Non tamen puto dubites, Vinici, quin magis pro republica fuerit, manere adhuc rudem Corinthiorum intellectum, quàm in tantum ea intelligi : et quin hæc prudentiâ illa imprudentia decori publico fuerit convenientior.

De temporibus, quibus potissimum floruerunt ingenia.

Cùm hæc particula operis velut ~~fontem~~ ^{fontem} propositi excefferit; quamquam intelligo, mihi in hac tam præcipiti festinatione, penè magis necessaria prætereunda, quàm supervacua amplectenda; nequeo tamen temperare mihi, quin rem sæpe agitatam animo meo, neque ad liquidum ratione perductam, signem stylo. Quis enim abunde mirari potest, quòd eminentissima cujusque professionis ingenia in eandem formam et in idem artata temporis congruant spatium? Una, neque multorum annorum spatio divisa, ætas, per divini spiritûs viros, Æschylum, Sophoclem, Euripidem, illustravit tragœdias; una priscam illam et veterem, sub Cratino, Aristophane et Eupolide, comœdiam: ac novam comicam Menandrus, æqualésque ejus ætatis magis quàm operis, Philemon ac Diphilus, et invenire intra paucissimos annos, neque imitanda reliquere. Philosophorum quoque omnium ingenia, Socratico ore defluentia, quanto post Platonis Aristotelisque mortem florere spatio? Quid ante Isocratem, quid post ejus auditores eorumque discipulos clarum in oratoribus fuit? Adeò quidem artatum angustiis temporum, ut nemo memoriâ dignus alter ab altero videri nequiverint.

Neque hoc in Græcis, quàm in Romanis, evenit magis. Nam, nisi aspera ac rudia repetas, et inventi laudanda nomine, in Accio circâque eum Romana tragœdia est; dulcésque Latini leporis facetiæ, per Cæcilium Terentiûmque et Afranium, suppari ætate nituerunt. Historicos (ut et

Livium

Livium quoque priorum ætati adstruas) præter Catonem et quosdam veteres et obscuros, minùs LXXX. annis circumdatum ævum tulit: ut nec poëtarum in antiquius ceteriùsve præcessit ubertas. At oratio ac vis forensis, perfectumque profæ eloquentiæ decus, ut idem separatur Cato (pace P. Crassi Scipionisque, et Lælii et Gracchorum, et Fannii et Ser. Galbæ dixerim) ita universa sub principe operis sui erupit Tullio: ut delectari ante eum paucissimis, mirari verò neminem possis, nisi aut ab illo visum, aut qui illum viderit. Hoc idem evenisse grammaticis, plasticis, pictoribus sculptoribusque, si quis temporum institerit notis, reperiet, et eminentia cujusque operis artificis temporum claustris circumdata. Hujus ergo præcedentisque, inquam, sæculi ingeniorum similitudinis, congregantisque se et in studium par et in emolumentum, causas cum semper requiro, nunquam reperio, quas esse veras confidam, sed fortasse veris similes: inter quas has maxime. Alit æmulatio ingenia: et nunc invidia, nunc admiratio incitationem accendit: naturæque, quod summo studio petatum est, ascendit in summum: difficilisque in perfecto morā est; naturaliterque, quod procedere non potest, recedit: et, ut primò ad consequendos, quos priores ducimus, accendimur; ita, ubi aut præteriri aut æquari eos posse desperavimus, studium cum spe senescit; et quod adsequi non potest, sequi definit; et, velut occupatam relinquens materiam, quærit novam; præteritōque eo, in quo eminere non possumus, aliquid in quo nitamur conquirimus, sequiturque, ut frequens ac mobilis transitus maximum perfecti operis impedimentum sit.

Transit

Transit admiratio à conditione temporum, et ad urbium. Una urbs Attica pluribus annis eloquentiâ, quàm universa Græcia, uberiusque floruit: adeò ut corpora gentis illius separata sint in alias civitates, ingenia verò solis Atheniensium muris clausa existimes.

Primò corrumpi cœpta civitas.

Potentie Romanorum prior Scipio viam aperuerat, luxurie posterior aperuit. Quippe, remoto Carthaginis metu sublataque imperii æmulâ, non gradu, sed præcipiti cursu à virtute descitum, ad vitia transcursum; vetus disciplina deserta, nova inducta; in somnum à vigiliis, ab armis ad voluptates, à negotiis in otium conversa civitas. Tum Scipio Nasica in capitolio porticus; tum Metellus; tum in circo Cn. Octavius multo amœnissimam moliti sunt: publicamque magnificentiam secuta privata luxuria est.

TIB. GRACCHUS. U. C. 622.

Immanem deditio * Mancini civitatis movit dissensionem. Quippe Tib. Gracchus, Tib. Gracchi clarissimi atque eminentissimi viri filius, P. Africani ex filiâ nepos, quo quæstore et auctore id foedus ictum erat, nunc graviter ferens aliquid à se factum infirmari, nunc similis vel iudicii vel poenæ metuens discrimen; Trib. pleb. creatus, vir alioqui vitâ innocentissimus, ingenio florentissimus, proposito sanctissimus, tantis denique adornatus virtutibus, quantas perfecta

* Qui à senata jussus erat Numaminis dedi, quibuscum factus ipse turpissimum inierat.

et naturâ et industriâ mortalis conditio recipit ; P. Mucio Scaevola, L. Calpurnio Coss. descendit à bonis ; pollicitusque toti Italice civitatem, simul etiam promulgatis agrariis legibus, omnibus statum concupiscentibus, summa imis miscuit ; et in præruptum atque anceps periculum adduxit rempublicam : Octaviôque collegæ, pro bono publico stanti, imperium abrogavit : Triumviros agris dividendis colonisque deducendis creavit se socerumque suum consularem Appium, et Gracchum fratrem, admodum juvenem.

Tum P. Scipio Nasica, ejus, qui *optimus vir* à senatu judicatus erat, nepos, privatusque et togatus, cum esset consobrinus Tib. Gracchi, patriam cognationi præferens, et quidquid publicè salutare non esset, privatim alienum existimans (ob eas virtutes primus omnium abiens pontifex maximus factus est) circumdatâ lævo brachio togæ lacinia, ex superiore parte capitolii, summis gradibus insistens hortatus est, *qui salvam vellent rempublicam, se sequerentur*. Tum optimates, senatus, atque equestris ordinis pars melior et major, et intacta perniciosi consilii plebs, irruere in Gracchum, statem in areâ cum catervis suis, et concientem penè totius Italice frequentiam. Is fugiens decurrensque clivo capitolino, fragmine subfellii ictus, vitam, quam gloriosissimè degere potuerat, immaturâ morte finivit. Hoc initium in urbe Româ civilis sanguinis gladiatorumque impunitatis fuit. Indè jus vi obrutum, potentiôrque habitus prior ; discordiæque civium, antea conditionibus sanari solitæ, ferro dijudicatæ ; bellæque non causis initæ, sed prout eorum merces fuit. Quod haud mirum est. Non enim ibi consistunt exempla, unde ceperunt ; sed, quamlibet in tenuem

recepta

procepta tramitem, latissime evagandi sibi viam faciunt: et, ubi semel recto decurratum est, in præceps pervenitur; nec quisquam sibi putat turpe, quod alii fuit fructuosum.

Post CARTHAGINEM, ac NUMANTIAM excisas,

P. SCIPIONIS ÆMIL. mors

P. Scipio Africanus Æmilianus, qui Carthaginem deleverat, post tot acceptas circa Numantiam clades, creatus iterum Cos. missusque in Hispaniam, fortunæ virtutisque, expertæ in Africâ, respondit in Hispaniâ; et intra annum ac tres menses, quàm eò venerat, circumdatam operibus Numantiam excisamque æquavit solo. Nec quisquam ullius gentis hominum ante eum clariore urbium excidio nomen suum perpetuæ commendavit memoriæ. Quippe, excisâ Carthagine, ac Numantiâ, ab alterius nos metu, alterius vindicavit contumeliis. Hic, eum interrogante tribuno Carbone, *quid de Tib. Gracchi cædesentiret?* * respondit: *si is occupandæ reipublicæ animum habuisset, jure cæsum.* Reversus in urbem, intra breve tempus, M. Aquillio, C. Sempronio Coss. post duos consulatus duosque triumphos, et bis excisos terrores reipublicæ manè in lectulo repertus est mortuus, ita ut quædam elisarum faucium in cervice reperirentur notæ. De tanti viri morte nulla habita est quæstio: ejusque corpus velato capite elatum est, cujus operâ super totum terrarum orbem Roma extulerat caput. Seu fatalem, ut plures, seu

* *Hic et apud Numantiam statim cum audivisset de exitu Tib. Gracchi, Homericum illud protulit:*

Ὡς ἀπόλοισι καὶ ἄλλοις, ὅτις ταῦτα γὰρ ῥήζοι.

constatam

conflatam infidiis, ut aliqui prodidere memoriæ, mortem obiit; vitam certè dignissimam egit, quæ nullius ad id temporis præterquam avito fulgore vinceretur.

CAIUS GRACCHUS.

Decem deinde interpositis annis, qui Tib. Gracchum idem Caium, fratrem ejus, occupavit furor, tam virtutibus ejus omnibus quàm huic errori similem, ingenio etiam eloquentiæque longè præstantiorem: qui cùm summâ quiete animi civitatis princeps esse posset, vel vindicandæ fraternæ mortis gratiâ, vel præmuniendæ regalis potentæ, ejusdem exempli tribunatum ingressus, longè majora et acriora repetens, dabat civitatem omnibus Italicis, extendebat eam penè usque Alpes; dividebat agros; vetabat quemquam civem plus quingentis jugeribus habere; (quod aliquandò lege Liciniâ cautum erat) nova constituebat portoria; novis coloniis replebat provincias; judicia à senatu transferebat ad equites; frumentum plebi dare instituerat; nihil immotum, nihil tranquillum, nihil quietum denique in eodem statu relinquebat: quin alterum etiam continuavit tribunatum. Hunc L. Opimius Cos. qui prætor Fregellas exciderat, persecutus armis, unaque Fulvium Flaccum, consularem ac triumphalem virum, æquè prava cupientem (quem C. Gracchus in locum Tiberii fratris Triumvirum nominaverat, eumque socium regalis adsumserat potentæ) morte adficit

Hunc Gracchi, P. Scipionis Africani nepotes, vivâ adhuc matre Corneliâ Africani filiâ, viri optimis ingeniis malè usi, vitæ mortisque habuere exitum: qui si civilem dignitatis

concupissent modum, quidquid tumultuando adipisci gesserunt, quietis obtulisset respublica.

JUGURTHA, et MARIUS. U. C. 647.

Juvenis adhuc Jugurtha, ac Marius, sub eodem Africano militantes, in iisdem castris didicere, quæ postea in contrariis facerent.

Bellum deinde Jugurthinum gestum est per Q. Metellum, nulli secundum sæculi sui. Hujus legatus fuit C. Marius, quem prædiximus, natus equestri loco, hirtus atque horridus, vitæque sanctus; quantum bello optimus, tantum pace pessimus; immodicus gloriæ, insatiabilis, impotens semperque inquietus. Hic, per publicanos aliosque in Africâ negotiantes, criminatus *Metelli lentitudinem, trahentis jam in tertium annum bellum, et naturalem nobilitatis superbiam morandique in imperiis cupiditatem*, effecit, ut, cum comite petito Romam venisset, Cos. crearetur, bellique penè patrati à Metello, qui bis Jugurtham acie fuderat, summa committeretur sibi. Metelli tamen et triumphus fuit clarissimus, et meritum; virtutisque cognomen *Numidici* inditum.

M. LIVIUS DRUSUS. U. C. 660.

Deinde, interjectis paucis annis, tribunatum iniit M. Livius Drusus, vir nobilissimus, eloquentissimus, sanctissimus, meliore in omnia ingenio animoque, quàm fortunâ, usus. Qui cum senatui priscum restituere cuperet decus, et judicia ab equitibus ad eum transferre ordinem; (quippe eam potestatem nacti Equites Gracchanis legibus, cum in
multos

multos clarissimos atque innocentissimos viros lævissent, tum P. Rutilium, virum non sæculi sui, sed omnis ævi optimum, interrogatum lege repetundarum, maximo cum gemitu civitatis damnaverant) in iis ipsis, quæ pro senatu moliebatur, senatum habuit adversarium : non intelligentem si qua de plebis commodis ab eo agerentur, veluti inescandæ illiciendæque multitudinis causâ fieri, ut minoribus perceptis majora permitteret. Denique ea fortuna Drusi fuit, ut malefacta collegarum, quàm ejus optimè ab ipso cogitata, senatus probaret magis ; et honorem, qui ab eo deferebatur, sperneret ; injurias, quæ ab aliis intendebantur, æquo animo reciperet ; et hujus summæ gloriæ invideret, illorum modicam ferret.

Tum conversus Drusi animus, quando bene coepta malè cedebant, ad dandam civitatem Italiæ. Quod cum moliens revertisset e foro, inamensâ illâ et incognitâ, quæ eum semper comitabatur, cinctus multitudine, in atrio domûs suæ cultello percussus, qui adfixus lateri ejus relictus est, intrâ paucas horas decessit. Sed cum ultimum redderet spiritum, intuens circumstantium mœrentiûmque frequentiam, effudit vocem convenientissimam conscientiæ suæ : *Etquando, inquit, propinqui amicique, similem mei civem habebit respublica ?* Hunc finem clarissimus juvenis vitæ habuit : cujus morum minimè omittatur argumentum. Cum ædificaret domum in Palatio, promitteretque ei architectus, *ita se eam ædificaturum, ut libera à conspectu, immunis ab omnibus arbitris esset, neque quisquam in eam despicere posset : Tu verò,* inquit, *siquid in te artis est, ita compone domum meam, ut, quidquidagam, ab omnibus perspicere possit.*

L. CORNELIUS SULLA, et C. MARIUS.

L. Cornelius Sulla ; vir qui neque ad finem victoriæ satis laudari, neque post victoriam abunde vituperari potest. Hic, natus familiâ nobili, sextus à Cornelio Rufino, qui bello Pyrrhi inter celeberrimos fuerat duces, cùm familiæ ejus claritudo intermissa esset, diu ita se gessit, ut nullam petendi consulatum cogitationem habere videretur ; deinde post præturam illustratus bello Italico, et antè in Gallia legatione sub Mario, quâ eminentissimos duces hostium fuderat, ex successu animum sumpsit ; petensque consulatum, penè omnium civium suffragiis nactus est : sed eum honorem undequinquagesimo ætatis suæ anno adsecutus est.

Per ea tempora Mithridates Ponticus rex, vir neque filendus neque dicendus sine cura ; bello acerrimus ; virtute eximius ; aliquando fortunâ, semper animo maximus ; consiliis dux ; miles manu ; odio in Romanos Hannibal ; occupatâ Asiâ, necatisque in eâ omnibus civibus Romanis (quos quidem eâdem die atque horâ, redditis civitatibus litteris, ingenti cum pollicitatione præmiorum interimi jusserat) cum terribilis Italiæ quoque videretur imminere, forte obvenit Sullæ Asia provincia. Is, egressus urbe, cùm circa Nolam moraretur ; P. Sulpicius, trib. pleb. disertus, acer, opibus, gratiâ, amicitiiis, vigore ingenii atque animi celeberrimus ; cùm antea rectissimâ voluntate apud populum maximam quæsisset dignitatem, quasi pigeret eum virtutum suarum, et bene consulta ei malè cederent, subito pravus et præceps, C. Mario, post LXX. annum omnia imperia et omnes provincias concupiscenti addixit ; legemque ad populum

pulūm tulit, quā Sullæ imperium abrogaretur, C. Mario bellum decerneretur Mithridaticum ; aliāsque leges perniciosas et exitiabiles, neque tolerandas liberæ civitati, tulit : quintiam Q. Pompeii Cos. filium, eundemque Sullæ generum, per emissarios factionis suæ interfecit.

Tum Sulla contracto exercitu ad urbem rediit, eamque armis occupavit ; XII. auctores novarum pessimarumque rerum, inter quos Marium cum filio et P. Sulpicio, urbe exturbavit, ac lege latâ exsules fecit. Sulpicium etiam adsecuti equites in Laurentinis paludibus jugulavere ; caputque ejus, erectum et ostentatum pro rostris, velut omen imminents proscriptionis fuit. Marius post sextum consulatum annoque LXX. nudus ac limo obrutus, oculis tantummodo ac naribus eminentibus, extractus arundineto, circa paludem Maricæ (in quam se, fugiens consectantes Sullæ equites, abdidit) injecto in collum loro in carcerem Minturnensium jussu daumvirali perductus est. Ad quem interficiendum missus cum gladio servus publicus, natione Germanus (qui fortè ab imperatore eo bello Cimbrico captus erat) ut agnovit Marium, magno ejulatu expromente indignationem casus tanti viri, abjecto gladio profugit è carcere. Tum cives, ab hoste misereri paullò antè principis viri docti, instructum eum viatico, collatâque veste, in navem imposuerunt. At ille, adfectus circa Ænariam filium, cursum in Africam direxit ; inopemque vitam in tugurio ruinarum Carthaginensium toleravit : cū Marius adspiciens Carthaginem, illa intuens Marium, alter alteri possent esse solatio.

Mox C. Marius, ab exilio revocatus, pestifero civibus suis reditu, intravit Romam. Nihil illâ victoriâ fuisset crudelius,
nisi

nisi mox Sullana esset secuta. Neque licentiâ in mediocres sævitum, sed excelsissimi quoque atque eminentissimi civitatis viri variis suppliciorum generibus affecti; in iis Cos. Octavius, vir lenissimi animi, jussu Cinnae interfectus est. Merula autem, qui se sub adventum Cinnae consulatu abdicaverat, incisis venis superfusoque altaribus sanguine, quos sæpe pro salute reipublicæ flamen Dialis precatus erat Deos, eos in execrationem Cinnae partiumque ejus tum precatus, optimè de republica meritum spiritum reddidit: M. Antonius, princeps civitatis atque eloquentiæ, gladiis militum, quos ipsos facundia suâ moratus erat, jussu Marii Cinnaeque confossus est. Q. Catulus (et aliarum virtutum et belli Cimbrici gloriâ, quæ illi cum Mario communis fuerat, celeberrimus) cum ad mortem conquireretur, conclusit se loco nuper calce arenâque perposito, inlatoque igni, qui vim odoris excitaret, simul exitiali hausto spiritu, simul incluso suo, mortem magis voto quàm arbitrio inimicorum obiit. Omnia erant præcipitia in republica, nec tamen adhuc quicquam inveniebatur, qui bona civis Romani aut donare auderet, aut petere sustineret. Postea id quoque accessit, ut sævitiae causam avaritia præberet, et modus culpæ ex pecuniæ modo constitueretur; et qui fuisset locuples, fieret nocens, susque quisque periculi merces foret; nec quidquam videtur turpe, quod esset quaestuosum.

Secundum deinde consulatum Cinna, et septimum Marius in priorum dedecus inivit; cujus initio morbo oppressus decessit: vir in bello hostibus, in otio civibus infestissimus, quietisque impatientissimus.

Vix

Vix quidquam in Sullæ operibus clarius duxerim, quàm quòd, cùm per triennium Cinnanæ Marianaëque partes Italiam obsiderent, neque illaturum se bellum iis dissimulavit, nec quod erat in manibus omisit; existimavitque ante frangendum hostem, quàm ulciscendum civem; repulsoque externo metu, ubi quod alienum esset vicisset, superaret quod erat domesticum. Ante adventum L. Sullæ, Cinna seditionis ortâ ab exercitu interemptus est: vix dignior, qui arbitrio victorum moreretur, quàm iracundiâ militum: de quo verè dici potest, ausum eum quæ nemo auderet bonus, perfecisse quæ à nullo nisi fortissimo perfici possent; et fuisse eum consultando temerarium, in exsequendo virum.

Putares Sullam venisse in Italiam, non belli vindicem, sed pacis auctorem: tantâ cum quiete exercitum per Calabriam Apuliâque, cum singulari curâ frugum, agrorum, hominum, urbium, perduxit in Campaniam; tentavitque iustis legibus et æquis conditionibus bellum componere: sed iis, quibus et pessima et immodica cupiditas erat, non poterat pax placere. Crescebat interim in dies Sullæ exercitus, confluentibus ad eum optimo quoque et sanissimo. Felici deinde circa Capuam eventu Scipionem Norbanumque Coss. superat: quorum Norbanus, acie victus; Scipio, ab exercitu suo desertus ac proditus, inviolatus à Sullâ dimissus est. Adeo enim Sulla dissimilis fuit bellator ac victor; ut, dum vincit, iustissimo lenior, post victoriam audito fuerit crudelior. Nam et consulem, exarmatumque Sertorium (proh quanti mox belli facem!) et multos alios, potitus eorum, demisit incolumes: credo, ut in eodem homine duplicis ac diversissimi animi conspiceretur exemplum.

PONTIUS

PONTIUS TELESINUS, *Dux SAMNITIUM.*

At Pontius Telesinus, dux Samnitium, vir animi bellique fortissimus, penitusque Romano nomini infestissimus, contractis circiter XLM. fortissimæ pertinacissimæque in retinendis armis juventutis, Carbone ac Mario Coff. Calendis Novembribus ita ad portam Collinam cum Sullâ dimicavit, ut ad summum discrimen et cum et rempublicam perduceret. Quæ non majus periculum adiit, Annibalis intra tertium miliarium castra conspicata, quàm eo die, quo circumvolans ordines exercitus sui Telesinus, dictitansque *adesse Romanis ultimum diem, vociferabatur eruendam delendamque urbem* : adiciens, *numquam defuturos raptores Italicæ libertatis lupos ; nisi sylva, in quàm refugere solerent, esset excisa*. Post primam demum horam noctis, et Romana acies respiravit, et hostium cessit. Telesinus postera die semianimis repertus est, victoris magis quàm morientis vultum præferens : cujus abscissum caput ferri gestarique circa Præneste Sulla iussit.

CN. POMPEIUS.

Sub adventum in Italiam L. Sullæ, Cn. Pompeius, ejus Cn. Pompeii filius, quem magnificentissimas res in consulatu gessisse bello Marfico prædiximus, XXIII. annos natus, privatis ut opibus ita consiliis magna ausus, magnificæque conata exsecutus, ad vindicandam restituendamque dignitatem patriæ, firmum ex agro Piceno, qui totus paternis ejus clientelis refertus erat, contraxit exercitum. Cujus viri magnitudo multorum voluminum instar exigit : sed
operis

operis modus paucis eum narrari jubet. Fuit hic *gēnitus* matre Luciliâ, stirpis senatoriæ, formâ excellens, non eâ, quâ flos commendatur ætatis, sed ex dignitate constantiâque in illam conveniens amplitudinem, fortunam quæ ejus ad ultimum vitæ comitata est diem : innocentia eximius, sanctitate præcipuus, eloquentia medius ; potentiæ, quæ honoris causâ ad eum deferretur, non ut ab eo occuparetur, cupidissimus ; dux bello peritissimus ; civis in togâ (nisi ubi vereretur, ne quem haberet parem) modestissimus ; amicitiarum tenax, in offensis exorabilis, in reconciliandâ gratiâ fidelissimus, in accipiendâ satisfactione facillimus ; potentia suâ nunquam aut rarò ad impotentiam usus ; penè omnium vitiorum expers, nisi numeraretur inter maxima, in civitate liberâ dominâque gentium, indignari, cum omnes cives jure haberet pares, quemquam æqualem dignitate conspiciere. Hic à togâ virili adfuetus committio prudentissimi ducis parentis sui, bonum et capax recta discendi ingenium singulari ferum militarium prudentiâ excoluit ; ut à Sertorio Metellus laudaretur magis, Pompeius timeretur validius.

Q. C A T U L U S.

Dignâ est memoriâ Q. Catuli cum auctoritas tum verecundia : qui cum dissuadens legem in concione dixisset, *esse quidem præclarum Cn. Pompeium, sed nimium jam liberæ rei-publicæ, neque omnia in uno reponenda* : adjecissetque, *Si quid huic acciderit, quem in ejus locum substituetis ?* subclamavit universa concio, *Te, Q. Catule.* Tum ille victus consensu omnium, et tam honorifico civitatis testimonio, è concione
K k
discessit,

disceffit. Hic hominis verecundiam, populi iustitiam mirari libet : hujus, quod non ultra contendit : plebis, quod dissuadentem et adversarium voluntatis suæ vero testimonio fraudare noluit.

CN. POMPEIUS, et L. LUCULLUS:

Manilius trib. pleb. semper venalis et alienæ ministri potentiae, legem tulit, ut bellum *Mithridaticum* per Cn. Pompeium administraretur. Accepta ea, magnisque certatum inter imperatores jurgiis: cum Pompeius Lucullo infamiam pecuniæ, Lucullus Pompeio interminatam cupiditatem objiceret imperii; neuterque adeo, quod arguebat, mentitus argui posset. Nam neque Pompeius, ut primum ad rempublicam adgressus est, quemquam animo parem tulit: et in quibus rebus primus esse debebat, solus esse cupiebat: neque eo viro quisquam aut alia omnia minus, aut gloriam magis concupiit; in adpetendis honoribus immodicus, in gerendis verecundissimus: et qui eos ut libentissime iniret, ita finiret æquo animo; et quod cupisset, arbitrio suo fumeret, alieno deponeret. Et Lucullus, summus alioqui vir, profusæ hujus in ædificiis convictibusque et apparatus luxuriæ primus auctor fuit: quem, ob injectas moles mari, et receptum suffossis montibus in terras mare, haud infacetè Magnus Pompeius *Xerxentegatum* vocare assueverat.

CICERO,

CICERO, CATALINA, et M. CATO.

Per hæc tempora M. Cicero, qui omnia incrementa sua sibi debuit, vir novitatis nobilissimæ, et ut vitâ clarus ita ingenio maximus, qui effecit, ne, quorum arma viceramus, eorum ingenio vinceremur; Cos. Sergii Catalinæ Lentulique et Cethegi et aliorum utriusque ordinis virorum conjurationem singulari virtute, constantiâ, vigiliâ, curâque eripuit. Catalina metu consularis imperii urbe pulsus est. Lentulus consularis et prætor iterum, Cethegusque et alii clari nominis viri, auctore senatu, jussu Cos. in carcere necati sunt.

Ille senatus dies, quo hæc acta sunt, virtutem M. Catonis, jam multis in rebus conspicuam atque prænitentem; altissimè illuminavit. Hic genitus proavo M. Catone principe illo familiæ Porciæ, homo virtuti simillimus, et per omnia ingenio diis quàm hominibus propior; qui numquam rectè fecit, ut facere videretur, sed quia aliter facere non poterat; cuique id solum visum est rationem habere, quòd haberet justitiam; omnibus humanis vitiis immunis, semper fortunam in suâ potestate habuit. Hic trib. pleb. designatus, adhuc admodum adolescens, cùm alii suaderent, ut per municipia Lentulus conjuratusque custodirentur, penè inter ultimos interrogatus sententiam, tanta vi animi atque ingenii invehctus est in conjurationem, eo ardore oris orationem omnium, lenitatem suadentium, societate consilii suspectam fecit, sic impendentia ex ruinis incendiisque urbis et commutatione statûs publici periculâ exposuit, ita consulis virtutem amplificavit, ut universus senatus in ejus sententiam

transfret, animadvertendūque in eos, quos prædiximus, censeret; majorque pars ordinis ejus Catonem prosequerentur domum. At Catalina non segniùs conata obiit, quàm sceleris conandi consilia inierat: quippe fortissimè dānicans, quem spiritum supplicio debuerat, prælio reddidit.

C. CÆSAR.

Secutus deinde est consulatus C. Cæsaris: qui scribenti manum injicit, et quamlibet festinantem in se morari cogit. Hic (nobilissimā Juliorum genitus familiā, et, quod inter omnes antiquissimos constabat, ab Anchise ac Venere deducens genus) formā omnium civium excellentissimus, vigore animi acerrimus, munificentiae effusissimus, animo super humanam et naturam et fidem evectus; magnitudine cogitationum, celeritate bellandi, patientiā periculorum, Magno illi Alexandro, sed sobrio neque iracundo, simillimus; qui denique semper et somno et cibo in vitam, non in voluptatem, utebatur.

Hic Cof. inter eum et Cn. Pompeium et M. Crassum unita potentiae societas; quæ urbi orbique terrarum nec minùs diverso quoque tempore ipsis exitiabilis fuit. Hoc consilium sequendi Pompeius causam habuerat; ut tandem acta in transmarinis provinciis, quibus multi obtrectabant; per Cæsarem confirmarentur Consulem: Cæsar autem, quod animadvertibat se cedendo Pompeii gloriae aucturum suam, et, invidiā communis potentiae in illum relegatā, confirmatorum vires suas: Crassus, ut quem principatum solus adsequi non poterat, auctoritate Pompeii, viribus teneret Cæsaris.

C L O.

C L O D I U S.

Per idem tempus P. Clodius, homo nobilis, disertus, audax, qui neque dicendi neque faciendo ullum, nisi quem vellet, nōset modum, malorum propositorum exsecutor acerrimus, infamis etiam fororis stupro, et actus incesti reus ob initum inter religiosissima P. R. sacra adulterium; cū graves inimicitias cum M. Cicerone exerceret (quid enim inter tam dissimiles amicum esse poterat?) et à patribus ad plebem transisset, legem in tribunatu tulit: *Qui civem R. indemnatum interemisset, ei aqua et igni interdiceretur.* Cujus verbis et si non nominabatur Cicero, tamen solus petebatur: Ita vir optime meritis de republica conservata patriæ pretium calamitatem exilii tulit.

C R A S S U S.

Craffo, bellum Parthicum in animo molienti, Syria decreta. Qui vir, cætera sanctissimus immunisque voluptatibus, neque in pecuniâ neque in gloriâ concupiscendâ aut modum nōrat, aut cupiebat terminum. Hunc, proficiscentem in Syriam diris cum omnibus, tribuni pleb. frustra retinere conati: quorum execrationes si in ipsum tantummodo valuissent, vile imperatoris damnum salvo exercitu fuisset reipublicæ. Transgressum Euphraten Craffum petentēque Seleuciam, circumfusus immanibus copiis equitum, rex Orodes unâ cum parte majore Romani exercitus interemit.

Bellum

Bellum Civile inter POMPEIUM et CÆSAREM.

Septimo ferme anno Cæsar morabatur in Gallis, cum, medium jam ex invidiâ potentiz malè coherentis inter Cn. Pompeium et C. Cæsarem concordiz pignus, Julia uxor Magni decessit; atque, omnia inter destinatos tanto discrimini duces dirimente fortunâ, filius quoque parvus Pompei, Juliâ natus, intra breve spatium obiit.

Tam in gladios cædèsque civium furente ambitu (cujus neque finis reperiebatur nec modus) tertius consulatus soli Cn. Pompeio, etiam adversantium antea dignitati ejus iudicio, delatus est. Cujus ille honoris gloriâ, veluti reconciliatis sibi optimatibus, maximè à C. Cæsare alienatus est.

Intra breve deinde spatium belli civilis exarserunt initia: cum iustissimus quisque et à Cæsare, et à Pompeio vellet dimitti exercitus. Quippe Pompeius in secundo consulatu Hispanias sibi decerni voluerat, easque per triennium absens ipse ac præsidens urbi, per Afranium et Petreium consularem ac prætorium, legatos suos, administrabat: et iis, qui à Cæsare dimittendos exercitus contendebant, adfentabatur; iis, qui ab ipso quoque, adversabatur. Qui si ante biennium quàm ad arma itum est, perfectis muneribus theatri et aliorum operum, quæ ei circumdedit, gravissimâ tentatus valetudine decessisset in Campaniâ (quo quidem tempore universa Italia vota pro salute ejus, primò omnium civium, suscepit), defuisset fortunæ destruendi ejus locus; et quàm apud superos habuerat magnitudinem, illibatam detulisset ad inferos.

Bello

Bello autem civili, et tot, quæ deinde per continuos XX. annos consecuta sunt, malis, non aliis majorem flagrantiorémque, quam C. Curio trib. pleb. subjecit facem : vir nobilis, eloquens, audax, suæ alienaëque et fortunæ et pudicitiae prodigus, homo ingeniosissime nequam, et facundus malo publico : cujus animo, voluptatibus vel libidinibus, neque opes ullæ, neque cupiditates sufficere possent. Hic primò pro Pompeii partibus, id est, ut tunc habebatur, pro republica, mox simulatione contra Pompeium et Cæsarem, sed animo pro Cæsare stetit. Id gratis, an accepto centies HS. fecerit, ut accepimus, in medio relinquemus. Ad ultimum saluberrimas et coalescentis conditiones pacis, quas et Cæsar iustissimo animo postulabat, et Pompeius æquo recipiebat, discussit ac rupit ; unicè cavente Cicerone concordie publicæ.

Lentulo et Marcello Coss. post urbem conditam annis DCCII. bellum civile exarsit. Alterius ducis causa melior videbatur, alterius erat firmior. Hic omnia speciosa, illic valentia. Pompeium senatûs auctoritas, Cæsarem militum armavit fiducia. Consules senatûsque causæ, non Pompeio, summam imperii detulerunt. Nihil relictum à Cæsare, quod servandæ pacis causâ tentari posset ; nihil receptum à Pompeianis : cum alter consul iusto effet ferocior ; Lentulus verò salvâ republicâ salvus esse non posset ; M. autem Cato moriendam antè, quam ullam conditionem civis accipiendam reipublicæ contenderet : vir antiquus et gravis Pompeii partes laudaret magis, prudens sequeretur Cæsaris ; et illa gloriosa, hæc terribiliora duceret.

Post

Post cladem in acie Pharfalicâ acceptam Pompeius, profugiens cum duobus Lentulis consularibus, Sextoque filio et Favonio prætorio, quos comites ei fortuna adgregaverat, Ægyptum petere proposuit; memor beneficiorum, quæ in patrem ejus Ptolemæi, qui tum puero quàm juveni propior regnabat, Alexandriæ contulerat. Sed quis in adversis beneficiorum servat memoriam? aut quis ullam calamitosi deberi putat gratiam? aut quando fortuna non mutat fidem? Ibi princeps Romani nominis, imperio arbitrioque Ægypti mancipii jugulatus est. Hic, post tres consulatus et totidem triumphos, domitumque terrarum orbem, sanctissimi ac præstantissimi viri, in id evecti super quod adscendi non potest, duodefexagesimum annum agentis, pridie natalem ipsius, vitæ fuit exitus: in tantum in illo viro à se discordante fortunâ, ut cui modò ad victoriam terra defuerat, deesset ad sepulturam.

Nusquam erat Pompeius corpore, adhuc ubique nomine. Quippe ingens partium ejus favor bellum excitaverat Africum: quod ciebat rex Juba, et Scipio, vir consularis, ante biennium, quàm exstingueretur Pompeius, lectus ab eo focer: horumque copias auxerat M. Cato, ingenti cum difficultate itinerum locorumque inopiâ perductis ad eos legionibus: qui vir, cum summum ei à militibus deferretur imperium, honoratori parere maluit.

Sequens fortunam suam Cæsar, pervectus in Africam quam occiso Curione, Julianarum duce partium, Pompeian obtinebant exercitus) ibi primò variâ fortunâ, mox pugnavit suâ; inclinataeque hostium copiar. Nec dissimilis ibi adversus victos, quàm in priores, clementia Cæsaris fuit.

Victorem

Victorem Africani belli C. Cæsarem gravius excepit Hispaniense, quod Cn. Pompeius Magni filius, adolescens impetûs ad bella maximi, ingens ac terribile conflaverat : undique ad eum, adhuc paterni nominis magnitudinem sequentium, ex toto orbe terrarum auxiliis confluentibus. Sua Cæsarem in Hispaniam comitata fortuna est : sed nullum umquam atrocius periculosiusque ab eo initum prælium ; adeò ut, plus quàm dubio Marte, descenderet equo, consistensque antè recedentem suorum aciem, increpità priùs fortunà, quòd se in eum servasset exitum, denuntiaret militibus, *vestigio se non recessurum : proinde viderent quem et quo loco imperatorem deserturi forent.* Verecundià magis quàm virtute acies restitutæ sunt, à duce quàm à milite fortius. Cn. Pompeius, gravis vulnere inventus inter solitudines avias, interemptus est. Labienum Varumque acies abstulit.

Cæsar omnium victor, regressus in urbem (quod humanam excedat fidem) omnibus, qui contra se arma tulerant, ignovit. Neque tamen illi tanto viro, et tam clementer omnibus victoriis suis uso, plus quinque mensium principalis quies contigit. Quippe cùm mense Octobri in urbem reverisset, Idibus Martiis, conjurationis auctoribus Bruto et Cassio (quorum alterum promittendo consulatum non obligaverat, contrà differendo Cassium offenderat) adjectis etiam consiliariis cædis familiarissimis omnium, et fortunà partium ejus in summum evectis fastigium, D. Bruto et C. Trebonio aliisque clari nominis viris, interemptus est. Cui magnam invidiam conciliarat M. Antonius, omnibus audendis paratissimus, consulatûs collega, imponendo capiti ejus Luper-

calibus sedentis pro rostris insigne regium; quod ab eo ita repulsum erat, ut non offensus videretur.

Laudandum experiētiā consilium est Panſæ atque Hirtii: qui semper prædixerant Cæsari, *ut principatum armis quaesitum armis teneret*. Ille dictitans, *mori se quàm timeri malle*, dum clementiam, quàm præstiterat, expectat, incautus ab ingratīs occupatus est: cū quidem plurima præfagia atque indicia Dii immortales futuri obtulissent periculi. Nam et haruspices præmonuerant, *ut diligentissimè Iduum Martiarum taveret diem*; et uxor Calpurnia, territa nocturno visu, *ut eā diē domi subsisteret*, orabat: et libelli, conjurationem nuntiantes, dati ab eo neque protinus lecti erant. Sed profectò ineluctabilis factorum vis, cujuscumque fortunam mutare constituit, consilia corrumpit.

CICERONIS *Mors.*

Furente deinde Antonio, simulque Lepido, repugnante Cæsare, sed frustra adversus duos, instauratum Sullani exempli malum, proscriptio. Nihil tam indignum illo tempore fuit, quàm quòd aut Cæsar aliquem proscribere coactus est, aut ab ullo Cicero proscriptus est; abscissâque scelere Antonii vox publica est, cū ejus salutem nemo defendisset, qui per tot annos et publicam civitatis, et privatam civium defenderat. Nihil tamen egisti, M. Antoni: (cogit enim excedere propositi, formam opetis erumpens animo ac pectore indignatio) nihil, inquam, egisti, mercedem celestissimi oris et clarissimi capitis abscissi numerando; auctoramentoque funebri ad conservatoris quondam reipublicæ tantique Cos. irritando necem. Rapuisti tu M. Ciceroni
lucem

lucem sollicitam, et ætatem senilem, et vitam miseriorem te principe, quàm sub te triumviro mortem : famam verò gloriæque factorum atque dictorum adeò non abstulisti, ut auxeris. Vivit vivetque per omnem sæculorum memoriam : dumque hoc, vel fortè vel providentiâ vel utcumque constitutum, rerum naturæ corpus (quod ille penè solum Romanorum animo vidit, ingenio complexus est, eloquentiâ illuminavit) manebit incolume, comitem ævi sui laudem Ciceronis trahet ; omnisque posteritas illius in te scripta mirabitur, tuum in eum factum execrabitur.

BRUTUS et CASSIUS.

Hunc exitum M. Bruti partium, septimum et XXX. annum agentis, fortuna esse voluit : corrupto animo ejus in diem, quæ illi omnes virtutes unius temeritate facti abstulit. Fuit autem dux Cassius melior, quanto vir Brutus : è quibus Brutum amicum habere malles, inimicum magis timeres Cassium. In altero major vis, in altero virtus. Qui si vicissent, quantum reipublicæ interfuit Cæsarem potius habere quàm Antonium principem, tantum retulisset habere Brutum quàm Cassium.

SEXTUS POMPEIUS, Cn. MAGNI *Filius*.

Ad Sextum Pompeium et è Brutianis castris, et ex Italiâ aliisque terrarum partibus, quos præsentis periculo fortuna subduxerat, proscripti confluebant. Quippe nullum habentibus statum quilibet dux erat idoneus ; cùm fortuna non electionem daret, sed perfugium ostenderet ; exitiâlemque tempestatem fugientibus statio pro portu foret.

Hic adolescens erat studiis rudis, sermone barbarus, impetu strenuus, manu promptus, cogitatione celer, fide patri diffimillimus, libertorum suorum libertus; servorumque servus; speciosis invidens, ut pareret humillimis. Is, occupatâ Siciliâ, servitia fugitivósque in numerum exercitus sui recipiens, magnum modum legionum effecerat; perque Mænam et Menecratem, paternos libertos, præfectos classium, latrociniiis ac prædationibus infestato mari, ad se exercitumque tuendum rapto utebatur: cum eum non depuderet, vindicatum armis ac ductu patris sui mare infestare piraticis sceleribus.

M. AGRIPPA.

Crescente in dies et classe et fama Pompeii, Cæsar molem belli ejus suscipere statuit. Ædificandis navibus, contrahendoque militi ac remigi, navalibusque adsueto certaminibus atque exercitationibus, præfectus est M. Agrippa, virtutis nobilissimæ, labore, vigiliâ, periculo invictus, parendique, sed uni, scientissimus, aliis sanè imperandi cupidus, et per omnia extra dilationes positus, consultisque factis conjungens. Hic, in Averno ac Lucrino lacu speciosissimâ classe fabricatâ, quotidianis exercitationibus militem remigemque ad summam et militaris et marinæ rei perduxit scientiam.

LEPIDUS.

Acciverat, gerens contra Pompeium bellum, ex Africâ Cæsar Lepidum cum XII. semiplenis legionibus. Hic, vir omnium vanissimus, neque ullâ virtute tam longam fortunæ indul-

Indulgentiam meritis, exercitum Pompeii, quia propior fuerat, sequentem non ipsius, sed Cæsaris auctoritatem ac fidem, sibi junxerat : inflatusque amplius XX. legionum numero in id furoris processerat, ut, inutilis alienæ victoriæ comes, quàm diu moratus erat, dissidendo in consiliis Cæsari, et semper diversa his quæ aliis placebant dicendo, totam victoriàm ut suam interpretaretur ; audebátque denunciare Cæsari, *excederet Siciliâ*. Non ab Scipionibus aliisque veteribus Romanorum ducum quidquam ausum patratumque fortius, quàm tunc à Cæsare. Quippe cùm inermis et laceratus esset, præter nomen nihil trahens, ingressus castra Lepidi, evitatis quæ jussu hominis pravissimi tela in eum jacta erant, cùm lacerna ejus perforata esset lancea, aquilam legionis rapere ausus est. Scires quid interesset inter duces. Armati inermem secuti sunt : decimoque anno, quàm ad dissimillimam vitæ suæ potentiam pervenerat Lepidus, et à militibus et à fortunâ desertus, pulloque velatus amiculo, inter ultimam confluentium ad Cæsarem turbam latens, genibus ejus advolutus est. Vita rerumque suarum dominium concessa ei sunt : spoliata quàm tueri non poterat, dignitas.

Pugna A C T I A C A .

Cæsare. deinde et Messalâ Corvino. Coss. debellatum apud Actium ; ubi, longè antè quàm dimicaretur, exploratissima Julianarum partium fuit victoria. Vigebat in hac parte miles atque imperator, illà marcebant omnia. Hinc remiges firmissimi, illinc inopiâ adfectissimi. Navium hac magnitudo modica, nec celeritati adversa ; illà specie terribilior. Hinc
ad

ad Antonium nemo, illinc ad Cæsarem quotidie aliquid transfugiebat. Denique in ore atque oculis Antonianæ classis per M. Agrippam Leucas expugnata, Patræ captæ, Corinthus occupata, bis ante ultimum discrimen classis hostium superata.

Advenit deinde maximi discriminis dies, quo Cæsar Antoniûsque productis classibus, pro salute alter, in ruinam alter terrarum orbis dimicavere. Ubi initum certamen est, omnia in alterâ parte fuere, dux, remiges, milites; in alterâ nihil præter milites. Prima occupat fugam Cleopatra: Antonius fugientis reginæ, quàm pugnantis militis sui comes esse maluit; et imperator, qui in desertores sævire debuerat, desertor exercitus sui factus est. Illis, etiam detractocapite, in longum fortissimè pugnandi duravit constantia; et desperatâ victoriâ in mortem dimicabatur. Cæsar, quos ferro poterat interimere, verbis mulcere cupiens, clamitântique et ostendens, *fugisse Antonium*, quærebat, *pro quo et cum quo pugnarent*. At illi, cùm diu pro absente dimicâssent duce; ægre submissis armis cessere victoriam; citiûsque vitam veniâmq; Cæsar promisit, quàm illis, ut ea precarentur, persuasum est. Fuitque in confesso, milites optimi imperatoris, imperatorem fugacissimi militis functum officio: ut dubites, suone, an Cleopatræ arbitrio victoriam temperaturus fueris, qui ad ejus arbitrium direxit fugam.

C. MÆCENAS.

Tunc urbis custodiûs præpositus C. Mæcenas, equestri, sed splendido genere natus, vir, ubi res vigiliam exigeret,
fanè

sanè exsomnis, providens atque agendi sciens; simul verò aliquid ex negotio remitti posset; otio ac mollitiis penè ultra feminam fluens; non minùs Agrippà Cæsari carus, sed minùs honoratus: quippe vixit angusto clavo planè contentus; nec maiora non consèqui potuit, sed non tam concupivit. Hic speculatus est per summam quietem ac dissimulationem, præcipitis consilia juvenis; et, mirà celeritate nullàque cum perturbatione aut rerum aut hominum oppresso Lepido, imminante novi ac resurrecturi belli civilis restinxit initium.

Ab Augusto bene composita civitas.

Finita vicesimo anno bella civilia, sepulta externa, revocata pax, sopitus ubique armorum furor; restituta vis legibus, judiciis auctoritas, senatui majestas; imperium magistratuum ad pristinum redactum modum; tantummodo octo prætoribus adlecti duo; prisca illa et antiqua reipublicæ forma revocata; rediit cultus agris, sacris honos, securitas hominibus, certa cuique rerum suarum possessio; leges emendatæ utiliter, latæ salubriter; senatus finè asperitate, nec finè severitate lectus.

DRUSUS CLAUDIUS.

Cura deinde atque onus Germanici belli delegata Druso Claudio, fratri Neronis, adolescenti tot tantarumque virtutum, quot et quantas natura mortalis recipit vel industria perficit; cujus ingenium utrùm bellicis magis operibus an civilibus suffecerit artibus, in incerto est. Morum certè dulcedo ac suavitas, et adversus amicos æqua ac par sui æstimatio,

æstimatio, inimitabilis fuisse dicitur. Nam pulchritudo corporis proxima fraternæ fuit. Sed illum, magnâ ex parte domitorem Germaniæ, plurimo ejus gentis variis in locis profuso sanguine, fatorum iniquitas, consulem, agentem annum tricesimum, rapuit.

L. P I S O.

Atrox in Thraciâ bellum ortum, omnibus ejus gentis nationibus in arma accensis, L. Pisonis, quem hodièque diligentissimum atque eundem lenissimum securitatis urbanæ custodem habemus, virtus compressit. De quo viro hoc omnibus sentiendum ac prædicandum est : esse mores ejus vigore ac lenitate mixtissimos ; et vix quemquam reperiri posse, qui aut otium validiùs diligit, aut faciliùs sufficiat negotio ; et magis, quæ agenda sunt, curet sinè ulla ostentatione agendi.

J U L I A, *Filia* A U G U S T I.

Filia ejus Julia, per omnia tanti parentis ac viri immemor, nihil, quod facere aut pati turpiter posset femina, luxuriâ, libidine infectum reliquit ; magnitudinémque fortunæ suæ peccandi licentiâ metiebatur ; quidquid liberet, pro licito vindicans.

S E N T I U S S A T U R N I N U S.

Iis, quæ minoris erant discriminis, Sentium Saturninum, præfecit ; virum multiplicem virtutibus, navum, agilem, providum, militariúmque officiorum patientem ac peritum
pariter ;

pariter ; sed eundem, ubi negotia fecissent locum otio, liberaliter lautèque eo abutentem ; ita tamen, ut cum splendidum ac hilarem potiùs, quàm luxuriosum aut desidem diceres.

V A R U S Q U I N C T I L I U S .

Varus Quinctilius, illustri magis quàm nobili ortus familiâ, vir ingenio mitis, moribus quietus, ut corpore et animo immobilior, otio magis castrorum quàm bellicæ adfuetus militiæ : pecuniæ verò quàm non contemptor, Syria, cui præfuerat, declaravit ; quam pauper divitem ingressus, dives pauperem reliquit.

CÆSARIS AUGUSTI *mors.*

Cæsar Augustus, cum Tiberium filium missurus esset in Illyricum, ad firmanda pace quæ bello subegerat, prosequens eum, processit in Campaniam : quamquam jam motus imbecillitatis inclinataeque in deterius principia valetudinis fenserat ; tamen, obnitente vi animi, prosecutus filium, digressusque ab eo Beneventi, ipse Nola petiit : et, ingravescente in dies valetudine, cum sciret, quis volenti omnia post se salva remanere accersendus foret, festinanter revocavit filium. Ille ad patrem patriæ expectato revolavit maturius. Tum *securum se* Augustus prædicans, circumfususque amplexibus Tiberii sui, commendans illi sua atque ipsius opera, *nec quidquam jam de fine, si fata poscerent, recusans*, subrefectus primo conspectu adloquioque carissimi sibi spiritûs ; mox, cum omnem curam fata vincerent, in sua resolutus initia, septuagesimo sexto anno, animam coelestem cœlo reddidit.

M m

TIBE.


TIBERII et SEJANI laudes adulatoriæ.

Horum XVI. annorum opera quis, cùm inserta sint oculis animisque omnium, in partibus eloquatur? Revocata in forum fides, summotæ à foro seditiō, ambitio campo, discordia curiâ; sepultaque ac situ oblitæ justitia, æquitas, industria civitati redditæ; accessit magistratibus auctoritas, senatui majestas, judiciis gravitas; compressa theatralis seditiō; recte faciendi omnibus aut incussa voluntas, aut imposita necessitas. Honorantur recta, prava puniuntur: suscipit potentem humilis, non timet: antecedit, non contemnit humiliorem potens. Quando annona moderatior? quando pax lætior? Diffusa in Orientis Occidentisque tractus, et quidquid meridianò aut septentrione finitur, pax Augusta per omnes terrarum orbis angulos à latrociniorum metu servat immunes. Fortuita non civium tantummodo, sed urbium damna principis munificentia vindicat. Restitutæ urbes Asiæ: vindicatæ ab injuriis magistratuum provinciæ: honor dignis paratissimus: poena in malos fera, sed aliqua. Superatur æquitate gratia, ambitio virtute: nam facere rectè cives suos princeps optimus faciendo docet; cùmque sit imperiò maximus, exemplo major est.

Rarò eminentes viri non magnis adjutoribus ad gubernandam fortunam suam usi sunt; ut duo Scipiones duobus Læliis, quos per omnia æquaverunt sibi; ut Divus Augustus M. Agrippâ, et maximè ab eo, Statilio Tauro. Quibus novitas familiæ haud obstitit, quo minùs ad multiplices consulatus triumphosque et complura eniterentur sacerdotia.

Etenim

Etenim magna negotia magnis adiutoribus egent. Interést-
que reipublicæ quod usu necessarium, et dignitate eminere :
utilitatémque auctoritate muniri. Sub his exemplis Tiberius
Cæsar Sejanum Ælium, principe equestris ordinis patre
natum, materno verò genere clarissimas veterésque et in-
signes honoribus complexum familias, habentem consulares
fratres, confobrinos, avunculum, ipsum verò laboris ac fidei
capacissimum, sufficiente etiam vigori animi compage cor-
poris, singularem principalium onerum adiutorem in omnia
habuit atque habet : virum severitatis lætissimæ, hilaritatis
prisæ, actu otiosis simillimum, nihil sibi vindicantem,
eóque adsequentem omnia, sempérque infra aliorum æsti-
mationes se metientem, vultu vitæque tranquillum, animo
exsomnem.



THE HISTORY OF THE
CITY OF BOSTON

FROM THE FIRST SETTLEMENT TO THE PRESENT TIME

BY
JOSEPH NEALE, ESQ.

IN TWO VOLUMES.

PREFACE.
The history of the city of Boston, from the first settlement to the present time, is a subject of great interest and importance. It is a subject which has attracted the attention of many of our countrymen, and which has been the subject of many valuable publications. The history of the city of Boston is a subject which is of great interest and importance to all who are interested in the history of our country. It is a subject which has attracted the attention of many of our countrymen, and which has been the subject of many valuable publications. The history of the city of Boston is a subject which is of great interest and importance to all who are interested in the history of our country. It is a subject which has attracted the attention of many of our countrymen, and which has been the subject of many valuable publications.



E X

C. CORNELIO TACITO.



Ex ANNAL. Lib. I.

Seditio in PANNONIA.

PAnnonicas legiones seditio incescit : nullis novis causis, nisi quòd mutatus princeps licentiam turbarum, et ex civili bello spem præmiorum ostendebat. Castris æstivis tres simul legiones habebantur, præfidente Junio Blæso : qui fine Augusti, et initiis Tiberii auditis, ob justitium aut gaudium, intermiserat solita munia. Eo principio lascivire miles, discordare, pessimi cujusque sermonibus præbere aures, denique luxum et otium cupere, disciplinam et laborem aspernari. Erat in castris Percennius quidam, dux olim theatralium operarum, dein gregarius miles, procax linguâ, et miscere coetus histrionali studio doctus. Is imperitos animos, et quænam post Augustum militiæ conditio ambigentes, impellere paulatim nocturnis colloquiis aut flexo in vespere

ram die, et delapsis melioribus, deterrimum quemque congregare. Postremò promptis jam et aliis seditionis ministris, velut concionabundus interrogabat,

Cum paucis centurionibus, paucioribus tribunis in modum servorum obedirent? quando ausuros exposcere remedia, nisi novum et autantem adhuc principem precibus, vel armis adirent? satis per tot annos ignavid peccatum, quodd tritena aut quadragera stipendia fames, et plerique truncato ex vulneribus corpore, tolerant. Ne dimissis quidem finem esse militiae, sed apud vexillum retentos alio vocabulo, eosdem labores perferre. Ac si quis tot casus vita superaverit; trahi adhuc diversas in terras, ubi per nomen agrarum, indignis paludum, vel inculta monitum accipiant. Enimvero militiam ipsam gravem, infructuosam: denis in diem assibus animam et corpus aestimari. Hinc vestem, arma, tensoria, hinc sævitiam centurionum, et vocationes munerum redimi. At hæc verbera, et vulnera, duram hiemem, exercitas æstates, bellum atrox, aut sterilem pacem, sempiterna. Nec aliud levamentum, quam si certis sub legibus militia iniretur: ut singulos denarios mererent; sextasdecimus stipendii annus finem adferret; ne ultra sub vexillis tenerentur, sed iisdem in castris præmium pecuniâ solveretur. At præteritas cohortes, quæ binos denarios acceperint, quæ post sexdecim annos penatibus suis reddantur, plus periculorum suscipere? Nam obrectari à se urbanas excubias, sibi tamen apud horridas gentes à contuberniis hostem aspici. Adstrepebat vulgus diversis incitamentis. Hi verborum notas, illi canitiem, pluviani detrita tegmina et nudum corpus exprobrantes. Postremò eò furoris venere, ut tres legiones miscere in unam agerent. Depulsi æmulatione, quia suæ quisque legioni cuius honorem quærebant, aliò vertunt, atque unà tres aquilas et
signa

signa cohortium locant : simul, congerunt cespites, extruunt tribunal, quò magis conspicua sedes foret.

Properantibus Blæsus advenit, increpabátque, ac retinebat singulos, clamitans, *Mors potius cæde imbuite manus. Læviore flagitio legatum interficetis, quàm ab imperatore desciscitis. Aut incolumis fidem legionum retinebo, aut jugulatus pœnitentiam adolerabo.* Aggerebatur nihilominus. cespes, jamque pectori usque adereverat, cum tandem pervicaciâ victi inceptum omisere. Blæsus multâ dicendi arte, *Non per seditionem et turbas desideria militum ad Cæsarem ferenda, ait. Neque veteres ab imperatoribus pristis, neque ipsos à divo Augusto tam nova petivisse. Et parum in tempore, incipientes principis curas onerari. Si tamen tendèrent in pace tentare, quæ ne civilium quidem bellorum victores exposulaverint; cur contra morem obsequii, contra fas disciplina, vim meditentur? decernerent legatos, seque coram mandata darent.* Adclamavere, ut filius Blæsi tribunus legatione eâ fungeretur, peterétque militibus missionem ab sexdecim annis. Cætera mandatueros, ubi primâ provenissent. Profecto juvene, modicum otium : sed superbire miles, quòd filius legati orator publicæ causæ, satis ostenderet, necessitate expressa, quæ per modestiam non obtinuissent.

Interea manipuli ante cœptam seditionem Nauportum missi, ob itinera et pontes, et alios usus, postquam turbatum in castris accepere, vexilla convellunt : direptisque proximis vicis, ipsoque Nauporto quod municipii instar erat, retinentes centuriones inrisu et contumeliis, postremò verberibus insectantur : præcipuâ in Aufidienum Rufum præfectum castrorum irâ. Quem dereptum vehiculo, sarcinis gravante, aguntque

agantque primo in agmine, per ludibrium rogantes, *an tam immensa onera, tam longa itinera libenter ferret?* Quippe Rufus diu manipularis, dein centurio, mox castris præfectus, antiquam duramque militiam revocabat, invictus operis ac laboris, et eo immitior quia toleraverat. Horum adventu redintegratur seditio, et vagi circumjecta populabantur. Blæsus paucos maximè prædâ onustos, ad terrorem cæterorum, adfici verberibus, claudi carcere jubet. Nam etiam tum legato à centurionibus, et optimo quoque manipularium parebatur. Illi obniti trahentibus, prensare circumstantium genua, ciere modò nomina singulorum, modò centuriam quisque cujus manipularis erat, cohortem, legionem, *eadem omnibus imminere clamitantes* : simul probra in legatum cumulant, cælum ac deos obtestantur. Nihil reliqui faciunt, quò minus invidiam, misericordiam, metum, et iras permoverent. Adcurritur ab universis, et carcere effracto, solvunt vincula : desertorésque ac rerum capitalium damnatos, sibi jam miscent.

Flagrantior inde vis, plures seditioni duces. Et Vibulenus quidam gregarius miles, ante tribunal Blæsi adlevatus circumstantium humeris, apud turbatos, et quid pararet intentos, *Vos quidem, inquit, his innocentibus, et miserrimis lucem et spiritum reddidistis, sed quis fratri meo vitam, quis fratrem mihi reddit? quem missum ad vos à Germanico exercitu de communibus commodis, nocte proximâ jugulavit per gladiatores suos, quos in exitium militum habet atque armat. Responde Blæse, ubi cadaver abjeceris? ne hostes quidem sepulturam invident. Cùm osculis, cùm lacrymis dolorem meum implevero, me quoque trucidari jube; dum interfectos nullum ob scelus, sed quia*
ultilitati

utilitati legionum consulebamus, hi sepeliant. Incedebat hæc fletu, et pectus atque os manibus verberans : mox disjectis quorum per humeros sustinebatur, præceps et singulorum pedibus advolutus, tantum confectionis invidiaeque concivit, ut pars militum, gladiatores qui è servitio Blæsi erant, pars cæteram ejusdem familiam vincirent, alii ad quærendum corpus effunderentur. Ac ni propere neque corpus ullum reperiri, et feros adhibitis cruciatibus abnuere cædem, neque illi fuisse unquam fratrem pernotuisset, haud multum ab exitio legati aberant.

Hæc audita, quanquam abstrusum, et tristissima quæque maxime occultantem Tiberium perpulere, ut Drusum filium cum primoribus civitatis, duabusque prætoriis cohortibus mitteret, nullis satis certis mandatis, ex re consurgurum. Druso propinquanti, quasi per officium obvise fuere legiones : non lætæ, ut adsolet, neque insignibus fulgentes, sed illuvie deformi, et yultu, quamquam moestitiam imitarentur, contumaciæ propiores. Postquam vallum introiit : portas stationibus firmant, globos armatorum certis castrorum locis opperiri jubent. Cæteri tribunal ingenti agmine circumveniunt. Stabat Drusus silentium manu poscens. Illi quoties oculos ad multitudinem retulerant, vocibus truculentis strepere ; rursus viso Cæsare, trepidare. Murmur incertum, atrox clamor, et repente quies. Diversis animorum motibus, pavebant, terrebantque. Mox redire paulatim amor obsequii.

EX ANNAL. Lib. I.

Seditio in GALLIA, cui intervenit GERMANICUS.

Germanicus quantò summæ spei propior, tantò impensius pro Tiberio niti. Sequanos proximos; et Belgarum civitates in verba ejus adigit. Dehinc audito legionum tumultu, raptim profectus, obvias extra castra habuit, dejectis in terram oculis velut pœnitentiâ. Postquàm vallum inivit, diffioni questus audiri cœpere. Et quidam prehensâ manu ejus, per speciem osculandi, inseruerunt digitos, ut vacua dentibus ora contingeret: alii curvata senio membra ostendebant. Adfidentem concionem, quia permixta videbatur, discedere in manipulos jubet: sic melius audituros responsum: vexilla præferri, ut id saltem discerneret cohortes. Tardè obtemperavêre. Tunc à veneratione Augusti orsus, flexit ad victorias triumphosque Tiberii, præcipuis laudibus celebrans, quæ apud Germanias illis cum legionibus pulcherrima fecisset. Italiæ inde consensum, Galliarum fidem extollit, nil usquam turbidum aut discors. Silentio hæc, vel murmure modico audita sunt. Ut seditionem attigit, *ubi modestia militaris? ubi veteris disciplinæ decus? quonam tribunos? quò centuriones exegissent?* rogans: nudant universi corpora, cicatrices ex vulneribus, verberum notas exprobrant; mox indiscretis vocibus, pretia vacationum, angustias stipendii, duritiam operum, ac propriis nominibus incusant, vallum, fossas: pabuli, materiarum, lignorum adgestus, et si qua alia ex necessitate, aut adversus otium castrorum

strorum queruntur. Atrocissimus veteranorum clamor oriebatur, qui tricena aut supra stipendia numerantes, mederetur fessis, neu mortem in iisdem laboribus, sed finem tam exercitæ militiæ, neque inopem requiem, orabant. Fuere etiam qui legatam à divo Augusto pecuniam reposcerent, faustis in Germanicum omnibus: et, si vellet imperium, promptos ostentavere. Tum verò quasi scelere contaminaretur, præceps tribunali defiluit. Opposuerunt abeunti arma, minitantes, ni regrederetur. At ille moriturum potius quàm fidem exugret clamitans, ferrum à latere deripuit, elatùmque deferabat in pectus, ni proximi prehensam dextram vè attinissent. Extrema et conglobata inter se pars concionis, ac vix credibile dictu, quidam singuli propius incedentes, *feriret*, hortabantur: et miles, nomine Calusidius, strictum obtulit gladium, addito, *acutiorè esse*. Sævum id mali-que moris etiam furentibus visum: ac spatiosa fuit, quæ Cæsar ab amicis in tabernaculum saperetur.



EX ANNAL. Lib. II.

*Exercitus Rom. dum à flumine AMISIA classe reducitur,
vi tempestatis marisque istius imperitiâ penè interit.*

ÆSTATE jam adultâ, legionum alix itinere terrestri in hibernacula remissæ, plures Cæsar classi impositas per flumen Amisiam Oceano inexit. Ac primò

N n 2

placi-

placidum æquor mille navium remis strepente, aut velis impelli: mox atro nubium globus effusa grando simul variis undique processis, incerti fluctus prospectum altiter, regimen impedire: milleque pavidus, et casum maris ignarus, dum turbat nautas, vel intempestive juvat, officia prudentium corrumpebat. Omne dehinc cœlumi, et mare omne in austrum cessit, qui tumidis Germaniæ terris, profundis armibus, immenso nubium tractu validus, et rigore vicini septentrionis horridior, sapuit disiectaque navès in aperta oceani, aut insulas fixis abruptas, vel per occulta vada infestas. Quibus paulum agrèque vitæ postquam mutabat æstus, eodemque quo ventus ferebat, non adherere anchoris non exhaustire inrumpentes undas poterant. Equi, jumenta, fœcine, etiam armæ præcipitantur, quò levarentur, alvei manantes per latera, et fluctu superurgente. Quanto violentior cætero mari oceanus, et truculentia cœli præstat Germania, tantum illa, clades novitate et magnitudine, excessit, hostilibus circum litoribus, aut ita vasto et profundo, ut credatur novissimum ac sine terris mare. Pars navium hausta sunt, plures apud insulas longius fitas ejectæ: milleque nullo illic hominum cultu, fame absumptus, nisi quos corpora equorum eodem elisa toleraverant. Sola Germanici triremis Chaucorum terram adpulit, quem per omnes illos dies noctesque apud scopulos et prominentes oras, cum se tanti exitii reum clamitaret, vix cohibere amici, quo minus eodem mari oppeteret. Tandem relabente æstu, et fecundante vento, claudæ naves, raro remigio, aut intentis vestibus, et quædam à validioribus tracta, revertère, quas raptim resetas misit, ut scrutarentur insulas. Collata eà curâ

curâ plerique: multos. Angivarii nuper. in fidem accepti, redemptos ab interioribus reddidere. Quidam in Britanniam rapti, et remissi à regulis. Ut, quis ex longinquo venerat, miracula, narrabant, vim, turbinum, et: inauditas volucres, monstra: maria, ambiguas, hominum et beluarum formas: visa, siye ex metu credita.

Ex ANNAL: Lib. III.

AGRIPPINA cum GERMANICI reliquis BRUNDISIUM,
inde ROMAM pervenit.

N IHI L intermissâ navigatione hiberni maris Agrippina Corcyram insulam advehitur, litora Calabriae contra sitam. Illic paucos dies componendo animo insumit, violenta luctu, et nescia tolerandi. Interim adventu ejus audito, intimus quisque amicorum, et plerique militares, ut quique sub Germanico stipendia fecerant, multique etiam ignoti vicinis è municipiis, pars officium in principem rati, plures illos secuti, ruere ad oppidum Brundisium; quod naviganti celerrimum fidissimumque adpulsu erat. Atque ubi primum ex alto visa classis, complentur non modò portus et proxima maris, sed moenia ac tecta, quaque longissimè prospectari poterat, marientium turbâ, ac rogitantium inter se, silentione an voce aliquâ egredientem exciperent. Neque satis constabat quid pro tempore foret: cum classis paulatim successit, non alacri ut adsolet remigio, sed cunctis ad tristitiam

tristitiam compositis. Postquam diobus cum liberis seculam unam tenens egressa navi, defuit oculos; idem omnium genus, neque discerneres, proximos, alienos, visorum, feminarumque planctus: nisi quod comitatum Agrippinae longo maxore fessum, obvii et recentes in dolore anteibant. Miserat duas praetorias cohortes Caesar, addito ut magistratus Calabriae, Apulique, et Campani, suprema erga memoriam filii sui munera fungerentur. Igitur tribunorum, centurionumque humeris cineres portabantur: praecedebant in comita signa, versi fasces: atque ubi colonias transgrederentur, atrata plebes, trabeati equites, pro opibus loci, vestem, odores, aliaque funerum solennia cremabant. Etiam quorum diversa oppida, tamen obvii, et victimas atque aras Diis Manibus statuentes, lacrymis et conclamationibus dolorem testabantur. Drusus Terracinam progressus est, cum Claudio fratre; liberisque Germanici, qui in urbe fuerant. Consules, M. Valerius et M. Aurelius (jam enim magistratum occorperant) et senatus, ac magna pars populi viam complevere: disjecti, et ut cuique libitum fientes. Aberat quippe adulatio, gnaris omnibus letam Tiberio Germanici mortem male dissimulari, Tiberius atque Augusta publice abstinuere, inferius maiestate sua rati si palam lamentarentur: an ne omnium oculis vultum eorum scrutantibus, falsi intelligerentur. Matrem Antoniam non apud auctores rerum, non diurnam auctorum scripturam reperio ullo insigni officio fungam; cum super Agrippinam, et Drusum, et Claudiam, caeteri quoque consanguinei nominatim perscripti sint: seu valetudine praepediebatur, seu victus luctu animus, magnitudinem mali perferre visu non toleravit. Facilius crediderim,

rim, Tiberio et Augustà, qui domo non excedebant, cohabitam; ut par moeror, et matris exemplo, avia quoque et patruus attineri viderentur.

Dies quo reliquæ tumultu Augusti inferebantur, modò per silentium vastus, modò ploratibus inquires: plena urbis itinera, conlucentes per campum Martis facies. Illic miles cum armis, sine insignibus magistratus, populus per tribus, concidisse rempublicam, nihil spei reliquum clamitabant: promptius apertiùsque, quàm ut meminisse imperitantium crederes. Nihil tamen Tiberium magis penetravit, quàm studia hominum accensa in Agrippinam; cum decus patriæ, solum Augusti sanguinem, unicum antiquitatis specimen appellarent, versique ad cælum ac deos, integram illi subolem, ac superstitem iniquorum precarentur. Fuere qui publici funeris pompam requirerent, compararèntque quæ in Drusum patrem Germanici honora et magnifica Augustus fecisset. Ipsum quippe asperrimo hiemis, Ticinum usque progressum, neque abscedentem à corpore simul urbem intravisse: circumfusas lecto Claudiorum Iuliorumque imagines, defletum in foro, laudatum pro rostris, cuncta à majoribus reperta, aut quæ posterì invenerint cumulata. At Germanico ne solitos quidem, et cuicumque nobili debitos honores, contigisse. Sanè corpus ob longinquitatem itinerum externis terris quoquo modo crematum: sed tantò plura decora mox tribui par fuisse, quantò prima fors negavisset. Non fratrem nisi unius diei viâ, non patruum saltem portâ tenuis obvium. Ubi illa veterum instituta? præpositam toro effigiem, meditata ad memoriam virtutis carmina, et laudationes et lacrymas, vel doloris imitamenta? Gnarum id
Tiberio

Tiberio fuit. Utque premeret vulgi fermones, monuit edicto, *Multos illustrium Romanorum ob rempublicam obiisse, neminem tam flagranti desiderio celebratum. Idque et sibi et cunctis egregium, si modus adjiceretur. Non enim eadem decora principibus viris, et imperatori populo, quæ modicis domibus, aut civitatibus. Conveniſſe recenti dolore luctum, et ex mærore solatia. Sed referendum jam animum ad firmitudinem, ut quondam divus Julius amiſſâ unicâ filiâ, ut divus Augustus ereptis nepotibus, abstruſerint tristiſſiam. Nil opus vetustioribus exemplis: quoties populus Romanus clades exercituum, interitum ducum, funditus amiſſas nobiles familias conſtanter tulerit. Principes mortales, rempublicam æternam eſſe. Proin repeterent ſolennia: et quia ludorum Megalenſium ſpectaculum ſuberat, etiam voluptates reſumerent.*



EX ANNAL. Lib. XII.

CARACTACUS, SILURUM Rex, ROMAM ad CLAUDIUM perductus.

NE Romæ quidem ignobile Caractaci nomen erat. Et Cæſar dum ſuum decus extollit, addidit gloriam victo. Vocatus quippe ut ad inſigne ſpectaculum populus. Stetere in armis prætoriæ cohortes, campo qui caſtra præjacet. Tunc incedentibus regiis clientelis phaleræ torquæſque, quæque externis bellis quæſierat, traduſta; mox
fratres

fratres et conjux et filia: postremò ipse ostentatus. Cæ-
 terorum preces degeneres fuere, ex metu. At non Carac-
 tacus aut vultù demisso, aut verbis misericordiam requirens;
 ubi tribunali astitit, in hunc modum locutus est. *Si quanta
 nobilitas et fortuna mihi fuit, tanta rerum prosperarum mode-
 ratio fuisset; amicus potius in hanc urbem, quàm captus venissem:
 neque designatus esses claris majoribus oritur, pluribus gentibus
 imperantem fœdere pacis accipere. Præsens fors mea ut mihi in-
 formis; sic tibi magnifica est. Habui equos, viros, arma, opes.
 Quid mirum, si hæc invito amisi? Num si vos omnibus imperi-
 tare vultis, sequitur ut omnes servitutem accipiant? Si statim
 deditus traderer; neque mea fortuna, neque tua gloria inclaruisset;
 et supplicium mei oblivio sequeretur. At si incolumem servaveris,
 æternum exemplar clementiæ ero. Ad ea Cæsar veniam ipsique,
 et conjugi, et fratribus, tribuit. Atque illi vinclis exso-
 luti, Agrippinam quoque haud procul alio suggestu con-
 spicuam, iisdem quibus principem laudibus gratibusque
 venerati sunt. Novum fanè, et moribus veterum insolitum,
 fœminam signis Romanis præfidere. Ipsa semet parti à ma-
 joribus suis imperii sociam ferebat. Vocati posthac pa-
 tres, multa et magnifica super captivitate Caractaci disse-
 ruere. Neque minus id clarum, quàm cùm Syphacem P.
 Scipio, Persem L. Paullus, et si qui alii vinctos reges populo
 Romano ostendêre.*

EX ANNAL. Lib. XIV.


NERO, AGRIPPINAM matrem suam, per ANICETUM,
interficit.

ANICETUS villam statione circumdat, refractaque januâ, obvios servorum arripit, donec ad fores cubi- culi veniret: cui pauci abstant, cæteris terrore irrum- pentium exterritis. Cubiculo modicum lumen inerat, et ancillarum una: magis ac magis anxiâ Agrippinâ, quod nemo à filio, ac ne * Agerinus quidem. Aliam serè litore faciem nunc, solitudinem ac repentinos strepitus, et extremi mali indicia. Abeunte dehinc ancillâ, *Tu quoque me deseris*, prolocuta, respicit Anicetum trierarcho Herculeo et Oloarito centurione classiario comitatum. Ac si ad visendum ve- nisset, refotam nuntiaret: sin facinus patraturus, nihil se de filio credere, non imperatum parricidium. Circumsistunt lectum percussores, et prior trierarchus fusti caput ejus afflixit non in mortem. Centurioni ferrum distringenti, *Ventrem feri*, exclamavit: multisque vulneribus confecta est. Hæc consensu traduntur. Aspexeritne matrem exanimem Nero, et formam corporis ejus laudaverit, sunt qui tradi- derint, sunt qui abnuant. Cremata est nocte eadem, con- viviali lecto, et exsequiis vilibus: neque, dum Nero rerum potiebatur, congesta aut clausa humus; mox domesticorum curâ, levem tumulum accepit, viam Miseni propter, et villam Cæsaris dictatoris, quæ subjectos sinus editissima pro- spectat. Accenso rogo libertus ejus, cognomento Mnester,

* Qui ab ipsâ nuntius ad Neronem missus fuerat.

ipse ferro se translegit : incertum caritate in patronam, an metu exitii. Hunc sui finem multos ante annos crediderat Agrippina, contemseratque. Nam consulenti super Nerone, responderunt Chaldei, *fore ut imperaret matrémque occideret*: atque illa, *Occidat, inquit, dum imperet.*

Sed à Cæsare perfecto demùm scelere, magnitudo ejus intellecta est: reliquo noctis, modò per silentium defixus, sæpius pavore exurgens, et mentis inops lucem opperiebatur, tamquam exitium allaturam. Atque cum, auctore Burrho, prima centurionum tribunorúmque adulatio ad spem firmavit, prehenfantium manu, gratantiúmque, quod discrimen improvisum, et matris facinus evasisset. Amici dehinc adire templa: et cœpto exemplo, proxima Campaniæ municipia victimis et legationibus lætitiám testari. Ipse diversâ simulatione mœstus, et quasi incolumitati suæ insensus, ac morti parentis illacrymans: quia tamen non, ut hominum vultus, ita locorum facies mutantur, obversabatur maris illius et litorum gravis aspectus (et erant qui crederent, fontium tubos collibus circum editis, planctúsque tumulto maris audiri) Neapolim concessit.



EX ANNAL. Lib. XV.

Cædes SENECE.

S EQUITUR cædes Annæi Senecæ lætissima principi, non quia conjurationis manifestum compererat, sed ut ferro grassaretur, quando venenum non processerat. Solus

O o 2

quippe

quippe * Natalis, et haestenus promptus : missum se ad agrotantem Senecam, ut viseret, conquerereturque, cur Pisonem aditus arceret? melius fore si amicitiam familiari congressu exequiissent. Et respondisse Senecam, sermones mutuos et crebra colloquia neutri conducere : ceterum salutem suam incolumitate Pisonis inniti. Hæc forse Granius Silvanus tribunus prætoriz cohortis, et an dicta Natalis, ipsaque responsa nosceret, percontari Senecam jubetur. Is, forte an prudens, ad eum diem ex Campaniâ remeaverat, quantumque apud lapidem suburbano rure subliterat. Illò propinqua vespera tribunus venit, et villam globus militum sepfit. Tum ipsi cum Pompeiâ Paullinâ uxore et amicis duobus epulanti mandata imperatoris edidit. Seneca missum ad se Natalem, conquestumque nomine Pisonis quòd visendo eo prohiberetur, seque rationem valetudinis et amorem quietis excusavisse respondit. *Cur salutem privati hominis incolumitati suæ anteferebat, causam non habuisse. Nec sibi promptum in adulationes ingenium. Idque nulli magis gnarum quàm Neroni, qui sæpius libertatem Senecæ, quàm servitium imperatoris esset.* Ubi hæc à tribuno relata sunt, Poppæa et Tigellino coram, quod erat sævienti principi intimum consiliorum, interrogat, an Seneca voluntariam mortem pararet? Tum tribunus nulla pavoris signa, nihil triste in verbis ejus aut vultu deprehensum confirmavit. Ergo regredi, et indicere mortem jubetur. Tradit Fabius Rusticus, non eo quo venerat itinere reditum, sed flexisse ad Fenium præfectum, et

* Unus ex conjuratis in Neronem, et Pisoni conjurationis principem conjunctissimus.

expositis

expositis Caesaris jussis, an obtemperaret interrogavisse :
 monitumque ab eo, ut exsequeretur, fatali omnium ignavia.
 Nam et Silvanus inter conjuratos erat, augebátque scelera
 in quorum ultionem consenserat, Voci tamen et aspectui
 pepercit. Intromisitque ad Senecam unum ex centurio-
 nibus, qui necessitatem ultimam denuntiaret. Ille interritus
 poscit testamenti tabulas : ac denegante centurione, con-
 versus ad amicos, *quando meritis eorum referre gratiam pro-*
hiberetur, quod unum jam tamen et vulcherrimum habebat, ima-
ginem vitæ suæ relinquere testatur : cujus si memores essent,
bonarum artium famam, tum constantis amicitiae laturos.
 Simul lacrymas eorum, modò fermone, modò intentior
 in modum coërcentis, ad firmitudinem revocat, rogans :
Ubi præcepta sapientiæ ? ubi tot per annos meditata ratio ad-
versam imminet ? Cui enim ignaram fuisse servitiæ Neronis ?
Neque aliud superesse post matrem fratremque interfectos, quàm
ut educatoris præceptorisque necem adjiceret. Ubi hæc atque
 talia velut in commune differuit, complectitur uxorem. Et
 paulum adversus præsentem fortitudinem mollitus, rogat
 orátque temperaret dolori, ne æternum susceperet, sed in
 contemplatione vitæ per virtutem actæ, desiderium mariti
 solatis honestis toleraret. Illa contrà, sibi quoque desti-
 natam mortem adseverat, manumque percussoris expofcit.
 Tum Seneca gloriæ ejus non adversus, simul amore, ne sibi
 unice delectam ad injurias relinqueret : *Vitæ, inquit, delimi-*
menta monstraveram tibi, tu mortis decus majoris. Non inuidebo
exemplo. Sit hujus tam fortis exitus constantia penes utrosque
par, claritudinis plus in tuo fine. Post quæ, eodem icu
 brachia ferro exsolvant. Seneca, quoniam senile corpus et
 parvo

parvo victu tenuatum, lenta effugia sanguini præbebat, crurum quoque et poplitum venas abruptis. Sævisque cruciatibus defessus, ne dolore suo animum uxoris infringeret, atque ipse visendo ejus tormenta, ad impatientiam delaberetur, suadet in aliud cubiculum abscederet. Et novissimo quoque momento suppeditante eloquentiâ, advocatis frangit toribus, plerâque tradidit, quæ in vulgus edita ejus verbis, invertere supersedeo. At Nero, nullo in Paulinam, proprio odio, ac ne glisceret invidia crudelitatis, inhiberi mortem imperat. Hortantibus militibus, servi libertique obligant brachia, premunt sanguinem, incertum an ignaram. Nam ut est vulgus ad deteriora promptum, non desunt qui crederent, donec, implacabilem Neronem timerit, famam sociatæ cum marito mortis petivisse; deinde oblata mitiore spe, blandimentis vitæ evictam. Cui addidit paucos postea annos, laudabili in maritum memoriâ, et ore ac membris in eum pallorem albescentibus, ut ostentus esset, multum vitalis spiritus egestum. Seneca interim durante ætate, et lentitudine mortis, Statium Antagnum diu sibi amicitie fide et arte medicinæ probatum, orat provisum præidem venenum, quo damnati publico Atheniensium iudicio exstinguerentur, promeret: allatumque hausit frustra, frigidis jam artibus et clauso corpore adversum vim veneni. Postremo stagnum calidæ aquæ introiit, respergens proximis servorum, additâ voce, *Libere se liquorem illum* JUVEN. *ANTAGONISTI*. Exin balneo illatus, et vapore ejus examinatus, sine ullo funere solenni crematur.

EX HIST. LIB. I.

GALBA.

GALBÆ corpus diu neglectum, et licentiâ tenebrarum plurimis ludibriis vexatum, dispensator Argius, è prioribus servis, humili sepulturâ in privatis ejus hortis contextit. Hunc exitum habuit Ser. Galba tribus et septuaginta annis. Quinque principes prosperâ fortunâ emensis, et alieno imperio felicior, quàm suo. Vetus in familiâ nobilitas, magnæ opes. Ipsi medium ingenium, magis extra vitia quàm cum virtutibus. Famæ nec incuriosus, nec venditor. Pecuniæ alienæ non appetens, suæ parvus, publicæ avarus. Constat potuisse conciliari animos quantuscumque parci senis liberalitate. Nocuit antiquus rigor et nimis severitas, cui jam pares non sumus. Amicorum libertorumque, ubi in bonos incidisset, sinè reprehensione patiens : si mali forent, usque ad culpam ignarus. Sed claritas natalium, et metus temporum obtentui, ut quod segnitia erat, sapientia vocaretur. Dum vigeat ætas, militari laude apud Germanias floruit : proconsul Africam moderatè ; jam senior, citeriorem Hispaniam pari justitiâ continuit ; major privato visus, dum privatus fuit, et omnium consensu capax imperii, nisi imperasset.

Ex

Ex Præfat. in Vit. AGRICOLÆ.

DEDIMUS profectò grande patientiæ documentum; et sicut vetus ætas vidit, quid ultimum in libertate esset, ita nos quid in servitute, adempto per inquisitiones et loquendi audiendique commercio. Memoriam quoque ipsam cum voce perdidissemus, si tam in nostra potestate esset oblivisci quàm tacere. Nunc demum redit animus; et quamquam primo statim beatissimi sæculi ortu Nerva Cæsar res olim dissociabiles miscuerit, principatum ac libertatem, augeátque quotidie facilitatem imperii Nerva Trajanus; nec spem modò ac votum securitas publica, sed ipsius voti fiduciam, ac robur assumpserit: naturâ tamen infirmitatis humanæ, tradiora sunt remedia quàm mala. Et ut corpora lentè augeantur, citò exstinguuntur; sic ingenia studiâque oppresseris faciliùs, quàm revocaveris. Subit quippe etiam ipsius inertię dulcedo: et invisâ primò desidia, postremò amatur.



Ex Vitâ JULI AGRICOLÆ.

CNÆO Julio Agricolæ pater Julius Gracianus senatorii ordinis, studio eloquentiæ sapientiæque notus, iisque virtutibus iram Caii Cæsaris meritis. Mater Julia Procilla fuit, raræ castitatis. In hujus sinu indulgentiæque educatus, per omnem honestarum artium cultum pueritiam adolescentiâque

scientiamque transegit. Arcebat eum ab illecebris peccantium præter ipsius bonam integramque naturam, quod statim parvulus sedem ac magistrum studiorum Massiliam habuerat, locum Græcæ comitate et provinciali parcimoniâ mistum; ac bene compositum.

Prima castrorum rudimenta in Britannia Suetonio Paullino diligenti ac moderato duci approbavit, electus, quem contubernio æstimaret. Nec Agricola licenter more juvenum, qui militiam in lasciviam vertunt, neque segniter ad voluptates et commeatus, titulum tribunatus et inscitiam retulit: sed noscere provinciam, nosci exercitui, discere à peritis, sequi optimos, nihil appetere ob jactationem, nihil ob formidinem recusare, simulque anxius et intentus agere. Non sanè alias exercitatio, magisque in ambiguo Britannia fuit. Trucidati veterani, incensæ coloniæ, intercepti exercitus. Tum de salute, mox de victoria certavere. Quæ cuncta et si consiliis ductuque alterius agebantur, ac summa rerum et recipere provincie gloria in ducem cessit; artem et usum et stimulos addidere juveni: intravitque animum militaris gloriæ cupido, ingrata temporibus, quibus sinistra erga eminentes interpretatio, nec minus periculum ex magnâ famâ quàm ex malâ.

Hinc ad capeffendos magistratus in urbem digressus. Sors quaesturæ provinciam Asiam, proconsulem Salvium Titianum dedit. Quorum neutro corruptus est: quamquam et provincia dives ac parata peccantibus, et proconsul in omnem aviditatem pronus, quantalibet facilitate redempturus esset mutuam dissimulationem mali. Vespasianus postea provincie eum Aquitanie præposuit, splendidæ in primis dignitatis administratione, ac spe consu-

P p

latûs

latūs cui destinaret. Agricola naturali prudentiā, facili justēque agebat. Jam verò tempora curarum remissionūque divisa. Ubi conventus ac iudicia poscerent; gravis, intentus, severus, et sapius misericors: ubi officio satisfactum, nulla ultrā potestatis persona. Tristitiam, et arrogantiam, et avaritiam exuerat: nec illi, quod est rarissimum, aut facilitas auctoritatem, aut severitas amorem deminuit. Apud quosdam acerbior in conviciis narrabatur, ut bonis commū, ita adversus malos injucundus. Ceterū ex iracundiā nihil supererat: secretum et silentium ejus non timeres. Honestius putabat offendere, quam odisse. Integritatem atque abstinentiam in tanto viro referre, injuria virtutum fuerit. Ne famam quidem, cui etiam sæpe boni indulgent, ostentandā virtute, aut per artem quæsit. Minus triennium in eā legatione detentus, ac statim ad spem consulatus revocatus est, comitante opinione Britanniam ei provinciam dari, nullis in hoc suis sermonibus, sed quia par videbatur. Fausd semper errat fama, aliquando et eligit; statim Britanniae præpositus est.

*Post res egregiè in BRITANNIA gestas, AGRICOLÆ
ad ROMAM reditus, ibidēque mors.*

TRadiderat interim Agricola successori suo provinciam quietam tutamque. Ac ne notabilis celebritate et frequentia occurrentium introitus esset, vitato amicorum officio, noctu in urbem, noctu in palatium, ita ut præceptum erat, venit: exceptusque brevi osculo et nullo sermone, turbae servientium immixtus est. Ceterū ut militare nomen,
grave

grave inter otiosos, aliis virtutibus temperaret, tranquillitatem atque otium penitus auxit, cultu modicus, sermone facilis, uno aut altero amicorum comitatus : adeò ut plerique, quibus magnos viros per ambitionem æstimare mos est, viso aspectoque Agricolæ, quærerent famam, pauci interpretarentur. Crebrò per eos dies apud Domitianum absens accusatus, absens absolutus est. Causa periculi non crimen ullum, aut querela læsi cuiusquam, sed insensus virtutibus princeps, et gloria viri, ac pessimum inimicorum genus, laudantes. Et ea insculta sunt reipublicæ tempora, quæ fieri Agricolam non finerent. Cùm in Mæsiâ Daciæque, et Germaniâ Pannoniæque damna damnis continuarentur, atque omnis annus funeribus et cladibus insigniretur, poscebatur ore vulgi dux Agricola : comparantibus cunctis vigorem, constantiam, et expertum bellis animum, cum inertia et formidine aliorum. Quibus sermonibus satis constat Domitiani quoque aures verberatas, dum optimus quisque libertorum amore et fide, pessimi malignitate et livore, pronum deterioribus principem exstimulabant. Sic Agricola simul suis virtutibus, simul vitiis aliorum, in ipsam gloriam præceps agebatur.

Aderat jam annus quo proconsulatum Asiæ et Africæ sortiretur. Accessere quidam cogitationum principis periti, qui iturûsne esset in provinciam, ultrò Agricolam interrogarent. Ac primò occultius quietem et otium laudare, mox operam suam in approbandâ excusatione offerre : postremò non jam obscuri, suadentes simul terrentesque, pertraxere ad Domitianum. Qui paratus simulatione, in arrogantiam compositus, et audiit preces excusantis, et cùm annuisset,

agi sibi gratias passus est: nec erubuit beneficiis ~~invidiis~~. Salarium tamen proconsulari solitum offerri, et quibusdam a seipso concessum, Agricola non dedit: five offensas non petiit, five ex conscientia, ne, quod vetuerat, videretur emisse. Proprium humani ingenii est, odisse quæ læsæ. Domitiani verò natura præceps in iram, et quò obscurior eo irrevocabilius, moderatione tamen prudentiaque Agricola leniebatur. Quia non contumacia, neque inani iactatione libertatis, famam fatumque provocabat. Sciant quibus moris illicita mirari, posse etiam sub malis principibus magnos viros esse: * obsequiumque ac modestiam, si industria ac vigor adsint, eo laudis excedere, quò plerique per abrupta, sed in nullum reipublicæ usum, ambitiosâ morte inclaruerunt.

Finis vitæ ejus nobis luctuosus, amicis tristis, extraneis etiam ignotisque non sine curâ fuit. Nec quisquam audita morte Agricola, aut lætatus est, aut statim oblitus est. Augebat miserationem constans rumor, veneno interceptum. Nobis nihil comperti affirmare ausim. Ceterum per omnem valetudinem ejus, crebrius quàm ex more principis per nuntios visentis, et libertorum primi, et medicorum intimi venire: five cura illud, five inquisitio erat. Supremo quidem die momenta deficientis per dispositos cursores nuntiata constabat, nullo credente sic accelerari, quæ tristis audiret. Speciem tamen doloris animo vultuque præ se tulit, securus jam odii, et qui facilius dissimularet gaudium quàm metum. Satis constabat lecto testamento

* Sic in Annal. IV. *Est aliquid in nostris consiliis, licetque inter abruptam contumaciam, et deformè obsequium, pergere iter ambitione ac periculis vacuum.*

Agricola,

Agricola, quo cohæredem optimæ uxori et piissimæ filiae Domitianum scripsit, lætatum eum, velut honore judicioque : tam cæca et corrupta mens assiduis adulationibus erat, ut nesciret à bono patre non scribi hæredem, nisi malum principem.

Quod si habitum quoque ejus posteri noscere velint, deestior quàm sublimior fuit. Nihil metus in vultu : gratia oris supererat. Bonum virum faciliè crederes, magnum libenter. Et ipse quidem, quamquam medio in spatio integre ætatis ereptus, quantum ad gloriam longissimum ævum peregit. Quippe et vera bona, quæ in virtutibus sita sunt, impleverat, et Consularibus ac Triumphalibus ornamentis prædito, quid aliud adstruere fortuna poterat? Opibus nimis non gaudebat, speciosæ contigerant. Filiâ atque uxore superstitibus, potest videri etiam beatus, incolumi dignitate, florente famâ, salvis affinitatibus et amicitiiis futura effugisse. Nam sicuti durare in hac beatissimi sæculi luce, ac principem Trajanum videre, augurio votisque apud nostras aures omnibatur : ita festinatae mortis grande solatium tulit, evasisse postremum illud tempus, quo Domitianus non jam per intervalla ac spiramenta temporum, sed continuo et velut uno ictu rempublicam exhaustit. Non vidit Agricola obsessam curiam, et clausum armis senatum, et eadem strage tot consularium cædes, tot nobilissimarum feminarum exilia et fugas. Mox nostræ duxere Helvidium in carcerem manus : nos Maurici, Rusticique visus, nos innocenti sanguine Senecio perfudit. Nero tamen subtraxit oculos, jussitque scelera, non spectavit. Præcipua sub Domitiano miseriarum pars erat, videre et aspici : cùm suspiria nostra

nostra subscriberentur : cùm denotandis tot hominum pal-
loribus sufficeret severus ille vultus et rubor, à quo se contra
pudorem muniebat.

Tu verò felix Agricola non vitæ tantùm claritate, sed
etiam opportunitate mortis. Ut perhibent qui interfuerunt
novissimis sermonibus tuis, constans et libens fatum exce-
pisti, tamquam pro virili portione innocentiam principi
donares. Sed mihi filiaëque præter acerbitem parentis
erepti, augeat moestitiam, quòd affidere valetudini, fovere
deficientem, satiari vultu, complexu, non contigit. Exce-
pisssem certè mandata vocësque, quas penitè animo figeremus.
Noster hic dolor, nostrum vulnus : nobis tam longæ absentiæ
conditione ante quadriennium amissus es. Omnia sine dubio,
optime parentum, affidente amantissimâ uxore, superfuere
honoris tuo : paucioribus tamen lacrymis compositus es, et
novissimâ in luce desiderare aliquid oculi tui.

Si quis piorum manibus locus, si, ut sapientibus placet,
non cum corpore exstinguuntur magnæ animæ ; placidè
quiescas, nòsque domum tuam ab infirmo desiderio, et mulie-
ribus lamentis ad contemplationem virtutum tuarum voces,
quas neque lugeri, neque plangi fas est : admiratione te
potiùs quàm temporalibus laudibus, et si natura suppeditet,
imitatione decoremus. Is verus honos, ea conjunctissim;
cujusque pietas. Id filiaë quoque uxorique præceperim,
sic patris, sic mariti memoriam venerari, ut omnia facta
dictaque ejus secum revolvant, famamque ac figuram animi
magis quàm corporis complectantur. Non quia interceden-
dum putem imaginibus, quæ marmore aut ære finguntur :
sed ut vultus hominum, ita simulacræ vultus imbecilla
ac


ac mortalia sunt, forma mentis æterna: quàm tenere et exprimere non per alienam materiam et artem, sed tuis ipse moribus possis. Quidquid ex Agricolâ amavimus, quidquid mirati sumus, manet, mansurúmque est in animis hominum, in æternitate temporum, famâ rerum. Nam multos veterum velut inglorios et ignobiles oblivio obruet, Agricola posteritati narratus et traditus, superstes erit.



EPISTOLÆ

EX

CICERONE.



ARGUMENTUM EPIST. III. LIB. I. ad FAM.

Commendat A. Trebonium, amicum suum, splendidum equitem Romanum.

M. T. C. P. LENTULO PROCOS. S. D.

AULO Trebonio, qui in tuâ provinciâ magna negotia, et ampla, et expedita habet, multos annos utor valde familiariter. Is cùm antea semper et suo splendore, et nostra cæterorûmque amicorum commendatione gratissimus

Qq

in

in provincia fuit ; tum hoc tempore propter tuam in me amorem, nostramque necessitudinem vehementer confide his meis literis se apud te gratiosum fore : quæ ne spes eum fallat vehementer rogo te : commendoque tibi ejus omnia negotia, liberos, procuratores, familiam : in primisque ut quæ T. Ampius de ejus re decreverit ea comprobēs, omnibûsque rebus eum ita tractes, ut intelligat meam commendationem non vulgarem fuisse. Vale.

ARGUMENTUM EPIST. V. LIB. II. ad F A M.

Gratulatur Curioni, quod et Romæ non sit, ubi multa contra rempublicam committuntur ; et ibi sit, ubi ex reſte factis magnam laudem consequatur. Postremò eum ad suscipiendam rempublicam hortatur.

M. T. C. C. CURIONI S. P. D.

HÆC negotia quomodo se habeant, ne epistolâ quidem narrare audeo. Tibi, etsi ubicunque es, ut scripsi ad te antea, in eadem es navi, tamen quodd abes gratulor : vel quia non vides ea quæ nos : vel quodd excelsio et illustri loco sita sit laus tua, in plurimorum et sociorum et civium conspectu : quæ ad nos nec obscuro nec vario sermone, sed et clarissimâ et unâ omnium voce perfertur. Unum illud neſeio gratulérne tibi, an timeam, quodd mirabilis est expectatio redditûs tui : non quodd verear, ne tua virtus opinionî hominum non respondeat : sed, mehercule, ne cum veneris, non habeas jam quod cures : ita sunt omnia debilitata jam
prope

propè et extincta. Sed hæc ipsa nescio rectène sint literis commissa : quare cætera cognosces ex aliis. Tu tamen, sive habes aliquam spem de republicâ sive desperas, ea para, meditare, cogita, quæ esse in eo civi ac viro debent, qui sit rempublicam afflictam et oppressam miseris temporibus ac perditis moribus, in veterem dignitatem ac libertatem vindicaturus.

ARGUMENTUM EPIST. VI. LIB. II. ad F A M.

Commendat summo studio T. Annium Milonem ad petitionem consulatus. Et, ut impetret quod vult, nihil omittit, quod in genere commendatio requiri possit.

M. T. C. C. CURIONI S. P. D.

Nondum erat auditum te ad Italiam adventare, cùm Sextum Villium, Milonis mei familiarem, cum his ad te literis misi. Sed tamen cùm appropinquare tuus adventus putaretur, et te jam ex Asia Romam versùs profectum esse constaret, magnitudo rei fecit ut non vereremur, ne nimis citò mitteremus, cùm has quamprimùm ad te perferri literas magnopere vellemus. Ego si mea in te essent officia solùm, Curio, tanta, quanta magis à teipso prædicari quàm à me ponderari solent, verecundiùs à te si qua magna res mihi petenda esset, contenderem. Grave est enim hominì pudenti, petere aliquid magnum ab eo, de quo se bene meritum putet ; ne id quod petat exigere magis quàm rogare, et in mercedis potiùs quàm beneficii loco numerare videatur. Sed quia tua in me vel nota omnibus, vel ipsa

Q q 2

novitate

novitate meorum temporum clarissima et maxima beneficia
 exstiterunt; estque animi ingenui, cui multum debeas ei-
 dem plurimum velle debere: non dubitavi id à te per literas
 petere, quod mihi omnium esset maximum, maximeque ne-
 cessarium. Neque enim sum veritus, ne sustinere tua in me
 vel innumerabilia beneficia non possem: cum præsertim con-
 siderem, nullam esse gratiam quam non vel capere animus
 meus in accipiendo, vel in remunerando cumulare atque
 illustrare posset. Ego omnia mea studia, omnem operam,
 curam, industriam, cogitationem, mentem denique omnem
 in Milonis consulatu fixi, et locavi: statuique in eo me non
 officii solum fructum, sed etiam pietatis laudem debere
 querere. Neque verò cuiquam salutem ac fortunas suas
 tantæ curæ fuisse unquam puto, quantæ mihi sit honoris ejus,
 in quo omnia mea posita esse decrevi. Huic te unum tanto
 adjumento esse, si volueris, posse intelligo, ut nihil sit
 præterea nobis requirendum. Habemus hæc omnia: bo-
 norum studium conciliatum ex tribunatu, propter nostram,
 ut spero te intelligere, causam: vulgi ac multitudinis,
 propter magnificentiam munerum, liberalitatemque naturæ:
 juventutis et gratiosorum in suffragiis studia propter ipsius
 excellentem in eo genere vel gratiam, vel diligentiam: no-
 stram suffragationem, si minùs potentem, at probatam
 tamen, et justam et debitam, et propterea fortasse etiam gratio-
 sam. Dux nobis et auctor opus est, et eorum ventorum,
 quos proposui, moderator quidam et quasi gubernator: qui
 si ex omnibus unus optandus esset, quem tecum conferre
 possemus non haberemus. Quamobrem, si me memorem,
 si gratum, si bonum virum, vel ex hoc ipso quòd tam vehe-
 menter

menter de Milone laborem, existimare potes; si dignum denique tuis beneficiis judicas: hoc à te peto, ut subvenias huic meæ sollicitudini, ut huic meæ laudi, vel, ut verius dicam, propè salutem tuum studium dices. De ipso T. Annio tantum tibi polliceor, te majoris animi, gravitatis, constantiæ benevolentiaëque erga te, si complecti hominem volueris, habiturum esse neminem. Mihi verò tantum decoris, tantum dignitatis adjunxeris, ut eundem te facile agnoscam fuisse in laude meâ, qui fueris in salute. Ego, nã te videre scirem, cum ad te hæc scriberem, quantum officij sustinerem, quantopere mihi esset in hac petitione Milonis omni non modò contentione sed etiam dimicatione elaborandum, plura scriberem. Nunc tibi omnem rem atque causam, meque totum commendo atque trado. Unum hoc sic habeto: si à te hanc rem impetraro, me pænè plus tibi quàm ipsi Miloni debitum. Non enim mihi tam mea salus cara fuit, in qua præcipua sum ab illo adjutus, quàm pietas erit in referendâ gratiâ jucunda. Eam autem unius tui studio me assequi posse confido. Vale.

ARGUMENTUM EPIST. VII. LIB. II. ad F A M.

Hanc scripsit in Cilicia, cum esset proconsul. Gratulatur Curioni, de tribunatu plebis. Hortatur ad boni civis officium. De sacerdotio Curionis quiddam interserit. Postremò rogat, ne quid sibi temporis prorogari ad provinciæ administrationem petatur.

M. T. C. PROCONSUL. C. CURIONI, TRIBUNO
PL. S. D.

SERA gratulatio reprehendi non solet, præsertim si nullâ negligentia prætermissa est. Longè enim absum : audio serò. Sed tibi et gratulor, et ut sempiternæ laudi tibi sit iste tribunatus exopto : tēque hortor ut omnia gubernes et moderere prudentiâ tuâ, ne te auferant aliorum consilia. Nemo est qui tibi sapientiùs suadere possit teipso ; numquam labère, si te audies. Non scribo hoc temerè : cui scribam, video : novi animum, novi consilium tuum. Non vereor nequid timidè, neque stultè facias, si ea defendes quæ ipse recta esse senties. Quòd in id reipublicæ tempus non incideris, sed veneris, (iudicio enim tuo, non casu in ipsam discrimen rerum contulisti tribunatum tuum) profectò vides quanta vis in republicâ temporum sit, quanta varietas rerum, quàm incerti exitus, quàm flexibiles hominum voluntates : quid insidiarum, quid vanitatis in vita, non dubito quin cogites. Sed, amabo te, cura et cogita nihil novi, sed illud idem quod initio scripsi ; tecum loquere et te adhibe in consilium, te audi, tibi obtempera. Alteri qui melius dare consilium possit quàm tu, non faciliè inveniri potest : tibi verò ipsi certè nemo melius dabit. Dii immortales, cur ego non adsum vel spectator laudum tuarum, vel particeps, vel socius, vel minister consiliorum ? jam etsi hoc minimè tibi deest, sed tamen efficeret magnitudo et vis amoris mei consilio te ut possem juvare. Scribam ad te plura aliàs. Paucis enim diebus eram missurus domesticos tabellarios :

tabellarios : ut, quoniam sanè feliciter et ex mea sententia rempublicam gessimus, unis literis totius æstatis res gestas ad senatum perscriberem. De sacerdotio tuo quantam curam adhibuerim, quanquam difficili in re atque causa, cognosces ex iis literis quas Tharasoni, liberto tuo, dedi. Te, mi Curio, pro tua incredibili in me benevolentia, meaque item in te singulari, rogo atque oro, ne patiari quidquam mihi ad hanc provincialem molestiam temporis prorogari. Præsens tecum egi, cum te tribunum plebis isto anno fore non putarem ; itemque petivi sæpius per literas : sed tum quasi à senatore nobilissimo, tum adolescente gratiosissimo : nunc à tribuno plebis, et à Curione tribuno : non ut decernatur aliquid novi ; quod solet esse difficilius : sed ut ne quid novi decernatur : et ut senatusconsultum et leges defendas : eaque mihi conditio maneat, quâ profectus sum. Hoc te vehementer etiam atque etiam rogo. Vale.

ARGUMENTUM EPIST. VIII. LIB. II. ad F A M.

Leviter Coelium objurgat, qui commentarium misisset refertum levissimis rebus. Tum hortatur ad amicitiam Pompeii, emergente jam belli civilis initio. Addit de suo in provinciam itinere. In extremo, ne sibi provinciæ tempus prorogetur.

M. T. C. PROCONSUL M. CÆLIO S. D.

QUID ? tu me hoc tibi mandasse existimas, ut mihi gladiatorum compositiones, ut vadimonia dilata, et Chrestis compilationem mitteres, et ea quæ nobis cum Romæ sumus, narrare nemo audeat ? Vide quantum tibi meo iudicio

dicio tribuam, nec mehercule injuriâ: *πολιτικώτερον* enim te adhuc neminem cognovi. Ne illa quidem euro mihi scribas, quæ maximis in rebus reipublicæ geruntur quotidie, nisi quid ad me ipsum pertinebit. Scribent alii: multi nuntiabunt. Perferet multa etiam ipse rumor. Quare ego nec præterita nec præsentia abs te, sed ut ab homine longè in posterum prospiciente, futura expecto; ut ex tuis literis cùm formam reipublicæ viderim, quale ædificium futurum sit scire possim. Neque tamen adhuc habeo quod te accusem; neque enim fuit quod tu plus providere posses quàm quivis nostrum, in primisque ego, qui cum Pompeio complures dies nullis in aliis nisi de republica sermonibus versatus sum: quæ nec possunt scribi, nec scribenda sunt. Tantùm habeto, civem egregium esse Pompeium, et ad omnia quæ providenda sunt in republicâ, et animo et consilio paratum. Quare da te homini. Complectetur te, mihi crede. Jam eidem illi et boni et mali cives videntur qui nobis videri solent. Ego cùm Athenis decem ipsos dies fuisssem, multùmque mecum Gallus noster Caninius, proficiscebar inde prid. Nonas Quint. cùm hoc ad te litterarum dedi. Tibi cùm omnia mea commendatissima esse cupio, tum nihil magis quàm ne tempus nobis provincie prorogetur. In eo mihi sunt omnia. Quod quando et quomodo, et per quos agendum sit, tu optimè constitui. Vale.

ARGU-

ARGUMENTUM EPIST. V. LIB. IV. ad FAM.

Cum Cæsar bellum gereret in Hispania contra Pompeii liberos, periit Tullia ex partu, Ciceronis filia, jam à Dolabellâ dimissa. Consolatur Ciceronem Sulpicius, argumentis ad tollendum dolor em undecunque collectis. De Sulpicio sic Quint. lib. IX. Ser. Sulpicius insignem non immeritò famam tribus orationibus meruit.

SER. SULPICIUS M. T. CICERONI S.D.

POSTEAQUAM mihi renuntiatum est de obitu Tulliaë, filiaë tuæ, sanè quàm pro eo ac debui graviter molestèque tuli, communèmq; eam calamitatem existimavi. Qui si istic affuissem, neque tibi defuissem, coràmque meum dolorem tibi declarassem. Etsi genus hoc consolationis miserum atque acerbum est (propterea quia per quos ea confieri debet, propinquos ac familiares, ipsi pari molestiâ afficiuntur, neque sine lacrymis multis id conari possunt; uti magis ipsi videantur aliorum consolatione indigere, quàm aliis posse suum officium præstare) tamen quæ in præsentia in mentem mihi venerunt, decrevi brevi ad te perscribere; non quòd ea te fugere existimem, sed quòd forsitan dolore impeditus minùs ea perspicias.

Quid est, quòd tanto opere te commoveat tuus dolor intestinus? cogita quemadmodum adhuc fortuna nobiscum egerit; ea nobis erepta esse, quæ hominibus non minùs quàm liberi cara esse debent, patriam, honestatem, dignitatem, honores omnes. Hoc uno incommodo addito, quid

R r

ad

ad dolorem adjungi potuit? aut qui non in illis rebus exercitatus animus callere jam debet, atque omnia minoris existimare? At illius vicem, credo, doles. Quoties in eam cogitationem necesse est et tu veneris, et nos sæpe incidimus hîc temporibus, non pessimè cum illis esse actum, quibus sine dolore licitum est mortem cum vitâ commutare? Quid autem fuit, quod illam hoc tempore ad vivendum magnopere invitare posset? quæ res? quæ spes? quod animi solatium? Ut cum aliquo adolescente primario cuncta ætatem gereret? Licitum est tibi, credo, pro tua dignitate ex hac juventute generum diligere, cujus fidei liberos tuos te tutò committere putares. An ut ea liberos ex sese pareret: quos cum florentes videret, lætaretur? qui rem à parente traditam per se tenere possent? honores ordinatim petitura essent in republica? in amicorum negotiis libertate sua uti? Quid horum fuit, quod non prius quam datum est ademptum sit? At verò malum est liberos amittere. Malum, nisi hoc pejus sit hæc sufferre et perpeti.

Quæ res mihi non mediocrem consolationem attulit, volo tibi commemorare, si fortè eadem res tibi minuere dolorem possit. Ex Asia rediens, cum ab Ægina Megaram versum navigarem, coepi regiones circumcirca prospicere. Post me erat Ægina, antè Megara, dextrà Piræus, sinistrà Corinthus: quæ oppida quodam tempore florentissima fuerunt, nunc prostrata et diruta ante oculos jacent. Coepi egomet mecum sic cogitare: Hem, nos homunculi indignamur, si quis nostrum interiit, aut occisus est, quorum vitâ brevior esse debet, cum uno loco tot oppidorum cadavera projecta jacerent? Visne tu te, Servi, cohibere, et meminisse hominem

nem te esse natum? Crede mihi, cogitatione eâ non mediocriter sum confirmatus. Hoc idem, si tibi videtur, fas ante oculos tibi proponas. Modò uno tempore tot viri clarissimi interierunt: de imperio præterea tanta diminutio facta est: omnes provinciæ conquassatæ sunt. In unius mulierculæ animulâ si jactura facta est, tanto opere commoveris? quæ si hoc tempore non diem suum obisset, paucis post annis tamen ei moriendum fuit: quoniam homo nata fuerat.

Etiam tu ab hisce rebus animum ac cogitationem tuam avoca, atque ea potiùs reminiscere quæ digna tuâ personâ sunt: illam, quamdiu fuerit opus ei, vixisse; unâ cum republicâ fuisse; te patrem suum, prætorem, consulem, augurem vidisse; adolescentibus primariis nuptam fuisse; omnibus bonis propè perfunctam esse; cum republica occideret, vitâ excessisse. Quid est quod tu, aut illa, cum fortunâ hoc nomine queri possitis?

Denique noli te oblivisci Ciceronem esse, et eum qui aliis consueris præcipere et dare consilium: neque imitare malos medicos, qui in alienis morbis profitentur tenere se medicinæ scientiam, ipsi se curare non possunt: sed potiùs, quæ aliis tute præcipere soles, ea tute tibi subijce, atque apud animum propone. Nullus dolor est quem non longinquitas temporis minuat ac molliat. Hoc te expectare tempus, tibi turpe est, ac non ei rei sapientiâ tuâ te occurrere.

Quod si qui etiam inferis sensus est, qui illius in te amor fuit, pietasque in omnes suos, hoc certè illa te facere non vult. Da hoc illi mortuæ, da cæteris amicis ac familiaribus,

qui tuo dolore mœrent : da patriæ, ut si quâ in re opus sit, operâ et consilio tuo uti possit.

Denique, quoniam in eam fortunam devenimus, ut etiam huic rei nobis serviendum sit : noli committere, ut quicumque te putet non tam filiam, quàm reipublicæ tempora et aliorum victoriam lugere.

Plura me ad te de hac re scribere pudet, ne videar prudentiæ tuæ diffidere. Quare, si hoc unum proposuero, finem faciam scribendi. Vidimus aliquoties secundam pulcherrimè te ferre fortunam, magnamque ex eâ re te laudem adipisci : fac aliquando intelligamus, adversam quoque te æquè ferre posse, neque id majus, quàm debeat, tibionus videri : ne ex omnibus virtutibus hæc una tibi videatur deesse. Quod ad me attinet, cùm te tranquillior animo esse cognôro, de iis rebus quæ hîc geruntur quemadmodumque se provincia habeat, certior faciam. Vale.

ARGUMENTUM EPIST. VI. LIB. IV. ad FAM.

Ad Servii consolationem respondet, suum dolorem, lectis illius literis, aliqua ex parte lenitum; sed dolendi causas apud se et plures, et graviores esse, quàm apud quemvis alium in simili calamitate.

M. T. C. SER. SULPICIO S. D.

EGO verò, Servi, vellem, ut scribis, in meo gravissimo casu affuisses. Quantum enim præsens me adjuvare potueris et consolando, et propè æquè dolendo, facili ex eo intelligo, quòd literis lectis aliquantulum acquievi. Nam
et

et ea scripsisti, quæ levare luctum possent; et in me consolando non mediocrem ipse animi dolorem adhibuisti. Servius tamen tuus omnibus officiis, quæ illi tempori tribui potuerunt, declaravit et quanti ipse me faceret, et quam suam talem erga me animum tibi gratum putaret fore: cujus officia jucundiora scilicet sæpe mihi fuerint, nunquam tamen gratiora. Me autem non oratio tua solum et societas pæne, ægritudinis, sed etiam auctoritas consolatur. Turpe enim esse existimo, me non ita ferre casum meum ut tu, tali sapientiâ præditus, ferendum putas.

Sed opprimor interdum, et vix resisto dolori, quod ea me solatia deficiunt, quæ cæteris, quorum mihi exempla propono, simili in fortuna non defuerunt. Nam et Q. Maximus, qui filium consularem, clarum virum et magnis rebus gestis amisit; et L. Paulus, qui duo septem diebus, et vester Gallus, et M. Cato, qui summo ingenio, summa virtute filium perdidit; iis temporibus fuerunt, ut eorum luctum ipsorum dignitas consolaretur ea, quam ex republica consequerantur. Mihi autem, amissis ornamentis iis quæ ipse commemoras, quæque eram maximis laboribus adeptus, unum manebat illud solatium, quod ereptum est. Non amicorum negotiis, non reipublicæ procuracione impediabantur cogitationes meæ: nihil in foro agere libebat adspicere curiam non poteram: existimabam, id quod erat, omnes me et industriæ meæ fructus et fortunæ perdidisse. Sed, cum cogitarem, hæc mihi tecum et cum quibusdam esse communia; et cum frangerem jam ipse me, cogerémque illa ferre toleranter, habebam quo confugerem, ubi conquiescerem, cujus in sermone et suavitate omnes curas dolorisque deponerem.

deponerem. Nunc autem hoc tam gravi vulnere, etiam illa, quæ conſanuiſſe videbantur, recrudescunt. Non enim, ut tum me à republicâ mœſtum domus excipiebat, quæ levaret; ſic nunc domo mœrens ad rempublicam confugere poſſum, ut in ejus bonis acquieſcam: itaque et domo abſum et ſitro; quòd nec eum dolorem, quem à republicâ capio, domus jam conſolari poteſt, nec domeſticum reſpublica. Quò magis te exſpecto, téque videre quàm primùm cupio. Major mihi levatio afferri nulla poteſt, quàm conjunctio conſuetudinis ſermonumque noſtrorum: quanquam ſperabam tuum adventum, ſic enim audiebam, appropinquare.

Ego autem cùm multis de cauſis te exopto quamprimùm videre, tum etiam ut antè commentemur inter nos, quæ ratione nobis traducendum ſit hoc tempus: quod eſt totum ad unius voluntatem accommodandum, et prudentis, et liberalis, et, ut perſpexiſſe videor, nec à me alieni, et tibi amiciffimi. Quod cùm ita ſit, magnæ eſt tamen deliberationis, quæ ratio ſit ineunda nobis, non agendi aliquid, ſed illius conceſſu et beneficio quieſcendi. Vale.

ARGUMENTUM EPIST. VII. LIB. IV. ad F. A. M.

Suadet, ut exſulandi conſilium abjiciat, et in patriam ſuam redeat: id Cæſarem facile conceſſurum: id optare ipſius fratrem, id ipſam rempublicam: id ad rationem etiam rei familiaris pertinere.

M. T. C. M. MARCELLO S. D.

ET S I eo te adhuc conſilio uſum intelligo, ut id reprehendere non audeam (non quia ab eo ipſe diſſentiam, ſed quòd eà te ſapientià eſſe judicem, ut meum conſilium non

non anteponam tuo) tamen et amicitiae nostrae vetustas, et tua summa erga me benevolentia, quae mihi jam à pueritia tuâ cognita est, me hortata est, ut ea scriberem ad te quae et salutis tuae conducere arbitrarer, et non aliena esse ducerem à dignitate.

Ego eum te esse, qui horum malorum initia multò antè videris, consulatum magnificentissimè atque optimè gesseris, praeclare memini : sed idem etiam illa vidi, neque te consilium civilis belli ita gerendi, neque copias Cn. Pompeii, nec genus exercitus probare, semperque summè diffidere. Quà in sententiâ me quoque fuisse, memoriâ tenere te arbitrator. Itaque neque tu multum interfuisti rebus gerendis : et ego id semper egi, ne interesssem. Non enim iis rebus pugnabamus, quibus valere poteramus, consilio, auctoritate, causâ, quae erant in nobis superiora : sed lacertis et viribus, quibus pares non eramus. Victi sumus igitur : aut, si vinei dignitas non potest, fracti certè et abjecti. In quo tuum consilium nemo potest non maximè laudare, quòd cum spe vincendi simul abjecisti certandi etiam cupiditatem : ostendisti, sapientem et bonum civem initia belli civilis invitum suscipere, extrema libenter non persequi. Qui non idem consilium quod tu secuti sunt, eos video in duo genera esse distractos. Aut enim renovare bellum conati sunt, ii qui se in Africam contulerunt : aut, quemadmodum nos, victori sese crediderunt. Medium quoddam tuum consilium fuit, qui hoc fortasse humilis animi duceres, illud pertinacis. Fateor, à plerisque, vel dicam ab omnibus, sapiens tuum consilium, à multis etiam magni ac fortis animi iudicatum. Sed habet ista ratio, ut mihi quidem videtur, quendam modum :

modum : præsertim cùm tibi nihil deesse arbitrer ad tuas fortunas omnes obtinendas, præter voluntatem. Sic enim intellexi, nihil aliud esse, quod dubitationem afferret ei, penes quem est potestas, nisi quòd vereretur, ne tu illud beneficium omnino non putares. De quo quid sentiam, nihil attinet dicere : cùm appareat ipse quid fecerim. Sed tamen, si jam ita constituisses, ut abesse perpetuò malles, quàm ea quæ nolles videre ; tamen id cogitare deberes, ubicunque esses, te fore in ejus ipsius quem fugeres potestate : qui si facîle passurus esset, te carentem patriâ et fortune tuis quietè et liberè vivere ; cogitandum tibi tamen esset, Romaene et domi tuæ, cujusmodi res esset, an Mytilenis aut Rhodi malles vivere. Sed cùm ita latè pateat ejus potestas quem veremur, ut terrarum orbem complexa sit ; nōne mavis sine periculo domi tuæ esse, quàm cum periculo alienæ ? Equidem, etiam si oppetenda mors esset domi atque in patria mallet, quàm in externis atque alienis locis, * Ne verò locus tibi ullus dulcior esse debet patriâ : nec eam diligere minùs debes, quòd deformior est ; sed miseri potius, nec eam multis claris viris orbatam privare etiam aspectu tuo." Hec idem omnes qui te diligunt, sentiunt : quorum est magna, pro tuis maximis clarissimisque virtutibus, multitudo. Habemus etiam rationem rei familiaris tuæ, quàm dissipari nolumus. Nam etsi nullam potest accipere injuriam, quæ futura perpetua sit : propterea quòd neque is qui tenet rempublicam patietur, neque ipsa respublica ; tamen impetum prædonum in tuas fortunas fieri nolo.

* Ex Epistol. IX. *ejusdem libri.*

Hi autem qui essent, auderem scribere, nisi te intelligere considerem. Hæc te unius sollicitudines, unius etiam multæ et assidue lacrymæ C. Marcelli, fratris optimi, deprecantur: nos curæ et dolore proximi sumus: precibus tardiores, quod iam deundi, cum ipsi deprecatione eguerimus, non habemus. Gratia tantum possumus quantum victi. Sed tamen consilio, studio, Marcello non defuimus. * A tuis reliquis non adhibemur: ad omnia parati sumus. Vale.

ARGUMENTUM EPIST. XIII. LIB. IV. ad F A M.

Exsulantem Nigidium spe redditus consolans, suam illi operam, suumque officium pollicetur; præterea rem omnem familiarem. In extremo hortatur, ut bono animo, fortique sit in utramque partem.

M. T. C. P. NIGIDIO FIGULO S. D.

QUærenti mihi jamdudum quid ad te potissimum scriberem, non modò certa res nulla, sed ne genus quidem literarum usitatum veniebat in mentem. Unam enim partem et consuetudinem earum epistolarum, quibus secundis rebus uti solebamus, tempus eripuerat; perfecerátque fortuna, ne quid tale scribere possem, aut omnino cogitare. Relinquebatur triste quoddam et miserum, et his temporibus consentaneum genus literarum. Id quoque deficiebat me, in quo debebat esse aut promissio auxilii alicujus, aut consolatio doloris tui. Quod pollicerer, non erat: ipse enim pari

* A reliquis tuis propinquis ac necessariis non adhibemur ad consilium de tuo reditu capiendum, Manut.

fortuna abjectus, aliorum opibus casus meos sustentari; sæpiusque mihi veniebat in mentem queri quòd ita viverem, quàm gaudere, quòd viverem. Quanquam enim nulla me ipsum privatim pepulit insignis injuria; nec mihi quidquam tali tempore in mentem venit optare, quod non ultro mihi Cæsar detulerit: tamen nihilominus eis conficior curis, ut ipsum, quòd maneam in vitâ, peccare me existimam. Cæreo enim cum familiarissimis multis, quos aut mors eripuit nobis, aut distraxit fuga; tum omnibus amicis, quorum benevolentiam nobis conciliarat per me quondam, te socio, defensa respublica: versorque in eorum naufragiis et bonorum direptionibus: nec audio solum, quod ipsum esset miserum, sed etiam video, quo nihil est acerbius, eorum fortunas dissipari, quibus nos olim adiutoribus illud incendium exstinximus: et in qua urbe modò gratiâ, auctoritate, gloriâ flourimus, in ea nunc iis quidem omnibus caremus. Obtineamus ipsius Cæsaris summam erga nos humanitatem. Sed ea plus non potest, quàm vitæ et mutatio omnium rerum atque temporum. Itaque orbus iis rebus omnibus, quibus et natura me et voluntas et consuetudo affuefecerat, cum cæteris, ut quidem videor, tum mihi ipse displiceo. Natus enim ad agendum semper aliquid dignum viro, nunc non modò agendi rationem nullam habeo, sed ne cogitandi quidem: et qui antea aut obscuris hominibus, aut etiam fontibus opitulari poteram, nunc P. Nigidio, uni omnium doctissimo et sanctissimo, et maximâ quondam gratiâ, et mihi certè amicissimo, ne benignè quidem polliceri possum. Ergo hoc ereptum est literarum genus.

Reliquum

Reliquum est ut consoletur, et afferam rationes quibus te à molestiis coner abducere. At ea quidem facultas vel tui vel alterius consolandi, in te summa est, si unquam in ullo fuit. Itaque eam partem, quæ ab exquisitâ quadam ratione et doctrinâ proficiscitur, non attingam, tibi totam relinquam. Quid sit forti et sapienti homine dignum, quid gravitas, quid altitudo animi, quid acta tua vita, quid studia, quid artes, quibus à pueritiâ floruisti, à te flagitent, tu videbis. Ego quod intelligere et sentire, quia sum Romæ et quia curo attendoque, possum, id tibi affirmo, te in istis molestiis, in quibus es hoc tempore, non diutius futurum: in iis autem, in quibus etiam nos sumus, fortasse semper fore. Videor mihi perspicere primùm ipsius animum, qui plurimùm potest, propensum ad salutem tuam. Non scribo hoc temerè. Quominus familiaris sum, hoc sum ad investigandum curiosior. Quo facilius, quibus est iratior, respondere tristiùs possit, hoc est adhuc tardior ad te molestiâ liberandum: Familiares verò ejus, et ii quidem qui illi jucundissimi sunt, mirabiliter de te et loquuntur et sentiunt. Accedit eòdem vulgi voluntas, vel potiùs consensus omnium. Etiam illa, quæ minimùm nunc quidem potest, sed possit necesse est, respublica quasunque vires habebit, ab iis ipsis quibus tenetur, de te propediem, mihi crede, impetrabit.

Redeo igitur ad id, ut jam tibi etiam pollicear aliquid, quod primò omiseram: nam et complectar ejus familiarissimos, qui me admodum diligunt multùmque mecum sunt, et in ipsius consuetudinem, quam adhuc meus pudor mihi clausit, insinuabo: et certè omnes vias persequar, quibus putabo ad id, quod volumus, pervenire posse. In hoc toto

genere plura faciam, quàm scribere audeo. Cætera, quæ tibi à multis prompta esse certè scio, à me sunt paratissima. Nulli in re familiari meâ est, quod ego meum malum esse, quàm tuum. Hæc de re, et de hoc genere toto, hoc scribo parcius, quod te, id quod ipse confido, sperare malo esse usitum tuis.

Extremum illud est, ut te drem et obsecrem, animo ut maximo sis: nec ea solùm memineris, quæ ab aliis magnis viris accepisti, sed illa etiam quæ ipse ingenio studioque peperisti. Quæ si colliges, et sperabis omnia optimè, et quæ accident, qualiacunque erunt, sapienter feres. Sed hæc tu melius, vel optimè omnium. Ego quæ pertinere ad te intelligam, studiosissime omnia diligentissimeque curabo: tuarumque tristissimo meo tempore meritorum erga me memoriam conservabo. Vale.

ARGUMENTUM EPIST. XII. LIB. V ad F. A. M.

Luccium, historiarum scriptorem, rogat, ut de rebus à se in conspectu gestis separatim volumen conscribat: quod illustrius videbatur.

M. T. C. L. LUCCEIO Q. F. S. D.

CORAM me tecum eadem hæc agere sæpe conantem deterruit pudor quidam penè subrusticus, quæ nunc expromam, absens audaciùs. Epistola enim non erubescit. Ardeo cupiditate incredibile, neque, ut ego arbitror, reprehendenda, nomen ut nostrum scripseris illustretur et celebretur tuis; quod, et tibi mihi sæpe ostendis te esse facturum, tamen

tamen ignoscas velim huic festinationi meæ. Gentis enim scriptorum tuorum etsi erat semper à me vehementer expectatum, tamen vicit opinionem meam, meque ita vel cepit, vel incendit, ut cuperem quàm celerrimè res nostras monumentis commendari tuis. Neque enim me solùm commemoratio posteritatis ad spem quandam immortalitatis rapit; sed etiam illa cupiditas, vel ut auctoritate testimonii tui, vel indicio benevolentiae, vel suavitate ingenii, vivi perfruamur.

Neque tamen hæc cùm scribebam eram nescius, quantis oneribus premerere susceptarum rerum et jam institutarum: sed quia videbam Italici belli et civilis historiam jam à te pænè esse perfectam, dixeras autem mihi te reliquas res ordiri, deesse mihi nolui, quin te admonerem ut cogitares, conjunctene malles cum reliquis rebus nostra contexere, an, ut multi Græci fecerunt, (Callisthenes Troicum bellum, Timæus Pyrrhi, Polybius Numantinum; qui omnes à perpetuis suis historiis ea, quæ dixi, bella separaverunt :) tu quoque item civilem conjurationem ab hostilibus externisque bellis sejungeres. Equidem ad nostram laudem non multùm video interesse: sed ad properationem meam quiddam interest, non te expectare dum ad locum venias, ac statim causam illam totam et tempus arripere. Et simul si uno in argumentò unâque in personâ mens tua tota versabitur, cerno jam animo, quantò omnia uberiora atque ornatiora futura sint.

Neque tamen ignoro, quàm impudenter faciam, qui primum tibi tantum oneris imponam; potest enim mihi denegare occupatio tua: deinde etiam, ut ornes me, postulem.

Quid

Quid si illa tibi non tantopere videntur ornanda? Sed tamen, qui semel vergendæ fines transferit, cum bene et naviter oportet esse impudentem. Itaque te plane etiam, atque etiam rogo, ut et ornes ea vehementius etiam quam fortasse sentis, et in eo leges historiæ negligas: gratiâque illam, de qua suavissimè quodam in proœmio scripsisti, à qua te deflecti non magis potuisse demonstras, quàm Herculem Xenophon-tium illum à voluptate: ea si me tibi vehementius commenda-bit, ne aspernere: amorique nostro plusculum etiam, quàm concedet veritas, largiare.

Quòd si te adducemus ut hoc suscipias, erit, ut mihi per-suadeo, materies digna facultate et copiâ tuâ. A principio enim conjurationis usque ad reditum nostrum videtur mihi modicum quoddam corpus confici posse: in quo te illâ po-teris uti civilium commutationum scientiâ, vel in expli-candis causis rerum novarum, vel in remediis incommo-dorum; cum et reprehendes ea quæ vituperanda ducet, et quæ placebunt exponendis rationibus comprobabis, et si li-berius, ut consuesti, agendum putabis, multorum in nos perfidiam, insidias, prodicionem notabis. Multam etiam casus nostri tibi varietatem in scribendo suppeditabunt, ple-nam cujusdam voluptatis, quæ vehementer animos hominum in legendo, te scriptore, retinere possit. Nihil est enim aptius ad delectationem lectoris, quàm temporum varietates, fortunaëque vicissitudines: quæ etsi nobis optabiles in expe-riendo non fuerunt, in legendo tamen erunt jucunda. Habet enim præteriti doloris secura recordatio delectationem: Cæteris verò nullâ petfunctis propriâ molestiâ, casus autem alienos sine ullo dolore intuentibus, etiam ipsa misericordia est

est jucunda. Quém enim nostrum ille moriens apud Martinem Epaminondas non cum quadam miseratione delectat? qui tum denique sibi avelli jubet spiculum, postea quàm ei percontanti dictum est, clypeum esse salvum: ut, etiam in vulneris dolore, æquo animo cum laude moreretur. Cujus studium in legendo non erectum Themistoclis fugâ reditque retinetur? Etenim ordo ipse annalium mediocriter nos retinet, quasi enumeratione fastorum. At viri sæpe excellentis ancipites variæque casus habent admirationem, expectationem, lætitiâ, molestiam, spem, timorem. Si verò exitu notabili concluduntur, expletur animus jucundissimâ lectionis voluptate. Quò mihi acciderit optatius, si in hac sententia fueris, ut à continentibus tuis scriptis, in quibus perpetuam rerum gestarum historiam complecteris, secernas hanc quasi fabulam rerum eventorumque nostrorum. Habet enim varios actus, multasque actiones et consiliorum et temporum.

Ac ne vereor, ne assentatiunculâ quâdam aucupari tuam gratiam videar, cum hoc demonstrum, me à te potissimum ornari celebrarique velle. Neque enim tu is es, qui, quid sis, nescias; et qui non eos magis, qui te non admirentur, invidos, quàm eos qui laudent, assentatores arbitrere. Neque autem ego sum ita demens, ut me sempiternæ gloriæ per eum commendari velim, qui non ipse quoque in me commendando propriam ingenii gloriam consequatur. Neque enim Alexander ille gratiæ causâ ab Apelle potissimum pingi, et à Lyſippo fingi volebat: sed quòd illorum artem cum, ipsis tum etiam sibi gloriæ fore putabat. Atque illi artifices, corporis simulacra ignotis nota faciebant: quæ vel
fi

si nulla sint, nihilo sint tamen obscuriores clari viri. Nec minus est Spartiates Agefilaus ille perhibendus, qui neque pictam, neque fictam imaginem suam passus est esse, quam qui in eo genere laborarunt. Unus enim Xenophonis libellus in eo rege laudando facile omnes imagines omnium statuâsque superavit.

Atque hoc præstantius mihi fuerit et ad lætitiæ animi, et ad memoriæ dignitatem, si in tua scripta pervenero, quam si in cæterorum; quod non ingenium mihi solum suppeditatum fuerit tuum, (sicut Timoleonti à Timæo, aut ab Herodoto Themistocli) sed etiam auctoritas clarissimi et spectatissimi viri, et in reipublicæ maximis gravissimisque causis cogniti, atque in primis probati: ut mihi non solum præconium, quod, cum in Sigerum venisset Alexander, ab Homero Achilli tributum esse dixit; sed etiam grave testimonium impertitum clari hominis magnique videatur. Placet enim Hector ille mihi Nævianus, qui non tantum *laudari se lætatur*, sed addit etiam, *à laudato viro*.

Quod si à te non impetro, hoc est, si quæ te res impedierit, (neque enim fas esse arbitror, quidquam me rogantem abs te non impetrare) cogar fortasse facere, quod nonnulli sæpe reprehendunt: scribam ipse de me: multorum tamen exemplo et clarorum virorum. Sed, quod te non fugit, hæc sunt in hoc genere vitia. Et verecundius ipsi de sese scribant necesse est, si quid est laudandum; et prætereant, si quid reprehendendum est. Accedit etiam ut minor sit fides, minor auctoritas, multi denique reprehendant, et dicant, verecundiores esse præcones ludorum

gymnicorum, qui cùm cæteris coronas imposuerint victoribus, eorúmque nomina magnâ voce pronuntiarint; cùm ipsi ante ludorum missionem coronâ donentur, alium præconem adhibeant, ne suâ voce ipsi se victores esse prædicent. Hæc nos vitare cupimus, et si recipis causam nostram, vitabimus; idque ut facias rogamus.

Ac, ne fortè mirere, cur, cùm mihi sæpe ostenderis te accuratissimè nostrorum temporum consilia atque eventus literis mandaturum, à te id nunc tanto opere et tam multis verbis petamus: illa nos cupiditas incendit, de quâ initio scripsi, festinationis, quòd alacres animo sumus: ut et cæteri viventibus nobis ex literis tuis nos cognoscant, et nosmetipsi vivi gloriolâ nostrâ perfruamur. His de rebus quid acturus sis, si tibi non est molestum, rescribas mihi velim. Si enim suscipis causam, conficiam commentarios rerum omnium. Sin autem differs me in tempus aliud, coram tecum loquar. Tu interea non cessabis, et ea quæ habes instituta perpolies, nòsque diliges. Vale.

ARGUMENTUM EPIST. XVI. LIB. V. ad F. A. M.

Consolatur amicum, obitum liberorum immoderatus ferentem.

M. T. CICERO TITIO S. D.

ETSI unus ex omnibus minimè sum ad te consolandum accommodatus, quòd tantum ex tuis molestiis cepi doloris, ut consolatione ipse egerem: tamen cùm longius à summi luctus acerbitate meus abesset dolor quàm tuus, statui nostræ necessitudinis esse meæque in te benevolentiz, non

T t

tacere

gāteſce tanto in tuo mœrore tamdiu: ſed adhibere aliquam modicam conſolationem, quæ levare dolorem tuum poſſet, ſi minus ſanare potuiſſet.

Eſt autem conſolatio perſulgata quidẽm illa maxime, quam ſemper in ore atque in animo habere debemus. Homines nos ut eſſe meminerimus, eâ lege natos ut omnibus tẽllis fortunæ propoſita ſit vita noſtra; neque eſſe recuſandum, quo minus eâ, quâ nati ſumus, conditione vivamus: nève tam graviter eos caſus feramus, quos nullo conſilio vitare poſſimus. Eventũque aliorum memoria repetenda, nihil accidiffe nobis novi cogitemus.

Neque hæc, neque cæteræ conſolationes, quæ ſunt à ſapientiſſimis viris uſurpatæ, memoriæque literis prodita, tantum videntur proficere debere, quantum ſtatu ipſe noſtræ civitatis, et hæc peſturbatio temporũ perditorum: cùm beatiffimi ſint qui liberos non ſuſceperunt, miſus autem miſeri, qui his temporibus amiſerunt, quàm ſi eorundem bonâ aut denique aliquâ republicâ perdidiffent. Quod ſi tuum te deſiderium movet, aut ſi tuarum rerum cogitatione mœres, non facilẽ exhauriri tibi iſtum dolorem poſſe univerſum puto. Sin illa te res cruciat, quæ magis amoris eſt, ut eorum, qui occiderunt, miſerias lugeas: (ut ea non dicam, quæ ſæpiſſime et legi et audiui, nihil mali eſſe in morte, in quâ ſi reſideat ſenſus, immortalitas illa potiùs, quàm mors ducenda ſit: ſin ſit amiſſus, nulla videri miſeria debeat, quæ non ſentiat) hoc tamen non dubitans confirmare poſſum, ea miſceri, parari, impendere reipublicæ quæ qui reliquerit, nullo modo mihi quidem deceptus eſſe videatur. Quid eſt enim jam non modò pudori, probitati, virtuti,

rectis

rectis studiis, bonis artibus, sed omnino libertati ac saluti loci? non, mehercule, quemquam audiui hoc gravissimo et pestilentissimo anno adolescentulum aut puerum mortuum, qui mihi non à diis immortalibus ereptus ex his miseriis atque ex iniquissima conditione vitæ videretur. Quare, si tibi unum hoc detrahi potest, ne quid iis, quos amasti, mali putes contigisse, permultum erit ex acerore tuo diminutum. Relinquatur enim simplex illa jam cura doloris tui, quæ non cum illis communicabitur, sed ad te ipsum propriè referetur: in qua non est jam gravitatis ac sapientiæ tuæ, quam tu à puero præstitisti, ferre immoderatiùs casum incommodorum tuorum, qui sit ab eorum, quos dilexeris, miseriâ maloque sequestratus. Etenim eum semper te et privatis in rebus et publicis præstitisti, tuenda tibi ut sit gravitas, et constantiæ serviendum. Nam quod allatura est ipsa diuturnitas, quæ maximos luctus vetustate tollit, id nos præcipere consilio prudentiæque debemus. Etenim si nulla unquam fuit liberis amissis tam imbecillo mulier animo, quæ non aliquando lugendi modum fecerit; certè nos, quod est dies allatura, id consilio anteferre debemus: neque expectare temporis medicinam, quàm repræsentare ratione possimus.

His ego literis si quid profecissem, existimabam optandum quiddam me esse affecutum: sin minùs fortè valuissent, officio tamen esse functurum benevolentissimi atque amicissimi: quem me tibi et fuisse semper existimes velim, et futurum esse confidas.

ARGUMENTUM EPIST. IX. LIB. VI. ad F. A. M.

Commendat Cæcinam T. Furfani.

M. T. C. T. FURFANIO PROCOS. S. D.

CUM A. Cæcina tanta mihi familiaritas consuetudoque semper fuit, ut nulla major esse possit. Nam et pater ejus, claro homine et forti viro, plurimum utilis fuit: et hunc à puero, quod et spem magnam mihi afferebat summae probitatis summaeque eloquentiae, et vivebat mecum conjunctissime, non solum officiis amicitiae, sed etiam studiis communibus, sic semper dilexi, ut non ullo cum homine conjunctius viverem. Nihil attinet me plura scribere, quam quod mihi necesse est ejus salutem et fortunas, quibuscunque rebus possim, tueri, ut vides. Reliquum est, ut, cum cognorim pluribus rebus, quid tu et de bonorum fortuna, et de reipublicae calamitatibus sentires, nihil à te petam, nisi ut ad eam voluntatem, quam tuam sponte erga Cæcinam habiturus esses, tantus cumulus accedat commendatione mea, quanti me à te fieri intelligo. Hoc mihi gratius facere nihil potes. Vale.

ARGUMENTUM EPIST. V. LIB. VII. ad F. A. M.

Commendat studiosissime Trebatium jurisconsultum Cæsari Galliarum praefecto.

CICERO CÆSARI IMPER. S. D.

VIDE quàm mihi persuaserim, te me esse aliterum, non modò in his rebus, quæ ad me ipsum, sed etiam in iis, quæ ad meos pertinent. C. Trebatium cogitarum, quo-

quoque exirem, mecum ducere, ut eum meis omnibus studiis, beneficiis quàm ornatissimum domum reducerem. Sed posteaquàm et Pompeii commoratio diuturnior erat quàm putaram, et mea quædam tibi non ignota dubitatio, aut impedire profectioem meam videbatur, aut certè tardare, vide quid mihi sumserim. Cœpi velle ea Trebatium expectare à te, quæ sperasset à me. Neque mehercules minùs ei, prolixè de tua voluntate promisi, quàm eram solitus de mea polliceri. Casus verò mirificus quidam intervenit, quasi vel testis opinionis meæ, vel sponsor humanitatis tuæ. Nam cùm de hoc ipso Trebatio cum Balbo nostro loquerer accuratiùs domi meæ, literæ mihi dantur à te, quibus in extremis scriptum erat, *M. ORFIUM, quem mihi commendas, vel regem Galliæ faciam; vel * hunc Leptæ delego. Si vis tu, ad me alium mitte quem ornem.* Sustulimus manus et ego et Balbus: tanta fuit opportunitas; ut illud nescio quod non fortuitum, sed divinum videretur. Mitto igitur ad te Trebatium, atque ita mitto, ut initio meâ sponte, post autem invitatu tuo mittendum duxerim. Hunc mi Cæsar, sic velim omni tuâ comitate complectare, ut omnia, quæ per me possis adduci ut in meos conferre velis, in unum hunc conferas: de quo tibi homine hæc spondeo, non illo veteri verbo meo, quod, cùm ad te de Milone scripisssem, jure lusisti; sed more Romano, quo modo homines non inepti loquuntur: probiorem hominem, melio-

* *Locus hic corruptus videtur, certè obscurus, quique Criticis plurimùm negotiis fasset: neque tamen quicquam ex variis lectionibus, emendationibus aut interpretationibus petendum, quod cum vel satis corrigere, vel rectè explicare videatur.*

rem virum, prudentiorem esse neminem. Accedit etiam,
 • quod familiam ducit, in jure civili singulari memoria,
 summa scientia. Huic ego neque tribunatum, neque præ-
 secturam, neque ullius beneficii certum nomen peto: Bene-
 volentiam tuam et liberalitatem peto: neque impedio, quo-
 minus, si tibi ita placuerit, etiam hisce cum omnes gloriose
 insignibus. Totum denique hominem tibi ita trado de
 manu, ut aiant, in manum tuam istam, et victoriâ et fide
 præstantem. Simus enim putidiusculi, quàm per te vix
 liceat: verùm, ut video, licebit. Cura, ut valeas, et me,
 ut amas, ama. Vale.

ARGUMENTUM EPIST. XIV. LIB. IX. ad FAM.

*Dolabellam laudibus extollit, quia columnam in foro Cæsari,
 quasi deo, erectam evertierat.*

CICERO DOLABELLÆ

ETSI contentus eram, mi Dolabella, tuâ gloriâ, satis-
 que ex eâ magnam lætitiâ voluptatémque capiebam,
 tamen non possum non confiteri, cumulari me maximo
 gaudio, quòd vulgò hominum opinio socium me adscribat
 tuis laudibus. Neminem conveni (convenio autem quotidie
 plurimos: sunt enim permulti optimi viri, qui valetudinis
 causâ in his locis conveniunt, præterea ex municipiis fre-
 quentes necessarii mei) quin omnes, cùm te summis laudibus
 ad cælum extulerunt, mihi continuò maximas gratias agunt.
 Negant enim se dubitare, quin tu meis præceptis et con-

• i. e. quod præstantissimum est. Manut.

filiis

filii, obtemperans præstantissimum te civem et singularem consulem præbeas. Quibus ego quamquam verissimè possum respondere, te, quæ facias, tuo iudicio et tuâ sponte facere, nec cuiusquam egere consilio; tamen neque planè assentior, ne imminuam tuam laudem, si omnis à meis consiliis profecta videatur; neque valdè nego. Sum enim avidior etiam, quàm satis est, gloriæ. Et tamen non alienum dignitate tuâ, quod ipsi Agamemnoni, regum regi, fuit honestum, habere aliquem in consiliis capiendis Neflorem: mihi verò gloriosum, te juvenem consulem florere laudibus, quasi alumnum disciplinæ meæ. L. quidem Cæsar, cùm ad eum ægrotum Neapolim venissem, quamquam erat oppressus totius corporis doloribus, tamen antequam me plane salutavit, ô mi Cicero, inquit, gratulor tibi, cùm tantum vales apud Dolabellam, quantum, si ego apud * sororis filium valerem, jam salvi esse possemus. Dolabellæ verò tuo et gratulor et gratias ago: quem quidem post te consulem, solum possumus verè consulem dicere. Deinde multa de facto ac de re gesta: tum nihil magnificentius, nihil præclarius actum unquam, nihil reipublicæ salutarius. Atque hæc una vox omnium est. A te autem peto, ut me hanc quasi falsam hæreditatem alienæ gloriæ finas † cernere: meque aliquâ ex parte in societatem tuarum laudum venire partâre.

Quamquam, mi Dolabella (hæc enim jocatus sum) libentius omnes meas, si modò sunt aliquæ meæ laudes, ad te transfuderim, quàm aliquam partem exhauserim ex tuis.

* *M. Antonium, filium Julia, sororis L. Cæsaris.*

† *Usitatus loquendi modus, cernere hæreditatem, pro adire.*

Nam

Nam cum te semper tantum dilexerim, quantum tu intelligere potuisti; tum his tuis factis sic incensus sum, ut nihil unquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius. Semper amavi, ut scis, M. Brutum, propter ejus summum ingenium, suavissimos mores, singularem probitatem, atque constantiam. Tamen idibus Martiis tantum accessit ad amorem, ut mirarer locum fuisse augendi in eo, quod mihi jampridem cumulatam etiam videbatur. Quis erat qui putaret ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse. Quare quid est quod ego te hortor, ut dignitati et gloriæ servias? proponam tibi claros viros, quod facere solent qui hortantur? neminem habeo clariorem quam teipsum. Te imitere oportet: tecum ipse certes. Ne licet quidem tibi jam, tantis rebus gestis, non tui similem esse. Quod cum ita sit, hortatio non est necessaria, gratulatione magis utendum est. Contigit enim tibi, quod haud scio an nemini, ut summa severitas animadversionis non modo non invidiosa, sed etiam popularis esset, et cum bonis omnibus, tum infimo cuique gratissima. Hoc si tibi fortunâ quâdam contigisset, gratularer felicitati tuæ: sed contigit magnitudine cum animi, tum etiam ingenii atque consilii. Legi enim concionem tuam. Nihil illâ sapientius. Ita pedetentim et gradatim tum accessus à te ad causam facti, tum recessus, ut res ipsa maturitatem tibi animadvertendi omnium concessu daret. Liberaisti igitur et urbem periculo, et civitatem metu: neque solum ad tempus maximam utilitatem attulisti, sed etiam ad exemplum facti. Intelligere debes

debes in te positam esse rempublicam, tibi que non modò tuendos, sed etiam ornandos esse illos viros, à quibus initium libertatis profectum est. Sed his de rebus coràm plura propediem, ut spero. Tu quùm rempublicam nòsque conservas, fac ut diligentissimè te ipsum, mi Dolabella, custodias.

ARGUMENTUM EPIST. III. LIB. XI. ad F A M.

Expostulatio ad contumeliosas et minaces Antonii literas.

BRUTUS et CASSIUS PRÆT.

ANTONIO COS. S. D.

S. V. B. E. literas tuas legimus, simillimas edicti tui, contumeliosas, minaces, minimè dignas, quæ à te nobis mitterentur. Nos, Antoni, te nullà laceessimus injurià; nèque miraturum credidimus, si prætores et eà dignitate homines aliquid edicto postulassemus à consule. Quòd si indignaris ausos esse id facere, concede nobis ut doleamus, ne hoc quidem abs te Bruto et Cassio tribui. Nam de delectibus habitis, et pecuniis imperatis, exercitibus sollicitatis, et nuntiis trans mare missis, quòd te questum esse negas. nos quidem tibi credimus optimo animo te fecisse, sed tamen neque agnoscimus quidquam eorum, et te miramur, cùm hæc reticueris, non potuisse continere iracundiam tuam, quin nobis de morte Cæsaris objiceres. Illud verò quemadmodum ferendum sit, tute cogita, non licere prætoribus concordie ac libertatis causâ per edictum de suo jure decedere, quin consul arma minetur. Quorum fiducia

U u

nihil

nihil est quod nos terreas. Neque enim decet, aut convenit nobis, periculo ulli submittere animum nostrum. Neque est Antonio postulandum, ut iis imperet quorum operâ liber est. Nos si alia hortarentur, ut bellum civile suscitare vellemus, literæ tuæ nihil proficerent. Nulla enim minantis auctoritas apud liberos est. Sed pulchrè intelligis non posse nos quoquam impelli: et fortassis eâ re minaciter agis, ut iudicium nostrum metus videatur. Nos in hac sententiâ sumus, ut te cupiamus in liberâ republicâ magnum atque honestum esse, vocemus te ad nullas inimicitias, sed tamen pluris nostram libertatem, quàm tuam amicitiam æstيمemus. Tu etiam atque etiam vide quid suscipias, quid sustinere possis: neque quàm diù vixerit Cæsar, sed quàm non diù regnarit, fac cogites. Deos quæsumus consilia tuâ republicæ salutaria sint, ac tibi. Si minùs, ut salvâ atque honestâ republicâ tibi quàm minimùm noceant optamus. Pridie Nonas Sext.

ARGUMENTUM EPIST. XXVIII. LIB. XI. ad FAM.

Excusatio Matii et pro se ipso, et contra calumniatores.

MATIUS CICERONI S.

MAGNAM voluptatem ex tuis literis cepi, quòd, quam speraram atque optaram, habere te de me opinionem cognovi. De qua etsi non dubitabam, tamen quia maximi æstimabam, ut incorrupta maneret, laborabam. Conscius autem mihi eram nihil à me commissum esse, quod boni cujusquam offenderet animum. Eo minùs credebam,

credebam, plurimis atque optimis artibus ornato tibi temerè quidquam persuaderi potuisse, præsertim in quem mea propensa et perpetua fuisset atque esset benevolentia. Quod quùm, ut volui, scio esse, respondebo criminibus, quibus tu pro me, ut par erat, tuâ singulari bonitate et amicitia nostrâ, sæpe restitisti.

Nota enim mihi sunt, quæ in me post Cæsaris mortem contulerint. Vitio mihi dant, quòd mortem hominis necessarii graviter fero, atque eum, quem dilexi, periisse indignor. Aiunt enim, Patriæ amicitiam præponendam esse : proinde ac si jam vicerint, obitum ejus reipublicæ fuisse utilem. Sed non agam astutè. Fateor me ad istum gradum sapientiæ non pervenisse. Neque enim Cæsarem in dissensione civili sum secutus : sed Amicum, te quanquam offendebar, tamen non deserui : neque bellum unquam civile, aut etiam causam dissensionis probavi : quam etiam nascentem extinguere summè studui. Itaque in victoriâ hominis necessarii, neque honoris, neque pecuniæ dulcedine sum captus : quibus præmiis reliqui, minds apud eum quàm ego cum possent, immoderatè sunt abusi. Atque etiam res familiaris mea, lege Cæsaris diminuta est : cujus beneficio plerique, qui Cæsaris morte lætantur, remanserunt in civitate. Civibus victis ut parceretur, æquè ac pro meâ salute laboravi. Possum igitur, qui omnes voluerim incolumes, eum, à quo id impetratum est, perisse non indignari ; cum præsertim iidem homines illi et invidiæ ex exitio fuerint ? Plecteris ergo, inquiunt, quùm factum nostrum improbare audes. O superbiam inauditam ! alios in facinore gloriari, aliis ne dolore quidem impunitè licere ! At hæc etiam ser-

vis semper libera fuerunt, timerent, gauderent, dolerent, suo potius quàm alterius arbitrio: quæ nunc, ut quidem isti dicunt, libertatis auctores, metu nobis extorquere conantur. Sed nihil agunt. Nullius unquam periculi terroribus ab officio, aut ab humanitate desciscam. Nunquam enim honestam mortem fugiendam, sæpe etiam oppetendam putavi. Sed quid mihi succensent, si id opto, ut poeniteat eos sui facti? Cupio enim Cæsaris mortem omnibus esse acerbam. At debeo pro civili parte rempublicam velle salvam. Id quidem me cupere, nisi et antè acta vita, et reliqua mea spes, tacente me, probat, dicendo vincere non postulo. Quare majorem in modum te rogo, ut rem potiore oratione ducas: mihi que, si sentis expedire rectè fieri, credas nullam communionem cum improbis esse posse. An quod adolescens præstiti, cùm etiam errare cum excusatione possem, id nunc ætate præcipitatà commutem, ac me ipse retexam? Non faciam; neque quod displiceat committam, præterquam quod hominis mihi conjunctissimi ac viri amplissimi doleo gravem casum. Quòd si aliter essem animatus, nunquam quod facerem negarem: ne et in peccando improbus, et in dissimulando timidus ac vanus existimarer.

At ludos, quos Cæsaris victoriæ Cæsar adolescens fecit, curavi. At id ad privatum officium, non ad statum rei publicæ pertinet. Quod tamen munus et hominis amicissimi memoriæ, ac honoribus præstare etiam mortui debui, et optimæ spei adolescenti, ac dignissimo Cæsare, petenti negare non potui.

Veni

Veni etiam consulis Antonii domum sæpe, salutandi causâ: ad quem, qui me parùm patriæ amantem esse existimant, rogandi quidem aliquid, aut auferendi causâ, frequentius ventitare reperies. Sed quæ hæc est arrogantia, quòd Cæsar nunquam interpellavit, quin quibus vellem, atque etiam quos ipse non diligebat, tamen iis uterer; eos, qui mihi amicum eripuerunt, carpendo me efficere conari, ne quos velim diligam? sed non vereor, ne aut meæ vitæ modestia parùm valitura sit in posterum contra falsos rumores: aut ne etiam ii, qui me non amant, propter meam in Cæsarem constantiam, non malint mei, quàm sui similes amicos habere.

Mihi quidem si optata contingent, quod reliquum est vitæ, in otio Rhodi degam: si casus aliquis interpellarit, ita ero Romæ, ut rectè fieri semper cupiam. Trebatio nostro magnas ago gratias, quòd tuum erga me animum simplicem atque amicum aperuit: et quòd eum, quem semper lubenter dilexi, quo magis jus colere atque observare deberem, fecit. Bene vale, et me dilige.

ARGUMENTUM EPIST. XVI. LIB. XIII. ad F A M.

Apollonium P. Crassi libertum Cæsari bellum in Hispania contra Pompeii liberos gerenti commendat

M. T. C. C. CÆSARI IMP. S. P. D.

P Crassum ex omni nobilitate adolescentem dilexi plurimum: et, de eo cùm ab ineunte ejus ætate bene speravissem, tum per me existimare coepi ex iis judiciis, quæ

quæ de eo feceram, cognitis. Ejus libertum Apollonium jam tum equidem, cum ille viveret, et magni faciebam et probabam. Erat enim et studiosus Crassi, et ad ejus optima studia vehementer aptus. Itaque ab eo admodum diligebatur. Post mortem autem Crassi, eò mihi etiam dignior visus est, quem in fidem atque amicitiam meam reciperem, quòd eos à se observandos et colendos putabat, quos ille dilexisset, et quibus carus fuisset. Itaque et ad me in Cili-
ciam venit, multisque in rebus mihi magno usui fuit et fides ejus et prudentia : et, ut opinor, tibi in Alexandrino bello, quantum studio et fidelitate consequi potuit, non defuit. Quod cum speraret te quoque ita existimare, in Hispaniam ad te, maximè ille quidem suo consilio, sed etiam me auctore est profectus. Cui ego commendationem non sum pollicitus ; non quia eam valituram apud te arbitrarer : sed neque mihi egere commendatione videbatur, qui et in bello tecum fuisset, et propter memoriam Crassi de tuis unus esset : et si uti commendationibus vellet, etiam per alios eum videbam id consequi posse. Testimonium meum de eo judicii, quod et ipse magni æstimabat, et ego apud te valere eram expertus, ei libenter dedi. Doctum igitur hominem cognovi, et studiis optimis deditum, idque à puero. Nam domi meæ cum Diodoto Stoico, homine, meo judicio, eruditissimo, multum à puero fuit. Nunc autem incensus studio rerum tuarum, eas literis Græcis mandare cupiebat. Posse arbitror : valet ingenio, habet usum, jam pridem in eo genere studii literarumque versatur : satisfacere immortalitati laudum tuarum mirabiliter cupit. Habes opinionis meæ testimonium : sed tu hoc facilius multò, pro tua singular

gulari prudentia, iudicabis. Et tamen, quòd negaveram, commendo tibi eum. Quidquid ei commodaveris, erit id maiorem in modum gratum.

ARGUMENTUM EPIST. I. LIB. XIV. ad F A M.

Exsul deflet suam suorumque calamitatem, ejusque culpam confert in amicorum consilia: vici venditionem prorsus improbat: alia quædam scribit.

TULLIUS TERENTIÆ SUE, TULLIOLÆ SUE,
CICERONI SVO. S. D.

ET literis multorum et sermone omnium perfertur ad me, incredibilem tuam virtutem et fortitudinem esse, téque nec animi, nec corporis laboribus defatigari. Me miserum! te istâ virtute, fide, probitate, humanitate, in tantas ærumnas propter me incidisse! Tulliolâmque nostram, ex quo patre tantas voluptates capiebat, ex eo tantos percipere luctus! Nam quid ego de Cicerone dicam? qui cùm primùm sapere cœpit, acerbissimos dolores miserâsque percepit. Quæ si, ut tu scribis, fato facta putarem, ferrem paullò facilius: sed omnia sunt meâ culpâ commissa, qui ab his me amari putabam, * qui invidebant: eos non sequebar, † qui petebant. Quòd si nostris consiliis usi essemus, ne-

* *Carpit Pompeium, Hortensium, Arrium, et alios; qui auctores ei fuerunt, ut Clodia tribuno pl. cederet, ne civilis contentions causa esset. Manut.*

† *De L. Lucullo præcipuè hoc dicit, qui suavit, ut armis cum Clodio decertaret potius, quàm in exilium iret: vel de Cæsare; à quo delatam legationem accipere noluit. Idem.*

que

quo apud nos tantum valuisset sermo, aut si istorum amicorum, aut improborum, beatissimi viveremus.

Nunc, quum sperare nos amici jubent, dabo operam, ne mea valetudo tuo labori deficiat. Res quanta sit, intellige, quantoque fuerit facilius manere domi, quam ~~resistere~~. Sed tamen si omnes tribunos plebis habemus, si Lentulum tam studiosum quam videtur, si verò etiam Pompeium et Caesarem, non est desperandum. De * familia, quomodo placuisse amicis scribis, faciemus. De loco nunc quidem jam abiit pestilentia, sed quamdiu fuit, me non attigit. Plancius, homo officiosissimus, me cupit esse secum et adhuc retinet. Ego volebam loco magis deserto esse in Epiro, quò neque Hypso veniret, nec milites: sed adhuc Plancius me retinet. Sperat posse fieri ut mecum in Italiam decedat. Quem ego diem si videro, et si in vestrum complexum venero, ac si et vos et me ipsum recuperaro, satis magnum mihi fructum videbor percepisse et vestrae pietatis et meae. Pisonis humanitas, virtus, amor in omnes nos tantus est, ut nihil supra possit. Utinam ea res ei voluptati sit, gloriae quidem video fore. De Quinto fratre nihil ego te accusavi; sed vos, cum praesertim tam pauci sitis, volui esse quam conjunctissimos. Quibus me voluisti agere gratias, egi, et me à te certiore factum esse scripsi. Quod ad me, mea Terentia, scribis, te vicum venditurum: quid, obsecro te, me miserum, quid futurum est? Et, si nos premet eadem fortuna, quid puero misero fiet? Non queo reliqua scribere, tanta vis lacrymarum.

* De servis, quos postea liberavit, veritus ne cum ceteris servis publicarentur. Manut.

rum est, ne te in eundem fletum adducam. Tantum scribo, si erunt in officio amici, pecunia non deerit: si non erunt, tu efficere tuam pecuniam non poteris. Per fortunas miseras nostras, vide ne puerum perditum perdamus. Cui si aliquid erit, ne egoat, mediocri virtute opus est, et mediocri fortuna, ut cætera consequatur. Fac valeas, et ad me tabellarias mittas, ut sciam quid agatur, et vos quid agatis. Mibi omnino jam brevis expectatio est. Tulliolæ et Ciceroni salutem dic. Valete. D. a. d. vi. Kalendas Decembres, Dyrrachii. Dyrrachium veni, quod et libera civitas est, et in me officiosa, et proxima Italiæ. Sed si me offendet loci celebritas, aliò me conferam, ad te scribam.

ARGUMENTUM EPIST. III. LIB. XIV. ad FAM.

Queritur, quod sua culpa et ipse, et omnes sui maximas in miseria incidere: deinde ad varia capita respondet, sed ita dolenter, ut ideo à nonnullis jure fortasse, tanquam mollis, reprehendatur.

TULLIUS TERENT. et TULL. et CICERONI
Suis. S. D.

ACCEPI ab Aristocrito tres epistolas, quas ego lacrymis propè delevi. Conficior enim mœrore, mea Terentia: nec meæ me miseriæ magis excruciant, quam tuæ, vestraeque. Ego autem hoc miserior sum quam tu, quæ es miserrima, quod ipsa calamitas communis est utriusque nostrum, sed culpa mea propria est. Meum fuit officium, vel legatione vitare periculum, vel diligentia et copiis

X x

resistere

resistere, vel cadere fortiter. Hoc miserius, turpius, indignius nobis nihil fuit. Quare cum dolore conficiar, tum etiam pudore. Pudet enim me uxori meae optimae, suavissimae liberis virtutem et diligentiam non praestitisse. Nam mihi ante oculos dies noctesque versatur squalor vester, et moeror, et infirmitas valetudinis tuae: spes autem salutis pertenuis ostenditur. Inimici sunt multi, invidi paene omnes. Ejicere nos magnum fuit, excludere facile est. Sed tamen quamdiu vos eritis in spe, non deficiam, ne omnia mea culpa cecidisse videantur. Ut tuto sim, quod laboras, id mihi nunc facillimum est: quem etiam inimici volunt vivere in his tantis miseriis. Ego tamen faciam quae precipis. Amicis, quibus voluisti, egi gratias, et eas literas Dexippo dedi, meque de eorum officio scripsi à te certior rem esse factum. Pisonem nostrum mirifico esse studio in nos et officio, et ego perspicio, et omnes praedicant. Dii faxint, ut tali genero mihi praesenti tecum simul et cum liberis nostris frui liceat. Nunc spes reliqua est in novis tribunis plebis et in primis, quidem diebus. Nam si inveterarit, actum est. Ea re ad te statim Aristocritum misi, ut ad praesens continuo initia rerum, et rationem totius negotii posset scribere: etsi Dexippo quoque ita imperavi, statim ut recurreret: et ad fratrem misi, ut crebro tabellarios mitteret. Nam ego eo nomine sum Dyrrachii hoc tempore, ut quam celerrime, quid agatur, audiam, et sim tuto. Civitas enim haec semper à me defensa est. Cum inimici nostri venisse dicentur, tum in Epirum ibo. Quod scribis, te, si velim, ad me venturam; ego verò, cum sciam magnam partem istius oneris abs te sustineri, te istuc esse volo. In periculum quod

quod agitis, me ad vos venire oportet. Sin autem—Sed nihil opus est reliqua scribere. Ex primis, aut summam secundis literis tuis constituere poterimus, quid nobis faciendum sit. Tu modò ad me velim omnia diligentissimè perscribas: et si magis jam rem, quàm literas debeo spectare. Cura, ut valeas, et ita tibi persuadeas, mihi te carius nihil esse, neq. unquam fuisse. Vale mea Terentia, quàm ego videre videor: itaque debitor lacrymis. Vale. Pridie Kalendas Decembr.

ARGUMENTUM EPIST. V. LIB. XV. ad F A M,

Excusat se quòd Ciceroni supplicationem non decreverit: et tamen decretam gaudet: seque de illo honorificentius dicit sensisse, quàm eos, qui supplicationem decreverunt.

M. CATO M. T. C. IMP. S. P. D.

QUOD et respublica me, et nostra amicitia hortatur, libenter facio, ut tuam virtutem, innocentiam, diligentiam, cognitam in maximis rebus, domi togati, armati foris, pari industriâ administrare gaudeam. Itaque, quod pro meo iudicio facere potui, ut innocentiam consilioque tuo defensam provinciam, servatum Ariobarzanis cum ipso rege regnum, sociorum revocatam ad studium imperii nostri voluntatem, sententia meâ et decreto laudarem, feci. Supplicationem decretam, si tu, quâ in re nihil fortuitò, sed summâ tuâ ratione et continentia reipublicæ provisum est, diis immortalibus gratulari nos, quàm tibi referre acceptum

X x 2

mavis,

maioris, gaudet. Quod si triumphus, prerogativaque sua
 supplicationem, et idcirco cessat petitis, quatenus laudat
 maior: neque supplicationem sequitur semper triumphus,
 et triumphus multo clarius est, senatam iudicare, posuit
 mansuetudine et innocentia imperatoris provinciam, quam
 vi militum, aut benignitate deorum retentam, neque conser-
 vatam esse: quod ego mea sententia censebam. Atque hoc
 ego idcirco ad te contra consuetudinem meam plura scripsi
 ut, quod maxime volo, existimes me laborare, ut tibi por-
 tuadeam, me et voluisse de tua maiestate, quod amplissimum
 sim arbitratus: et quod tu maluisti, factum esse gaudere.
 Vale, et nos dilige, et instituto itinere severitatem diligen-
 tiamque fociis et reipublice presta.

ARGUMENTUM EPIST. VI. LIB. XV. ad FAM.

Exponit, eximia cum Catonis laude, quantam voluptatem cepit
 ex eius sententia, et ex gratulatione literarum: petitque ut
 sibi in adipiscendo triumpho adiutor sit, aut saltem, si adi-
 piscatur, gaudet.

M. T. C. M. CATONI. S. P. D.

LETUS sum laudari me, inquit Hector, opinor, apud
 Naviium, abs te, pater, à laudato viro. Ea est enim
 profecto jucunda laus, quæ ab iis proficiscitur, qui ipsi in

* Quæ tribus, quæque centuria suffragium prima ferebat, preroga-
 tiva dicebatur, quod prima rogaretur, ut ait Ascanius, quos vellet con-
 sules fieri. Et quoniam prerogativa tanta auctoritas erat, ut eam
 ceteræ tribus et centuriæ sequerentur; inde factum, ut prerogativa
 pro certo acciperetur signo, futuram rem prænuntiante. Manut.

laude.

laude vixerunt. Ego vero vel gratulatione litterarum tuarum, vel testimonis sententiæ dictæ, nihil est quod me non assensum putem. Idque mihi cum amplissimum, tum gratissimum est, te libenter amicitiae dedisse, quod liquido veritati daret. Et, si non modò omnes, verum etiam multi Catones essent in civitate nostrâ, in quâ unum existisse mirabile est, quam ego curram, aut quam lauream cum tuâ laudatione conferrem? Nam ad meum sensum, et ad illud sincerum ac subtile iudicium, nihil potest esse laudabilius, quàm ea tua oratio, quæ est ad me perscripta à meis, necessarii. Sed causam meæ voluntatis, non enim dicam cupiditatis, exposui tibi superioribus literis: quæ etiam si parùm iusta tibi visa est, hanc tamen habet rationem, non ut nimis concupiscendus honos, sed tamen, si deferatur à senatu, minime aspernandus esse videatur. Spero autem, illum ordinem, pro meis ob rempublicam susceptis laboribus, me non indignum honore, usitato præsertim, existimaturum. Quod si ita erit, tantum ex te peto, quod amicissimè scribis, ut, cum tuo iudicio, quod amplissimum esse arbitraris, mihi tribueris; si id, quod maluerò, accidit, gaudeas. Sic enim fecisse te, et sensisse, et scripsisse video, resque ipsa declarat, tibi illum honorem nostrum supplicationis iucundum fuisse, quòd scribendo affuisti. Hæc enim senatusconsulta non ignoro ab amicissimis ejus, cujus de honore agitur, scribi solere. Ego, ut spero, te propediem videbo, atque utinam republicâ meliore, quàm timeo.

ARGU-

ARGUMENTUM EPIST. XXI. LIB. XVI. ad F A M.

*Propensionem animi, studiūque ad virtutem significat: et de
prædio emto gratulatur.*

C. FIL TIRONI SUO DULCISS. S. P. D.

CUM vehementer tabellarios expectarem, quotidie, aliquando venerunt post diem XL et VI quam à vobis discesserant: quorum mihi fuit adventus adoptatissimus. Nam cum maximam cepissem lætitiā ex humanissimi et carissimi patris epistolā, tum verò jucundissimæ tuæ literæ cumulum mihi gaudii attulerunt. Itaque me jam non pernitebat intercapedinem scribendi fecisse; sed potius lætatur, fructum enim magnum humanitatis tuæ capiebam ex silentio mearum literarum. Vehementer igitur gaudeo, te meam sine dubitatione accepisse excusationem. Gratos tibi optatōque esse, qui de me rumores afferuntur, non dubito, mihi dulcissime Tiro: præstaboque et enitar, ut in dies magis magisque hæc nascens de me duplicetur opinio. Quare quod polliceris te buccinatorem fore existimationis meæ, firmo id constantique animo facias licet. Tantum enim mihi dolorem cruciatūque attulerunt errata ætatis meæ, ut non solum animus à factis, sed aures quoque à commemoratione abhorreant. Cujus te sollicitudinis et doloris participem fuisse, notum exploratūque est mihi; nec id mirum. Nam cum omnia meā causā velles mihi succedere, tum etiam tuā. Socium enim te meorum commodorum semper esse volui. Quod igitur tum ex me doluisti, nunc, ut duplicetur tuum ex me gaudium, præstabo. Cratippo me scito non

non ut discipulum, sed ut filium, esse conjunctissimum. Nam cum ex audio illum libenter, tum etiam propriam ejus suavitatem vehementer amplector. Sum totos dies cum eo, noctisque saepenumero partem. Exoro enim ut mecum, quàm sapissime cœnet. Hâc introductâ consuetudine, saepe inscientibus nobis et cœnantibus obrepit, sublatâque severitate philosophiæ, humanissime nobiscum jocatur. Quare da operam ut hunc talem, tam jucundum, tam excellentem virum videas quamprimum. Nam quid ego de Bruttio dicam? quem nullo tempore à me patior discedere: cujus cum frugi severaque est vita, tum etiam jucundissima convictio. Non est enim sejunctus locus a philologia, et quotidiana *ἐπιτροπὴ*. Huic ego, locum in proximo condere: et, ut possum, ex meis angustiis illius sustento tenuitatem. Præterea declamitare Græcè apud Cassium institui, Latine, autem apud Bruttium exerceri volo. Utor familiaribus, et quotidianis convictoribus, quos secum Mitylenis Cratippus adduxit, hominibus et doctis, et illi probatissimis. Multum etiam mecum est Epicrates, princeps Atheniensium, et Leonides, et horum cæteri similes. τὰ μὲν ἔν καὶ ἡμᾶς τὰδε. De Gorgia autem quod mihi scribis, erat quidem ille in quotidiana declamatione utilis: sed omnia postposui, dummodo præceptis patris parerem. Διαρρήδην enim scripserat, ut eum dimitterem statim. Tergiversari nolui, ne mea nimia *συστάσις* suspicionem ei aliquam importaret. Deinde illud etiam mihi succurrebat grave esse, me de judicio patris judicare. Tuum tamen studium et consilium gratum acceptumque est mihi.

Excus-

Excusationem angustiarum tui temporis accipio. Scio enim quàm soleas esse occupatus. Emisse te prædictam vehementer gaudeo, felicitérque tibi rem istam ~~transire~~ ^{transire} cupio. Habes deponendæ ubi sunt urbanitates. Rusticus ~~rusticus~~ factus es. Quomodo ego mihi nunc ante oculos tuum jucundissimum conspectum propono; videor enim videt ^{em} te rusticas res, cum villico loquentem, in lacinia servantem ex mensâ secundâ semina. Sed quod ad rem pertinet, me tum tibi defuisse æque ac tu doleo. Sed noli dubitare, mi Tiro, quin te sublevaturus sim, si modò fortuna me: præsertim cum sciam, communem nobis ^{est} ~~est~~ istum fundum. De mandatis quòd tibi curæ fuit, est mihi gratum. Sed peto à te, ut quàm celerrime mihi librarius mittatur, maxime quidem Græcus: multum mihi enim eripitur operæ in exscribendis hypomnematis. Tu velim in primis cures ut valeas, ut una *συμφιλολογῶν* possimus. Antherum tibi commendo. Vale.

R




EPISTOLÆ



EPISTOLÆ

EX

PLINIO.



ARGUMENTUM EPIST. VI. LIB. I. ad FAM.

Tacitum monet, ipsum exemplo suo in sylvis passa studere et venari percommode.

C. PLINIUS CORNELIO TACITO SVO S.

RIDEBIS, et licet rideas. Ego ille, quem nosti, apros tres, et quidem pulcherrimos, cepi. Ipse? inquis. Ipse: non tamen ut omnino ab inertia mea et quiete discederem; ad retia sedebam: erant in proximo, non venabulum aut lancea, sed stilus et pugillares. Meditabar aliquid enotabamque, ut si manus vacuas, plenas tamen ceras reportarem. Non est, quod contempnas hoc studendi genus. Mirum est, ut animus agitatione motuque corporis excitetur. Jam undique sylvæ et solitudo, ipsamque illud
Y y
silentium,

silentium, quod venationi datur, magna cogitationis incitamenta sunt. Proinde quum venabere, licebit, auctore me, ut panarium et lagunculam, sic etiam pugillares feras. Experieris non Dianam magis montibus, quam Minervam inerrare. Vale.

ARGUMENTUM EPIST. XVII. LIB. I. ad P. A. M.

Capitonem commendat, quod mortuo amico statuam posuerit, et clarorum hominum imagines domi habeat.

C. PLINUS CORN. TITIANO SVO S.

EST adhuc curæ hominibus fides et officium: sunt qui defunctorum quoque amicos agant. Titinius Capito ab imperatore nostro impetravit, ut sibi liceret statuam L. Syllani in foro ponere. Pulchrum et magnâ laude dignum, amicitia principis in hoc uti, quantumque gratiâ valeas, aliorum honoribus experiri. Est omnino Capitoni in usu claros viros colere. Mirum est, quâ religione, quo studio imagines Brutorum, Cassiorum, Catonum, domi, ubi potest, habeat. Idem clarissimi cujusque vitam egregiis carminibus exornat. Scias ipsum plurimis virtutibus abundare, qui alienas sic amat. Redditus est L. Syllano debitus honor; cuius immortalitati Capito prospexit pariter et suæ. Neque enim magis decorum et insigne est, statuam in foro populi Romani habere, quàm ponere. Vale.

ARGU-

ARGUMENTUM EPIST. XXIV. LIB. I. ad F A M.

Hispano Tranquillum commendat in emendo agello.

C. PLINIUS BEBIO HISPANO SVO S.

Tranquillus, contubernalis meus, vult emere agellum, quem venditare amicus tuus dicitur. Rogo cures, quanti æquum est, emat. Ita enim delectabit emisse: nam mala emtio semper ingrata est; eo maxime, quod exprobrare stultitiam domino videtur. In hoc autem agello (si modo adriserit pretium) Tranquilli mei stomachum multa sollicitant, vicinitas urbis, opportunitas viæ, mediocritas villæ, modus ruis, qui avocet magis quàm distringat. Scholasticis porro, ut hic est, sufficit abunde tantum soli, ut relevar caput, reficere oculos, reptare per limitem, unamque semitam terrere, omnesque viticulas suas. nosse et numerare arbusculas possint. Hæc tibi exposui, quo magis scires, quantum ille esset mihi, quantum ego tibi debiturus, si pædiolum istud, quod commendatur his dotibus, tam salubriter emerit, ut pœnitentiæ locum non relinquat. Vale.

ARGUMENTUM EPIST. XIII. LIB. II. ad F A M.

Prisco copiarum rectori Voconium Romanum commendat.

C. PLINUS PRISCO SVO S.

Et tu occasiones obligandi me avidissime amplecteris, et ego nemini libentius debeo. Duabus ergo de causis à te potissimum petere constitui, quod impetratum

Y y 2

maxime

maxime cupio. Regis exercitum amplissimum? Nunc tibi beneficiorum larga materia, longum præterea tempus, quo amicos tuos exornare potuisti. Convertere ad nostros, nec hos multos. Malles tu quidem multos, sed mea studiorum sufficit unus aut alter, ac potius unus. Is erit Voconius Romanus: pater ei in equestri gradu clarus, clarior vitricus. Mater è primis citerioris Hispaniæ. Hunc ego, quum simul studeremus, arcte familiariterque dilexi: ille meus in urbe, ille in secessu contubernalis: cum hoc seria, cum hoc jocos miscui. Quid enim aut illo fidelius amico, aut sodale jucundius? mira in sermone, mira etiam in ore ipso vultusque suavitas. Ad hoc ingenium excelsum, subtile, dulce, facile, eruditum in causis agendis. Epistolas quidem scribit, ut musas ipsas Latine loqui credas. Amatur à me plurimum, nec tamen vincitur. Equidem juvenis statim juveni, quantum potui per ætatem, avidissime contuli, et nuper ab optimo principe trium liberorum ei jus impetravi. Quod quanquam parce et cum delectu daret, mihi tamen, tanquam liceret, indulgit. Hæc beneficia mea tueri nullo modo melius, quam ut augeam, possum; præsertim quum ipse illam tam grate interpretetur, ut dum priora accipit, posteriora mereatur. Habes qualis, quam probatus carusque sit nobis. Quem rogo, pro ingenio, pro fortuna tua exornes. In primis ama hominem. Nam licet tribuas ei quantum amplissimum potes, nihil tamen amplius potes amicitia tua: cujus esse eum usque in intimam familiaritatem capacem, quo magis scires. breviter tibi studia, mores, omnem denique vitam ejus expressi. Extenderem preces, nisi et tu rogari diu nolle, et ego tota hæc epistola fecissem.

Rogar

Rogat enim, et quidem efficacissime, qui reddit causas rogandi. Vale.

ARGUMENTUM EPIST. XXIII. LIB. IV. ad FAM.

Laudat Pomponium, sapienter otio in senectute usum: sibi que similem aliquando quietem optat.

C. PLINIUS POMPONIO BASSO Suo S.

MAGNAM cepi voluptatem, quum ex communibus amicis cognovi, te, ut sapientiâ tuâ dignum est, disponere otium et ferre, habitare amoenissime, et nunc terrâ, nunc mari corpus agitare; multum disputare, multum audire, multum lectitare; quumque plurimum scias, quotidie tamen aliquid addiscere. Ita senescere oportet virum, qui magistratus amplissimos gesserit, exercitus rexerit, totumque se reipublicæ, quamdiu decebat, obtulerit. Nam et prima vitæ tempora et media patriæ, extrema nobis impertire debeamus, ut ipsæ leges monent, quæ majorem annis LX otio reddunt. Quando mihi licebit? quando per ætatem honestum erit imitari istud pulcherrimæ quietis exemplum? quando, secessus mei, non desidiæ nomen, sed tranquillitatis accipient? Vale.

ARGU-

ARGUMENTUM EPIST. XVI. LIB. V. ad FAM.

Mortem Fundani filiae luctu, et Marcellinum, ut patrem inlo-
letur monet.

C. PLINIUS MARCELLINO SVO S.

TRISTISSIMUS hæc tibi scribo. Fundani nostri filia minor est defuncta: quâ puellâ nihil unquam festivius, amabilius, nec modo longiore vitâ, sed prope immortalitate, dignius vidi. Nondum annos quatuordecim impleverat, et jam illi anilis prudentia, matronalis gravitas erat: et tamen suavitas puellaris cum virginali verecundiâ. Ut illa patris cervicibus inhærebat! ut nos amicos paternos et amantiter et modeste complectebatur! ut nutrices, ut pedagogos, ut præceptores, pro suo quémque officio, diligebat! quâm studiose, quâm intelligenter loquebatur! ut parce custodireque ludebat! quâ illa temperantiâ, quâ patientiâ, quâ etiam constantiâ novissimam valetudinem tulit! medicis obsequabatur, sororem, patrem adhortabatur, ipsâque deficiente corporis sui viribus, vigore animi sustinebat. Duravit hic illi usque ad extremum, nec aut spatio valetudinis, aut metu mortis infractus est; quo plures gravioresque nobis causas relinqueret et desiderii et doloris. O triste plane acerbûmque funus! O morte ipsâ mortis tempus indignius! Jam destinata erat egregio juveni, jam electus nuptiarum dies, jam nos vocati. Quod gaudium quo mœrore mutatum est? Non possum exprimere verbis, quantum animo vulnus acceperim, quum audiivi Fundanum ipsum

ipsum (ut multa luctuosa dolor invenit) præcipientem, quod in vestes, margaritas, gemmas, fuerat erogaturus, hoc in thura et unguenta et odores impenderetur: Est quidem ille eruditus et sapiens, ut qui se ab ineunte ætate altioribus studiis artibusque dediderit: sed nunc omnia, quæ audiit sæpe, quæ dixit, aspernatur; expulsisque virtutibus aliis, pietatis est totus. Et talis est pietas, cui ignoscas: laudabis etiam, si cogitaveris, quid amiserit. Amisit enim filiam, quæ non minus mores ejus, quàm os vultumque referebat, totumque patrem mirâ similitudine exerscperat. Proinde si quas ad eum de dolore tam justo literas mittes, memento adhibere solatium, non quasi castigatorium et nimis forte, sed molle et humanum. Quod ut facilius admittat, multum faciet medii temporis spatium. Ut enim crudum adhuc vulnus medentium manus reformidat, deinde patitur, atque ultro requirit; sic recens animi dolor consolationes rejicit ac refugit, mox desiderat, et clementer admotis acquiescit. Vale.

ARGUMENTUM EPIST. XVII. LIB. V. ad FAM.

*Calpurnium bene recitasse nuntiat, fratrisque pietate laudatæ,
nobiles adolescentes erudiri optat.*

C. PLINIUS SPURINNÆ SUO S.

SCIO, quantopere bonis artibus faveas, quantum gaudii capias, si nobiles juvenes dignum aliquid majoribus suis faciant: quo festinantius nuntio tibi, fuisse me hodie in auditorio Calpurnii Pisonis. Recitabat *ἑρπονταίου* i-

eru-

eruditam sane luculentamque materiam. Scripta elegis erat fluentibus, et teneris, et enodibus, sublimibus et aliis verbis, ut poposcit locus. Alte enim et varie nunc attollebatur, nunc residebat: excelsa depresso, exilia plenis seueris iacunda mutabat: omnia ingenio pari. Commendabat hæc voce suauissimâ, vocemque verecundiâ; multum sanguinis, multum sollicitudinis in ore, magna ornamenta recitantis. Etenim, nescio quo pacto, magis in studiis homines timor, quam fiducia decet. Ne plura (quamquam libet plura, quo sunt pulchriora de iuvene, rariora de nobili) recitatione finita, multum ac diu exosculatus adolescentem, qui est acerrimus stimulus monendi, laudibus incitavi, pergeret qua cœpisset, lumenque, quod sibi maiores sui prætulissent, posteris ipse præferret. Gratulatus sum optimæ matri, gratulatus et fratri, qui ex auditorio illo non minorem pietatis gloriam, quam ille alter eloquentis tulit. Tam notabiliter pro fratre recitante primum metus ejus, mox gaudium eminuit. Dii faciant, ut talia tibi sæpius nuntiem! Faveo enim sæculo, ne sit sterile et effectum: miræque cupio, ne nobiles nostri nihil in domibus suis pulchrum, nisi imagines habeant: quæ nunc mihi hos adolescentes tacite laudare, adhortari, et, quod amborum gloriæ fatis magnum est, agnoscere videntur. Vale.

ARGU-

ARGUMENTUM EPIST. VII. LIB. VI. ad FAM.

Respondet uxori, in Campaniâ commoranti, se non minori desiderio pro illa teneri, quàm illam pro se.

C. PLINIUS CALPURNIÆ SUÆ S.

SCRIBIS, te absentia meâ non mediocriter adfici, unumque habere solatium, quod pro me libellos meos teneas, sæpe etiam in vestigio meo colloces. Gratum est quod nos requiris, quod his fomentis adquiescis: invicem ego epistolas tuas lectito, atque identidem in manus quasi novas sumo; sed eo magis ad desiderium tui accendor. Nam cujus literæ tantum habent suavitatis, hujus sermonibus quantum dulcedinis inest? Tu tamen frequentissime scribe, licet hoc ita me delectet, ut torqueat. Vale.

ARGUMENTUM EPIST. XVII. LIB. VI. ad FAM.

Indignatur, quosdam, eruditos sibi visos, recitanti amico nullum signum lætitiæ dedisse.

C. PLINIUS RESTITUTO SUO S.

Indignatiunculam, quam in cujusdam amici auditorio cepi, non possum mihi temperare, quo minus apud te, quia non contigit coram, per epistolam effundam. Recitabatur liber absolutissimus: hunc duo aut tres, ut sibi et paucis videntur, disertis, furdis murisque similes audiebant. Non labra diduxerunt, non moverunt manum, non denique

Z z

adfur-

adsurrexerunt, saltem lassitudine sedendi. Quæ tanta gravitas? quæ tanta sapientia? quæ immo pigritia, arrogancia, finisteritas ac potius amentia, in hoc totum diem impendere, ut offendas, ut inimicum relinquo, ad quem tanquam amicissimus veneris? Disertior ipse es? tanto magis non videris: nam, qui invidet, minor est. Denique, five plus, five minus, five idem præstas, lauda vel inferiorem, vel superiorem, vel parem. Superiorem, quia nisi laudandus ille est, non potes ipse laudari; inferiorem aut parem, quia pertinet ad tuam gloriam quam maximum videri, quem præcedis vel exæquas. Equidem omnes, qui aliquid in studiis faciunt, venerari etiam mirarique soleo. Est enim res difficilis, ardua, fastidiosa, et quæ eos, à quibus contemnitur, dedignatur. Nisi fortè aliud judicas tu: quanquam quis uno te reverentior hujus operis, quis benignior æstimator? Quà ratione ductus, tibi potissimum indignationem meam prodidi, quem habere socium maxime poteram: Vale.

ARGUMENTUM EPIST. XXXII. LIB. VI. ad FAM.

Nubenti Quintiliani filiae dono offert L. millia nummum.

C. PLINIUS QUINTILIANO Suo S.

Quamvis et ipse sis continentissimus, et filiam tuam institueris, ut decebat filiam tuam, Tutiliam septem, quem tamen sit nuptura honestissimo viro, Nonio Celeri, cui ratio civilium officiorum necessitatem quandam nitore imponit; debet, secundum conditiones mariti, velle, comitatu

mitati (quibus non quidem augetur dignitas, ornatur tamen) instrui. Te porro animo beatissimum, modicum facultatibus scio: itaque partem oneris tui mihi vindico, et tanquam parens alter puellæ nostræ, confero quinquaginta milia nummum: plus collaturus, nisi à verecundiâ tuâ solâ modestitate munusculi impetrari posse considerem, ne recusares. Vale.

ARGUMENTUM EPIST. XXVI. LIB. VII. ad FAM.

Maximo amici admonitus, hortatur, ut tales sani perseveremus, quales nos futuros infirmi profitemur.

C. PLINIUS MAXIMO SVO S.

NUPER me cujusdam amici languor admonuit, optimos esse nos, dum infirmi sumus. Quem enim infirmum aut avaritia aut libido sollicitat? Non amoribus servit, non appetit honores, opes negligit, et quantumcunque, ut relicurus satis habet: tunc deos, tunc hominem esse se meminit: invidet nemini, neminem miratur, neminem despicit, ac ne sermonibus quidem malignis aut attendit, aut alitur: balinea imaginatur et fontes. Hæc summa curarum, summa votorum; mollémque in posterum et pinguem, si contingat evadere, hoc est, innoxiam beatamque destinat vitam. Possum ergo, quod pluribus verbis, pluribus etiam voluminibus philosophi docere conantur, ipse breviter tibi mihi que præcipere, ut tales esse sani perseveremus, quales nos futuros profitemur infirmi. Vale.

ARGUMENTUM EPIST. XXII. LIB. VIII. ad FAM.

*Exemplo nonnullius, quem retinet, illos reprehendit, qui dare
veniam, nisi sibi nesciunt.*

C. PLINIUS GEMINIO SVO S.

Nostine hos, qui omnium libidinum servi sic aeternam
vitiis irascuntur, quasi invidcant; et gravissime pu-
niant, quos maxime imitantur? quum eos etiam, qui non
indigent clementia ullius, nihil magis quam lenitas deceat.
Atqui ego optimum et emendatissimum existimo, qui ce-
teris ita ignoscit, tanquam ipse quotidie peccet; ita peccatis
abstinet, tanquam nemini ignoscat. Proinde hoc domi,
hoc foris, hoc in omni vitæ genere teneamus, ut nobis im-
placabiles simus; exorabiles istis etiam, qui dare veniam,
nisi sibi, nesciunt: mandemusque memoriae quod vir mi-
tissimus, et ob hoc quoque maximus, Thrasea, crebro
dicere solebat; *Qui vitia odit, homines odit.* Fortasse quaeris,
quo commotus hæc scribam? Quidam nuper. Sed melius
coram; quanquam ne tunc quidem. Vereor enim, ne id,
quod improbo, insectari, carpere, referre, huic, quod cum
maxime præcipimus, repugnet. Quisquis ille, qualiscunque,
fileatur; quem insignire, exempli non nihil; non insignire,
humanitatis plurimum refert. Vale.

ARGU-

ARGUMENTUM EPIST. XXIV. LIB. VIII. ad FAM.

Maximum, ad Achaïam ordinandum missum, admonet, ut antiquitatis reverentiâ humaniter civitates tractet.

C. PLINIUS MAXIMO SVO S.

AMOR in te meus cogit, non ut præcipiam (neque enim præceptore eges) admonëam tamen, ut, quæ scis, teneas et observes, aut scias melius. Cogita, te missum in provinciam Achaïam, illam veram et meram Græciam, in quâ primùm humanitas, literæ, etiam fruges, inventæ esse creduntur; missum ad ordinandum statum liberarum civitatum, id est, ad homines maxime liberos, qui jus à naturâ datum, virtute, meritis, amicitîâ, fœdere denique, et religione tenuerunt. Reverere conditores deos, numina deorum. Reverere gloriam veterem, et hanc ipsam senectutem, quæ in homine venerabilis, in urbibus sacra est. Sit apud te honor antiquitati, sit ingentibus factis, sit fabulis quoque: nihil ex cujusdam dignitate, nihil ex libertate, nihil etiam ex jactatione decerpseris. Habe ante oculos, hanc esse terram quæ nobis miserit jura, quæ leges non victa acceperit, sed petentibus dederit; Athenas esse, quas adeas: Lacedæmonem esse, quam regas: quibus reliquam umbram, et residuum libertatis nomen eripere, durum, ferum, barbarumque est. Vides à medicis, quam in adversâ valetudine nihil servi ac liberi differant, mollius tamen liberos clementiùsque tractari. Recordare, quid quæque civitas fuerit; non ut despicias quod esse defuerit. Absit superbia, asperitas; nec timueris contemptum;

An

An contemnitur, qui imperium, qui fasces habet, nisi qui humilis, et sordidus, et qui se primus ipse contemnit? Magnam suam potestas aliorum contumeliis experitur; male terrore veneratio acquiritur: longèque valentior amor ad obtinendum quod velis, quàm timor. Nam timor abit, si recedas; manet amor: ac sic, ut ille in odium, hic in reverentiam vertatur. Te verò etiam atque etiam (repetam enim) meminisse oportet officii tui titulum, ac tibi ipsi interpretari, quale quantumque sit ordinare statum liberarum civitatum. Nam quid ordinatione civilis? Quid libertate pretiosius? Porro quàm turpe, si ordinatio everfione, libertas servitute mutetur? Accedit, quod tibi certamen est tecum: onerat te quæsturæ tuæ fama, quam ex Bithyniâ optimam revexisti: onerat testimonium principis: onerat tribunatus, prætura, atque hæc ipsa legatio, quasi præmium data. Quo magis nitendum est, ne in longinquam provinciam, quàm suburbanam; ne inter servientes, quàm liberos; ne sorte, quam iudicio missus, ne rudis et incognitus, quàm exploratus probatusque humanior, melior, paritior fuisse videaris: quàm sit aloqui, ut sæpe audisti, sæpe legisti, multò deformius amittere, quàm non adsequi laudem.

Hæc velim credas (quod initio dixi) scripsisse me admonentem, non præcipientem; quanquam præcipientem quoque. Quippe non vereor, in amore ne modum excesserim. Neque enim periculum est, ne sit nimium, quod esse maximum debet. Vale.



INDEX

I N D E X

C A P I T U M.

EX CICERONE.

C ICERO de Prooemiis suis	Pag. 1
De Origine, Usu et Abusu Eloquentiæ	3
De Scriptis suis Rhetoricis	7
De Studio Eloquentiæ	10
In L. Crassi Mortem	19
In Hortensii Mortem	21
De Callidio	26
Cicero de Hortensio, ac Scipio	29
De summiæ absolutæque Perfectionis formâ et specie,	38
Varroni Philosophiam commendat Cicero	41
Laudis Luculli	44
Cur ipsa Philosophiam Latinis literis illustret	48
L. Thorius Balbus, Epicureus, cum Regulo comparatur	52
Voluptatem non habendam esse summum bonum	53
Procem. Lib. III. de Finibus	55
Movemur nescio quo pacto locis ipsis in quibus eorum, quos admi- ramur, adsunt Vestigia	57
Procem. Lib. I. Tusc. Quæst.	61
	De

<i>De Morte contemnenda</i>	65
<i>Proœm. Lib. II. Tusc. Quæst.</i>	68
<i>Proœm. Lib. III. Tusc. Quæst.</i>	70
<i>Proœm. Lib. V. Tusc. Quæst.</i>	73
<i>De Dionysio Syracusano</i>	78
<i>De Doloꝛe tolerando.</i>	82
<i>Ex Lib. V. Tusc. Disputat.</i>	84
<i>Proœm. Lib. I. de Natura Deorum</i>	85
<i>Esse præstantem aliquam, divinamque naturam, pulchritudo mundi, ordoque rerum omnium cogit confiteri</i>	91
<i>Ex Lib. II. de Natura Deorum</i>	94
<i>De Somniis</i>	98
<i>Studiorum suorum rationem exponit Cicero</i>	102
<i>Proœm. Lib. I. de Legibus. Marcus T. Cicero. Quintus, M. frater. Atticus</i>	105
<i>Proœm. Lib. II. de Legibus</i>	108
<i>Proœm. Lib. I. de Officiis</i>	111
<i>Ex Proœm. Lib. II. de Officiis</i>	113
<i>Proœm. Lib. III. de Officiis</i>	115
<i>Ex Lib. III. de Officiis</i>	118
<i>De Regulo</i>	119
<i>Ex Lib. de Senectute</i>	120
<i>Ex Lib. de Amicitia</i>	124
<i>Omnes stultos insanire. In Clodium</i>	125
<i>Omnes sapientes liberos esse, et stultos omnes, servos</i>	128
<i>Solum sapientem esse divitem. In Crassum</i>	130
<i>Ex somnio Scipionis</i>	134

Ex LIVIO.

<i>Præfatio</i>	143
<i>Horatiorum et Curiatorum Certamen</i>	145
<i>Alba Excidium</i>	149
<i>Gabii</i>	

<i>Gabii à Tarquinio fraude ac dolo capti</i>	151
<i>Lucretia per vim stuprata, unde Tarquinii Româ expulsi</i>	153
<i>Hor. Coclitis et C. Mucii Scævole Fortitudo</i>	157
<i>Mulierum legatio ad Coriolanum patriæ suæ arma inferentem</i>	162
<i>De Appio et Virginia</i>	164
<i>Cladas Caudina</i>	170
<i>Disputatio de Alexandro M. et Romanis</i>	179
<i>Annibal transit Alpes</i>	185
<i>Transitum Appenini tentat Annibal</i>	191
<i>Decii Magii, adversantis Annibali, constantia; et Perolæ audax de Poeno interficiendo consilium</i>	192
<i>Annibalis Exercitus Capuæ in hibernis corrumpitur</i>	196
<i>Marcelli, Syracusarum jam mœnia ingressi, lacrymæ. Ibidem mox pestilentia, captâque urbe, Archimedis mors</i>	197
<i>P. Cornelii Scipionis, Proconsulis in Hispaniam missi, artes apud multitudinem.</i>	199
<i>Carthagine N. captâ, Scipionis Humanitas</i>	202
<i>Post victum a Claudio Nerone Cos. Asdrubalem, gaudium Ro- manorum</i>	204
<i>De Sophonisba</i>	207
<i>Annibalis ex Italia revocati dolor</i>	213
<i>Colloquium Scipionis et Annibalis de Pace. ad Prælium deinde utrinque parata omnia</i>	215
<i>Scipio accusatus</i>	220
<i>Philopoemenis à Messeniis capti; Annibalis, et Scipionis vitæ exitus</i>	225

Ex VELL. PATERCULO.

<i>Codrus</i>	231
<i>Homerus</i>	ibid.
<i>Sardanapalus et Lycurgus</i>	232
A a a	Hesiodus

<i>Hofiodus</i>	232
<i>L. Æmilius Paullus</i>	233
<i>Q. Metellus, P. Scipio Æmilianus, et L. Mummius</i>	234
<i>De temporibus, quibus potissimum floruerunt ingenia</i>	236
<i>Primo corrumpi cœpta civitas</i>	238
<i>Tib. Gracchus</i>	ibid.
<i>Post Carthaginem, ac Numantiam excisas, P. Scipionis Æmil.</i>	
<i>mors</i>	240
<i>Caius Gracchus</i>	241
<i>Jugurtha et Marius</i>	242
<i>M. Livius Drusus</i>	ibid.
<i>L. Cornelius Sulla et C. Marius</i>	244
<i>Pontius Telesinus, dux Samnitium</i>	248
<i>Cn. Pompeius</i>	ibid.
<i>Q. Catulus</i>	249
<i>Cn. Pompeius, et L. Lucullus</i>	250
<i>Cicero, Catalina, et M. Cato</i>	251
<i>C. Cæsar</i>	252
<i>Clodius</i>	253
<i>Crassus</i>	ibid.
<i>Bellum Civile inter Pompeium et Cæsarem</i>	254
<i>Ciceronis mors</i>	258
<i>Brutus et Cassius</i>	259
<i>Sextus Pompeius, Cn. Magni Filius</i>	ibid.
<i>M. Agrippa</i>	260
<i>Lepidus</i>	ibid.
<i>Pugna Ætiaca</i>	261
<i>C. Mæcenæ</i>	262
<i>Ab Augusto bene compasita Civitas</i>	263
<i>Drusus Claudius</i>	ibid.
<i>L. Piso</i>	264
<i>Julia, Filia Augusti</i>	ibid.
<i>Sentius Saturninus</i>	ibid.
<i>Varus</i>	

<i>Forus Quinilius</i>	265
<i>Cæsaris Augusti mors</i>	ibid.
<i>Tiberii et Sejani laudes adulateriæ</i>	266

Ex C. TACITO.

<i>Seditio in Pannonia</i>	269
<i>Seditio in Gallia, cui intervenit Germanicus</i>	274
<i>Exercitus Rôm. dum à flumine Amisia classe reducitur, vi tempestatis marisque istius imperitiâ penè interit</i>	275
<i>Agrippina cum Germanici reliquiis Brundisium, inde Romam pervenit</i>	277
<i>Caractacus, Silurum Rex, Romam ad Claudium perductus</i>	280
<i>Nero, Agrippinam matrem suam, per Anicetum, interficit</i>	282
<i>Cædes Senecæ</i>	283
<i>De Galba</i>	287
<i>Ex Præfat. in Vit. Agricolæ</i>	288
<i>Ex Vitâ Jul. Agricolæ</i>	ibid.
<i>Post res egregiè in Britannia gestas, Agricolæ ad Romam reditus, ibidemque mors</i>	290

Ex C I C E R O N I S Epistolis.

<i>Commendat A. Trebonium, amicum suum, splendidum equitem Romanum</i>	297
<i>Gratulatur Curioni, quod et Romæ non sit, ubi multa contra rempublicam committuntur; et ibi sit, ubi ex recte factis magnam laudem consequatur. Postremò eum ad suscipiendam rempublicam hortatur</i>	298
<i>Commendat summo studio T. Annium Milonem ad petitionem consularis. Et, ut impetret quod vult, nihil omittit, quod in genere commendatitio requiri possit</i>	299
A a a a	Gratu-

- Gratulatur Curioni de tribunatu pl. Hortatur ad boni civis officium. De sacerdotio Curionis quiddam interserit. Postremo rogat, ne quid sibi temporis prorogari ad provinciae administrationem patiatur* 301
- Leviter Caelium objurgat, qui commentarium misisset resertum levissimis rebus. Tum hortatur ad amicitiam Pompeii, emergente jam belli civilis initio. Addit de suo in provinciam itinere. In extremo, ne sibi provinciae tempus praeogetur* 303
- Cum Caesar bellum gereret in Hispania contra Pompeii liberos, periit Tullia ex partu, Ciceronis filia, jam à Dolabellâ dimissa. Consolatur Ciceronem Serv. Sulpicius, argumentis ad tollendum dolorem undecunque collectis.*
- Ad Servii consolationem respondet, suum dolorem, letis illius literis, aliquis ex parte lenitum; sed dolendi causas apud se et plures, et graviores esse, quam apud quemvis alium in simili calamitate.* 308
- Sudaet, ut exsulanti consilium abiciat, et in patriam suam redeat: id Caesarem facile concessurum: id optare ipsius fratrem, id ipsam rempublicam: id ad rationem etiam rei familiari pertinere.* 310
- Exsulantem Nigidium spe redditus consolans, suam illi operam, suumque officium pollicetur; praeterea rem omnem familiarem. In extremo hortatur, ut bono animo, fortique sit in utramque partem,* 313
- Luceium, historiârum scriptorem, rogat, ut de rebus à se in consulatu gestis separatim volumen conficiat: quod illustrius videbatur* 316
- Consolatur amicum, obitum liberorum immoderatus ferentem* 321
- Commendat Cæcinam T. Furfanio.* 324
- Commendat studiosissime Trebatium jurisconsultum Caesari Galliarum praefecto,* ibid.
- Dolabellam laudibus extollit, quia columnam in foro Caesari, quasi deo, erectam everterat* 326
- Expos-*

- Exposulatio ad contumeliosas et minaces Antonii literas* 329
- Excusatio Matii et pro se ipso, et contra calumniatores* 330
- Apollonium P. Crassi libertum Cæsari bellum in Hispania contra Pompeii liberos gerenti commendat.* 333
- Exsul deflet suam suorumque calamitatem, ejusque culpam confert ir amicorum consilia: vici venditionem prorsus improbat: alia quædam scribit.* 335
- Queritur, quod sua culpa et ipse, et omnes sui maximas in miseria incidere: deinde ad varia capita respondet, sed ita dolenter, ut idea à nonnullis jure fortasse, tanquam mollis, reprehendatur.* 337
- Excusat se quod Ciceroni supplicationem non decreverit: et tamen decretam gaudet: seque de illo honorificentius dicit sensisse, quam eos, qui supplicationem decreverunt* 339
- Exponit, eximiâ cum Catonis laude, quantam voluptatem cepit ex ejus sententia, et ex gratulatione literarum: petitque ut sibi in adipiscendo triumpho adjutor sit, aut saltem, si adipiscatur, gaudeat* 340
- Propensionem animi; studiâque ad virtutem significat: et de prædio emto gratulatur* 342

Ex C. P L I N I O.

- Tacitum monet, ipsum exemplo suo in sylvis posse studere et venari percommode.* 345
- Capitonem commendat, quod mortuo amico statuas posuerit, et clarorum hominum imagines domi habeat* 346
- Hispano Tranquillum commendat in emendo agello* 347
- Prisco copiarum rectori Voconium Romanum commendat.* ibid.
- Laudat Pomponium, sapienter otio in senectute usum: sibi que similem aliquando quietem optat* 349
- Mortem*

- Mortem Fundani filiae lugeat, et Marcellinum, ut patrem conso-*
letur monet 350
- Calpurnium bona recitasse nuntiat, fratrisque pietate laudatâ,*
nobiles adolescentes erudiri optat. 351
- Respondet uxori, in Campaniâ commoranti, se non minori desiderio*
pro illa teneri, quam illam pro se 353
- Indignatur, quosdam, eruditos, sibi visos, recitanti amico nullum*
signum lætitiæ dedisse ibid.
- Nubenti Quintiliani filiae dæno offert L. millia nummum* 354
- Morbo amici admonitus, hortatur, ut tales sani perseveremus, quales*
nos futuros infirmi profitemur 355
- Exemplo nonnullius, quem ratioc, illos reprehendit, qui dare vo-*
ntiam, nisi sibi nesciunt 356
- Maximum, ad Achaïam ordinandam missum, admonet, ut antiqui-*
tatis reverentiâ humaniter civitates tractet 357

F I N I S.



LIBRI excusi apud J. P O T E, *Etonæ*, in usum
Scholarum, 1766.

I. G R E E K.

HOMERI Ilias & Odyssæa, Græcè et Latinè, a Sam. Clarke.
S. T, P. 4 vols. 8vo.

Sophoclis Tragicæ septem, Græcè et Latinè, a Johnson, Edit.
nova, 2 vol. 8vo.

——— Ajax et Electra, Gr. Lat. 8vo. *separatim*.

——— Oedipus Tyrannus, Philoctetes, et Oedipus Coloneus,
Gr. Lat. 8vo. *separatim*.

Euripidis Tragicæ, Gr. Lat. Edit. nova. 2 vols. 8vo.

——— Medea, Gr. Lat. cum Scholiis et Notis. 4to.

Aristophanis Comædiæ, Plutus et Nubes, Gr. Lat. 8vo.

Poetæ Græci, sive Selecta ex Homero, Hesiodo, Callimacho, Pindaro,
Bione, Moscho, Theocrito, &c. 8vo. *Eton*.

Lucian, Gr. Lat. a Kent, 8vo.

Demosthenis Orationes, Gr. Lat. a Mounteney, 8vo.

Græcæ Grammaticæ Rudimenta. Editio altera. *Eton*. 8vo.

Æsopi Fabulæ Gr. Lat. cum novis Notis, et Versione emendatâ :
Gr. Lat. *Etonæ* 12mo.

Schrevelii Lexicon Græco-Lat. 8vo.

Hederici Lexicon Græco-Lat. 4to.

Thesaurus Græcæ Poeseos, sive Lexicon Græco-Profodiacum, a
T. MORRELL, 2 vol. 4to. *Eton*. 1762.

Dawsoni Lexicon Novi Testamenti Græc. Editio nova 8vo. 1766.

Clavis Homerica, 8vo.

II. L A T I N.

The Accidence, or first Rudiments of the Latin Tongue: *Eton*. 1764.

The Latin Grammar with the Construing compleat, *Eton*. 1765.

Exempla Minora : or New English Examples to be turned into La-
tin, adapted to the Rules of the above Latin Grammar.
A new Edition revised. *Eton*. 1765.

Exempla

Exempla Moralia: or a second Book of New English Examples, to be turned into Latin Exercises, &c. *Eton*. 1765.

Exempla Historica: or Antient History to be turned into Latin: The Second Edition revised and improved. *Eton* 1765.

Further English Examples: or Cautions for youth in making Latin. *Eton*. 1762.

Nomenclatura, or Nouns and Verbs, selected for the use of the lower Forms. *Etonæ* 1763, 12mo.

Evangelia, five Excerpta ex Novo Testamento, in usum Classum inferiorum *Eton* 1764.

Phædri Fabulæ Libri v. cum notis: Huic Editioni accessere Pub. Syri Sententiæ ex Editione cl. Bentlei, 12mo. *Etonæ*. 1764.

Preces quotidianæ in usum Scholæ apud Etonam. *Etonæ*, 12mo.

Electa (nova) ex Ovidio et Tibullo, in usum Scholæ Etonensis, 2 part. *Etonæ* Editio nova recognita. 1766, 8vo.

Electa (nova) ex Ovidii Metomorphosæ's libris, cum Annotatiunculis in usum Rudiorum. *Etonæ* 1758, 8vo.

Selectæ ex Novo Testamento Historiæ, 12mo. *Eton*. 1765.

Selectæ ex Scriptoribus profanis Historiæ, 12mo. 1765.

Willymore's Peculiar Use and Signification of Latin Words, 8vo.

Scriptores Romani, five *Selecta* ex Cicerone, Livio, Tacito, V. Patriculo, Plinio. Editio altera. *Eton*. 1766.

Epigrammatum Delectus, ex Martiale, &c. in usum Scholæ Etonensis, Editio undecima, 12mo.

Ovidius, Virgilius, Horatius, Terentius, Cæsar, Tullii Orationes, Juvenal, in usum Delph.

Ainsworth's, Cole's, and Young's Latin Dictionary.

Cheaneau's French Grammar, or easy Rules for the French Tongue. The second Edition, *Eton*. 12mo. 1754.

—— Italian Grammar, or easy Rules for the Italian Tongue. *Eton*. 12mo. 1754.

Porney's French Spelling Book. *Eton*. 1765.

All School-Books in general are Printed and Sold.

50
8

